



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES



3 3433 06827197 6



ZKBC
Schenk





SCHEIDT

ZKB



P. MAURISCHENKL

BENEDICTINI PRÄFLINGENSIS

**INSTITUTIONES
JURIS ¹⁰⁹⁵⁷
ECCLESIASTICI**

**GERMANIÆ INPRIMIS, ET BAVARIÆ
ACCOMMODATÆ**




**PARS II.
JUS ECCLESIASTICUM PRIVATUM
CONTINENS.**

**COLONIÆ,
SUMPTIBUS JOANNIS GEORGI SCHMITZ
BIBLIOPOLÆ MDCCCXV.**

alt.

—1285—



NEW YORK
LESLIE
TILDEN

CONSPECTUS

JURIS ECCLESIASTICI PRIVATI.

SECTIO I.

De Personis et Beneficiis ecclesiasticis.

CAPUT I.

De Personis ecclesiasticis.

ARTICULUS I.

De requisitis, et impedimentis status, et ordinis ecclesiastici, seu clericalis.

§. 404) Ad statum ecclesiasticum 405) recte admitti nequit dotibus, et voluntate ad exequendas hujus status obligationes destitutus. 406) Ecclesiasticus autem status hujus qualitates singulares seriatimque exigit preparationem. 407) Qualitates ad statum clericalem necessarias certis regulis dudum definitis ecclesia, quare fisdem destituti, tanquam alieni a regula sive irregulares repelluntur. 408) Porro irregularitas hinc alia est ex delicto, ex defectu alia etc. 409) Irregularitas ex delicto multo olim quam hodie latius patuit, et per abusum baptismi, ordinationis, ordinis, per haeresin item et homicidium inducitur. 410) Irregularitas ex defectu provenit ex defectu animi, natalium, famae, corporis, aetatis, sacramenti, lenitatis, libertatis, tituli. 411) Irregularitas temporalis sublato defectu: perpetua vulgo per solam dispensationem tollitur.

ARTICULUS II.

De ordinatione Clericorum.

§. 412) Ad statum clericalem homines promoventur per sacram ordinationem, 413) cujus minister est Episcopus, 414) qui ratione vel originis; vel domicilii, vel beneficii, vel familiaritatis est proprius: 415) non proprius solum licite ordinat aut privilegio papali aut dimissoriis a proprio Episcopo literis instructum. 416) Examen ordinandorum vi juris canonici triplex est. 417) Circa tempus ordinationis notandum, 418) tempus, quo ordinatio peragi debet, 419) tempus, quod inter ordines intercedit, 420) tempus, quo ordo ordinem sequi debet vel præcedere, seu gradus, quo ad ordines ascenditur. 421) Locus ordinationis sit proprius, sacer; et publicus. 422) Requisita ad ordinationem alia generatim sunt, ut valide, alia ut licite fiat. 423) Ad singulos ordines item certus scientiæ gradus, ad subdiaconatum titulus mensæ, beneficii, professionis religiosæ, aut patrimonii requiritur. 424) Effectus recepti ordinis est tum jus exercendi actus ordinis illius, tum obligatio officia ei ordini adnexa præstandi. 425) Ordo quoad substantialia rite collatus nunquam, in dubio non nisi adposita conditione iterari potest: omissa accidentalia solum caute subplenda sunt.

ARTICULUS III.

De Obligationibus, Honestate, Celibatu Clericorum.

§. 426) Clericos ipsa status ratio ad præcipuam in- et exteriorem honestatem obligat; 427) interior imprimis quidem necessaria; de exteriori tamen maxime jus canonicum præcipit. Hæc autem

tem Clericos obligat præceptis, 428) ut ea quidem omnia, quæ statum suum dedecent, constanter devitent; 429) summopere autem ebrietatis vitium, avaritiæ labem, incontinentiæ vel suspicionem, ut quæ status clericalis honor et utilitas prorsus proteritur, fugiant: 430) unde clerici horum criminum illicia; 431) præsertim incontinentiæ occasiones caute declinare, 432) atque etiam vitam perpetuo cœlibem agere, juste, recteque ab ecclesia jubentur. 433) Dicta itidem honestas exigit, ut habitu, incessu, sermone, nil nisi grave, moderatum, religione plenum clerici præferant; 434) ac status officia sedulo, decenter, et curate exequantur. 435) Atque hanc clericorum honestatem ecclesia per sanctissimas leges, per adcurata examina, et scrutinia, per instituta clericorum semina, per crebras visitationes; correptiones etc. servare, restaurare, promovere nunquam non instituit.

ARTICULUS IV.

De Privilegiis Clericorum communibus.

§. 436) Universo Clericorum ordini merito tributa sunt privilegia, quæ idcirco communia cleri privilegia vocantur: 437) inter personalia autem, de quibus heic sermo, eminent 438) privilegium canonis, quo eorum personæ a quavis violentia, aut injuria tutæ præstantur: 439) privilegium servitiorum, vi cujus a servitiis eas aut dedecentibus, aut impediens eximuntur, 440) privilegium competentiae, per quod immunes sunt a debiti exactionibus, quibus ad indigentiam indecoram redigerentur; 441) privilegium fori, vi cuius in causis tum civilibus personalibus, tum cri-

minalibus pro varia locorum observantia a profana jurisdictione eximii sunt. 442) Hoc privilegium re-
 conventionem clerici coram laico in causis connexis
 impedire non videtur, etiam in Bavaria, ubi alio-
 qui tum in civilibus, tum vero 443) etiam in cri-
 minalibus eo privilegio liberaliter perfruantur clerici.
 444) Eidem privilegio jus canonicum ipsum limites
 certumque modum adposuit. 445) Realis autem im-
 munitatis privilegium quoad bona clericorum patri-
 monialia fere ubique cessavit, quoad cetera locorum
 mores sunt varii.

C A P U T II.

De Clericorum sustentatione et Beneficiis ecclesiasticis.

A R T I C U L U S I

Beneficiorum Origo, Divisio, Erectio.

Heic, §. 446) Beneficii Notio; 447) Nomen;
 448) Origo; 449) Requisita et 450) Species eorum
 exponuntur: dividuntur porro beneficia in qualifica-
 ta, simplicia, majora, minora, electiva etc., et
 quas praesertim vetus ecclesia ignoravit, 451) in
 compatible, et incompatible etc. 452) Ceterum
 jure canonico in erectione beneficiorum ecclesiae au-
 thoritas, dos congrua, eorum, quorum interest, con-
 sensus etc. requiruntur.

A R T I C U L U S II

De Provisione Beneficiorum generatim.

§. 453) Provisio beneficiorum variis actibus
 completur, quorum primus est 454) designatio per-

personæ per electionem, nominationem, presentationem ad beneficium actu vacans; nam 455) expectantiam seu concessionem, aut promissiones vacatari beneficii omnes, 456) exceptis coadjutoris ad cathedrales, vel abbatiales dignitates prorsus prohibitas sunt. 457) Unde sequentes fluunt generales regulæ: 458) beneficium nisi vacans, nedum efficaciter promitti, minus conferri potest. 459) Beneficium semper digniori, et omnibus ad illud requisitis qualitatibus ornato, 460) et canonice, id est, gratuito, libere, absolute, sine diminutione, suo tempore conferri debet.

ARTICULUS III.

De Modo perveniendi ad beneficia ecclesiastica majora per Electionem, Postulationem, Nominationem etc.

S. 461) Modus ad hierarchicos gradus perveniendi certus nec a Christo, nec ab Apostolis fuit definitus: 462) sollemnior tamen Episcopus creandi modus fuit per cleri populi que suffragia dirigentibus Episcopis provincialibus facta electio: 463) plebe deinceps graves ob causas citius in Oriente quam Occidente ab electionis negotio exclusæ, soli honoratiores de populo, præsertim Principes, ad id admissi. 464) Seculo XII. et seqq. jus eligendi Episcopos privativum moribus primo quæsitum, subinde per leges et concordata Capitulis cathedralibus, præsertim in Germania, stabilitum, hodieque firmum est, in aliis regnis nominatio regia prævaluit. Unde 465) modi ad dignitates ecclesiasticas præsertim majores perveniendi hodie sunt electio, postulatio, nominatio, translatio. 466) Circa electionem advertenda plura: scilicet 467) eligere possunt

possunt alii jure communi, alii jure speciali. Sed etiam ex illis 468) eligere prohibentur, qui vel a natura vel ex legis dispositione ad id negotium sunt inepti. 469) Eligi nequeunt dotibus ex ipsa natura dignitatis, aut per jus canonicum requisitis destituti. 470) Electionis adjuncta quod adinet, notanda 471) ejus preparatio, quæ variis actibus absolvitur: præfigitur nempe; et, quibus debet, significatur, et publicatur electionis terminus. 472) Electio ipsa legitimo tempore, loco, servatis solennitatibus 473) adhibita una ex consuetis electionis forma peragitur: nempe vel 474) per inspirationem vere, vel quasi talem, qui insolentissimus, et variis sæpe difficultatibus obnoxius eligendi modus est. Vel 475) per scrutinium; 476) ubi vota omnium capitularium absolute majora requiruntur, vel 477) per compromissum simplex, aut limitatum; 478) ubi itidem vulgo majora compromissariorum vota, quæ ab uno eorum etiam pro se ipso compleri possunt, canonicam electionem efficiunt. 479) Compromissum fere naturam mandati sequitur; eodemque atque illud, modo servari debet, et expirare solet. 480) Effectus electionis præcipui sunt, quod eligentes pœnitere nequeant, et electus jus ad rem, non tamen in re consequatur etc. 481) Confirmatio electionis ab electo intra trimestre a Superiore petenda, nisi ex causis canonicis negari nequit; concessa electo jus in re tribuit. 482) Postulatio, alter ad prælaturas ecclesiasticas pertingendi modus, est vel sollemnis, vel simplex. 483) Postulatio sollemnis ponit adesse in postulato defectum canonicum. 484) qui tamen dispensari possit, et solet; unde quidam possunt, quidam postulari nequeunt. 485) Postulatio quoad postulantes, formam, numerum votorum fere electionem imitatur, nisi cum electione concurrat: si ambæ concurrant, postulatus electo prævalet, si duas tertias totius Capituli, cedit, si electus ultra unam tertiam Capituli pro se habeat etc.

486) Postulatio dirigenda ad immediatum, vel alium, qui defectum postulati sanare dispensando possit, Superiorem, 487) a cuius arbitrio vulgo pendet postulationis admissio. Idcirco 488) effectus postulationis ab effectibus electionis multimodis discrepant 489) item postulatio etiam solennis, et simplex inter se quidem magnopere differunt: hæc vero vix ulla re ab electione distinguitur. 490) Sunt autem minus solenniter postulandi Cardinales non Episcopi, Prælati Episcopis inferiores, Clerici diocesis alienæ, Religiosi. 491) Nominatio regia tertius ad dignitates ecclesiasticas perveniendi modus, prout eligibilis, vel postulabilis nominatur, electionis, aut postulationis naturam fere quoad omnia sequitur. 492) Translatio quartus perveniendi ad ecclesias modus, veteri ecclesiæ vix non incognitus, et vulgo est prohibitus; 493) hodieque nonnisi ob causas canonicas, et per legitimi Superioris ecclesiastici auctoritatem admittitur: 494) ea rite facta vacat ecclesia antehac possessa etc. 495) Confirmationem vel admissionem electionis, nominationis, postulationis, sequitur consecratio futuri Episcopi tempore, loco, ritu per canones determinato, per legitimum consecratorem præscriptis cum ceremoniis peragenda, 496) plurimumque ferax effectuum, quos tamen benedictio Abbatibus impertiri solita, quamvis cetera ritibus ab illa parum distincta, producere non solet.

ARTICULUS IV.

De provisione beneficiorum minorum, de collatione, jure patronatus, institutione, optione, permutatione, turno etc.

§. 497.) Modus ad beneficia minora pertingendi iidem est multiplex: ex quibus primo occurrit 498) collatio vel libera, vel necessaria, hæcque institutio in specie dicitur: nam 499) institutio largio-

ri sensu accepta varias admittit significationes. 500) Jus collationis liberæ per se ad Episcopos pertinet, iidemque, postquam reservationibus modus adpositus fuerat, maximam partem restitutum est: 501) Quare hodieque Episcopi personæ ita proprium censetur, ut nec sede vacante ad Capitulum devolvatur, nec aliis nisi jure extraordinario competat. 502) Collatio necessaria seu institutio in specie adstricta est ad patroni præsentationem, quæ præcipua juris patronatus pars est. 503) Porro jus patronatus. 504) sensim ac quasi per partes in ecclesiâ exortum, hodie 505) plura tum honorifica et utilia, tum partim onerosa jura continet. 506) Jus patronatus primo quidem fundatione, exstruktionem, et dotationem ecclesiæ acquiritur: et variis modis ad alios transmittitur: quemadmodum vero 507) pro eo, ac ecclesiasticum, vel laicale, personale, vel reale, hæreditarium, vel gentilitium, regium, feudale, vel privatum est, diversæ obtinetur, ita et 508) modis variis denuo amittitur. Ceterum ejus juris capaces sunt Christiani omnes, etiam acatholici in Germania tolerati etc. 509) Jus præsentandi, præcipua juris patronatus pars, 510) plerumque designationem seu nominationem personæ conjunctam habet, et ad beneficia solum minora se exporrigit: 511) si pluribus competat per vota majora, alternatim, aut per turnum exercetur; si rei litigiosæ adhæreat, ab illius possessore exerceri potest. 512) Præsentatus sit clericus dotibus a jure tum communi, tum speciali requisitis præditus: patronus filium quidem, non item seipsum præsentare potest: gratiosam tamen sui admissionem petere cur nequeat, nil ob stare videtur. 513) Præsentatio legitimo modo et tempore, nempe a patrono laico intra quatuor, ab ecclesiastico infra sex menses fieri debet. Præsentationem, vel nominationem sequitur 514) institutio in specie: quæ ut canonice peragitur, citra instituentis, instituti, et formæ instituendi vitium fiat. Porro 515) instituere potest

et Episcopus vel ejus nomine Vicarius generalis,
 vacante Capitulum, potestate quasi episcopali
 illi, aliæ personæ ecclesiasticæ ex speciali privi-
 legio, præscriptione etc. 516) Institui debent per-
 idoneæ, rite præsentatæ: unde 517) ratio insti-
 tutionis exigit, ut non sine prævio de instituendâ qua-
 bus examine, et intra duos menses, in paro-
 chiis saltem ecclesiis fiat: legitime facta jus im-
 pedit. 518) Institutio autorisabilis nisi ab Epis-
 copo, aut potestatem quasi episcopalem habentibus
 nequit. 519) Sequitur demum institutio corpo-
 ralis installatio, cujus modus nec in quibusvis bene-
 ficiis, nec in omnibus locis idem est: et 520) in
 Germania quidem jus institutionis realis quoad spiritu-
 Episcopo, quoad temporalia Duci Bavarie com-
 munitur: modus hujus institutionis concordatis Bav. et
 Prussiae determinatur. 521) Supersunt alii ad be-
 neficia perveniendi modi: 522) permutatio, quæ non-
 adhibitis debitis solennitatibus fieri potest; 523)
 et furtum major minorve, item nominatio utri-
 usque varium modum observantia, et speciales
 leges definiunt.

ARTICULUS V.

*Provisio papali; et juribus singularibus Ponti-
 ficis vi Concordatorum in Germania.*

524) Jus provisionis ordinariæ, et dominium
 omnium in universa ecclesia beneficiorum nulla
 abili ratione Papæ asseritur: 525) recte tamen
 in quorundam in ecclesia beneficiorum collatio
 auditur. 526) Ita per Germaniæ concordata Pon-
 tifici dispositioni quædam quovis tempore, quædam
 mensibus vacantia beneficia fuere reservata:
 in quoque concordatis Pontifici 527) jus Epis-
 copo Germaniæ confirmandi: atque adeo controver-

sas electiones dijudicandi addictum: 528) item jus annatas moderatas exigendi tributum: 529) modus has solvendi itidem per concordata curate determinatus, per praxin non nihil subin fuit immutatus. 530) Firmantur autem in concordatis reservationes, quæ in jure scripto, in Extravagantibus *Execrabilis* et ad *Regimen* non nihil immutatis continentur. 531) In dubio potius verbis concordatorum, quam Bullæ confirmatoriæ inhærendum, et reservationes ceu odiosæ potius restringendæ sunt, quam extendendæ. 532) Reservantur igitur Pontifici beneficia vacantia apud sedem apostolicam: 533) vacantia per obitum Cardinalium et Officialium verosimiliter tum solum, si mors in curia contingat; vacantia per obitum ad curiam accedentium, vel ab ea recedentium, si in intra duas a curia dietas eveniat: 534) vacantia per promotionem aut provisionem in curia Romana factam: 535) vacantia per assecutionem aliorum beneficiorum incompatibilium auctoritate Pontificis collatorum: 536) vacantia in mensibus papalibus: excipe dignitates electivas, majores, beneficia permutationis causa in manus Ordinariorum resignata, beneficia patronatus laici aut mixti, dubia etc. 537) Reliquis mensibus jus ordinarii collatoris nullo obtentu turbari, impediri, aut deterius reddi potest. 538) Reservationes istæ, et præsertim alternativa mensium non ubivis æque recepta: idem jus mensium sæpe ab aliis exercetur. 539) Ceterum provisio pontifici fit de subjecto apto in forma dignum aut gratiosa; provisio hæc quoad beneficia, quæ in curia vacant, unius, quoad alia trium mensium spatio circumscribitur, ita, ut intra id tempus provisu etiam in loci beneficii apparere debeat etc.

ARTICULUS VI.

De Provisione beneficiorum per primas preces,

§. 540) Jus primarum precum, 541) de quo precipua solum commemorare indicatis plurium sententiis lubet, 542) tum quoad tempus, quo ortum est, 543) tum quoad titulum quoque seu fundamentum, ex quo deduci debeat, in ambiguo est positum. Vero priorior tamen eorum videtur opinio, qui partim ex consuetudine, partim saltem quod modum ejus efficaciam adinet, ex indulto Pontificis id dimanare credunt. 544) Hoc porro indultum nec petatum semper, nec in formulis precum adductum. 545) Jus primarum precum Imperatori competere, omnes consentiunt; Imperatrici ex aliorum sententia jure proprio in ecclesiis seminarum, ex aliorum, solum jure cesso competit. Regi Romanorum plures id ex cessione solum Cæsaris concedunt: S. R. I. Vicariis alii jus idem denegant, vindicant alii: dominis territorialibus alicubi specialis observantia id juris addicit. 546) Jus primarum precum cæsareum ad plerasque ecclesias catholicas; ad protestanticas solum secundum normam P. W. extenditur. 547) Ab eodem tamen non modo dignitates electivæ, majores, sed et beneficia alia plura favente etiam observantia eximuntur. 548) Precistæ dotes jure communi et speciali requisitas habeat, necesse est. Preces autem rite exhibitæ, seu insinuatæ id operantur, 549) ut beneficium vacans precistæ, intra mensis spatium id petenti, conferri debeat. 550) Jus per preces quæsitum non quidem morte concedentis, sed aliis variis modis expirat. Ab his precibus diplomata victualia prorsus sunt diversa.

ARTICULUS VII.

De Provisione beneficiorum ex jure devolutionis.

§. 551) Jus devolutionis 552) rationem sufficientem in ecclesie salute, et tum ob neglectam, tum ob vitiose factam provisionem locum habet; 553) nisi justa excusatio vitium purgaverit. 554) Devolutionis autem jus ex præscripto canonum per gradus, nequaquam neglectis intermediis gradibus, et quasi per saltum, exerceatur; 555) et provisionis ordinariæ, in cujus locum succedit, leges sequatur: si effectum non sortiatur, ordinariæ provisioni erit locus. 556) Jus devolutionis intuitu Protestantium Principi, aut Imperatori pro diversa ecclesie ratione competere ex Protestantium principiis consequitur.

ARTICULUS VIII.

De Juribus, et Obligationibus ex beneficio obtento ortis, de residentia, de dominio, usuque fructuum beneficii etc.

§. 557) In beneficio rite institutus jus perfectum tam ratione spiritualium, quam temporalium consequitur perpetuum. 558) Huic tamen juri respondet peragendi officii, atque adeo in loco beneficii constanter residendi obligatio. 559) Unde de duplici hac obligatione, et fructibus hoc titulo percipiendis dicendum. 560) Officium a beneficiato peragendum, quod intuitu omnium non est unius modi, 561) jure naturæ quivis peragere per semetipsum tenetur, nisi justissima causa excuset: 562) hinc eodem jure urget etiam residendi necessitas. 563) Absentia a beneficio sæpe justis titulis, aliquando et vanis obtentibus

us excusabatur: 564) huic tamen quorundam libertatis Concilia plura se obposuere: 565) ex quibus et quasdam de residendi obligatione subnectere rebus libet: 566) Residentia officii personaliter exendi causa, et ideo per se perpetua, et laboris agitur, nec mere localis, aut otiosa sufficit. 567) Residentia verius omnibus beneficiatis in regula ex naturali præcepta est: 568) attamen indoli beneficii sit adcommodata, hinc strictius in uno, quam altero obligat. 569) Generatim toties, et tamdiu is a residentia personali, et laboriosa excusari potest, quoties et quamdiu ea residentia nonnisi cum missione strictioris officii, ac neglectu majoris boni esset servari. 570) A Tridentino et residendi mores, et 571) non residentium poenæ fuerunt curate terminatæ: unde residentia alia dicitur Tridentina, a statutaria, vera, ficta, præcisa, causativa etc. 2) Residentiæ laboriosæ vulgo responderit varii actus, seu bona, quæ varie dividunt: 573) fructus in sunt grossi, alii minores, distributiones quotidianæ etc. 574) Anno deservito utrique, anno gratissimum solum in regula debentur. 575) Qualecunque munus beneficiatis ceterisque clericis dominium in re intuitu ecclesiæ, et ex officii clericali acquisita habetur; id tamen cum onere ea, quæ ad consummationem sustentationem non impenduntur, ad causas res ex justitia applicandi esse conjunctum persuadet 576) natura; et indoles officii clericalis, 577) functorum, et donatorum intentio 578) ecclesiæ contra sententia. Unde consequitur 579) de his bonis tum inter vivos, tum mortis causa ad causas esse profanas juste disponere clericum haud posse: et in foro externo testamenta isthæc ex gravibus causis tolerentur etiam in Bavaria, cujus hac in re axis explicatur.

ARTICULUS IX.

De Renuntiatione, et Resignatione beneficiorum.

§. 580) Tum abdicatio, tum resignatio beneficiorum nisi ex justis causis, et per auctoritatem ecclesiasticam fieri nequit: 581) ut fiat canonice et secundum leges ecclesiae, 582) fiat libere, 583) justis ex causis, salvo jure tertii, servatis solemnitatibus, 584) interveniente auctoritate legitimi Superioris; et Pontificis quidem quoad resignationes ecclesiarum cathedralium, et Prælaturarum immediatarum, et quorumcunque beneficiorum, si hæc in favorem tertii resignantur. 585) Hoc modo facta resignatio, si intra tres, et quoddam beneficium ultra montes, intra novem menses publicetur, et modo resignans viginti dies sit superstes, varios producit effectus.

ARTICULUS X.

De Innovatione beneficiorum.

§. 586) Innovatio beneficiorum in regula prohibetur, nec nisi ex justa causa, per legitimam auctoritatem, salvoque jure tertii, ac proinde cum consensu eorum, quorum interest, fieri potest. 587) Innovatio autem contingit variis modis: nempe 588) Per diminutionem impositis novis oneribus personalibus aut realibus (censibus, pensionibus) iisque temporalibus, vel perpetuis. 589) Onera autem personalia Episcopus, realia nova simul et perpetua solus Pontifex imponere potest. 590) Dismembratio cetera species innovationis; 591) item unio abs dictis solemnitatibus fieri nequit. Unionis plures sunt species. 592) Circa eam plura notanda: 593) unio vulgo prohibetur; 594) unio Episcopatum fieri recte nequit.

nit citra consensum Pontificis; ceteras ecclesias non
 xentas unire potest Episcopus; non ad suam men-
 am; 595) ceterum ea unio nisi omnibus rite servatis
 plenitatibus, et 596) adtenta beneficiorum indole
 eri nequit 597) Sunt autem effectus alii unionis per
 onfusionem, alii unionis per exequationem, alii unio-
 is per accessionem factæ, alii unionis minus plenæ,
 ut plenissimæ. 598) Huc referenda divisio, subpres-
 io, demumque extinctio beneficii, 599) quæ fere eas-
 tem atque ceteræ mutationis requirunt solennitates,
 aussasque plerumque gravioras. Divisio parochiarum
 mpliciorum videtur in primis exoptanda.

JURIS ECCLESIASTICI PRIVATI.

SECTIO II.

De Jure Rerum Ecclesiasticarum.

CAPUT I.

De Rebus Sacris.

ARTICULUS I.

De Rebus Sacris Generatim.

600) **R**es ecclesiasticæ heic sensu perquam lato
 intelliguntur: unde 601) varias admittunt divisiones,
 t 602) rerum sacrarum nomine etiam sacramenta,
 itus sacri, aliaque ad cultum externum proxime vel
 emote etiam pertinentia veniunt. In cultu externo
 603) ecclesia pro data sibi divinitus facultate varia
 ut primo determinavit, aut post hæc immutavit:
 604) festos item et jejunii dies decrevit, et ad calen-
 larii ecclesiastici normam servari jussit etc. 605) Nos
 eteris ad suum forum remissis, heic quæ nostri in-
 tituti videntur, paucis prosequamur, et primo quæ
 lem de matrimonio generatim.

**

AR-

ARTICULUS II.

Notio, Divisio, Essentia Matrimonii.

§. 606) Matrimonium (607) triplici modo spectari potest, ut in bonum naturæ, civitatis, et ecclesiæ ordinatur: unde sub diversa Ratione diversis dirigitur legibus, 608) varieque dividitur in illegitimum, scitu, consummatum, civile, canonicum etc. Quoniam matrimonium in fieri, ut ajunt, rationem contractus habet, 609) requisita contractus et hic adsint necesse est, 610) maxime personæ ad actus generationi servientes aptæ, 611) contrahentium consensus, forma substantialis: 612) His generatim notatis jam cetera de matrimonio scitu imprimis necessaria attinguntur.

ARTICULUS III.

De Impedimentis Matrimonii generatim.

§. 613) Impedimenta matrimonii, ut varii sunt generis, 614) ita variis regulis diriguntur: 615) atque ut matrimonium potestati legislatrici tum ecclesiasticæ tum politicæ diversa sub ratione subijcitur, ita impedimenta quoque matrimonii non impedientia modo, sed et dirimentia jure sibi proprio statuit 616) ecclesia ex rationibus ad salutem ecclesiæ pertinentibus, 617) id quod naturæ Imperii ecclesiastici 618), et ipsa contractus matrimonialis indoles, 619) atque praxis etiam et sententia ecclesiæ demonstrat. 620) Impedimenta dirimentia verosimilius etiam Princeps politicus propter salutem publicam civitatis statuere potest: 621) attamen jam dudum Rectores reipublicæ potestatem statuendi impedimenta dirimentia ecclesiæ soli reliquerunt. 622) Porro impedimenta juris, a quo proficiscuntur, divini humanive naturam sequuntur unde impedimentis juris divini omnes homines; Acat hōlici etiam impedimentis ecclesiasticis ligantur, nisi per accidens, uti id verosimilius contingit quoad Protestantos Germaniæ, ab his sint soluti, 623) Jus im-

pedimenta dirimentia statuendi, 624) item et in iis dispensandi hodie soli Pontifici aut Consiliis generalibus reservatur: verum in iis, ubi necessitas, aut certa utilitas id exigit, item v! privilegii pontificii dispensant pluribus in casibus Episcopi, 625) Dispensatio autem Romæ vel in Pœnitentiaria, vel in Dataria conformiter praxi et stilo curiæ petenda.

ARTICULUS IV.

De Impedimentis Matrimonii speciatim.

§. 626) Impedimenta matrimonium impediētia sunt ecclesiæ vetitum, feriæ, sponsalia, votum simplex castitatis. 627) Dirimentia commode ad quatuor classes referuntur, 628) scilicet ex defectu consensus dirimit error circa personam, aut circa qualitates, quæ errorem circa personam involvunt, aut queis consensus expresse est alligatus; 629) conditio nempe status servilis ignoratus ab altera parte libera; et adposita conditio finis, et substantiæ matrimonii repugnans: 630) vis, seu metus gravis a causa libera ad extorquendum in nuptias consensum injuste incussus: 631) raptus, quamdiu rapta est in potestate raptoris. 632) Ob defectum libertatis matrimonium dirimunt votum solenne castitatis, ordo sacer, ligamen prioris matrimonii. 633) Ob defectum habilitatis dirimit impotentia antecedens, perpetua; non item sterilitas, 634) ætas immatura, et cultus disparitas: dein 635) crimen vel solius adulterii, vel solius conjugicidii, vel utriusque simul; 636) cognatio naturalis, legalis, spiritualis; 637) affinitas et publica honestas. Demum 638) ex defectu solennitatis matrimonium dirimit clandestinitas,

ARTICULUS V.

De Sponsalibus, aliisque matrimonio præviis.

§. 639) Sponsalia apud gentes moratæ matrimonio præmitti solita: 640) de iis-varia notanda; scilicet 641) sponsalia contrahi possunt ab omnibus, qui natura, vel lege non prohibentur, modo septennio sint majores. Sponsalia, ad quæ consensus certus, deliberatus, verus, rite manifestatus, liber, reciprocus requiritur, 643) vel a sponsis ipsis, vel per procuratores absolute, vel conditionibus variis apposis contrahi possunt, 644) Effectus sponsalium est gravis obligatio ea adimplendi, impedimentum honestatis publicæ etc. 645) Dissolvuntur tamen mutuo consensu, emergente impedimento, quo stante licite aut validi iniri matrimonium nequit. 646) Resiliendi ab iis justam causam præbet quævis mutatio notabilis, et gravis altera in parte deinceps eveniens, aut subin primum cognita, etiam fornicatio solius sponsi. 647) Matrimonium præcedere debent denuntiationes ex præscripto Concilii Trid. faciendæ; item 648) consensus parentum, tutorum etc. aliorumque, quem leges locorum requiri jubent.

ARTICULUS VI.

De Contractu matrimoniali, ejus adjunctis, et effectibus.

§. 649) Plura ex dictis ad valide, 650) alia insuper ad licite contrahendum matrimonium sunt necessaria, ut benedictio Parochi, alique præscripti ritus, consensus aliorum lege præscriptus etc. 651) Potest matrimonium etiam per procuratores contrahi. 652) Conditiones turpes aut impossibiles appositæ pro non adjectis habentur. 653) Matrimonii contracti, quod a Parocho curate in libro singulari describendum, 654) varii sunt effectus ratione tum conjugum, tum liberorum.

ARTICULUS VII.

De Judice caussarum matrimonialium, de Accusatione Matrimonii, Divortio et secundis Nuptiis.

§. 655) Circa matrimonium aut contrahendum aut contractum multæ oriiri solent lites et caussæ; quæ 656) causæ matrimoniales quoad effectus spirituales, et valorem, ecclesiastico, quoad effectus civiles, et nudi facti quæstiones, politico subjiçuntur imperio. Consentiunt Bavarix lex, consuetudo, et concordata: cetera locorum consplenda consuetudo. 657) In causis matrimonialibus solus Episcopus est iudex. 658) Ad matrimonium impugnandum accusatio tendit, aut denuntiatio, ad quas non passim omnes admittuntur. Accusari autem solet matrimonium maxime 659) ob divortium, 660) de quo notanda quædam: 661) Matrimonium consummatum vulgo divortium quoad vinculum respuit, et in dubio semper pro validitate standum etc. 662) Singulari tamen privilegio matrimonium infidelium consummatum per conversi infidelis novas nuptias, parte altera infideli cohabitare recusante, solvi verosimilimum est; matrimonii vero rati vinculum per religiosam professionem tolli, Catholicis certum est: idem etiam per Pontificis dispensationem posse solvi, multi putant. 663) Divortium quoad thorum perpetuo maxime ob adulterium, ad tempus ob alias graves caussas; 664) sed vulgo solum per sententiam Episcopi fieri potest, nisi periculum in mora subsit. 665) Divortium quoad vinculum, et quoad thorum diversos habere effectus, consideranti patet: 666) cessabunt tamen effectus matrimonio restaurato, quæ matrimonii restauratio ut fiat, sæpe iustitia jubet aut charitas. 667) Soluta quoad vinculum priori matrimonio ad secundas nuptias transire per ius canonicum impune licet; attamen alicubi uti in Bavaria, quædam poena secundo nubentibus dictantur, aut negantur privilegia.

CAPUT II.

De locis sacris, et religiosis.

ARTICULUS I.

De Ecclesiarum. Exstructione, Reparatione, Consecratione etc. etc.

§. 668) Loca ecclesiastica alia sacra, alia religiosa, alia pia vocant: inter sacra inprimis censentur 669) ecclesiæ 670) Religioni christianæ quoad rem ipsam jam coævæ. Hodie 671) earum exstructio nonnisi 672) ex justa causa, et ad modum jure canonico determinatum, 673) cum auctoritate Superioris ecclesiastici et aliorum, quorum interest, consensu; 674) adsignata dote congrua fieri debet. 675) Ecclesiæ exstructæ deinceps sartæ servandæ, reparandæque tum ex bonis fabricæ, ut vocant, tum sumtibus eorum, qui inde fructus, et commodum percipiunt. 676) Ecclesiæ recens aut majori ex parte de novo exstructæ, consecrandæ sunt, aut benedicendæ: 677) consecratio ab Episcopo, benedictio a Presbytero potestate delegata perfici potest: 678) modus earum et adjuncta in Rituali Rom. describuntur. 679) Per consecrationem ecclesia sacra, et ad actus sacros apta efficitur manetque, quousque execratione aut pollutione, quæ variis modis contingit, inepta reddatur.

ARTICULUS II.

De Cæmeteriis, et Sepultura ecclesiastica.

§. 680) De Cæmeteriis et sepultura 681) plura advertenda: 682) Sepultura ecclesiastica fit in loco sacro sacrisque cum ritibus; unde 683) plures, qui a sacris, itidem a sepultura ecclesiastica excluduntur. In dubio Episcopus dicit sententiam. 684) Jus sepulture in regula ad parochias restringitur; quare in
 par

parochia est sepelendus, qui alibi sepulturam specialem non habet, sut non elegerit, quod etiam filio-familias puberi integrum est; modo Parcho quarta funeralis, aut id, quod consuetudo habet, solvatur. 685) Vi privilegii Regularibus pluribus jus sepulturæ competit.

ARTICULUS III.

De sacrorum, ac religiosorum Locorum Immunitate, speciatim de jure Asyli.

§ 686) S. locorum immunitas singulari inviolabilitate, reverentiaque, et jure asyli potissimum continetur. 687) Asylum ecclesiasticum jam antiquissimum variis deinceps modis tum a sacra, tum a profana potestate est determinatum; 688) inde plura colligimus: 689) Jus asyli observantiæ et Principum pietati maxime debetur; 690) eo jure gaudent ecclesiæ, loca religiosa, cœmeteria; 691) non tamen omnes illuc confugientes privilegio asyli perfruuntur. 692) Juris asyli moderatus usus non videtur rejiciendus. 693) Causæ de jure asyli sub diversa ratione ad ecclesiasticum, et civile forum pertinent.

CAPUT III.

De Rebus ecclesiæ temporalibus, et bonis ecclesiasticis.

ARTICULUS I.

De Bonis ecclesiasticis, speciatim de Oblationibus, Primitiis, Decimis.

§. 694) Bonorum ecclesiasticorum præcipui seu fontes seu partes sunt oblationes, et decimæ. 695) Oblationum olim fuit, 696) hodieque est varium genus; 697) quæcunque eæ sint, secundum donantis
 ** 4 mentem

mentem, aut ecclesiæ leges sunt applicandæ. 698) Primitiarum olim receptus usus hodie fere exolevit. Dantur autem hodieque 699) decimæ. 700) Quarum multiplex est species. 701) Amplissimam de his materiem paucis punctis concludimus: 702) Decimæ formaliter sumtæ sunt juris mere humani; 703) onus earum non tam fundo, quam fructibus adhæret: unde toties solvuntur, quoties colliguntur fructus etc. 704) Jus decimandi ecclesiasticum, quod ministris ecclesiæ, præcipue Parochis, competit, a laicis præscriptione etiam longissima obtineri nequit: 705) immunitas vero a solvendis decimis privilegio, consuetudine, et præscriptione etc. a laicis potest acquiri. 706) Modus solvendi decimas maxime per consuetudinem. in Bavaria per expressas etiam leges determinatur. 707) Causæ de decimis ecclesiasticis quoad petitorium ad ecclesiasticum, quoad possesserium nudum ad civile etiam forum pertinent etc.

ARTICULUS II.

De Bonorum ecclesiasticorum Acquisitione.

§. 708) Circa bonorum ecclesiasticorum acquisitionem hæc notanda: 709) Personæ et communitates ecclesiasticæ per se, nisi specialis lex obstet, cujusvis generis bona per actum sive inter vivos, sive mortis causâ acquirere possunt: 710) in acquirendis autem bonis omnes legibus communibus et patriis subjiciuntur: 711) vi privilegii tamen 712) donationes piæ etiam absque expressa acceptatione jam validæ sunt; et 713) testamenta ad piâs causas etiam absque solennitatibus; item legata pia, in testamento ob deficientes solennitates infirmo contenta, valent; et a falsicia vulgo eximia sunt. 714) Denique jure communis clerico intestato in bonis ecclesiasticis ecclesia, monasterium in omnem professi hæreditatem succedit,

ARTICULUS III.

*De Bonorum ecclesiasticorum Administratione,
Alienatione.*

§. 715) Bonorum ecclesiasticorum administratio non semper fuit uniusmodi; et hodieque diversi dantur Administratores, superiores, subordinati etc. 716) Aliud autem generatim omnium, præsertim superiorum, 717) aliud est speciatim subordinatorum administratorum officium. 718) Regulariter administratoribus alienatio bonorum ecclesiasticorum tum per canones tum per leges prohibita est: 719) atque ex canonum præscripto 720) res quidem mobiles non pretiosæ, aut aliæ exigui prætii, in bonum ecclesiæ alienari queunt; 721) ad res autem sacras, pretiosas, aut immobiles alienandas iusta gravisque causa, 722) debita solennitates, consensus Capituli vel Superioris ecclesiastici. et ubi consuetudo habet, etiam Superioris politici etc. requiruntur. 723) Alienatio heic sensu largiori accipitur, eoque nomine omnis contractus, quo ecclesiæ deteriore in statu detruduntur, venit: hinc ei accensentur 724) non modo contractus gratuiti: donatio, mutuum, commodatum ad tempus longius, fideijussio etc., sed etiam 725) contractus onerosi, permutatio, venditio, diuturna locatio, concessio novi feudi, novæ emphyteuseos, impositio servitutis, concessio ususfructus, constitutio pignoris, aut hypothecæ specialis, transactio etc., demum 726) verosimilius repudiatio hæreditatis, legati, donationis, et cessio actionis. 727) Alienatio illegitime facta ecclesiam non obligat, sed pro foro utroque nulla, 728) variisque poenis est obnoxia: 729) unde sic alienata a Prælato, Capitulo, immo quavis persona ecclesiastica revocari possunt.

JURIS ECCLESIASTICI PRIVAT

S E C T I O I I I .

De Judiciis, Delictis, Pœnis ecclesiast

C A P U T I .

De Judiciis ecclesiasticis.

A R T I C U L U S I .

De Judicio ecclesiastico generatim.

§. 730) Præmissa judicis, judicii, processus, notione, 731) judicii variæ species, 732) parte gradus, seu instantiæ, 733) tribunalia item ecclesiæ præcipua recensentur.

A R T I C U L U S I I .

De Personis in Judicio occurrentibus.

§. 734) Personæ in judicio aliæ necessario et per, uti judex, actor, reus; aliæ sæpe occurrunt adsores, notarii, advocati, procuratores etc. de primum. 735) Judex ecclesiasticus vel ordinarius delegatus 736) dotibus tam ex parte intellectus, q voluntatis ad officium judicis rite explendum necessariis sit instructus, et 737) competens vel jure canonico, nempe ratione domicilii, quasi domicilii, tractus, delicti, vel rei sitæ; 738) vel ex titulo spe ex privilegio, prorogatione, continentia causæ 739) Officium judicis aliud est generale, aliud speciale, hocque vel nobile, vel mercenarium etc. I gatus ad normam delegationis, aut, si specialis præscribatur, ad normam juris communis proceden

ur. 740) *Judex ordinarius in omnibus territorii
ocis per se vel delegatum jus in prima instantia
e potest.* 741) *Delegatus ad universitatem causa-
quasdam ex his potest, delegatus ad certam
am hanc nequit subdelegare etc.* 742) *Potestas
is delegati, quæ re adhuc integra nondum cen-
efficax, variis modis expirat.* 743) *Agere et
eniri in judicio ecclesiastico possunt omnes, e. g.
ati, si jure, vel natura non prohibentur.* 744) *A
ere advocati, qui sint viri juris periti, probique
ligentes, plures jure canonico excluduntur, uti
tici, infames, ad hoc munus inepti etc.* 745) *uratoris, pro eo, ac est generalis aut specialis,
mandato munitus cum clausula: cum libera, va-
st potestas; quæ item variis expirat modis.* 746) *icus universalis majoris momenti nihil absque
ali mandato universitatis agere potest etc.*

ARTICULUS III.

*is, quæ fiunt ante Contestationem litis, de Li-
bello, Citatione, Contumacia, Exceptionibus, et
ipsa litis Contestatione,*

. 747) *Libellus, cujus diversæ sunt species, no-
judicis, actoris, rei, causam petendi in actione
proximam, in personali saltem remotionem conti-
; nec post litem contestatam vulgo mutari potest.
itur* 748) *citatio rei, per quam rite conceptam,
sinuatam lis pendere incipit, judicis delegati ju-
ctio redditur efficax, et præscriptio interruptitur.*

*Contumacia tum actoris tum rei varios producit
us.* 750) *Exceptiones etiam reus suas probare
ur etc.* 751) *Inter eas eminet præscriptio,* 752) *rite inchoata, continuata et completa* 753) *do-
um etiam pro foro interno transfert, et præscri-
em perpetuo tutum reddit: 754) præscriptionem
n quædam impediunt, quædam suspendunt, quæ
interrumpunt, quædam rescindunt.* 755) *Ubi*

desunt

desunt exceptiones litis ingressum impediētes, fieri debet litis contestatio: unde 756) animus litigandi coram iudice non ambigue debet significari; quo facta actio fit perpetua, et ad hæredes transit, nec recusatio iudicis vulgo locum habet.

ARTICULUS IV.

De his, quæ post litis contestationem fiunt, de Probationibus per Confessionem, Instrumenta, Testes, Juramenta, de Dilationibus.

§. 757) Lite contestata descenditur ad probationem, 758) quæ regulariter actori, aut affirmanti etiam reo incumbit. Probationum variæ sunt species: 759) evidentia aut notorium, fama, inspectio ocularis, 760) præsumptio, 761) confessio, 762) attestatio seu depositio tæstium (horum tamen quidam inhabiles sunt absolute, alii intuitu certarum personarum, aut causarum;) 763) instrumenta, 764) iurjurandum, 765) quod si fit contra bonos mores, invalidum est, aut si vi injusta extortum, non obligat ad præstandum promissum. Notandum 766) iuramentum litis decisorium, necessarium, aut voluntarium, quod rite delatum aut præstari, aut referri debet, et præstitum vel recusatum varios parit effectus: 767) Iuramentum calumniæ generale et speciale, seu malitiæ, si exigatur, necessario præstandum est; potest tamen tacite, non item expresse remitti etc.

ARTICULUS V.

De Sententia et Remediis contra eam.

§. 768) Probationes conclusio in causa, et hæc sequitur 769) sententia iudicis, quæ non impugnatur in rem iudicatam abit. 770) Rei iudicatæ vis in foro externo mira est; non tamen victorem, qui ante præscriptionem in rei alienæ notitiam venit, a restitutione

tionem rei sibi adjudicatæ in foro interno excusat. 771) Sententiam non impugnata sequitur executio, quæ a causa reali statim, in personali intra quadrimestre, vel ad judicis arbitrium fit: 772) ea tamen sæpe vel ex parte e. g. privilegio competentiae, vel ex toto impeditur e. g. restitutione in integrum, appellacione. 773) Adpellatio 774) in regula a quovis gravato, in causis vulgo omnibus, et a judicibus inferioribus omnibus fieri potest. 775) Est autem rite interponenda, et petitio apostolis recte introducenda apud iudicis inferioris in hac causa Superiorem. 776) Adpellatio effectum habet jam suspensivum, jam devotivum, jam utrumque, et causam ad eam, qui ante litis contestationem fuit, statum reducit etc. 777) Remedium extraordinarium contra sententiam est restitutio in integrum, quæ minoribus, et, quæ horum iuribus utuntur, ecclesiis etiam contra alias ecclesias conceditur: attamen intra quadriennium a tempore actæ, vel cognitæ saltem læsionis petenda est etc. 778) Eidem adfinis est revisio petenda in iis causis, ubi adpellatio locum non habet.

ARTICULUS VI.

De Reconventionem, de Processu summario, et de Compositione litium extrajudiciali per Transactionem vel Arbitrium.

§. 779) Reconventio alia propria, alia impropria dicitur; illa simultanei processus effectu gaudet, hæc prorogationem saltem jurisdictionis necessariam operatur. 780) In processu summario reliquis omnibus causis substantialia solum servantur. 781) Sunt portio causæ summariæ aliæ per se, aliæ per accidens res. 782) Processibus summariis accensetur possessivus; licet autem jure canonico possessorium summarium, et ordinarium, item petitorium cum possessorio eumulare. 783) Extrajudicialis litium compositio

XXX

positio fit vel per conventionem, vel per arbitrum
784) Conventionalis compositio gratuita aut onerosa
seu transactio solum in rebus privati arbitrii,
absque damno tertii locum habet, et jus intuitu
eiuscentium, non vero inter alios facit, regulariterque
actionem de causa transacta impedit. 785) Qui
dices esse, iidem et arbitri eligi possunt ab iis, et
liberam rerum administrationem habent. Arbitrorum
autem potestas ad causam et compromissi formulam
restricta est, lapsusque temporis, arbitratorumque
morte, vel dicta sententia etc. finitur.

C A P U T II.

*De Iudicio criminali, Delictis, Pœnisque
ecclesiasticis.*

A R T I C U L U S I.

De iudicio ecclesiastico criminali generatim.

§. 786) Ecclesia pollet jurisdictione criminali, 787)
qua jam amplissima primis suis sæculis usa est, for-
tum quidem perquam simplici; 788) quæ subin
est immutata, ut hodie parum a modo iudicii crimi-
nalis politici sit diversa. 789) Crimina eodem fe-
re modo ad forum ecclesiasticum criminale deducun-
tur, nempe 790) per accusationem, quæ ab ipso
accusatore præsentem fieri debet, 791) per denun-
tiationem evangelicam, aut iudicialem; quarum illa
tem obligationem crimen probandi conjunctam non
habet; 792) per inquisitionem generalem vel speci-
alem, 793) quam processus criminalis sequitur ex
iis canonici præscripto finiendus.

ARTI-

ARTICULUS II.

De Pœnis ecclesiasticis.

§. 794) Detectis per criminalem processum delictis pœnæ congruentes infliguntur; quæ quidem si positivæ sint, aut juris jam quæsitæ privativæ, exceptis censuris, sententia saltem declaratoria opus habent. 795) Inter ecclesiæ pœnas præcipue sunt censuræ, de quibus generatim notanda 796) eas ferendi potestas, causa, forma, causæ ab iis excusantes, absolutio. 797) Inter censuras primo occurrit excommunicatio 798) minor, et 799) major, cujus divisiones, causæ, effectus attendendi; eas ferendi facilitas non probanda. 800) Interdictum, cujus sat tristes sunt effectus, locale nisi ob causam generalem, personale nisi ob gravem publicamque culpam ferri nequit etc. 801) Suspendio item nisi ob gravem culpam, et in communitatem, nisi ob delictum commune, ferri non potest etc. 802) Inter pœnas vindicativas clero proprias privatio beneficii, depositio, degradatio, irregularitas ex delicto veniunt: præter eas ecclesia quoque pœnitentias etiam externas, privatas et publicas jure proprio, item temporales quoque ac civiles quasdam pœnas favente observantia infligit.

ARTICULUS III.

De delictis ecclesiasticis aliisque.

§. 803) Delicta varii varie dividunt: ad ecclesiæ forum maxime spectant, pœnisque ecclesiasticis castigantur, quæ directe, et proxime bonum religionis, et ecclesiæ lædunt, qualia sunt: 804) infidelitas, quæ quum infideles per baptismum ecclesiam non sint ingressi, ecclesiasticis pœnis haud subijcitur. 805) Apostasia a fide, ab ordine regulari, a statu clericali. 806) hæresis item maxime formalis, et externa variis pœnis castigantur, quarum tamen pleraque in Protestantibus Germaniæ locum non habent: 807) Schisma
purum

pufum, vel hæresi conjunctum: 808) Simonia, q
nec contraria praxi, nec obventibus aliis potest
cusari, 809) variis modis committitur, et 810) si
realis, aut confidentialis mixta, vel etiam verosim
lius solum cōventionalis mixta, commissa circa
gressum religionis, ordines, et beneficia, gravissim
pœnis coercetur. 811) Alia crimina Religioni proxi
adversa, de quibus jus canonicum meminit, s
Blasphemia, Divinatio, sortilegia etc. 812) Ceter
delicta contra secundam Decalogi tabulam sunt,
813) vitæ exitiosa aut periculosa, uti homicidium
parricidium, abortus procuratio, expositio infantu
Torneamenta, Duellum, vel 814) fidei publicæ, f
mæ, et honori aliorum adversa, velut crimen fals
perjurium, calumnia, collusio etc. vel 815) bono
aliorum et fortunas lædencia, nempe furtum, rapin
sacrilegium, incendii crimen: vel denique 816) Del
icta carnis, adulteria, incestus, stuprum, fornicati
concubinatus; quæ in jure canonico certæ pœn
dictantur.



PARS II.

JUS ECCLESIASTICUM PRIVATUM.

SECTIO I.

DE PERSONIS ET BENEFICIIS ECCLE- SIASTICIS.

CAPUT I.

De Personis Ecclesiasticis.

ARTICULUS I.

De Requisitis et Impedimentis Status et Ordinis ecclesiastici seu clericalis.

§. 404.

1) *Status hominis* generatim in collectione de-
terminationum, quæ homini actu insunt, con-
sistit. 2) *Status moralis in specie* per jura qui-
busdam competentia, et obligationes eorum de-
terminatur, recteque jurium, ac obligationum,
quæ in subjecto quodam ut existente sumun-
tur,
Tom. II. A

2 Sect. I. De Personis et Beneficiis ecclesiasticis.

tur, complexus definitur. (a) 3) *Status ecclesiasticus* sensu latiori acceptus per jura et obligationes omnibus fidelibus, seu omnibus ecclesiae membris communia constituitur. 4) *Status ecclesiasticus* specialis seu *clericalis*, de quo heic solum agimus, est complexus obligationum, et jurium Clericis, seu iis propriorum, qui speciali ritu sacro ad sacrum ministerium, ac ecclesiastica munia consecrati, vel initiati, singulari modo in sortem Domini adlecti et in altiorem prae laicis gradum evecti, (§. 49.) horumque Duces, Magistri, atque exemplar sunt constituti.

§. 405.

Ad quemcunque statum recte non admittitur, qui, quod vitam statui illi congruentem vivere, et obligationes status exequi possit velitque, fidem nullam fecit; seu qui aut *dotibus* ad exequendas status obligationes, aut *voluntate* illas exequendi destitutus merito creditur. Igitur multo minus ad statum tam sublimen *Clericorum* admitti potest, qui aut 1) *dotibus* huic statui necessariis destituitur, aut 2) *defectibus* eidem statui contrariis laborat, aut 3) ad eum statum ex alia quam *pietatis* et religionis, ad quam per se ordinatur, causa anhelat. (b).

§. 406.

(a) Cf. Daries jurisp. univ. præcog. J. nat. et gent. c. 1 §. 2. seqq. Wolf. Instit. jur. nat. P. I. §. 96. Schelle præf. Philos. P. I. pag. 152. et P. Navig. Mayr Præcognita, gener. Jurispr. univ. sect. I. §. 6. seqq.

(b) Vid. I. Timoth. III, 10, V. 22 Trident. Sess. 23. c. 14 de reform.

§. 406.

Sane *Status Clericorum* pro fine sibi habet præfixa 1) religionis ac pietatis specialis exercitia, 2) liturgiæ sacræ dignam administrationem, 3) fidelium ceterorum tum per verba tum per exempla instructionem, denique 4) regimen, directionem ad curam animarum. Ad hæc autem munia vel aliqua, magis ad omnia rite exequenda singulari virtute, scientia, prudentia, scilicet *qualitatibus* non vulgaribus opus esse nemo non videt. Porro qualitates istæ nec uno die acquiruntur, nec cum ipsius status susceptione quasi infunduntur. Quare tum universim ante susceptum statum clericalem, tum denuo ante quoslibet ejus gradus *præparationem* *) esse pernecessariam, quis inficiari ausit?

*) De necessaria hac præparatione multa egregie præcipit auctor libri: *Ratio studiorum, ac vita Theologi christiani* etc. qui Bamberg 1775 iteratis typis editus ac libro itidem insigni: *Pastor bonus* etc. adjectus est. In eo agit quinque partibus 1) de præparatione ad studium theologicum per rectam intentionem, et cordis emendationem, 2) de studii theologici ratione ipsa, fontibus ejus, et ordine, 3) de virtutibus Theologi, 4) de officio Theologi, ut se præparet ad verbum Dei prædicandum, ad prælucendum exemplo, ad orandum, et intercedendum pro populo etc. ad sacramenta ministranda, ad animas dirigendas, 5) de vocatione ad sacros Ordines, et ad animarum directionem. De re eadem tum plures SS. Patrum, tum passim Theologiæ pastoralis scriptores aliique bene multi pertractant.

4 Sect. I. De Personis et Beneficiis ecclesiasticis.

§. 407.

Atque idcirco ecclesia 1) in *admittendis* ad statum clericalem variosque ejus gradus hominibus plurimas *cautiones* et *remedia* *) semper adhibuit, quæ de ordinandi fide, moribus, scientia, et *qualitatibus* certior fieret. Item 2) *qualitatis* eorum, qui sacris initiandi sunt, certis *regulis* definivit, atque iis dotibus deslitutos, tanquam a *regulis* canonicis alienos (c) seu *irregulares* declaravit, et a clericorum ordine aut muniis exclusos voluit.

*) Id genus cautiones ac remedia sunt 1) publicæ denuntiationes ordinandorum olim in parochia factæ, 2) testimonia Parochi aut Magistri ordinandorum, 3) sacra seu spiritualia, ut ajunt, per dies aliquot exercitia, ordinibus sacris præmitti solita, 4) scrutinium ante ordinationem, 5) educatio ordinandorum in seminariis, 6) ordinum interstitia etc. de quibus infra sermo redibit. Cf. *Van Espen jus eccl. univ. P. II. tit. 9. c. 4 et 5.*

§. 408.

Porro *irregulares* seu ad ordines suscipiendos inepti censentur quidam vel ob *delicta* vel ob *defectus*. *) Unde *irregularitas est impedimentum canonicum, quo quis directe ad suscipiendos ordines ecclesiasticos vel ad susceptorum usum, ac, quod consequens, ad adipiscenda beneficia, ut quæ ordinum exercitium requirunt, ineptus redditur*, **) Est autem irregularitas alia 1) ex *delicto*, alia 2) ex *defectu*: utraque 3) vel *totalis*, quæ omnium ordinum, vel 4) *partialis*, quæ non omnium ordinum susceptionem vel usum impedit:

(c) Ut habet Can. 17. Concil. Nican.

lit: 5) *perpetua*, quæ de se perpetuo — 6) *temporalis*, quæ ad tempus ab ordinibus suscipiendis; vel exercendis arcet.

*) Communior et verosimilior habet opinio, 1) irregularitatem *ex delicto* non nisi per peccatum, in jure expressum, grave, et opere externo completum incurri, 2) illam autem *ex defectu* etiam citra peccatum contrahi; item 3) ab hac nullam ignorantiam, ab illa vero non ignorantiam quidem juris, scilicet an facto adnexa sit irregularitas, attamen ignorantiam facti, quæ itidem a peccato absolvit, excusare. Ceterum 4) irregularitas, nisi in casibus *jure expressis*, non incurritur. (d) Unde in *dubio juris*, an delicto vel defectui adnexa ea sit, neminem se pro irregulari gerere debere recte statuitur. 5) Atvero neque in *jure exprimitur*, in *dubio facti* pro irregularitate esse standum, nisi tunc quum homicidium seu mors sit certa dubiumque sit de persona committente; (e) ex quo multi colligunt, in aliis, excepto homicidio, etiam dubiis facti, neminem irregularem habendum esse; tum a) quod in odiosis benigniora sint sequenda, tum b) quod specialis indecentia in homicidio occurrens, in aliis casibus absit (f), atque c) etiam heic simul *dubium juris* adesse videatur: ut proin vel in utroque dubio et juris et facti, vel in neutro irregularitas sit adstruenda. Neque tamen suis, qui contraria sentiunt, rationibus destituuntur.

**) Dicimus 1) *ad beneficia*, nempe ad omnia, si irregularitas totalis est; sin, ubi e. g. ad aliquos solum ordines, quos beneficium haud requirit, suscipiendos vel exercendos ineptus quis fuerit. Dicimus 2) *ad beneficia adipiscenda*; eoquod a) irregularitas ex defectu non privet beneficio jam ob-

A 3

tento

(d) C. 18 de sent. Excomm. in 6.

(e) C. 12. 18 et 24 de homicid.

(f) Cf. Van Espen Jur. eccl. univ. P. II, tit. 10, c. 7. n. 24 seqq.

6 Sect. I. De Personis et Beneficiis ecclesiasticis.

tento, imo b) verosimilius nec ex delicto irregularis beneficio rite antehac possesso excidit ipso facto: sed de eo primum per judicis sententiam deijciendus est. Debebit tamen ejus generis possessor per re dispensationem, eosque, quos per irregularitatem exercere nequit, ordinum actu et obligationes per alium interea supplere. *Arg ex cap 5. ne clerici vel Monachi, ex c. 10. de excessib. Prælat. et c. 1 de homic. in 6.*

§. 409.

Irregularitas ex delicto primævæ ecclesiæ adeo non fuit incognita, ut latius etiam, quam hodie, pateret: etenim quondam gravioribus quibusvis post baptismum commissis criminibus, etiam occultis, irregularitas adnexa censebatur, quæ paullatim et maxime seculo XII. ad certâ solum, et plerumque manifesta crimina restringi cœpit. (g) Hodie *irregularitas ex delicto* contrahitur I. propter abusum baptismi, II. propter abusum ordinationis et III. ordinis, IV. propter hæresin etc. V. propter homicidium vel mutilationem. *)

*) Nempe *irregulares* hodie sunt I. propter abusum baptismi 1) scienter et absolute alium rebaptizantes; vel 2) se ita rebaptizari passi; 3) in tali baptismo ministrantes; siquidem de hoc publice constet; (h) 4) ab hæreticis sine necessitate baptismum recipientes; (i) 5) baptismum ad infirmitatis periculum differentes. *Clinici* dicti. (k) II. Ob ab-
usum

(g) Cf. c. 9. Dist. 50 c. 9. concil. Nicæn. Van Espen Jurisp. eccles. univ. tit. 10. c. 6 et præcipue Thomassin de V. et N. discip. P. 2. l. 1 c. 56 seqq.

(h) C. 2 de apost. et reit. bapt. c. 56 dist. 50.

(i) C. 18 caus. 1 q. 1.

(k) C. un. dist. 57 Cf. Thomassin P. 2 l. 1 c. 86.

usum ordinationis 1) *furtive*, ordinati, id est, qui ab Episcopo ad ordines non probati, non admissi, ordinandis tamen se immiscent, et ordinantur: hi ad altiores ordines promoveri nequeunt: (l) 2) ordinati *per saltum*, seu qui omisso ordine inferiore altiore recipiunt; 3) duos *maiores* ordines una die recipientes, (m) 4) qui ab Episcopo excommunicato, suspenso, interdicto, deposito, hæretico, schismatico, aut ab eo, qui dignitati suæ renuntiavit, ordinarum se sinunt, aut 5) qui maiore excommunicatione irretiti S. ordines suscipiunt. (n) III. *Ex abusu ordinis*, seu ordinem male exercendo 1) Clerici in ordine sacro, quem nondum recepere, solenniter ministrantes, (o) 2) Clerici excommunicati, suspensi, aut interdicti ante absolutionem ministrantes aut divina celebrantes; vel 3) celebrantes in loco interdicto. (p) IV. *Propter hæresin* 1) hæretici, apostatæ a fide, schismatici, 2) eorum fautores, credentes, defensores, (q) 3) hæreticorum etiam nepotes ex parte patris, ex matris parte solum filii, nisi eorum parentes ad sinum ecclesiæ redierint; (r) istud tamen intuitu religionum toleratarum in Germania non obtinet; quamvis curia romana tales absque dispensatione ad ordines ad-

A 4

mit-

(l) C. 1 de eo, qui furtive.

(m) Tit. de cleric. per salt. promot. c. 13 de temp. ordin.

(n) C. 2 caus. 9 q. 1 et c. 1. 2. de ord. ab Epis. qui renunt. c. 32 de sent. excomm.

(o) C. 1 et 2 de cleric non ordinat. minist.

(p) C. 7 caus. 11 q. 3 c. 1 de sent. et re jud. in 6 c. 3 4 de cleric. excomm. ministr. c. 18 de sent. excomm. in 6.

(q) C. 21 caus. 1 q. 7 c. 32 dist. 50 c. 9 de hæret. c. 2 §. 2 de hæret. in 6. Cf. Thomassin l. cit. c. 62 seqq.

(r) C. 15 de hæret. in 6 cf. decret. congr. concil. 21 May A. 1718.

§ Sect. I. De Personis et Beneficiis ecclesiasticis,

mittere non soleat. V. *Propter homicidium et mutilationem* 1) voluntarie occidentes, aut mutilantes aliquem injuste, 2) aut ad id mandato, consilio etc. concurrentes, aut non impediennes occisionem, si teneantur ex justitia, (s) 3) etiam præter intentionem occidentes dando operam re illicitæ simul et periculosa; aut licitæ quidem, debita tamen diligenti ad præcavendum homicidium cautione neglecta. (t) Aliud est, si mors alterius prorsus ex fortuito casu etiam per illicitam actionem eveniente, aut ex necessaria et moderata defensione sequatur, (u) 4) seipsos excindentes aut excindi libere passi: immo se vel digit parte voluntarie mutilantes: (x) 5) procurantes abortum foetus animati, (y) 6) dubitantes, num mors, reapse sequuta, suo, an aliorum factò evenierit, (z) » Heic reprobandus est quorundam » scrupulus, qui vulnerato vel ægroto subvenire » recusant levando, ne si fortassis inter eorum » manus exspiret, ipsi accelerasse mortem, et propterea irregulares censeantur. Si enim irregularitas oritur ex lenitatis defectu, sane ex ejus contrario, scilicet ex ipsa lenitate, actu misericordiae et charitatis christianæ oriri non potest, nec est verosimile, quod Pontifices voluerint per introductam irregularitatem tollere caritatem. P. Engel J. C. P. V. tit. 12 n. 48. Interim, ut idem inquit, excusandi non sunt ab irregularitate, qui licet imperiti (nisi in casu extremæ necessitatis, et defectu peritiorum) chirurgiam aut medicinam præsertim spe lucri et per modum professionis

(s) C. 6 et seq. de homicid.

(t) C. 7. 10. 13.

(u) C. 13 de homicid. clement. unic. ib. cf Thoma-
massin. l. cit. 68. 70. 75. 79. 82. seq.

(x) C. 45 6 dist. 55.

(y) C. 20 de homicid.

(z) C. 28 ibidem.

nis exercent; imperitia enim culpæ annumeratur in his, qui artem aliquam profitentur. Engcl. l. c. §. 810.

Irregularitas ex defectu olim minus, quam hodie, late patens itidem multiplex est, scilicet *ex defectu* I. *animi*, II. *natalium*, et *famæ*, III. *corporis*, IV. *ætatis*, V. *sacramenti*, VI. *lenitatis*, VII. *libertatis*, VIII. *tituli*. *)

*) *Irregulares sunt* I. *Ex defectu animi et sanitatis* 1) *infantes*, *amentes*, *furiosi*, *epileptici*, *lunatici*, *dæmoniaci*: (a) 2) *illiterati* seu *scientia ad eum ordinem requisita destituti*: (b) 3) *neophyti*, nondum in fide sat probati: (c) II. *ex defectu natalium et famæ* 1) olim soli *Presbyterorum filii*, deinceps per consuetudinem omnes *illegitimi*, nisi per subsequens forte *matrimonium legitimentur*, magis, qui sunt *spurii*, seu ex *incerto patre generati*, aut alii ex *damnato coitu*, *adulterio*, *incestu* etc. *prognati*; (d) 2) *fili hæreticorum*, de quibus (§. præc. n. 4) diximus: 3) alii *infamia juris*, vel *facti laborantes*. donec fuerit *reparata*: (e) III. *ex defectu corporis* 1) ea *corporis deformitate notati*, quæ multum *offensionis habeat*, quæ *horrorem vel risum moveat*, (f) 2) *debilitati* quoad *usum membri*, quod, ad *ordinis usum necessarium est*, e. g. *cæcus*, *mutus*, *oculo canonico captus*: (g) IV. *ex defectu ætatis*, nondum *adepti æ-*

A 5

num

(a) C. 3 et seq. dist. 33.

(b) C. 1 seq. dist. 36 cf. Thomassin. P. 2. L. 1. c. 88 seqq.

(c) I. Tim. III. 6 c. 4 dist. 61.

(d) C. 1 de fil. Presb. et c. 1 ibid. in 6 Cf. Van Espen Jur. eccl. univ. P. II. tit. 10 c. 3.

(e) C. 17 caus. 6 q. 1 c. 5 dist. 51.

(f) C. 13. dist. 55. c. 2. et ult. de corp. vitiat. Van Espen.

num saltem inchoatum 1) XXII. pro subdiaconatu, 2) XXIII. pro diaconatu, 3) XXV. pro presbyteratu, 4) XXXI. pro episcopatu. (k) *Ex defectu sacramenti* bigami sive 1) *bigamia sit vera*, quando quis cum duabus successive consummat matrimonium, (l) 2) sive *bigamia sit interpretativa*, quum quis consummat matrimonium cum uxore una quidem, sed quam viduam, aut repudiatam, vel meretricem in matrimonium assumserit; vel si duas simul ducere tentat, et ceu uxores cognoscit; (k) sive 3) *bigamia sit similitudinaria*, quum quis post votum solemne religionis vel susceptionem S. ordinis tentat contrahere matrimonium, et consummat: (l) VI. *ex defectu lenitatis* 1) 2) exercentes aliquam Ministri justitiæ, primarii vel secundarii actionem, quæ ad quenquam occidendum vel mutilandum in specie propius ordinatur, et non solum generatim et remote. Unde non sunt irregulares legem capitalem ferentes, jurisdictionem criminalem alteri demandantes, cudentes ense, funem nectentes, (m) nec Clerici *civili-ter* solum ob compensandum damnum sibi illatum, vel rem suam recuperandam etc. cum protestatione contra vindictam sanguinis quemquam accusantes, nec Episcopi, qui Clericos pro enormi crimine degradatos curiæ sæculari puniendos tradunt, quos certe necandos sciunt, modo exterius

(g) C. 6 *ibid.* et c. 2 de clericis ægrot.

(h) Trid. sess. 1 de reform. c. 1. et sess. 23. de reform. c. 12. item c. 7 de Elect. clem. 3 de ætat et qualitat. ordin.

(i) C. 1 et 2 dist. 34 et c. 14 dist. 34 et Thomassin L. cit. c. 78. 80 seqq.

(k) C. 2 dist. 33 c. 9 dist. 34 c. 1. 3. 4. de big. non ord. Cf. Espen L. cit. c. 2 n. 20.

(l) C. 4 de Cler. conjug. c. 24 caus. 27 q. 1.

(m) C. 29 et 30. caus. 32. q. 8. c. 25 de homicid. et c. 2. *ibid.* in 6.

terius intercedant. (n) Contra *irregulares* sunt 2) occidentes aut mutilantes aliquem in bello etiam iusto, nisi occurrat necessaria defensio *propriae vitae*: 3) in bello autem iniusto pugnantes omnes irregularitatem contrahunt, si vel unus adversa ex parte occidatur aut mutiletur. (o) VII. ex defectu *libertatis* 1) uxorati uxore invita, vel in coelibatu vivere nolente; (p) 2) servi sive originarii sive adscriptii, sive bello capti; homines proprii, nisi obtineatur consensus Domini, (q) 3) curiales procuratores, tabelliones, curatores, aliique ad reddendas rationes adhuc obligati: (r) VIII. ex defectu *tituli* ad sacros ordines promoveri nequeunt 1) carentes titulo a) *patrimonii*, b) *religiosae professionis*, aut paupertatis, ut ajunt, c) *beneficii* vel *mensae*, (s) de quo paulo post recurret mentio.

§. 411.

Ceterum *irregularitas* 1) ex defectu temporali e. g. ætatis, scientiæ etc. proveniens, ex defectu sublato *cessat*; 2) ex defectu natalium orta per professionem religiosam abstergitur relate ad S. ordines tantum, non ad dignitates adipiscendas (t) 3) alia omnis, quæ juris humani est, irregularitas per dispensationem *) *tollitur*.

*) Potest dispensare 1) Pontifex in omni irregularitate per jus humanum inducta, 2) Episcopus in irre-

(n) C. 2 de homicid. in 6 Cf. Espen l. cit. c. 4 n. 11.

(o) C. 6. 24 de homicid. c. 1 dist. 51 Clem. unic. de homicid.

(p) C. ult. de temp. et qualit. ordin. in 6.

(q) C. 12. 21 dist. 54 et tit. de servis non ordin.

(r) C. 12. 3. dist 51 et 53 totam c. un. de oblig. ad ratioc. Cf. Thomassin l. cit. c. 66—67.

(s) C. 2 et ult. de Præbend. et dignit.

(t) C. 1 et ult. de fil Presbyt.

12 *Sect. I. De Personis et Beneficiis ecclesiasticis.*

» irregularitatibus omnibus, et suspensionibus ex
 » delicto occulto provenientius, excepta ea, qua
 » oritur ex homicidio voluntario, et exceptis aliis
 » deductis ad forum contentiosum. » Item 3) Episcopus illegitime natus ad ordines minores et
 simplex beneficium indulgenter poterit admittere
 (w), atque 4) Presbyteros, qui nuptias illicitas in
 validasque contraxere, post longam poenitentiam
 officio suo potest restituere. (x) 5) Orto fort
 dubio, an corporis vitium sit aut non sit ejus
 modi, quod irregularitatem inducat, Episcopi est
 declarare (y) Tandem 6) etiam, ubi casu fortuito,
 aut necessariae defensionis gratia homicidium esse
 commissum dicitur; res seверо Episcopi examini
 subijcienda est. (z) Siqua enim alia, certe, ex
 homicidio voluntario orta irregularitas difficilior
 solet etiam Pontificis dispensatione tolli. Cf. *Van
 Espen Jur. eccl. univ. P. II. tit. 10 c. 7 n. 29
 seqq. Thomassin l. cit.*

ARTICULUS II.

De Ordinatione Clericorum.

§. 412.³

II, qui requisitis qualitatibus praediti (§. 405
 seq.) ab impedimentis canonicis (§. 408. seq.)
 sunt immunes, ad ecclesiastica munia solenni ri
 tu initiantur, et consecrantur. Sacra ceremonia,
 per quam quis ex laico fit Clericus, aut ex in
 feriore

(u) Trid. sess. 24 c. 6. de Reform. cf Böckhn.
 comm. in J. can. Lib. 5. tit. 15. n. 51 seqq.

f (w) C. 1. de fil. Presb. in 6.

(x) C. 4 de cler. conjug.

(y) C. 2 de corp. vitiat. vid. Van Espen Jur. eccl.
 univ. P. II. tit. 10 c. 5 n. 14 seqq.

(z) Sess. 14 c. 7 de reform.

riore clericatus gradu ad altiore m evehitur, *ordinatio* dicitur. Porro ordinationem in maioribus ordinibus esse N. L. Sacramentum, aliaue circa hanc rem dogmata ceu a Theologis demonstrata heic sumimus, iisdemque relinquimus, de iis solum, quæ fori nostri arbitramur, paucis acturi, scilicet I. de *ordinationis Ministro*, I. *prævio examine*: III. de *tempore*, IV. *loco*, V. *requisitis*, et VI. *effectibus ordinationis*.

*) *Ordines alii sunt* 1) *maiores seu sacri*, nempe *episcopatus, presbyteratus, diaconatus* et ex noviore ecclesiæ disciplina (a) etiam *subdiaconatus*, alii sunt 2) *minores: ostiariatus, lectoratus, exorcistatus, acolythatus*, ad quos suscipiendos præparat *tonsura*. Cf. §. 43. seq. et Van Espen jur. eccl. univ. P. 2. tit. 9. c. 1. Thomassin P. I. l. 2. 29. seqq.

§. 413.

Quod I. ad *Ministram ordinationis* adtinet, omnium Catholicorum confessione, quod itidem Theologi demonstrant, 1) *ordinarius minister* est *Episcopus*; 2) *jure extraordinario*, et vi privilegii in corpore juris clausi (b) *Abbates sacerdotes*, solenniter benedicti, et usu pontificalium ornati, suis subditis regularibus professis *tonsuram* et ordines minores conferunt *) item *Cardinales Presbyteratus ordine insigniti* in ecclesia sui tituli. (§. 222.).

*) Hanc

(a) A sec. 13 per Innocent. III. cap. 9 de æt. et qual. ordinand.

(b) C. 1 et 2 dist. 69. et c. 11 de æt. et qual. ord. c. 3 de privil. in 6. Trid. sess. 23 c. 10 de reform. Cf. Barthel de jure et jurisdict, Abbat. c. 2.

§ 4. Sect. I. De Personis et Beneficiis ecclesiasticis.

- Hanc potestatem, inquit Espen, (c) Abbatibus jam potestatem competuisse ex can. XIV concilii Nicæni. II. siue septimæ compertum est, ut in quo statuitur. • Lectoris autem manuum impositionem • licet in proprio monasterio etiam soli unicuique • Praefecto facere, si ad ejus praefecturam ab Episcopo • potestatem impositio fiat ipsi Praefecto, qui • sacerdos et ita est Presbyter . . . Ex quo non • clarum est, eo tempore licuisse omnibus monasteriorum Praefectis Lectoratum in suo monasterio conferre. . . modo Presbyteri ab Episcopo essent ordinati. Neque enim de alia manuum impositione loquitur, et contextus canonis satis insinuat, et Eusebium ceterique graeci commentatores uno consensu approbant. Et revera tempore hujus Synodi, id est sect. VIII. nondum sollemnis illa, quæ postmodum cum pontificalium usu invaluit, Abbatum benedictio fiebat, Ita Van Espen l. c.

§. 414.

Licet vero Episcopus quivis rite consecratus ordines valles conferat; tamen, quum potestas Episcoporum ad viresces eos suæ limites *) sit adstricta (§. 76.) et legibus tum divinis, tum ecclesiasticis subordinata: licite non suscipiuntur ordines, nisi 1) ab Episcopo intuitu ordinati proprio, **) 2) in ecclesiæ Romanæ communione constituto, 3) ab irregularitate aliisque impedimentis libero, et 4) regulas ordinandi ab ecclesiâ præscriptas observante.

- *) Jam 1) in apostolicis canonibus, qui licet apographi, tamen primorum seculorum disciplinam ex communiter persuasione referunt, (§. 78.) severe prohibetur: ne Episcopus extra terminos suos ordinationes facere præsumat. (d) Immo 2) canones alii

(c) Jur. eccl. univ. P. I. tit. 31 c. 6 n. 10, seqq.

(d) Can. Apost. 54.

alii antiquissimi id genus ordinationem prorsus (quoad exercitium nempe) *infirnam* pronuntiant (e) Item 3) Clericos alibi ordinatos ad ordines majores provehere, quin vel ad servitium suæ ecclesiæ invito proprio Episcopo suscipere sæpe cum anathematis comminatione prohibitum est, (f) Cf. Thomassin P. 2 c. 1 seqq.

*) Porro 1) vi disciplinæ antiquioris is fere proprius ordinationis Episcopus censebatur, qui quenquam satis notum aut probatum, unde ortus esset, ecclesiæ suæ servitio volebant adscribere. Titulus autem *domicilii* raro, titulus *beneficii* nunquam occurrit; tum quod beneficium nostro sensu acceptum olim ighorabatur, ipsaque in clerum adscriptio beneficii loco erat; (§. 98.) tum quod absolutæ, nec ad certæ cujusdam ecclesiæ servitium factæ ordinationes essent prohibitæ. 2) Sec. XII finiente Clemens III. (g) primus beneficii et originis titulum probat. 3) Sec. XIII. Bonifacius VIII. (h) titulum *domicilii* profert, seu restaurat. His 4) Tridentina Synodus (i) titulum *triennalis familiaritatis* adjecit. Unde ex hodierna disciplina ordinationis proprius Episcopus est 1. *ratione originis* ille, in cujus diocesi parentes, dum ordinandus nascebatur, domicilium habuere. Siquis autem casu fors extra domicilii paterni locum esset natus, eo casu nullatenus ejusmodi *fortuita nativitas, sed vera tantum et naturalis patris*

(e) E. g. Can. 13 et 22 Concil. Antioch. A. 341. etc. 2. Conc. Cptni. I. A. 381. vid. gratian. causa, 9 q. 2. c. 6. seqq.

(f) Vid. apud gratian. Dist. 71 c. 1 seqq.

(g) Verosimilius Clemens III non IV. c. 1 de temp. ordinand. in 6 nam refertur ad A. 1190.

(h) C. 3 de temp. ord. in 6. Cf. Thomassin, P. II. L. 1 c. 1 seqq.

(i) Trid. sess. 23 c. 9 de reform.

16 Sect. I. De Personis et Beneficiis ecclesiasticis.

patris origo erit adtendenda (k). II. Ratione domicilii is est proprius, in cujus diocesi ordinandus fixam sedem habet adeo, ut vel per decennium saltem in ea habitando, vel res suas illuc transferendo, ibique insuper per aliquod considerabile tempus commorando, satis superque suum perpetuo ibidem permanendi animum demonstraverit, et nihilominus ulterius quoque casu vere et realiter ejusmodi animum se habere jurejurando affirmet (l) III. Ratione beneficii proprius est Episcopus, in cujus diocesi ordinandus beneficium ad congruam sustentationem per se sufficiens pacifice possidet: unde, quum nullus nisi saltem tonsuratus beneficium obtinere queat, primam tonsuram nemo, etsi jam a patronis presentatus, et statim beneficio providendus, nisi a proprio originis aut domicilii Episcopo recipere; et jam ad tonsuram aut minores ordines promotus non nisi prolatis proprii tam originis, quam domicilii Episcopi testimonialibus literis ad ultiores ordines promoveri potest. (m) IV. Ratione familiaritatis proprius censetur, non quidem titularis, sed ecclesiam propriam possidens Episcopus, quocum ordinandus per triennium quasi ejus commensalis fuit commoratus, et a quo statim beneficium est adepturus (n). Demum proprius ordinandorum Regularium Episcopus is est, intra cujus diocesisin monasterium aut domus religiosa existit (o): nisi forte specialia privilegia obstant. Hinc porro notanda inprimis, quæ Clemens VIII. (p) et Benedictus XIV. (q) decrevere: scilicet 1) prælati regulares, si diocesanus abest, vel non est habitus

(k) Innocentius XII. Const. *Speculatores*.

(l) Idem ibid.

(m) Idem ibid.

(n) Trid. sess. 14 c. 2 et sess. 23 c. 9 de reform.

(o) Trid. sess. 23 c. 10 de reform.

(p) Constit. *Demandato*. A. 1596. 15 May.

(q) Constit. *Impositi*. A. 1747. 27 Sept.

ritus ordinationes, possunt dare commendatitias literas ad quemcumque Episcopum extraneum, in quibus exprimaturs hæc causa absentiae, vel non futuræ ordinationis. 2) sic dimissus examinandus est ab Episcopo ordinatio quoad doctrinam: * quod qui non fecerint, officii, dignitatis seu administrationis ac vocis activæ et passivæ privationem ac alias arbitrio ejusdem SS. D. N. Papæ reservatas poenas, et quidem, ut Benedictus XIV. declaravit, ipso facto incurrunt. Dictis, ut idem vult, literis commendatitiis, seu dimissoriis inseri debet authenticum testimonium Vicarii generalis, vel Cancellarii vel Secretarii Episcopi diocesanis, quod ipse vel absit, vel de proximo non sit habiturus ordinationes statuto tempore, sub poenis iisdem. 3) Privilegia suscipiendi ordines a quocumque iis solum suffragantur, quibus post Tridentinum nominatim atque directe, non vero per communicationem concessa fuerint: vel in forma specificæ cum literalis veteris indulti insertionem dignoscantur confirmata. Cf. *Diss. P. Damascen. Kleinmayrni vetus et nova disciplina de proprio ordinandorum Episcopo. A. 1765 et Thomassin P. 2 l. 1 c. 1. seqq.*

§. 415.

Igitur ut Episcopus non proprius licite confect S. ordines, necesse est, ut ordinandus vel 1) *privilegium* Pontificis ab alio Episcopo catholico dines recipiendi (§. præc. not. 2.) teneat, vel te 2) *litteras dimissorias* *) seu scripto a superioribus datam ab alio ordines recipiendi ultatem et testimoniales literas habeat: **) 3) i secus fiat, ordinans a collatione ordinum perennum, et ordinatus a susceptorum ordinum executione, quamdiu proprio Ordinario videbitur expedire, sit suspensus (r).

18 Sect. I. De Personis et Beneficiis ecclesiasticis.

* 1) *Literæ hæ dimissoriæ*, ad effectum suscipiendi ordines ab alieno Episcopo, sunt vel a) *generales*, quæ datur facultas subdito; ut a quocunque catholico Episcopo ordinarii queat, vel b) *speciales* quæ determinatur Episcopus, a quo ordines recipere liceat. 2) Ab his dimissoriis literis distinguendæ sunt a) *literæ dimissoriales* olim *exeat* inscriptæ, quibus Clerici in catalogum alterius ecclesiæ adscribendi a suo Episcopo dimittebantur (s); quæ hodie *dimissoriales perpetua* dicuntur, danturque Clericis alterius diocesis Clero inferendis: b) *literæ commendatitiæ*, seu *testimoniales*, quæ Episcopus de Clerici e. g. peregræ abeuntis, aut alibi ordinandi, moribus, fide, probitate testatur: c) *literæ formatae*, in quibus fit fides publica de collatis cuidam ordinibus.

** Porro *dimissorias literas concedere potest* 1) *Episcopus* proprius jurisdictione præditus, licet nondum vel consecratus, vel pallio ornatus. 2) *Vicarius generalis* non nisi Episcopo id expresse ei concedente aut in *remotis* agente (t): 3) *Capitulum cathedrale* sede vacante infra annum a die vacationis solis ratione beneficii ecclesiastici arctatis, non aliis Clericis *secularibus*: nam Tridentinum (u) expresse statuit: » Non liceat Capitulis ecclesiarum sede vacante infra annum a die vacationis ordinandi licentiam, aut literas dimissorias; seu reverendas, ut aliqui vocant, . . . alicui, qui beneficii ecclesiastici recepti, vel recipiendi occasione arctatus non fuerit, concedere: si secus fiat, Capitulum contraveniens » ecclesiastico subiaceat interdicto, et sic ordinati, » si in minoribus ordinibus constituti fuerint, nullo

(r) Trid. sess. 23 c. 8 de reform. c. 2 de temp. ordinand. in 6.

(s) Cf. Concil. Carthag. I. c. 5 et Trullan. c. 17.

(t) C. 3 de temp. ordin. in 6.

(u) Sess. 7 c. 10 de reform. Cf. sess. 23. c. 10.

nullo privilegio clericali, præsertim in criminalibus gaudeant: in majoribus vero ab executione ordinum ad beneplacitum futuri Prælati sint ipso jure suspensi. u 4) *Regulares Prælati* intuitu subditorum Regularium suis in hac re privilegiis etiamnum gaudent, quæ non sunt revocata a Tridentino (x). nisi quantum ad *Clericos seculares*, servanda tamen ea, quæ a Clemente VIII. (y) et Benedicto XIV. (z) in ea re (Cf. §. præc. not. 2) sunt constituta.

§. 416.

II. *Examen seu scrutinium ordinandorum*, quod tum ex ipsa rei indole et gravitate, tum ex perpetua ecclesiæ consuetudine semper necessarium habebatur (a), triplex est: I) unum uno mense ante ordinationem a Parocho, vel alio per Episcopum delegato faciendum; *) II) idum ab Episcopo ipso proximis ante ordinationem diebus instituendum, **) III) tum in ipso ordinationis actu usitatum, ubi Archidiaconus vel assistens ordinandis Presbyteris vel Diaconis testimonium publice tribuit.

* 1) ad ordines minores solius Parochi aut Magistri ordinandorum sufficit testimonium. 2) Majoribus ordinibus initiandorum nomina publice in ecclesia, curatio de eorum moribus ac dotibus inquisitione facta, denuntiari jubet Tridentinum (b). Id tamen hodie in Germania per testimonia a professoribus et scholarum magistris, directoribusve se-

B 2

mina-

(x) Sess. 23 c. 10.

(y) Constit. *Demandato*.

(z) Constit. *Impositi*.

(a) C. 2 dist. 24 et c. 5 dist. 61.

(b) Trid. sess. 23 c. 5 et 7 de reform.

20 *Sect. I. De Personis et Beneficiis ecclesiasticis.*

minariorum utique pro rei gravitate fideliter danda, suppleri creditur (c).

**) Examen hoc secundum hodieque subire debent ordinandi. Cujus 1) ad *modum* et puncta quod attinet, monet Van Espen (d) ex S. Carolo Borrom. et aliis, illud non sterilibus duntaxat, et speculativis quæstionibus absolvendum; sed de moribus, prudentia, studio S. scripturæ, orationis mentalis methodo, vitæ spiritualis sanctionisque institutis, scientia, ecclesiasticarum rerum notitia usuque esse accurate perquirendum. 2) citra tale examen aut Episcopi facultatem ad ordines *furtive* accedens ab exercitio ordinis sic suscepti suspenditur (e); immo si Episcopus poenam excommunicationis sic accedentibus denunciavit, excommunicationem Papæ reservatam (f) incurrit.

§. 417.

III. Circa *tempus* ordinationis notandum I. *tempus, quo* ordinatio peragi potest, II. *tempus quod inter ordines* intercedere debet, III. *tempus, quo unus præ altero* gradatim suscipiendus ordo est.

§. 418.

Tempus, quo ordinatio fieri potest, est 1) pro suscipienda *tonsura* quævis anni dies, et hora; 2) pro *minoribus*, et quidem pro omnibus quatuor simul continua serie, si Episcopo placuerit, recipiendis designatur tempus matutinum cujuslibet diei dominici et festivi, seu festi, quod in foro a populo etiam celebratur

(c) Cf. Van Espen J. E. U. P. 2 tit. 9. de ord. c. 4 num. 19 seq. n. 33. seqq.

(d) Ibid n. 37. seqq.

(e) C. ult. dist. 24.

(f) Tit. de eo, qui furtive ord. suscepit.

bratur (g); 3) pro *majoribus* excepto Episcopatu ordinibus semper servato jejunio, et inter missarum solennia conferendis determinata sunt sex Sabbata; scilicet Sabbata quatuor temporum, Sabbatum *sitientes*, seu quod Dominicam Passionis præcedit, et Sabbatum sanctum: nisi forte ordinans vel ordinandus ex privilegio Pontificis ad hæc tempora adstrictus non sit. *) (h) 4) Pro *Episcopis* initiandis quivis dies dominicus, aut Apostoli natalitius aptus habetur.

*) Tale privilegium, vel facultas datur Episcopis Germaniæ in facultatibus, ita dictis *quinquennialibus*, seu omni quinquennio a S. sede rursus concedi solitis. Quo privilegio non obtento 1) extra tempora *ordinans* canonica censura est corrigendus, *ordinatus* ab ordinis exercitio suspendendus (i), immo jure ipso suspensus, usque dum Episcopus cum eo dispensaverit (k). 2) Attamen si Episcopus electus pluribus ordinibus adhuc sit initiandus: ea tempora ob bonum ecclesiæ adtendi non solent. 3) Quodsi tanta ordinandorum sit copia, ut die Sabbati omnes ordinari nequeant, sequenti die dominica, servato tamen iterum ab ordinandis et ordinante jejunio id fieri potest (l).

B 3

§. 419.

(g) C. 1 et 3 de temp. ord. et Trid. sess. 23 c. 8 de reform. ita declarat. Congr. Cardinal. teste fagnan. c. 3 hoc tit. n. 42.

(h) C. 2 et 3 de temp. ord.

(i) C. 2 et 8 eod. tit.

(k) Pius II. in bulla. *cum ex sacrorum* et c. 16 de temp. ord.

(l) C. 13 de temp. ord. c. 4. 5. dist. 75.

§. 419.

Temporum intervalla inter ordinem et ordinem interponenda, seu *interstitia* servanda erant multo olim longiora; *) hodie 1) inter *minores* ordines, qui omnes uno die conferri possunt, nulla interstitia plerumque servari solent: 2) inter hos et subdiaconatum; item hunc inter altioresque ordines *annus* ecclesiastice, non mathematice computandus intercedere in regula debet **) Concessa tamen est Episcopis facultas, hoc tempus ex justa causa coarctandi ita tamen, ut nunquam eidem duos ordines sacros eodem die (m), neque etiam diebus sine medio continuis, continuato licet jejunio (n) conferre possint, eadem, quam supra (§. præc. not. n. 1) commemoravimus, constituta in sic ordinantem et ordinatum canonica poena (o).

*) Primorum seculorum ea vulgo lex erat, ut Diaconatus anno ætatis trigesimo primum conferretur; subin decurso quinquennio Presbyteratus, et inde post decennium Episcopatus primum posset obtineri. Atamen in hac re haud eadem ubique disciplina viguit, et non raro per Oeconomiam ab ea est recessum. Cf. Thomassin P. I. L. 2 C. 36 n. 6 *discrimen antiquæ recentiorisque in hac re disciplinæ adnotant* itidem Morinus de S. Ordin. P. III. exercit. 11. c. 2. Van Espen J. e. univ. P. 2 tit. 9. c. 5.

**) Tridentinum inter duos sacros ordines unius anni interstitia præscribit: hinc 1) alicubi solet eadem

(m) Trid. sess. 23 c. 11. 13, 14 de reform, c. 15 de temp. ord.

(n) C. 13 de temp. Ord.

(o) C. 13. 15. eod. Tit.

eodem die cum quatuor minoribus etiam Subdiaconatus conferri. Item 2) quum de Episcopatu nihil commemoret S Synodus. eum, qui Presbyteratus ordine die Sabbati initiatus est, consequente mox dominico die Episcopum consecrari posse plures asserunt.

§ 420.

Denique III. tempore prior suscipiendus or-
est, qui altero *inferior*. A tonsura ad mi-
res, ab his ad altiores fiat gradus. Qui præ-
misso inferiore altiore suscipit, per *saltum*
ordinatus dicitur, et 1) alios præter episcopa-
m omisso presbyteratu: ordines *valide* qui-
am, *illicite* tamen recipit (p); unde sic ordi-
natus 2) ab usu ordinis ita suscepti suspendi-
r, et 3) si in ordine omisso, aut temere sus-
cepto, antequam ordo omissus subpletus, et
solutio a suspensione fuerit recepta, minis-
arit, redditur irregularis (§. 409. n. 3).

*) Huic exceptioni Corrector ac Censor meus Colo-
niensis hæc obponit; „An qui omisso Presbytera-
tu Episcopatum suscipit, valide ordinetur in Epis-
copum? quæri hoc loco potest. Videtur autem
res esse decisa tum ex ipsa rei natura, tum
ex antiqua ecclesiæ praxi, Episcopatum omisso
etiam Presbyteratu valide suscipi. Nam Epis-
copatus plenitudo est sacerdotii, a quo ceu
fonte reliqui ordines ceu rivuli dimanent.
Cum Episcopatu proin omnis potestas cujusvis
ordinis confertur. Certe in sublimitate majoris
Pontificis consistit etiam honor minoris sacer-
dotis. Dein constat ex oratione XXI Gregorii
Nazianzeni Athanasium *Diaconum* ad Episcopa-
tum fuisse promotum. Observat etiam Tille-
montius paucos olim Diaconos ad Presbyteratum

B 4

ascen-

(p) C. un. de Cler. per salt. ord,

24 Sect. I. De Personis et Beneficiis ecclesiasticis.

ascendisse, idquæ occasione canonis XIII. Sardicensis, ubi *disjunctive* habetur: *Non prius ordinetur (in Episcopatum) nisi et Lectoris munere et officio Diaconi, aut Presbyteri fuerit perfunctus, ut per singulos gradus si dignus fuerit ascendat ad culmen Episcopatus.* Nunc istæ rationes sint ejusmodi, ut earum pondere res decisa videatur, judicent alii. Sunt sane et alie, qui ex adverso stant, rationes his forte non leviores, quas copiosius recensere a proposito nostro alienum credimus. Sufficiat hæc notare: 1) Episcopatus, hoc ipso, quod ex more loquenti Patribus solenni supremus Sacerdotii *apex et fastigium*, atque *complementum* sit, sine fundamento, sine primo sacerdotii gradu, cogitare nequit. 2) Ut plenitudo sacerdotii una ordinatione cuiquam collata censi possit, constare debet, quod *facta etiam separatione ordinis mere sacerdotalis ab Episcopali* consecrator Episcopi, aut ecclesia una ordinatione episcopali omnem ordinis quoque sacerdotalis potestatem e. g. conficiendi corporis Christi conferre intendat (q). At vero contrarium loquitur ordinationis ritus, et ecclesiæ præxis. Sane 3) certissimis exemplis demonstratum habetur, etiam ex Diaconis vel Clericis inferioribus electos Episcopos prius Presbyteratus ordine initiatos, et postea primum, sæpe die eadem, fuisse Episcopatus ordine insignitos. Quodsi autem brevissimo tempore fuerint in solo Presbyteratus gradu constituti; mirum non est, de eorum ad Presbyteratum promotione quandoque auctores siluisse (r). Inio 4) testimonia, quæ de *Diaconis* ita promotis profertur, de electionis eorum, quam consecrationis tempore verosimilius loquuntur. 5) Athanasium omisso Presbyteratu consecratum esse Episcopum vel ideo cre-

(q) Cf. P. Bened. Stautler Theol. P. VI. §. 581.

(r) Cf. Thomassin de V. et N. discip. p. I. l. 2. c. 36. n. 11 seqq.

eredibile non videtur, quod ipsemet Ischyra ex eo, quod omisso Presbyteratu factus sit Episcopus, episcopalem characterem denegat (s). Denique 6) Concilii Sardicensis canon XIII. seu X. tum in græco, tum in altera latina versione non particulam disjunctivam *vel*, sed copulativam *et* habet (t). Dein sensus copulativus itidem iis verbis *per singulos gradus* etc. satis per se denotatur. Denique si is canon, ut plerique non temere augurantur, adversus Ischyram, quem Ariani, etsi Presbyter non esset, Episcopum crearunt, est factus, necesse prorsus fuit illud diserte exprimi: non posse nisi ex Presbytero Episcopum creari. *Plura de his vid. apud Thomassin de V. et N. disc. P. 1. L. 2 c. 36 et Vitasse Tract. theol. de sacr. ordinis, Q. 7. Art. 4. q. 10. pag. mihi 223. seqq.*

§. 421.

IV. *Locus* ordinationis sit 1) *proprius*, id est, in diœcesi ordinantis positus (u) eidemque subjectus; * 2) *sacer* saltem pro ordinibus sacris conferendis, non item pro minoribus; 3) *publicus*, et quantum fieri potest, ecclesia cathedralis, vel reliquis dignior. (x)

*) In locis exemptis et monasteriorum ecclesiis id, nisi consentiente illius loci Prælato, fieri non decet. C. 6. caus. 18. q. 2.

§. 422.

V. *Requisita* ordinum *in genere* alia sunt, ut *valide*, alia ut *licite* recipiantur. I. Ad *validam*

B 5

ordi-

(s) Apolog. Cf. Theodoret l. 2 c. 8. Socr. I. 1. c. 20 apud Thomass. l. c. n. 12.

(t) Apud Harduin coll. concil. Tom. I. colum. 645. Cf. Cabassut. Not. eccl. pag. 157. item Thomassin l. c. n. 2.

(u) Trid. sess. 6 c. 5 de reform.

(x) Trid. sess. 23, c. 8 de reform.

26 Sect. I. De Personis et Beneficiis ecclesiasticis.

ordinationem requiritur in ordinando 1) sexus virilis (y), 2) receptus baptismus (z), 3) intentio in adultis saltem habitualis (a). II. Ad *licitam* vero ordinationem exigitur generatim 1) usus rationis, 2) confirmationis sacramentum prius receptum, 3) status gratiæ, 3) recta intentio; 5) vitæ morumque integritas; 6) immunitas ab irregularitate. (§. 408 seq.)

§. 423.

Requisita ordinum recte recipiendorum in specie sunt, ut I. recepturus *tonsuram* 1) saltem fidei rudimentis sit imbutus, 2) legereque et scribere doctus (b). II. *Minoribus* initiandus 1) latinæ linguæ sit ignarus, 2) scientiæque ad majores ordines necessariæ spem præbeat. (c) III. Ad *subdiaconatum* requiritur titulus, *) IV. ad eundem et *diaconatum* ac *presbyteratum* amplior pro ratione gradus scientia, probata tempore interstitiorum probitas, et in officio clericali solertia exigitur (d).

*) *Titulus* heic intelligitur cautio sufficiens de perpetua, et congrua ordinandi sustentatione: ideo cuique ad majores ordines aspiranti necessarius, ne Clericus victum indecore quæritare coactus, ordinem suum dedecoret. Est porro, ut dictum (§. 410. not. n. 8.), alius titulus 1) *beneficii*, alius 2) *professionis religiosæ*, aut paupertatis, alius 3) *patrimonii*, alius 4) simpliciter titulus *mensæ*. I.

Titu-

(y) C. 10 de poenit. et remiss.

(z) C. 3 de Presb. non baptis.

(a) C. 3 de baptis. §. item quæritur.

(b) Trid. sess. 23. c. 4 de reform. c. 4 de temp. ordin. in 6.

(c) Ibid. c. 11.

(d) Ibid. c. 13 et 14.

Titulum beneficii constituit possessio pacifica beneficii veri, et perpetui ad congruam Clericii sustentationem sufficientis, quod proin resignari, nequit, nisi aliunde cautio de congrua sustentatione habeatur (e). Huc reducitur II. *titulus professionis religiosæ* in Ordine proventibus ad suos alendos sat instructo, vel *paupertatis* in ordine mendicantium. III. *Titulus patrimonii* a Tridentino non nisi ob ecclesiæ necessitatem vel utilitatem admittitur, ita quidem, ut 1) patrimonium sit certum, 2) pacifice possessum, 3) vere sufficiens, 4) nec abque Episcopi facultate, immo neque cum hac alienandum, donec beneficium sufficiens sint adepti, vel aliunde habeant, unde vivere possint (f). Denique IV. *titulus mensæ* simpliciter sint dictus continetur literis patentibus, quibus Principes, Nobiles, aut communitates Clericum, forte se honeste alere impotentem congrue sustentare spondent. Jam olim sine titulo ordinati ipso facto suspensi, et in ea suspensione ordinem exercentes irregulares erant (g); subin per canones Episcopus Clericos ita a se ordinatos, donec beneficio potiantur, sustentare jubetur (h): concilium vero Trid. pœnas antiquorum canonum innovat. Unde arguunt, quod 1) Episcopus temere aut negligenter sic ordinans temeritatis pœnam luere, Clericumque ita ordinatum alere tenetur, Clericus autem non sit suspensus; 2) si per ordinati dolum et Episcopo ignorante id fiat, Clericus suspensionem latæ sententiæ ab executione ordinum itaceptorum incurrat; nec ali ab Episcopo debet. (i). In

Bava-

(e) Trid. sess. 21, c. de reform.

(f) Trid. ibid.

(g) C. 1 et 2. dist. 70.

(h) C. 4 et 16 de præb. c. 13 de æt. et qual. ord.

(i) Vid. Decreto Congreg. Concil. 27. Nov. 1610
relat. Inst. 16. Benedict. XIV.

28 *Sect. I. De Personis et Beneficiis ecclesiasticis.*

Bavaria titulum mensæ nulli, nisi ab Ordinario ad curam animarum examinato, et adprobato esse a Sereniss. Bav. Duce Electore etc. conferendum, declaratur per decretum Elect. 1773. 30 Nov.

§. 424.

VI. *Effectus ordinum generatim eo redit, quod* 1) munia ordinum, quos recipit, exercendi jus obtineat, ei 2) obligationibus iis ordinibus adnexis, obstringatur. *Speciatim tonsuræ effectus sunt, quod* 2) Cleri quis membrum, 2) altioris ordinis, et beneficii ecclesiastici capax, 3) privilegiorum clericalium particeps reddatur. *subdiaconus præterea obligatur* 1) ad permanendum in ordine Clericorum, 2) ad castitatem perpetuo servandam, 3) ad horas canonicas in dies recitandas.

§. 425.

Denique quoniam ordinatio omnis *cha. acterem* imprimit *perpetuum*, 1) ordo nullus valide collatus repeti potest: 2) si quidem vero ea, quæ ad rem seu ad substantiam ordinis pertinent, omissa esse constet, idem ordo de novo conferri, sin probabile sit dubium, conditione adposita iterari debet. 3) quod si solum accidentalia fuissent omissa, non ipsa ordinatio iteranda, sed omissa essent caute supplenda *)

*) Capitulo 3. de sacrament. non iterandis equidem dicitur, quod omissa etiam manus impositione in presbyteratu ordo non sit iterandus, sed id dumtaxat, quod omisum est, supplendum. Verum id non de omni manus impositione penitus omissa, quarum unam saltem ad ordinis substantiam Theologi plerique requirunt, intelligi potest.

ARTICULUS III.

De obligationibus, honestate, et cœlibatu Clericorum.

§. 426.

Clerici, ut qui singulari quadam ratione culti divino, et sacro ministerio consecrati, dusque, exemplar ac magistri fidelium reliquorum constituti sunt, (a) ad eximiam præ requis Christianis morum integritatem, præciamque tum in- tum *exteriorem* vitæ *honestem* *) consecrandam obligantur. (b)

*) *Honestas* generatim est virtus, quæ ad agenda ea, quæ facere obligamur, prompti sumus, ad ea vero, quæ omittere obligamur, committenda adduci nos minime patimur; *interior* est, quæ voluntate et interius virtutibus, *exterior*, quæ disciplina et *decoro* exteriori perficitur, diciturque a quibusdam habitus in omnibus actionibus insignem virtutis gradum declarandi. Cf. Gratian, distinct. 37. seqq.

§. 427.

Interior porro Clericorum *honestas* 1) in conscientie munditia, 2) in affectuum, ac intentionis integritate, 3) in singulari virtutum, statui in præcellenti congruentium, studio posita est.) *Exterior* vero requirit I. ut Clerici ab omnibus, quæ dignitati, utilitati, auctoritati status clericali derogare quomodocunque possent, sibi

(a) Matth. V. 13. I. Tim. III. Tit. I.

(b) C. 21 caus. 8. q. 1 Trid. sess. 22 de ref. 2. 1.

(c) Vid. Joan. Gerson. Serm. de vita Clericor. et Fr. Christ. Pittroff Anleitung zur pract. Gotteseel. 3 Th. I. 2. 3 Haupt.

3a Sect. I. De Personis et Beneficiis ecclesiasticis.

moderationem (m) 3) alearum, similesque ludos, (n) 4) negotiationem, mercaturam, * e quodvis turpis lucri studium (o) gravissimis legibus nunquam non vetuit.

*) *Negotiatio (Handelschaft)* illa est Clericis prohibita, qua res nec in *usus proprios*, nec ut *artificio* Clerici immutetur, emitur, postea cum *lucris* rursus vendenda. Sed negotium, id est, alicujus professionis mechanicæ exercitium Clericis permissum est etiam spe lucri. *Nec tamen justum negotium (ein ehrbar Gewerbe)* est eis interdicendum, quia legimus *S. Apostolos negotiatos fuisse et in Regula S. Benedicti (C. 57.) præcipitur provideri, per quorum manus negotium monasterii transeat.* etc. ait Concil. Mogunt. A. 813. jussu Caroli M. in claustrum Basilicæ S. Albani celebratum: et repetit aliud Moguntinum A. 847. sub Ludovico Germanico Rege Rom. habitum C. 13. Imo vero est hoc jus clausum in Corpore Juris Rom. L. 2 Cod. de Episcop. et Cleric. ut possint omnes Clerici absque aliqua præstatione publica negotiatoribus imposito exercere mercaturam *honestati tamen consciam*, eoque fine habere sua ergasteria, vel tabernas atque in his suos homines, qui *operam in mercimoniis habent*, pariter immunes. Cf. c. 3 et 4 Dist. 91 et c. 33. dist. 5. *Vide ex quo hoc excipsi, Cl. Georg. Neller Exercitium in Anecdoto Trevirensi, de Libert. Eccl. l. 1. lit. F et H. Thesaur. Jur. Eccl. Tom. IV. pag. 473. seqq.*

S. 431.

Singulari tamen cautione omnis *incontinentiæ* vel suspicionem a Clericis remotam semper voluit

(m) C. 19. dist. 34. c. 2. 5. etc. dist. 44.

(n) C. 15 de vit. et honest. Cler.

(o) C. 16. eod. tit. et Clement. 1. ibid.

luit ecclesia. Quare in Clericis semper abhorruit 1) choreas, inhonesta spectacula, et alia quævis veneris incentiva, (p) præsertim 2) convictum seu cohabitationem cum feminis, nisi forte primo aut secundo gradu consanguineæ, aut tales essent, quæ omnem prorsus suspicionem excluderent; (q) item 3) quamcunque cum feminis sive per literas, sive alio modo familiaritatem, aut suspectam communionem (r) severe prohibet: 4) turpissimum autem incontinentiæ, et maxime concubinatus vitium sec. IX. et X. non infrequens semper detestata, execrata, pœnis acerbissimis insectata est. *)

*) Sanctiones pœnales in hujus vitii reos occurrunt passim in conciliorum tum antiquiorum tum seculi XI. et sequentium decretis. Modum gradusque in iis, qui de hoc vitio vel suspecti sunt, puniendis observandos, accurate determinat *Tridentinum sess. 25 c. 14. de refor.* quo referendum itidem concilii Basileensis sess. XX. Decretum: *Quicumque Clericus.* . Ut quod a Germanis (§. 174. not. 4.) solenniter receptum est. *Vid. Neller Diss. de Decret. Concil. Basil. c. 1. §. 16. Thesaur. J. E. Tom. I. pag. 283.*

§. 432.

(p) C. 15. de vit. et honest. Cler.

(q) Concil. Nicæn. I. c. 3. c. 16. dist. 32. c. 9 de cohabit. Cler. etc. Cf. Thomassin de V. et N. dis. P. I. l. 2 c. 61 seqq. Item concil. e. g. Ratisbonense A. 742. Can. 7 Salisburg. A. 1420 apud Harzheim concil. Tom. I. et V. Trid. sess. 25 c. 14 de reform.

(r) C. 2. 8 de cohabit. Cler. c. 20. 26. 28. dist. 81.

Tom. II,

C

§. 432.

Neque solum incontinentiæ omnibus prohibitiæ vitium in Clericis maxime horret, et severe punit ecclesia: sed 1) Clericos in majoribus constitutos a nuptiis alioqui licitis abstinere vitamque cœlibem agere jubet, * 2) eosdemque ad matrimonium deinceps contrahendum reddit inhabiles: **) 3) Clericos autem in minoribus constitutos, quæ nubendi libertatem haut negat, post connubia ***) saltem a beneficiis ecclesiasticis excludit. Quæ *cœlibatus lex* tantum abest, ut ulli juri sit contraria, aut potius congrue admodum sit lata, indeque status clericalis ornamentum. ****)

*) *Calibatum Clericorum* a) alii juris omnino divini alii juris apostolici consueverunt b), alii plures eum pietate Cleri, et consuetudine primum, demum vel seculo IV. vel potius jam antea et legibus firmatum arbitrantur. Ceterum c) si quis olim Clericus in majoribus constitutus, uxorem duxisset ei sacris interdictum est; d) Justinianus posthac liberos tali matrimonio natos illegitimos, successionisque ac donationum exsortes esse voluit; subire connubia isthæc plane irrita habebantur. (s) In cœlibatu porro servando græcam inter, et latinam ecclesiam posterioribus saltem seculis non convenire res nota satis et testata est; nihilominus i) Clerici apud Græcos cœlibes ordinati vitam cœlibem agere tenentur, 2) bigami ad ordines non admittuntur: 3) Episcopi licet ante ordinationem uxorati, consuetudine uxoris perpetuo abstinere debent; 4) Clerici reliqui equidem a nuptiis deinceps contrahendis arcentur; haud tamen ab uxoribus antea ductis

(s) Cf. Rupprecht Not. in Jus Can. Tom III. l. 1. tit. 3 et Thomassin P. I. L. 2 c. 60. seqq. Natal. Alexander H. E. sec. IV. Diss. 19.

ductis perpetuo, sed solum tempore, quo ministerio functuri sunt, tenentur abstinere. Cf. *Rupprecht l. cit. et Thomassin L. c. cap. 60 et 63. et Trullani Concilii can. 6 et 13.*

***) Quodsi nihilominus Clerici in sacris Constituti matrimonium, invalidum licet, contrahere attentent: 1) mulieres invalide sibi junctas dimittere, et agere poenitentiam coguntur; (1) 2) latae sententiae excommunicationem incurrunt; (u) 3) fiuntque irregulares, ita tamen, ut cum iis dispensare Episcopus possit: (x) jure decreti beneficio ecclesiastico excidunt: (y) jure autem Decretalium, atque hodierno regulariter per suspensionem a beneficiis ad poenitentiam adigantur, (z) nisi gravitas scandali ipsam beneficii privationem suadeat. Ceterum eum, qui sic attentato matrimonio ad sacra augustanae confessionis transiret, ipso facto beneficia sua per Germaniae leges amissurum supra (§. 183.) jam diximus.

****) Clerici in minoribus constituti, nulla quidem lege contrahere matrimonium prohibentur: eo tamen contracto 1) ad beneficia obtinenda inhabiles redduntur, (a) imo etiam 2) actu possessa beneficia ipso jure amittunt: (b) tenenturque se iis ante omnem judicis sententiam abdicare, et fructus post nuptias forte perceptos restituere. Neque obstat, quod dicantur (c) ad beneficia dimittenda compellendi, spoliandi, privandi; eoquod id de facto, et non de jure sit intelligendum; eos nempe, nisi ultro cedant, et beneficia, quae ipso jure jam excide-

C 2

runt,

-
- (t) C. 1 et 2 qui Clerici vel voventes.
 - (u) Clem. unic. de consang. et affin.
 - (x) C. 1 et 2 qui Clerici vel vov.
 - (y) C. 2 dist. 28.
 - (z) C. 1 de Cleric. conjug.
 - (a) C. 2 de Clericis conjug.
 - (b) C. 1. 3. 5. eod. tit.
 - (c) Ibid.

36 Sect. I. De Personis et Beneficiis ecclesiasticis.

runt, tenere *facto* pergant, superioris auctoritate esse depellendos. At vero, si Clericus minorista matrimonium contraxit, sed invalidum; tum quidem an ipso jure amittat beneficium, inter jureconsultos vehementer disceptatur: aliis quidem id absolute affirmantibus, aliis id solum de eo, qui se invalide contrahere ignorat, annuentibus, aliis demum id simpliciter negantibus: horum rationes exhibet P. Böckhn comment. in J. can. l. 3. Tit. 3. n. 28, ****) *Calibatus* 1) nec jure divino naturali, nec positivo repugnat, sed potius Christi atque Apostolorum doctrina, et exemplo, ac praxi ecclesiae continua prae nuptiis extollitur, suadet, et ceu aptissimum Deo magis placendi, et curatius serviendi remedium commendatur (d): nil proin obstat, cur in certis rerum adjunctis praecipere nequeat (e). 2) Principes nemo injustitiae accusat, dum ob reipublicae bonum militum plures, ad eum statum etiam coactos, item passim pauperes alios nuptiis prohibent, cum ecclesiae Rectores ordini Clericorum, liberrime se huic statui devotentium, ob bonum ecclesiae continentiam praecipere nequeant, licet gravissimas id statuendi habeant rationes? Sane 2) sacerdotes V. L. in ordine vicis suae ab uxoribus abstinere debebant id quod ut fideles laici causa orationis, nonnumquam faciant, suadet Apostolus (f): qui idem matrimonio junctum minus ad vacandum libere De expeditum; immo quasi divisum dicit (g) atqui Clerici potissimum orationi, officiis divinis, sacrificiis quotidie offerendis sunt destinati, consecrat horum

(d) Matth. XVIII. 29. I. Cor. VII. 7. 25. seq.

(e) Vid. Rupprecht l. cit. n. 20. pag. 56. seq. Böckhn comment. in Decret. L. III. tit. 3. n. 1. — 17
Christlicher Diogenes von der Trennung der Christen
I. Th. pag. 411. seq.

(f) I. Cor. VII. 5 Epiph. Haeresi 59. Cf. L. Regul. I. 21. 4.

(g) I. Cor. VII. n. 35.

horum vero gravitas officiorum non divisum, sed integrum sibi deprecatur hominem. 5) Majestas, ac sanctitas SS. mysteriorum summam animi, corporisque integritatem exigunt (h): 6) animarum cura, intrepida errantium aut inobedientium correptio (i) et fræquens ægrotorum visitatio pastorem intrepidum requirunt, non vitæ, aut sanitati suæ, minus uxori et liberis, quod solet, anxie timentem. 7) Unde ab incunabulis ecclesia semper coelibes Clericos saltem exoptavit, et sola exigente necessitate alios, raroque admissit. 8) Beneficia plura, capellanæ etc. sæpe vix unicum sustentant Clericum, qui autem uxore liberisque gravatum alerent? quæ non curis, sollicitudinibusque, imo peccandi periculis domesticæ rei angustia talem involverent? Aut quos demum in usus ecclesiastica bona ab uxoris impenderentur? Agnovit id optime Justinianus Imp., qui liberos, nepotesve habentem non recte eligi Episcopum ex ea ratione censuit (k): « Etenim fieri vix potest, » inquit, ut vacans hujus quotidianæ vitæ curis, » quas liberi creant parentibus maximas, omne » studium omnemque cogitationem circa divinam » liturgiam et res ecclesiasticas consumat. Nam » cum quidam summa in Deum spe, et ut animæ » eorum salvæ fiant, ad sanctissimas accurrant ecclesias, et eis omnes suas facultates adferant, et » relinquant, ut in pauperes, et egenos et alios » pios usus consumantur, indecens est Episcopos » in suum illas auferre lucrum, aut in propriam » sobolem et cognatos impendere. Oportet enim » Episcopum minime impeditum affectionibus carnalium liberorum, omnium fidelium spiritualem » esse patrem. Has igitur ob causas prohibemus » habentem natos, aut nepotes, ordinari Episcopum. » Manet itaque, 9) uti semper fuit, casti-

C 3

mo-

(h) Hieronym. ad Jovin. c. 19.

(i) I. Timoth. V. 20. II. Timoth. IV. 3.

(k) E. 42. Cod. de Episc. et Cliv.

38 Sect. I. De Personis et Beneficiis ecclesiasticis.

monia S. Ministrorum maximum ecclesiæ prædium, decus, et status clericalis ornamentum. Quodsi quidam dignitatem suam macularunt, in solo suo factum vitio. Quodnam vero munus quis status perversos homines nullos unquam habuit? 10) Tentationes, et carnis tribulatio tantum parum cœlibes Clericos a lege continentiae, quam uxoratos laicos a fide conjugali solvunt. Neque cœlibatus, ut male quidam argumentantur, concubinatum generat; sed potius, nisi Apostolo neges fidem, a carnis tribulationibus eximit et pietatem fovet (l). Hinc nec ex Protestantibus æquiores Ministrorum ecclesiæ cœlibatum fore optabilem inficiati sunt (m). Imo unus eorum (n) illos, qui cœlibatus legem invidiose criminantur, iis argumentis castigat, quæ his criminantibus nisi præmortui jam pudoris sint, non possunt non pudorem incutere. Denique 11) Clericorum cœlibatum reipublicæ nequaquam noxium esse demonstrarunt dudum viri eruditi. Cf *Lib. Ueber den Cœlibat der Geistlichen und die Bevölkerung in Kathol. Staaten.* Salzbg. 1784.

§. 433.

II. Decentiam et modestiam in *habitu*, *incedu*, *sermone* etc. quod attinet; * 1) vestitus forma, color, species clericali gravitati congruant, nec sit ille multicolor, nec viridis, nec, nisi Cardina-

(l) I. Cor. VII. 28. 32.

(m) e. g. Joan Gerard Confess. Cath. L. 2. P. 2. Art. 6 c. 4. Joan Spener Consil. theolog. p. 2. c. 3. Art. 1. n. 12. Sed imprimis der christl. Diogenes allgem. ine Gedanken von Trennung der Christen. 1. Th. pag. 385 seqq.

(n) Der christl. Diogenes l. cit. §. 35. seqq.

(o) Can. 21. q. 4 per tot. c. 15 de vit. et honest. Clem. 2 eod.

dinalium, rubeus nec auro argentove rigens, nec ad vanitatem compositus (o), **) 2) arma et modestiæ et mansuetudini ecclesiæ minus congruentia, nisi forte ob itinerum pericula, Clerici non gestent (p): 3) comam profane non alant, sed tonsuram et coronam clericalem semper deferant (q): decorum ita servant, ut tamen seculi levitati et mobilitati haud serviant. Paucis, Clericorum actiones omnes sint ejusmodi, ut cunctis adferant venerationem (r).

* 1) Clerici primis ecclesiæ seculis nec capillis nec vestibus nec certo habitu distincti erant a laicis, utpote qui habitu clericali modestia digno, toga scilicet longa more Romano utebantur, capillis reffectis, barba rasa. 2) Barbaris autem contrarium morem sectantibus ad fidem conversis Clerici morem Romanum retinebant; unde iisdem in Clericorum numerum adjectis capilli resecandi erant, quæ tonsuræ conferendæ, subin ad tonsuræ monastice modum adaptatæ, fuit origo (s) 3) Seculo VII et sequentibus Episcopi et Clerici ubique alba et stola super veste talari clausa utebantur. 4) Tandem ad exemplum monachorum observantia primum, tum et specialibus locorum legibus fere niger color pro Clericorum vestitu præscriptus est. De his erudite pertractat *Rupprecht. Not. J. C. Tom. III. in decret. L. III. tit. 1.*

**) » Omnes ecclesiasticæ personæ quomodocumque
» exemptæ... si postquam ab Episcopo suo etiam per
» edictum publicum moniti fuerint, honestum habi-

C 4

» tum

(p) C. 6 et 7 de vit. et honest. Cler. Trid. sess. 14 de reform. c. 6 c. 2 caus. 21 q. 4.

(q) C. 4 et 5 de vit. et honest. Cleric.

(r) Trid. sess. 22. de ref. c. 1.

(s) Thomassin. p. 1. l. 2 c. 57. Fleurii Inst. J. E. p. 1 c. 5.

40 Sect. I. De Personis et Beneficiis ecclesiasticis.

» tum clericalem illorum ordini et dignitati congruentem... non detulerint, per suspensionem
» ab ordinibus, ac officio, et beneficio, ac fructibus... nec non, si semel correpti denuo in
» hoc deliquerint, etiam per privationem officiorum
» et beneficiorum coerceri possunt, et debent.« (t).

§. 434.

III Clerici status sui officia sedulo et curate exequantur: scilicet 1) studiose, decenter, devote divinum officium celebrent, horas canonicas persolvant, sacra ministeria obeant; 2) decorem domus Dei promoveant; 3) orationi, scripturarum lectioni ac meditationi, verbi Dei prædicationi, rudium instructioni sedulam operam navent; 4) pietatis, caritatis, misericordiæ operibus se ferventer impendant; 4) laboris, librorum, solitudinis amantes, sacratorum (§. 60. 73.) optimarumque scientiarum studio animum sedulo excolant, vanarum tamen ac curiosarum rerum lectione tempus non comburant. (u) *)

*) Neque suo officio Clericus satisfactum putet, si horas, et SS. missæ sacrificium absolverit: otiosos enim sacerdotes semper horruit ecclesia; et in Bavaria quoque per ordinationem consilii ecclesiastici aulici novissimam (r) cavetur, ut Clerici nullis præter breviarii et missæ officium functionibus occupati, ad seminaria Clericorum revocentur, atque ad animarum curam vel juventutis instructionem adstringantur.

§. 435.

(t) Trid. sess. 14. c. 6 de ref.

(u) C. 7 dist. 40 vid. item dist. 36, 37, 38.

(v) De A. 1783. §. III. n. 1.

§. 435.

Ceterum ecclesiæ semper plures cautiones et media adhibuit, et adhiberi mandavit, quibus nestas Clericorum in- et exterior restitueretur, servaretur, promoveretur: nam 1) præquam quod fere in plerisque conciliis vel vâ de hac re ederet decreta, vel antiqua nfirmaret, et restauranda mandaret (w), 2) inquam nisi præmissa adcurata de fide, moribus, scientia ordinandi disquisitione quem admittere ad ordines voluit (x): 3) Clericorum *seminaria* *) ceu totidem scholas procte formando Clero in singulis diocesisibus stitui, ac conservari præcipit (y): 4) Episcopos per crebras visitationes, monitiones, correptiones, Clericorum moribus tum per se, tum per delegatos alios invigilare jussit (z).

*) *Seminarii* Clericorum nomine venit locus auctoritate ecclesiastica iis, qui vel ad clericalem statum adspirant, vel jam in eo constituti sunt, ad omnia Clericorum munia et officia sub disciplina communi tum præparandis tum perficiendis destinatus. Quomodo instituenda, fundanda, formanda sint id genus seminaria, accurate præcipit S. Synodus Trid. sess. 23. c. 18 de ref. Cf. Van Espen P. II. Tit. 11. item Phil. J. von Suth *Bildung der Weltgeistlichkeit eines Landes.* edit. 2. Concordaten mit dem Ordinariat Regensburg de A. 1789. §. 14.

C 5

ARTI-

(w) Cf. Trid. sess. 22 c. 1 de reform.

(x) I. Tim. III. 6, Trid. sess. 23 c. 5 de ref.

(y) Trid. sess. 23. c. 18 de reform. Cf. Thomassin P. I. l. 3. c. 4. seqq.

(z) Trid. sess. 6 de ref. c. 3 sess. 13 c. 1.

ARTICULUS IV.

De Juribus et Privilegiis Clericorum communibus.

§. 436.

Quemadmodum Clericorum officium sacrosanctum, gradus eorum omni veneratione dignus, obligationes sat graves sunt: ita merito variis iisdem tributa sunt privilegia et jura. Id quod nec gentes maxime barbaræ suorum sacrorum ministris unquam negarunt (Cf. §. 330. seq.). *) Quoniam vero de juribus, quæ Clericorum vario, quem in hierarchia obtinent, gradui respondent, parte prima jam egimus; nunc de iis prærogativis, quæ omnibus Clericis, respectu etiam ad ecclesiæ regimen non habitos communes sunt, et Clericorum *privilegia communia* vocantur, pauca dicemus. Hæc porro privilegia pro eo ac personas vel res Clericorum adficiunt, *personalia* vel *realia* dicuntur. De illis heic nobis maxime sermo.

*) De Germania gentilibus sacris addicta id testatur Jul. Cæsar: »Ministri Sacrorum, inquit, magno »sunt apud eos (Germanos) honore . . . Neque »tributa una cum reliquis pendunt, militiæ »vationem, omniumque rerum habent immunitatem.« *L. 6 de bello gallic.*

§. 437.

Privilegia Clericorum personalia sunt *Privilegia I. canonis, II. servitiorum, III. competentiae, IV. fori.*

§. 438.

(a) A. 1139. can. 15. refertur a Gratiano c. 29. caus. 17. q. 4.

§. 438.

Privilegium canonis a canone concilii Lateran. II. (a) sic dictum est, vi cujus excommunicationem latae sententiae Pontifici reservatam ii incurrunt, qui violentas manus in Clericum, aut Monachum injiciunt. *) Feritur ergo hoc fulmine ex Canonistarum interpretatione 1) qui actione externa graviter injuriante Clericum injuste adficit; **) 2) qui ad actionem similem mandando, suadendo, consentiendo, aut etiam, licet ex officio, et justitia teneretur impedire, non impediendo efficienter influit. ***)

*) Clericorum Monachorumque nomine heic 1) in te favorabili veniunt; a) etiam prima tonsura insigniti: b) utriusque sexus Regulares: c) Novitii quoque et laici fratres: d) Eremitae itidem sub regula, et superiore viventes et ab Episcopo probati: Demum 2) Clerici minoribus initiati, licet conjugati, modo unicam, eamque virginem duxerint, et clericali habitu utantur, et cujusdam ecclesiae servitio sint addicti: 3) ut tamen Clericus minorista privilegio fori et canonis perfruatur; clericalem habitum, et tonsuram deferens alicui ecclesiae ex mandato Episcopi inserviat, vel in aliqua schola de licentia Episcopi, quasi in via ad majores ordines suscipiendos, versetur. *Trid. sess. 23. c. 6 de reform.*

**) Excommunicatio can. cit. non adparet esse latae sententiae talis tamen per Doctorum explicationem et consuetudinem censetur. Porro cum *injusta* et *suadente diabolo* facta damnetur percussio, ab hac censura excusatur percussio, 1) quae fit inter Clericos per jocum (b), 2) aut a Clericis superioribus

44 Sect. I. De Personis et Beneficiis ecclesiasticis.

bus (non vero per laicum) disciplinæ gratia (c): 3) ad vim a Clerico illatam vi in *continenti* repellendam, inculpatæ tutelæ moderamine servato (d); 4) aut qua quis in Clericum cum uxore, matre, sorore vel filia propria turpiter inventum manus injecerit violentas; secus si cum ea inveniat, quæ ipsum ita proxima consanguinitatis linea non contingit, (e).

***) Percussores Clericorum ab aliis vitandi sunt sub pœna excommunicationis minoris, si de facta percussione constiterit *adeo noterie, ut factum non possit aliqua tergiversatione celari, neque aliquo juris suffragio excusari* (f). Unde alicubi, ut in Gallia, non nisi post declarationem judicis vitari debent.

§. 439.

Privilegium *servitiorum* est, quo Clerici eximuntur a servitiis personalibus, et officiis civilibus statui clericali minus convenientibus, ut sacris quietius vacare queant. Quare eximii sunt 1) a *militia*, ni extrema patriæ necessitas aliud exigeret; 2) a muneribus *publicis* curialibus, municipalibus tutelis, curatelis; 3) ab excubiis, vigiliis 4), a muneribus sordidis et servilibus; 5) a censu caputum seu tributo personali etc.)Cf. § 250. not. 2.)

* 1) Lex Constantini M. quæ est L. 7 Cod. Theod. de Episcop. et Cler. vetat ne Clerici devocentur ad curiam i. e. curialia munera. 2) Lex 2 Cod. eod. a Constantio, et Juliano Apostata Impp. A. 357 data munera sordida et extraordinaria, nec non

(c) C. 1. 10 24 *ibid.*

(d) C. 3. 10 *ibid.*

(e) C. 3 *ibid.*

(f) C. 29 *ibid.* et *constit. ad evitanda*, quam vulgo Martini V. dicunt,

non negotiatorum præstationes, ac parangarias avertit a Clericis, eorumque familia, 3) A. 377. Imp. Valentinianus, Valens, et Gratianus voluerunt infirmos quoque Clericorum expertes esse personalium munerum L. 6 Cod. eod. 4) Accessit longo intervallo Authent. Fridericiana. Item nulla communitas Cod. eod. et est usus per Christianitatem communis. Ita Neller *Exercitium in Anecdoto Trevirensi, de Libertate ecclesiastica* §. 1. lit. c. *Thesaur. Jur. eccl. Tom. IV, pag. 472.*

§. 440.

Privilegium competentie est, vi cujus Clerico ærato, si solvendo non sit, quantum ad conuam ipsius sustentationem opus est, relinquibet, quin idcirco indignis modis tractari, aut ligi possit, ut mendicando, vel sordidum quæsum exercendo panem sibi quærat. (g). Hoc beneficio Clerici maxime per observantiam et consuetudinem ex æquitate quadam naturali et honorem status clericalis perfruuntur.

*) *Beneficium competentia*, militibus Rom. concessum (h), ad militiam togatam tam secularem, quam ecclesiasticam passim extendunt Jureconsulti: unde illud non modo nobilibus, sed quibuscunque in dignitate constitutis, et de republica bene meritis personis tum leges Bavaricæ, (i) tum praxis, et heic et in S. R. I. tribunalibus recepta, tribuunt.

§. 441.

Privilegium fori, quo Clerici vel quoad omnes, vel quasdam saltem causas civiles a foro, et

(g) C. 23 dist. 93 §. Hunc autem. c. 3 de solat. Cf. Trid. sess. 21. c. 2 de re.

(h) L. 6 18. ff. de re jud.

(i) Annot. in Cod. Jud. Bav. c. 18. §. 10 decret. Elect. 5. sept. 1684. et 10 Dec. 1697.

46 Sect. I. De Personis et Beneficiis ecclesiasticis.

et jurisdictione iudicis laici eximuntur, 1) juris humani est, *) et Principum, ut supra monuimus (§. 351. seq.) beneficio maxime debetur, 2) nec ubique est uniusmodi; proin 3) secundum diversas regnorum, et regionum leges, moresque, item 4) secundum limites quoque ab ipsa ecclesia positos est explicandum.

*) Cur ergo hanc exemptionem a foro civili canones (k) juris aut ordinationis *divinae* esse asserunt? Nempe id intelligendum vel 1) quoad causas *spirituales*, vel 2) de eo immunitatis gradu, qui aliquando tum ad functiones sacras, tum ad Cleri auctoritatem servandam necessarius est. Dein 3) quod in V. T. per ceremoniales, aut judiciales leges licet hodie abrogatas, constitutum, aut quod legibus divinis *congruum*, aut quod antiquis canonibus dirigente Spiritu sancto decretum est, illud non semel sensu scilicet latiori *divini juris* in ecclesia christiana vocant Pontifices. 4) Quo sensu canones Clericos adire iudicium civile prohibeant, supra (§. 350.) dictum.

§. 442.

In Bavaria Clerici gaudent *privilegio fori* tum in *civilibus* *) tum in *criminalibus*, certis tamen modis limitato. Et quidem in civilibus Clerici exempti sunt a *foro civili*, exceptis his casibus: 1) si Clericus non sit reus, sed actor; 2) si non suae personae, sed alterius causa e. g. qua haeres, tutor, procurator conveniatur: 3) in causis *mere realibus*, ubi forum rei sitae nullo ad personam

(k) Trid. sess. 25 c. 2 de reform. c. 30 de iurejur. c. 4 de censib. in 6.

nam habito respectu obtinet; 4) in caussis annexis præsertim individuis etc. (l) **)

*) An Clericus laicum in iudicio seculari conveniens, in eodem iudicio possit reconveniri a laico in causa civili, in qua alias Clericus subesset foro ecclesiastico, inter canonistas non convenit: nobis tamen verosimilior videtur opinio affirmantium, ita posse reconveniri, saltem in caussis cum conventionis causa nexum habentibus: etenim 1) reconventio ad lites cito finiendas jure utroque recepta favorabilis est, ac late interpretanda; contra 2) privilegium speciale absque ratione certa contra æquitatem naturalem, et in præjudicium tertii (laici) ad protrahendas, quod jus horret, lites explicari non debet; 3) æquitas postulat, ut quis eum contra se habere judicem non dedignetur, quem pro se agnovit. (m) 4) Neque vero plane *inhabilis* dici potest laicus iudex in causa civili Clericorum, sed solum *incompetens*; per reconventionem autem *competens* redditur: 5) neque hæc *prorogatio* jurisdictionis est Clerico voluntaria sed *necessaria* et *legalis*, uni legum dispositioni adscribenda; 6) suffragatur praxis. Certe in Bavaria Clericum in caussis saltem cum causa conventionis connexis reconveniri coram iudice laico posse, satis clare decisum videtur. (n)

**) Igitur ut illustris in codicem Bavaricum iudicalem Commentator advertit: haud obstante exemptione aut privilegio forum *connexionis causa* agnoscendum est. Kann also z. B. ein Geistlicher auf den Fall, wann ihm die denuntirt oder von demselben intervenirt wird, das forum causæ principalis nicht decliniren. Ein größerer Zweifel ist,

ob

(l) Cod. iud. Bav. c. 1. §. 11. 12. Cf. Annot. in c. 1 §. 11. lit. h. et §. 12 lit. a. b c. d. et §. 13. lit. a.

(m) Novel. 36 c. 3 de rescript in 6.

(n) Cod. iud. c. 8 §. 1. Cf. Annot. L. B. de Kreitmayer. Lib. b. c.

48 Sect. I. De Personis et Beneficiis ecclesiasticis.

ob ein Geistlicher, welcher mit einem Weltlichen causam communem hat, in bloßen Personalsachen ex capite litis consortii et indentitatis causæ bei dem weltlichen Richter mit verklagt werden könne! Die Auctores distinguiren inter causam dividuam et individuum. Erstenfalls negiren sie die Frage und muß demnach jeder aus den litis consortibus vor seiner Obrigkeit belangt werden. *Annot. in Cod. Jud. Bav. P. l. c. 1. §. 12. lit. d.*

§. 443.

In criminalibus quoque in Bavariæ Clerici libertate fori gaudent vi concordatorum Bavaricæ (o): attamen 1) in delictis gravioribus e reipublicæ admodum perniciosis, ubi pœna canonica affecti sunt, insuper civili, immo pro delicti gravitate criminali quoque pœna castigari possunt a potestate politica (p): item 2) Clerici armis prohibitis exui, et 3) graviter delinquentes, si sit fugæ periculum, habita tamen aliqua dignitatis clericalis ratione, custodia dari a potestate civili possunt. *)

*) Concordata Bavaricæ (q) ita habent: „Clerici
 » porro delinquens, nisi criminis atrocitas exigat
 » aliud, de sistendo se apud suum Ordinarium vel
 » ejus delegatum suæ promissioni, vel, ubi fugæ al
 » qua suspicio est, fidejussoriæ cautioni committetur.
 » Ac si delicti qualitas capturam postulet, in t
 » ductione tamen superfluous sumptus, ac, quantum
 » diligentis custodiæ ratio ac necessitas patitur, o
 » dinis irreverentia vitabitur.“ Codex autem Bavaricæ
 criminalis (r) decernit: In schweren Verbrechen
 oder

(o) Concord. Bav. de A. 1583. c. 3.

(p) Ordinat. consil. eccl. Elect. de A. 1779 §. 1.

(q) Concord. Bav. gen. c. 3.

(r) Part. 2. c. 1. §. 32.

oder da sich ein unbekannter Geistlicher in weltlich-n Aufzügen betreten läßt, ist der persönliche Arrest unbedenklich. (s) Und wo Zweifel obhanden, ob der Delinquent ein Geistlicher sey oder nicht, ist mit der Auslieferung an das Ordinariat so lang, bis der angebliche Character seine Richtigkeit hat, zurückzuhalten, und mit der Inquisition cumulative zu verfahren; mithin der vom Ordinariat deputirte Geistliche ad examen benutzziehen. Porro ut ex annotationibus liquet (t), werden die Clausner und Eremiten nur alsdann vi mandati Elect. (u) für geistlich geachtet, wenn sie dem Institut einverleibt, und mit denen drei Hauptgelübden verbunden seynd.

§. 444.

Ceterum ecclesia ipsa huic fori privilegio limites posuit, ac 1) Clericus in caussa feudali coram iudice feudali respondere debet (x) ; 2) nemo hoc privilegio gaudeat, nisi sit ordinibus majoribus initiatus, vel nisi is, qui minoribus tantum aut tonsura est insignitus, beneficium ecclesiasticum habeat, aut habitum, et tonsuram clericalem deferens ex mandato Episcopi ecclesiae cujusdam Servitio sit addictus, vel in seminario, universitate, scholave publica cum Episcopi facultate quasi in via ad majores ordines versetur (y). 3) Clerici huic privilegio, utpote in favorem totius ordinis clericalis dato, nequeunt renuntiare ; (§. 148.) proin nec per renuntiationem etiam juratam foro ecclesiastico

(s) Cf. c. 12 de sent. excomm. in 6.

(t) In Cod. crim. P. 2 c. 1. §. 32.

(u) A. 1723. 8. Jul.

(x) C. 5 de judiciis et c. 6 de foro compet.

(y) Trid. sess. 23 de reform. c. 6.

siastico se subducere possunt, nec jurisdictionem judicis laici in se prorogare (z); attamen aliud quorundam locorum consuetudo in causis civilibus habet.

§. 445.

De immunitate reali Clericorum supra (§. 365 in not.) a nobis jam facta mentio. Ceterum hæc immunitas 1) quoad bona *patrimonialia* Clericorum fere ubique desiit: 2) quid immunitatis reliquis Clericorum bonis residuum sit, consuetudo et locorum observantia abunde docet. *)

*) Praxin Baviaræ hac in re exhibet L. B. de Kreittmayr Annot. in cod. civil. p. 5. c. 19. §. 36 n. 8. Cf. Annot. in Cod. jud. P. I. c. 1. §. 13. Lit. a.

C A P U T II.

De Clericorum sustentatione et Beneficiis ecclesiasticis.

A R T I C U L U S I.

Beneficiorum origo, diversæ species, erectio.

§. 446.

Beneficium ecclesiasticum ex hodierna disciplina est jus perpetuum percipiendi fructus ex bonis ecclesiasticis intuitu officii ecclesiastici, cui illud auctoritate ecclesiastica est annexum. *) Hic de *Beneficiorum* ecclesiasticorum I. nomine, II. origine, III. requisitis, IV. de *divisione* et *speciebus* eorum, V. de eorundem *erectione* disquirendum paucis.

*) Ita

(z) C. 12 de foro compet.

*) Ita 1) formaliter beneficium pro jure percipiendi fructus vulgo intelligitur, attamen sæpe hoc nomine ipsi proventus ecclesiastici denotantur: 2) Alii, eoquod officium ecclesiasticum principale, et *titulus* sit beneficii seu proventuum, malunt ecclesiasticum beneficium definire, quod sit officium ecclesiasticum, cui certi redditus ita annexi sunt: ut ab eo separari nequeant. At reapse inter utramque definitionem veri discriminis vix quidpiam intercedit. Et prior illa magis congruere videtur rationi, et origini nominis. Porro

§. 447.

I. *Nomine beneficii* generatim 1) inter Francos jus utendi, fruendi bonis pro officio concessum (a) denotabatur: inprimis autem 2) nomine beneficii *feuda* (Cf. §. 357.) veniebant (b): subinde 3), dum bona quædam Clericis utenda, fruenda sub obligatione certæ ecclesiæ serviendi fuerunt data (c), *beneficii* nomen ad hæc officia ecclesiastica translatum, iisque quasi proprium effectum est. *) Demum 4) canones (d) *beneficii et præbendæ* vocabulo, quod a militia profana ad sacram transiit, promiscue utuntur.

*) Idcirco priscis ecclesiæ temporibus quodlibet beneficium adnexum sibi habebat S. ministerium, et officium, quod posthæc circa sec. XI. in solam sæpe horarum canonicarum sæpit commutari recitationem, quæ propterea etiam *officium* appellatur.

(a) Muratorius antiq. Ital. Tom. I. pag. 554.

(b) Lib. I. feud. Tit. 15 et 20. Lib. II. tit. 12 et 24.

(c) C. 61 caus. 16. q. 1.

(d) C. 2 et 9. caus. I. q. 3.

§. 448.

II. *Origo beneficiorum* ut intelligatur: notanda disciplinæ hac in re mutatio. Nempe Clericis cœu religionis ministris honestam deberi sustentationem, certi semper, et explorati juris in ecclesia habitum; modus tamen Clericos sustentandi fuit varius (Cf. §. 353.). Et 1) primis quidem ecclesiæ seculis ex communi *oblationum* massa Clerici, pauperiores maxime, sustentabantur; 2) sæculo IV. ac deinceps ecclesia fundis, bonis, ac possessionibus aucta, harum etiam proventus magnam partem Clericorum sustentationi ad arbitrium Episcopi insumebantur. (e) 3) Sæculo V. in latina ecclesia proventus ecclesiastici in quatuor partes, non tamen usque æquales, distributi, quarum prima Episcopo, altera toti simul *Clero*, tertia *fabricæ* ecclesiarum, quarta *pauperibus* addicebatur. (f). Deinceps 4) sæculo VI. ruralibus præcipue Presbyteris quodam usufructus jure fundi, et prædiola, ex quorum proventibus viverent, assignata: quæ tamen post eorum obitum non necessario ad ipsorum successores devoluta, sed ad liberam Episcopi dispositionem redierunt. (g) Post hæc 5) id genus fundi cum proventibus citra novam Episcopi concessionem Parochis relictis, et ipsis paro-

(e) Cf. Thomassin P. III. l. 2 c. 12 seq.

(f) Can. 23. seq. caus. 12. q. 2. Cf. Thomassin ibid. c. 13 seq.

(g) Thomassin ibid. c. 16. Van Espen Jur. eccl. univ. P. II. tit. 18. c. 1. Item c. 61. caus. 16. q. 1.

parochiarum titulis paullatim innexi sunt: unde Parochis intra limites suæ parochiæ similes proventus, decimas etc. percipiendi jus perpetuum competere credebatur. Inde exorta sunt paullatim beneficia parochialia. Denique quum etiam 6 Canonici, tum in commune viuentes, jam hinc inde præbendis fruerentur; tum præsertim deserta vita communi (Cf. §. 289. seq.); proventus capituli ab Episcopi bonis separarent et inter se dividerent (h), *beneficia* in ecclesiis cathedralibus et collegiatis, aliaque, ut hodieum obtinent, ortum habuere.

§. 449.

III. *Requisita* beneficiorum vel ex eorum notione intelliguntur: quum enim beneficium ecclesiasticum ex disciplina hodierna sit jus *perpetuum* percipiendi fructus ex bonis ecclesiæ ratione sacri ministerii Clerico concessum, auctoritate ecclesiastica constitutum (§. 446.); consequitur ad beneficium verum requiri, 1) ut sit *ministerio sacro adnexum*, * 2) ut sit *perpetuum*, ** 3) ut sit *auctoritate ecclesiastica constitutum*. ***)

*) Beneficium datur propter *officium*, et quidem tale, ad quod Clericus, *qua talis*, teneatur; unde 1) beneficii ecclesiastici capaces non sunt laici, et 2) veri beneficii rationem non habet jus percipiendi fructus ex bonis ecclesiæ ob ministerium profanum e. g. cantoris, advocati, æditui etc.,
D 3 quod

(h) C. 9. 10. et 19. de præbend. Cf. Harzheim concil. Germ. Tom. II. pag. 357 et citatos et Anton. Schmidt Diss. de varietate præbendarum C. I. Thesaur. J. eccl. Tom. 3. pag. 224.

54 Sect. I. De Personis et Beneficiis ecclesiasticis.

quod Clerico non qua tali datur, et cujus laici etiam sint capaces.

**) Quare beneficia proprie non sunt 1) beneficia *manualia*, seu ad notum conferentis dimittenda; 2) *capellaniæ* seu onus legendi missas in certa ecclesia, vel altari, nisi in titulum perpetuum auctoritate ecclesiastica sint erectæ, 3) *vicaria temporalis* seu administratio vacantis, vel impediti beneficii alii interim, donec alteri ejus titulus concedatur, commissa. At *vicaria perpetua* in justum titulum ab Episcopo erecta beneficium est. Porro vicariarum, et vicariorum origo repetenda est tum a) ex distinctione illa olim recepta inter *ecclesias*, quo nomine sæpius sola ecclesiarum bona temporalia denotabant, et inter *altaria*, per quæ jura spiritualia intelligebantur, tum b) ex unione beneficiorum factâ collegiis Canonicorum, Monachorum etc. qui *sacra* per vicarios obibant, hisque assignata ad congruam sustentationem fructuum portione, reliquos sibi reservabant. Vide Thomassin de V. et N. disc. P. II. L. 2 c. 27. Item Van Espen J. E. univ. P. II. tit. 34 c. 1.

***) De erectione, quæ fit auctoritate ecclesiastica, in consequentibus erit sermo.

§. 450.

IV. *Beneficiorum* hodie variæ sunt *species*: *qualificata* aut *duplicita* sunt, quæ dignitatem, personatum, officium speciale (§. 297) aut curam animarum sibi adnexa habent: *simplicia* vocantur: 2) *cûrata* aut *non curata* dicuntur, prout curam animarum pro foro ex- vel interno adnexam habent, aut non habent: et ex illis 3) *majora* appellantur queis jurisdictio ecclesiastica propria, et pro foro externo adnexa est, *minora*, quæ ea carent; rursus 4) *electiva*

Cap. II. De Clericor. sustentatione et benefic. eccl. 55
electiva nominantur, quæ per plurimum suffragia et superioris confirmationem providetur; *collativa*, ad quæ ex Prælati arbitrio Clericus admittitur; *mixta* aut *patronata*, quæ ad patroni præsentationem, aut nominationem conferuntur a Prælato: 5) *secularia* dicunt, quibus Clerici seculares, *regularia*, quæ regularibus per se præficiendi sunt. *)

*) Beneficium potest esse *regulare* 1) *ex natura sua*, quod per se rectorem regularem requirit, atque ad eo nemini, nisi illud regulare institutum reapse professo, conferri potest (i), vel 2) *per fundationis legem*, seu probatam ab Ordinario fundatoris voluntatem, qua illud Regularibus addictum est, vel 3) *per Ordinarii superiorisve institutionem*; vel denique 4) *per primævæ foundationis aut institutionis immutationem*, quæ vel legitimam per auctoritatem, aut per quadragenariam præscriptionem (k) fieri potest. *In dubio*, num beneficium sit regulare, num sæculare; nisi ex documentis pro alterutro habeatur major probabilitas, spectandus status ultimus (l), quodsi neque de hoc satis constiterit, *sæculare* potius esse præsumitur; quia seculares Clerici frequentius ad beneficia solent deputari: aliud dicendum, ubi beneficium sit per se regulare. Cf. Böckhn comment. ad Decret. L. III. tit. V. n. 7 seqq.

§. 45^I.

Superest celebris hodie divisio beneficiorum
in 1) *compatibilia* 2) *incompatibilia*, seu quæ
D 4 in

(i) Trid. sess. 14 c. 10 de reform.

(k) Vid. c. 5 de Præb. in 6. et Bullam Benedicti XIV. A. 1747. *Quod inscrutabili*.

(l) C. 24 de Elect. c. 7 de causa possess. et propr. c. 19 de jure patronat.

56 Sect. I. De Personis et Beneficiis ecclesiasticis.

eadem persona conjungi possunt, quæque nequeunt; * 3) *incompatibilia* rursus in ea, quæ sunt a) *primi*, et in ea, quæ b) *secundi generis* vocantur, dividunt. **)

*) Non modo prioribus ecclesiæ seculis, quæ in ipsa ordinatione Clerici certæ ecclesiæ, unde et victum haberent, servitio adscribebantur, quemquam in duarum ecclesiarum catalogum referri vetitum erat (m); sed et deinceps, ubi ordinatio a beneficii collatione sejuncta est, plura beneficia ab eodem possideri ecclesia semper vetuit (n). Licet vero subin ab eo rigore variis sub prætextibus hinc inde esset recessum, ecclesia tamen pluralitatem beneficiorum, ceu cultui divino, ecclesiæ et fidelium utilitati, fundatorum intentioni, et naturali æquitati contrariam semper exhorruit, et profligare modis omnibus studuit: denique id saltem concessit, ut siquidem beneficium unum congruæ non sufficeret sustentationi, alterum, *simplex* tamen, cum Episcopi facultate adjungi posset (o), dummodo utrumque personalem residentiam non requireret. Cf. van Espen J. E. un. P. II. tit. 20 per tot.

**) *Incompatibilia* sunt beneficia, a) quorum unum ad Clerici sustentationem jam sufficit; b) quorum residentia et servitio simul ab uno nequit satisfieri. Solent autem a multis *incompatibilia* dividi in ea, a) quæ sunt *primi generis*, seu quæ per assumptionem secundi beneficii jure ipso vacant: et in ea, quæ b) sunt *secundi generis*, ubi primum non jure quidem ipso vacat, retineri tamen absque dispensatione haud potest. Porro inter beneficia *incompatibilia primi generis* referuntur duo beneficia curata, duæ dignitates, duo personatus.

(m) Can. 10. concil. Chalced. etc.

(n) C. 7. 14. 15. de præbend. et dignit. c. 4. execrabilis. extrav. commun. eod. tit. concil. Lateran. III. etc.

(o) Trid. sess. 24. c. 17 de reform.

natus, item unum curatum cum dignitate sive in una sive in diversis ecclesiis: duo beneficia uniformia, etiamsi simplicia, par tamen officium habentia sub eodem tecto, id est, in eadem ecclesia, incompatibilia secundi generis censentur duo Canonicatus, aut alia beneficia residentiam requiringentia; item Canonicatus et dignitas, aut etiam beneficium curatum, nimirum in diversis ecclesiis. Sunt tamen, qui eam distinctionem per Tridentinum sublata arbitrentur (p). Equidem diversos hodie assignant titulos, a) necessitatem, b) evidentem utilitatem ecclesiae, c) merita insignia personae etc. propter quos dispensari hac in re queat. Attamen auctores, cetera sat liberales, vulgo docent, nec Papae dispensationem ex plenitudine potestatis factam efficere, ut quis plura beneficia licite, immo ea praesertim, quae ex sua natura incompatibilia sunt, vel valide pro foro interno retinere queat; si quidem reapse certa publica-que ecclesiae utilitas, aut talis causa justa absit, quae naturalem indecentiam abstergat, et incommoda ex beneficiorum pluralitate sequi nata compenset. Recte ergo, inquit Van Espen (q); monuit Synodus Coloniensis (r): » Qui dispensatione » apostolica adversus hanc (pluralitatem beneficio- » rum) se tueri velint, hi viderint, ut causam » dispensationis obtentae Deo comprobent. « Cf. Trid. sess. 24. c. 17. de reform. item Barthel Annot. in P. Engel J. C. L. 3 tit. 5 pag. 225. Van Espen loc. cit c. 2 Zech. de jure rerum eccl. sect. 3 tit. 8. von Sartori geistl. und weltl. Staatsrecht der deutschen Stifter. I. B. 2. Th. S. 219 seq.

(p) Trid. sess. 7 c. 4 de reform. Van Espen P. 2 tit. 20 c. 4 n. 3. seqq.

(q) Ibid c. 5. n. 10.

(r) De a. 1536. p. 1. c. 32.

§. 452.

V. In erectione beneficiorum, quæ est actus legitimus, quo perpetui redditus Clerico propter officium aut sacrum ministerium constituntur, requiritur 1) *legitima* superioris ecclesiastici auctoritas, * 2) *finis* et intentio cultus divini, aut salutis animarum, ad quod tendit officium clericale (§. 346. not.) 3) *sufficiens* dos; 4) *locus* beneficio congruens; 5) *consensus* eorum, quorum interesse potest, ne beneficium erigatur. (s) **)

*) Est verò 1) ecclesiarum cathedralium aut his majorum erectio summo Pontifici reservata; (§. 213. n. 5) 2) ecclesias autem collegiatas (t) item regulares abbatiales (u), atque adeo multo magis alia per diocesin beneficia erigendi potestas penes Episcopum est (x). Quodsi 3) beneficii præsertim majoris erectio nexum cum rationibus reipublicæ habeat, Principis quoque consensum non esse negligendum, ex supra (§. 333.) dictis patet, 4) quod idem in mutationibus quoque circa beneficia faciendis obtinet (y). Demum 5) in mixtis Germaniæ Capitulis contra anni normalis possessionem novi beneficii erectio prohibetur (z).

**) Erectio beneficii fit interveniente *fundatione*, qua bona assignantur, et destinantur ad illud erigendum:

(s) C. 12. de præb. c. 28. caus. 16 q. 7. c. 3 de eccles. ædif. c. 8. de consecr. eccl. c. 9 de consecr. dist. I. et ibid. c. 10.

(t) C. 9 de vit. et honest. Clér. et c. 9 de consecr. dist. I.

(u) Trid. sess. 25 de Regul. c. 3.

(x) C. 11. caus. 16. q. 7 Trid. sess. 21, c. 4. de reform. sess. 24 c. 13 de reform.

(y) Cf. Petr. de Marca L. 4 c. 13.

(z) Inst. P. W. Art. V. §. 26.

Cap. II. De Clericor. sustentatione et benefic. eccl. 59

dum : porro 1) liberum cuique est largitione bonorum fundare beneficium, et statuere leges foundationis, seu conditiones a beneficiato servandas; quas mutare nec Episcopo integrum est. *Vid L. 28 de Episc. et Cler. Clement. 2 de relig. domic. Concil. Trid. sess. 25 de reform. c. 5.*

ARTICULUS II.

De Provisione Beneficiorum generatim.

§. 453.

Provisio in sensu generali est quivis modus quemquam canonicè promovendi ad beneficium, triplicique maxime actu perficitur 1) designatione personæ ad beneficium promovendæ, 2) collatione tituli seu juris beneficii, 3) introductione in possessionem beneficii.

*) Jus designationis et collationis nunc ad eundem spectat et actu uno exercetur, nunc ad diversos pertinet, distinctisque perficitur actibus, de quo postea. Unde actus hi simul sumti *provisio plena*; seorsim vero spectati *provisio minus plena* dici solent.

§. 454.

Designatio personæ ad beneficium promovendæ, maxime ut a collatione sejuncta est, fieri potest 1) per electionem, qua plurium suffragiis, vel 2) per nominationem, qua vulgo unius sententia persona promovenda designatur, 3) per præsentationem, qua persona designata illi, cujus est beneficium conferre, in beneficio instituenda proponitur.

§. 455.

§. 455.

Concessio beneficii *vacaturi* generatim *expectativa* dicitur: concessio beneficii de jure saltem *vacantis* *) *provisio* aut *collatio* sensu generali vocari solet.

*) Beneficium dicitur *vacare* 1) *de jure tantum*, quod quis detinet, sed absque legitimo titulo; 2) *de facto tantum*, cujus quis titulum quidem seu proprietatem, non item possessionem tenet; 3) *de jure et facto*, cujus nec titulum, nec possessionem quisquam habet. Ceterum, vel morte beneficiati, vel renuntiatione libera, vel privatione ipso jure aut per sententiam judicis decreta *vacare* beneficium potest.

§. 456.

Porro 1) beneficium *de jure* solum *vacans*, servata, de qua mox, lege conferri per se potest, 2) beneficium autem *de facto* duntaxat *vacans* adeo nequit conferri, ut scienter illud acceptans a communione ecclesiastica sit pellendus, et ad idem beneficium, etsi deinceps penitus vacarit, admitti sine dispensatione haud possit (a). 3) Beneficium vero *de jure factoque vacans* intra tempus a jure definitum conferri non potest solum sed et debet. Ceterum 4) si coadjutorias excipias in ecclesiis cathedralibus et regularibus adhuc permissas, (§. 277.) aliis omnibus *expectantis* perpetuum exilium, scribit Tridentinum (b): *) 5) Ecclesia semper non nisi personis, quæ ecclesiis forent utiliores, et 6) tempore ac modo per canones præscripto conferri beneficia voluit.

Gene-

(a) C. 10. 40. caus. VII. q. 1 c. 1. 2. 7. de concess. Præb. vel eccl. non vacantis.

(b) Trid. sess. 24 c. 19 de reform.

*) Generali tamen expectantiarum omnium prohibitione, seu abolitione comprehendi non censetur *domicellarium* Canonorum admissio, qui veri sunt Canonici, attamen quum vel nullos, vel aliquos solum fructus percipiunt, Canonici præbendam expectant: aut certe hæc Tridentini lex iis in ecclesiis, in quibus *expectantes, electi, utiliter nominati, coadjutores, Canonici in herbis*, (§. 291 not. 2.) dantur, haud esse in tanto rigore recepta dici debet. *Vid. disquisit. can. Cl. Dürr de capitulis clausis* §. 15 *Thesaur. J. E. tom. 3 pag. 157 seq. Cf. c. 8. de concess. præb. et c. 19. de præb.*

§. 457.

Ex dictis (§. præced.) sequentia fluunt axiomata: generatim beneficia I. non nisi *vacantia*; II. Clericis qualitates ad beneficium requisitas habentibus, et *dignioribus*; III. *canonice* seu secundum præcepta canonum conferantur.

§. 458.

Quum igitur I. beneficia non nisi *vacantia* conferri queant, patet ratio, 1) cur non solum concessio ipsa beneficii nondum vacantis, sed 2) vel ejusdem promissio licet jurata ipso jure nulla existat (c); cur, * 3) etsi beneficium ipso jure vacans conferri alteri queat, (§. 456.) nihilominus hic, nisi priore possessore, cui fors adhuc quidquam in eo juris competere possit, ante audito, caussaque summarie cognita, in possessionem beneficii mittendus non sit. (d) **)

*) Licet

(c) C. 2. 3. 13 de concess. præb. et eccl. non vacant. c. 2 eod. in 6.

(d) C. 6 de concess. præd. c. 8. de præb. in 6.

62 Sect. I. De Personis et Beneficiis ecclesiasticis.

*) Licet Consilium Lateran. III. promissionem beneficiorum antequam vacarent plane vetuerit: Innocentius III. tamen decrevit: quod aliud sit, *Prælatum promittere beneficii collationem, cum poterit, aliud, cum vacabit*, (nempe certum, et determinatum) sed Bonifacius VIII. etiam illo modo factas beneficiorum promissiones plane reprobavit et viribus vacuas voluit. *Vid. c. 2. 13 et 14 de concess. Præb. et eccl. non vacant. et c. 2 de eod. tit. in 6.*

**) Nisi forte detentio beneficii notorie sit iniqua et manifestæ juris dispositioni contraria. Ceterum si quis a Pontifice beneficium, etiam injuste ab alio possessum, voluerit impetrare; possessionis hujus, ne rescriptum subreptitium censeatur, mentio fiat necesse est. *Vid. c. 28 de præbend. in 6. et c. 6 de concess. præb. vel eccl. non vacant.*

§. 459.

Quoniam II. beneficia solum Clericis *qualitates requisitas habentibus et dignioribus* debent conferri, intelligimus; quare 1) beneficium conferri nequeat nisi ei, qui dotibus exornatus sit omnibus, quas sive jus commune ad tale beneficium requirit, sive statuta ecclesiarum, foundationis leges, legitima observantia, concordata etc. exigunt; *) 2) cum *dignior*, seu qui consideratis omnibus ecclesiæ utilior fore speratur, ceteris præferri debeat. Id quod leges ecclesiæ, et Patrum auctoritas, et ipsa animarum ecclesiæque salus exposcunt, graviterque præcipiunt. (e). De quo paullo post (§. 469) redibit sermo.

*) Ita

(e) Cf. Thomassin. P. 2. l. 1. c. 37 seq.

*) Ita non raro alicubi doctoratus aut licentiatuſ; item avitæ aut germanæ nobilitatiſ gradus, natales ex certa gente aut familia, aliaque in promovendo ad beneficium requiruntur. Unde niſi hiſ dotibuſ præditi præſentari aut nominari nequeunt, aut certe nominatoſ repellere faſ erit.

§. 460.

Denique quum III. beneficia modo per canones præſcripto ſint conferenda: patet ratio, cur beneficia 1) *gratuito* abſque omni ſimoniæ ſuſpicionem, 2) *libere* citra vim aut coactionem, (f) 3) *absolute* et determinate, (g) 4) *integre*, ſineque *diminutione* ſeu pacto beneficiatum gravante, de quo infra, denique 5) *definito tempore* *) conferri debeant.

*) Generatim 1) beneficium nunquam ultra ſemestre vacet (h); et quidem, 2) in regula electio ad eccleſiam cathedralẽ vel regularem (i) intra treſ, libera conſeſſio beneficii intra ſex, præſentatio a patrono laico intra quatuor, ab eccleſiaſtico intra ſex meneſ fieri debet. 3) Id tempuſ elabi ſi patiatuſ Epicoſ: providet capituluſ; ſi patronuſ aut alii juſ eligendi, vel nominandi habentẽ, debito tempore juſ ſuum non exercent, ad immediatuſ collatoſ juſ provisioniſ devolvitur: de qua re inferiuſ redibit ſermo.

ARTI-

(f) C. 2 de hiſ, quæ vi etc.

(g) C. 2 de Elect in 6.

(h) C. 2 de conſeſſ. præbend.

(i) C. 41 de Elect.

ARTICULUS III.

*De modo perveniendi ad beneficia ecclesiastica
majora per Electionem, Postulationem,
Nominationem, Translationem.*

§. 461.

Licet hierarchia imperiumque sacrum in ecclesia ad finem usque mundi duraturum, et qui in eo præessent, a Christo constitutum sit; (§. 34. seqq.) certum tamen modum homines ad dignitates ecclesiasticas vocandi, nec a Christo determinatum, nec ab Apostolis constanter observatum novimus.

*) Equidem neminem, nisi vocatum et jussum Christus ad quemcunque sacri officii gradum venire voluit: Neque tamen modum eligendi ecclesie ministros designavit. Nam Apostolos ipse, quos voluit, elegit. Deinceps Apostolus Matthias ab Apostolis per sortem electus; septem Diaconi per suffragia vocati. Alii alio modo constituti. (a)

§. 462.

Post Apostolos in cælum sublato vulgo in Episcoporum decedentium locum Pastores alii a clero, immo et populo *) eligebantur; id tamen, ut præcipuè semper hoc in negotio partes (b) essent penes Clericos et subin maxi-
me

(a) Vid. Act. I. 15 seq. VI. 2 seq. XIII. 22. I. Timoth. IV. 14. ad Tit. I. 5. Cf. Rautenstrauch J. E. § 693. seq.

(b) Dist. 63. c. 11. Cf. Schollmer de Magistr. eccl. orig. et creat. A. 1757. cap. 4 Barthel dist. prælim. in concord. Germ. c. 1 sect. 2.

me penes provinciales Episcopos. Cf. §. 169. not.)

- *) Populi suffragia 1) alii olim *decisiva* fuisse putant; (c) contra 2) alii credunt *consultiva* solum vota populo competiisse— aut *postulativa*, ut ajunt, *informativaque*, queis certum sibi dari Pastorem petebant, aut de futuri Præsulis moribus, vitæque testimonium ferebant: 3) alii *negativa* saltem et *exclusiva* populi suffragia fuisse arbitratur, eo valitura, ne scilicet invitis Pastor posset obtrudi. (d) Verum nec locorum nec temporum disciplinam hac in re sibi plane consensisse, facile dabit, qui Conciliorum Patrum, Scriptorum aliorum testimonia in rem præsentem conferre inter se voluerit. Cf. *Rupprecht Not. hist. in 1. C. Decret. L. 1. tit. 6. tom. II. pag. 7. sqq.*

§. 463.

Quum autem præsentia populi, qui alioqui suffragii qualiscunque jus nulla lege divina (cf. §. 31. n. 1.) concessum habet, (e) tumultuum non raro esset occasio; populo paulatim citius in Oriente, quam in Occidente ab electionibus excluso, (f) soli primores et honoratiores e populo *) deinceps admittebantur. (Cf. §. 169. not. 1).

- *) Imperatorum et Principum auctoritas in electionibus Episcoporum multo amplior existit præsertim

(c) Vid. Eibel lucubrat. can. exhibens notiones de natura, ortu, progressionem Elect. person. eccl. Vien. 1775. Cf. Gratian. Dist. 63. c. 11. 19. 26.

(d) Thomassin P. II. L. 2. c. 1. de Marca L. 8. c. 2 n. 2. seq. Van Espen P. I. tit. 13 c. 1.

(e) Dist. 63 c. 6 et 8. Cf. Scholliner l. cit. §. 16 et Natal. Alex. H. E. sec. I. diss. 8. de jure christianæ plebis in S. Ministrorum electione.

(f) Cf. Rupprecht l. supra cit. pag. 9.

Tom. II.

E

66 *Sect. I. De Personis et Beneficiis ecclesiasticis.*

tim a seculo VI. (g) unde deinceps raro sine eorum consensu eligi, aut saltem consecrari potuere Episcopi, præsertim ii, qui regalia subin possidebant: sua tamen auctoritate hac in re aliquando fuisse abusos tum alia monumenta docent, tum illa de investituris dissidii historia. (§. 171)

Cf. c. 9. 15. 18. dist. 63. Item Thomassin P. II. L. 2 c. 6. *Rupprecht Not. hist. in I. C. in Decret. L. 1. tit. 6. tom. II. pag. 37. Philipp. Steinhauser Diss. de feudis eccl. c. 4. §. 127. Thesau. I. E. tom. V. pag. 780.*

§. 464.

Seculo XII. et XIII. jus eligendi Prælatos ecclesiasticos capitula Canonicorum sibi solis vindicare cœperunt: quod jus moribus initio quæsitum, subinde Pontificum et Imperatorum constitutionibus stabilitum est. Quumque deinceps per reservationes Pontificum jus istud oppido extenuaretur, demum per concordata Germaniæ (§. 174 seq.) integratum, et capitulis Germaniæ perpetuo firmatum est. In aliis contra plerisque præter Germaniam regionibus electioni paullatim subrogata est *nominatio regia*, qua Principes personas prælaturis ecclesiasticis præficiendas designant, ita tamen, ut ecclesiæ eas confirmandi, et ordinandi facultas salva sit. Igitur

§. 465.

Modi usitati, quæis hodie ad dignitates ecclesiasticas pervenitur, quatuor maxime sunt I. *electio*, II. *postulatio*, III. *nominatio*, IV. *translatio*.

§. 466.

§. 466.

Electio est personæ tanquam penitus idoneæ legitima ad prælaturam ecclesiasticam evocatio per collegialem sententiam seu per eos; qui jus suffragii habent, canonice facta et superioris ecclesiastici auctoritate regulariter confirmanda; (h) *) Heic ergo advertendum, I. quis *eligere*, II. quis *eligi* possit, III. quæ electionis *adjuncta*, quæ *forma*, quis *modus* etc. IV. qui electionis *effectus*, V. a quo *confirmantia* electio.

*) Electio sive de Prælato ecclesiastico seculari, sive regulari eligendo agatur, eodem, quod substantiam ejus spectat, modo peragitur.

§. 467.

Eligere possunt 1) alii *jure communi* et *ordinario*; 2) alii *jure speciali et extraordinario*: idque 3) vel per se ipsos, vel per constitutum a se procuratorem. Porro I. *jure communi et ordinario eligere possunt soli, et omnes capitulares*, qui sessionem et votum habent in capitulo illius ecclesiæ: *) nisi forte natura, vel lege prohibeantur, de quo statim. II. *Jure speciali, et extraordinario eligere possunt clerici extranei quandoque* 1) ex speciali lege *foundationis*, (i) 2) ex *privilegio Pontificis*, nisi concordata obstant, 3) ex *consensu unanimi capitularium* pro ista vice solum (k); 4) ex *con-*

E 2

sue-

(h) Neller Diss. de S. Electionis processu Thesau.

I. E. tom. 2 n. 17 pag. 697.

(i) C. 23. de Jur. patron. et c. 4 de condit. appos.

(k) C. 8 et 40 de Elect.

suetudine, 5) ex *præscriptione quadragenaria*; quòdsi tamen per hos excludendi essent ipsi capitulares, verosimilius non nisi ex *præscriptione immemoriali*. (l) **)

*) Unde 1) hi capitulares etiam absentes omnes convocandi sunt ad electionem, si adesse possint, et velint (m) atque 2) unus eorum non vocatus de contemptu agere potest ad electionem etiam jam confirmatam irritandam, si consentire nolit, (n) attamen 3) vocati cedere juri suo, aut legitime impediti procuratorem constituere possunt, (o)

**) Eligendi jure pollentes 1) per literas ferre suffragium nequeunt, quum suffragium in ipso scrutinio, seu actu capitulari ferendum sit; hinc aut 2) per se coram, aut 3) legitime impediti suffragium ferre possunt per procuratorem ex capitulo, vel etiam si capitulum consenserit, per extraneum unum, aut plures in solidum constitutos ita, ut unus ceteros præveniens admittatur.

(p) Porro hic *procurator* e gremio constitutus, quum digniorem eligere teneatur, non alium suo, alium principalis nomine eligere potest, nisi forte mandatū de eligenda certa persona habeat, quale quidem in electione Prælati regularis procuratori e gremio dari nequit. (q)

§. 468.

(l) C. 40 de Elect. c. 8 de consuet. c. 3 de causa possess. et propriet. in fine. c. 1 de Præscript. in 6. Cf. Böckhn comm. in Decret. l. 1 tit. 6.

§. 2. n. 20 seqq.

(m) C. 28 et 42 de Elect.

(n) C. 28. 36 eod. tit.

(o) C. 42 de Elect. c. 46 de Elect. in 6.

(p) Ibid.

(q) C. 46 de Elect. in 6. Trid. Sess. 25 de Regul. c. 6.

§. 468.

Eligere prohibentur, etsi sint capitulares, 1) qui discretionem carent, mente capti, furiosi etc. 2) qui excommunicatione majori, non item qui minore irretiti sunt; (r) 3) suspensi simpliciter i. e. ab omni activitate sive in choro sive in capitulo; sive in hoc solum; non item suspensi a beneficio tantum, vel solum ab officio (s) * 4) personaliter interdicti et temerarie violantes interdictum locale per missæ celebrationem; (t) 5) ordine subdiaconatus nondum initiati, (u) nisi specialis exstet contraria consuetudo; 6) *privati voce activa pro una vice*, uti sine impedimento legitimo absentes, non observantes formam præscriptam, indignum eligentes, postulantesque; (w) 7) *privati voce ad certum tempus*, ut Regulares proprietarii per biennium (x) vel *in perpetuum*, uti religiosi mendicantes, qui ad non mendicantium ordinem transierunt: (y) 8) qui per statutum ecclesiæ particulare a Superiore confirmatum, vel consuetudine roboratum *Aphoni* sunt, seu nondum vocales **)

E 3

*) Certe

-
- (r) C. 23 de appellat. cap. 10 de Cler. excomm.
 - (s) C. 16 in fin. de elect. c. 8 de consult.
 - (t) C. 18 de sent. excomm. in 6.
 - (u) Clement. 2 de æt. et qual. ord. Trid. sess. 22 de reform. c. 4. Cf. Neller diss. de sac. elect. processu §. 2. n. 4. Thesaur. I. E. Tom. II. pag. 701 sqq.
 - (w) C. 1. 2. de postul. c. 41. 42. de elect. c. 42. eod. tit. in 6.
 - (x) Trid. sess. 25 de Regul. c. 2.
 - (y) Clement. 1. de Regul.

*) Certe 1) eligens indignum *suspensus* est a beneficio per triennium (z) contra a voce activa tantum *una vice*; 2) jus suffragii non est pars officii unde ad ferendum suffragium cogi nemo potest sed jus suffragii est commodum ex sola, ut ita dicam, capitularitate proveniens *Vid. Neller cit. Diss. §. 2 quæst. ad lit. c. Thesaur. I. E. Tom. II. pag. 704.*

**) Sunt enim ecclesiæ, ut Herbipolensis, in quibus Novitius capitularis, licet Subdiaconus fuerit, primo triennio non est *vocalis* propter os sibi clausum, ut audiens prius et tacens discat discretum votare. *Neller L. cit. Thesaur. I. E. Tom. II. pag. 701.*

§. 469.

I. *Eligi possunt* omnes, qui et *dotibus* pol-
lent per sacros Canones ad eam dignitatem
requisitis; et expertes sunt vitiorum impedi-
mentorumque itidem in jure designatorum
(§. 409 seqq.) Porro *dotes eligendorum*, a S.
Canonibus præscriptæ, sunt 1) *fidei*, *morumque*
integritas; 2) *ætatis maturitas*: requiruntur
autem in Episcopo anni triginta completi, in
Prælati inferioribus, qui curam animarum
exercere debeant, annus vigesimus quintus
inchoatus, sin; anni viginti duo completi suf-
ficiunt: (a) 3) *Scientia literarum*, et quidem
assumendus ad Episcopatum sit Doctor, vel
Licentiatus in Theologia, aut jure canonico;
aut publico saltem Academiæ testimonio ido-
neus ad alios docendos ostendatur; quodsi Re-
gularis fuerit, a Superioribus suæ religionis
simi-

(z) C. 7 de elect.

(a) C. 7 de Elect. Trid. Sess. 24 de reform, c. 12.

Cap. II. De Clericor. sustentatione et benefic. eccl. 71

similem fidem habeat. (b) 4) *Ordo sacer*, ut eligendus ad ecclesiam cathedrali sex saltem menses jam sit in subdiaconatus ordine constitutus; ad alias vero dignitates assumendi possint saltem intra anni spatium sacerdotio initiari. (c) 5) *Professio religiosa* in eo ordine facta, in quo ad praelaturam regularem quis promovendus est. (d). II. *Eligi autem nequeunt*, 1) qui dotibus praedictis destituti, aut natura vel legis dispositione sunt inepti: unde 2) *criminosi, haeretici, schismatici, aut simoniaci* excluduntur; atque hi, etiam, si ipsis nescientibus fuisset oblata ab amicis pecunia: non item, si in fraudem, aut odium eligendi aut hoc expresse et constanter contradicente pretium fuisset oblatum. (e) *Eligi item nequeunt* 3) *ecclesiam cathedrali, seu Episcopatum* jam actu possidentes, aut plura beneficia incompatibilia intelligimus retinentes; (f) 4) *consentientes in electionem sui per abusum potestatis secularis*; (g) 5) *Religiosi proprietarii*, (h) 6) *excommunicati etiam minore excommunicatione*, (i) 7) *suspensi ab officio vel beneficio*,

E 4

(k)

(b) Trid. Sess. 22 de reform. c. 2. Cf. v. Sartori
geistl. und weltl. Staatsrecht I. B. 2. Th. S. 272.

(c) Ibid. et c. 7 de elect.

(d) C. 49 de Elect. et c. 28 de Elect. in 6.

(e) 27 et 33 de Sim.

(f) Trid. Sess. 7 c. 2 c. 54 et c. 57 de elect.

(g) C. 43 de elect.

(h) Trid. sess. 25 de regul. c. 3.

(i) Cap. 7 de Cler. excom.

72 Sect. I. De Personis et Beneficiis ecclesiasticis.

(k) 8) personaliter interdicti, et violantes interdictum locale, aut personale; (l) 9) irregulares omnes; (§. 404. seq.) 10) indigni, aut etiam minus digni: *) 11) qui scienter elegit indignum, eligi per triennium ipse vetatur. (m).

*) Ideo enim electio instituitur, ut *dignior*, id est, qui ecclesiae consideratis omnibus adjunctis futurus speratur utilior, eligatur, atque hanc obligationem esse gravem tum ex ipsius negotii gravitate, tum ex aliis (n) probatur; 2) attamen electio minus digni, modo dignus sit, ne infinitis litibus ansa præbeatur, valida est. (o) 3) Ceterum ubi dignus in capitulo habetur, de eligendo digniore extraneo canones nil præcipiunt. 4) Electio indigni, sive indignitas ex defectu, delicto, aut censura, (excepta minore excommunicatione, ubi electio expresse primum irritanda esse dicitur) (p) oriatur, pro foro utroque, et *ipso jure* irrita est; etsi Electio solum prohibeatur, nec verbis expressis irritetur: etenim lex prohibens in regula simul est irritans. Cf. §. 138. not. 1.)

§. 470.

Ad Electionis *adjuncta* quod attinet I *prævia* electionis, II. *locus* et *tempus* electionis, III. *forma* electionis notanda.

§. 471.

(k) Ibid. et c. 8 de æt. et qualit. ord.

(l) C. 8 de consuet. et c. 1 de postulat.

(m) C. 7 de Elect. §. 3.

(n) C. 15 caus. 8 q. 1. c. 19 dist. 63. Trid. sess. 24 de ref. c. 1. ex sent. contr. ab Innoc. XI. proscripta. Cf. Petri Guetrather O. S. B. Porta honoris A. 1700. c. 3 §. qui hanc rem pluribus exponit.

(o) C. 19. §. illius de elect.

(p) C. fin. de cler. excomm. ministr.

§. 471.

Præparatio electionis fere his continetur ;
 1) ecclesia reapse vacante et, si id per obitum
 contigerit, exequiis defuncti celebratis (q)
 per capitularium præsentium vota majora aut
 per eos, ad quos de consuetudine pertinet, *)
congruus et discretus terminus futuræ electio-
 nis definitur, (r) 2) die præfixo per edicta-
 rem citationem (proclama vocant) ecclesiæ
 valvis adfixam, immo per literas ad singulos
 missas omnes, qui jus eligendi habent, invi-
 antur. **) 3) Terminus electioni præstitutus
 eisdem significandus est Imperatori quoad ec-
 clesias immediatas, seu imperio proxime sub-
 ectas, advocatis ecclesiæ, ubi moris, Episcopo
 generali, vel præsidi ordinis, aut congrega-
 tionis) ut mittantur Commissarii. ***) Idem
 futuræ electionis dies a capitulis cathedralibus
 Germaniæ Pontifici etiam decenter solet signi-
 cari.

*) Alicubi per Decanum vel Seniores capituli
 præfigi electionis dies solet. In Bavaria obitus
 Prælati regularis Seren. Bav. Duci, et Ordinario
 significatur, diesque electionis vi concord. Bav.
 (s) communi Seren. Ducis et Ordinarii consensu
 præstituitur.

**) Vocandos esse capitulares omnes, qui debent,
 volunt, et commode possunt interesse, qua in re
 observantia ac consuetudo locorum maxime ad-
 tendenda; item vocatos jure suo cedere, impe-
 ditos per procuratorem suffragium ferre posse
 jam (§. 467 not. 1.) monuimus.

E 5

*** 1)

(q) C. 36 de elect.

(r) C. 52 de elect.

74 Sect. I. De Personis et Beneficiis ecclesiasticis.

*** 1) Jus mittendi Commissarios ad electiones Prælatorum ecclesiasticorum immediatorum tum catholicorum tum protestantium Cæsari competens in cathedralibus quidem, sed raro in ecclesiis aliis exercetur. Jus idem in nupera Episcopi Ratisbonensis electione, quum durante electionis negotio Augustus Imperator Josephus II. diem obiisset supremum, et subin in electione Episcopi Eustettensis Sérenissimus Elector Palatino-bavarus tanquam S. R. I. Vicarius, misso ad eas Legato, exercuit. Semper 2) Dux Baviaræ ad Episcoporum Salisburgensis, Passaviensis, Frisingensis, Ratisbonensis electionem legationem (t) decernere solet. Item in Bavaria electionis Prælatorum regularium » tractatui intersunt Commissarii ducales, » ipsi autem electioni non aliter, quam si in com- » promissarios seu scrutatores assumantur » atque electioni canonice factæ nomine Principis assensum præstant. (u) Ceterum 4) quid defuncto Prælato regulari non exempto circa *obsignationem*, *inventarii confectionem*, et *extraditionem ejus et clavium*, quid circa prædriam Commissariorum episcopalium et ducalium, expensas, honoraria etc. servandum sit, per speciales Recessus, (w) decreta specialia et consuetudinem determinatur.

§. 472.

De Tempore, loco, aliis proximis electionis adjunctis animadvertendum; 1) electio ad ecclesiam cathedralem vel regularem celebranda est sub pœna *devolutionis* saltem intra tres menses

(s) Concord. Bav. de 1583 c. 2.

(t) L. B. de Kreittmayer Bayr. Staatsr. §. 136.

(u) Concord. Bav. 1583. c. 2.

(w) Vid. Recess. Salisb. 1628. n. 19 præter decreta antiquiora ordinatio seu regulativum de 1770 et conventio 1774. 6. Oct. cum Episc. Chimensi, cæterorum Episcoporum mandatario, conclusa.

Cap. 11. De Clericor. sustentatione et benefic. eccl. 75

ses a die notæ vacationis; *) aliis præter Episcopatum, aut Prælaturam regularem dignitatibus vacantibus intra *semestre* spatium providendum est (§. 460 not.) 2) Electio in *loco decenti* et regulariter intra vacantis *ecclesiæ* ambitum fere in ejus conclavi capitulari facienda; (x) 3) dicta missa de Spiritu sancto electores S. Synaxin sumunt, 4) pulsata campana in signum convocationis ad capitularem locum acceditur: (y) 5) admittitur Procurator electionis; Notarius et duo testes jurejurando ad fidem adstricti; 6) Notarius proclama, seu edictum citationis reproducit coram capitulo, et legit; 7) accusatur contumacia absentium, 8) fit protestatio de non admittendo inhabili ad suffragium; 9) constituitur numerus præsentium, ut pateat, quot sint vota majora; 10) præstatur juramentum ab electoribus de eligendo digniore; 11) datur absolutio a censuris; 12) quæritur, qua *forma* electionem placeat instituere, 13) eliguntur scrutatores vel compromissarii: de quibus statim.

*) Quodsi vero trimestre sit elapsum citra capituli culpam, e. g. si electus moriatur, aut dignitatem non acceptet, aut ob occultum vitium repellatur; novum ab ejus morte, dissensu, vel electionis irritatione trimestre conceditur. C. 26 de Elect. in 6.

§. 473.

Forma seu modus eligendi est triplex. I. per *inspirationem*, qui insolentissimus, II. per

(x) C. 28 de elect.

(y) C. 14. 30 de elect.

per scrutinium, qui frequentissimus; III. per compromissum, qui rarior est electionis modus (z) *)

*) Hos tres modos vulgo assignant; ast duos posteriores solum in c. 42 probari, et inspirationem non esse formam electionis tertiam, sed duntaxat, ut ex capituli verbis eruitur, esse exceptionem, quæ electores ab observandis duabus formis absolvit, notat Neller diss. de S. elect. processu §. 5. De electionibus olim haud infrequenter per sortes factis, quas tamen Honorius III. prohibuit. (a) Cf. Calmet diss. de Elect. per sortes et Bingham orig. Eccl. L. 4 c. 1. §. 1. pag. mihi 80.

**) Alius extraordinarius eligendi modus est per acclamationem; quæ tum fieri dicitur, si absque scrutinio aut compromisso Capitulares in certam personam consentiant, ac suum quisque suffragium coram omni capitulari consensu declarent, atqui ita una omnes electo quasi publice acclamant.

§. 474.

Inspiratio est vel 1) *vere talis*, si Deus ipse manifesto indicio personam eligendam designet? *) vel 2) *quasi talis*, seu præsumta, ubi nullo prævio tractatu electores omnes uno ore in eandem personam sine vitio consentiunt. (b) Atvero *inspirationem* asserere in electionibus, quæ Superioris egent confirmatione, periculosa res est aliæ; etenim si vel minimus tractatus

(z) C. 42. de Elect.

(a) C. 3 de sortilegiis.

(a) C. 42. de Elect.

(b) Vid. Van Espen I. E. univ. P. 2. tit. 21 c. 4 n. 9 et Neller cit. Diss. de Electionis processu §. 5 n. 5. Thesaur. I. E. tom. 2 pag. 715.

tus prævius, aut aliud quid vitii intercessisse probaretur, id genus electio a Superiore admittenda haud foret. (c)

- *) Inspirationis divinæ exempla quædam prioribus ecclesiæ seculis e. g. in Fabiani, (c) Alexandri, (d) Martini, (e) aliorumque electionibus antiquitatis monumenta memorant.

§. 475.

Electio per scrutineum hoc modo peragitur:

1) præsentium capitularium suffragia, quæ si-
ve *viva voce*, sive, quod in electionibus re-
gularium, nisi per compromissum fiant, sub
nullitatis pœna requiritur, (f) *scripto et secreto*
dantur, tres fide digni de capitulo, aut per
consuetudinem etiam extranei, designati, ideo
scrutatores dicti *) *secrete*, et *singillatim*, id est,
seorsim ab aliis de capitulo, suffragia adno-
tant, aut colligunt; 2) suffragiis in scriptu-
ram redactis, vel in urnam missis vota in com-
muni publicantur, id est, vota numerantur,
et tot esse suffragia, quot sunt suffragantes,
publice indicatur, quod vocatur *publicatio scuti-*
nii, quo facto *variare* seu retractare suum suf-
fragium nemini licet. **) (g) Subin 3) fit col-
latio

(c) Apud Euseb. H. E. L. 6 C. 29.

(d) Apud eund. eod. lib. c. 11.

(e) Apud Sulpitium Severum in vita S. Martini c. 7.

(f) Trid. Sess. 25 de Regular. c. 6 sunt, qui hoc decretum solum ad Regularium Prælatorum *temporalium*, non item ad *perpetuorum* electiones pertinere credunt, vid. Pet. Guetrather Porta honoris: c. 4 §. 2 n. 7 pag. 210. seqq.

(g) C. 42. 58. de Elect.

latio votorum, (vota conditionata, alternativa, incerta penitus rejiciuntur) porro 4) is in quem *omnes*, vel *sanior*, sive quod unum hodie attenditur, *major* pars consensit, statim formato electionis communis decreto, seu facta declaratione capituli, quod electionem sibi publicari petat, per unum nomine omnium eligitur, et electus coram capitulo, et presentibus pronuntiatur. (h) Demum 5) electio facta iis, quibus debet; e. g. cæsareo Legato significatur, atque ex loco publico etiam populo denuntiatur. ***)

*) Scrutatores vel aliquamdiu ante, vel proxime ante electionem itidem per suffragia majora capituli eliguntur, qui præstito, ubi moris est, appetitur, juramento, si sint de capitulo, et viva suffragium feratur, primum a sese (duo tertio) subin a reliquis suffragia exquirunt.

**) Poenitere et votum mutare ante scrutinium publicatum semper licet, id quod tamen, in regularium electionibus fieri nequit a singulis, eoquod vota in urnam dentur, sine vocantis nomine, ut adeo suam præcise schedulam retrahere nemo queat. Ceterum in publicatione scrutinii nequaquam, quod visum quibusdam, opus est, ut exprimatur, quæ personæ, et quot quisque vota obtinuerit: etenim *collatio* votorum publicato in commune scrutinio primum fieri jubetur, ut adeo in quos, vel quot vota collata sint, prius constare nequeat. *Cap. 47 et 50 de Elect. cf. Böhm comment. in l. c. L. I. tit. 6 n. 87. Van Espen I. E. univ. P. 2 tit. 21 c. 4 n. 21.*

***) De ceremoniis aliis electionem ejusque acceptationem sequentibus Cf. *Nov Sartori geistl.*
und

und weltl. Staatsrecht deutscher Stifter. I B.
2. Th. §. 337 seq.

§. 476.

*Numerus suffragiorum respectivè seu relate ad alios suffragio honoratos major haud sufficit, sed requiruntur suffragia absolute majora, seu plura omnium ex jure suffragantium; *) (i) nec ad eorum numerum, qui in scrutinio non sufficiebat, complendum, accessui (excepta Pontificis et Abbatissarum electione **) ad complendas duas tertias) locus est; (k) sed scrutinium repetendum aut ad viam compromissi transeundum est.*

*) Attamen minor suffragiorum numerus prævalebit.
1) si altera pars scienter indignum, (l) aut 2) eum, qui fuisset postulandus, elegisset; (m) dummodo majora reliquorum innocentium capitularium suffragia in unam personam consentiunt: 3) si postulatio concurrat cum electione, nec duæ tertie pro uno postulato stent, simulque eligibilis pro se ultra unam tertiam totius capituli habeat, de quo paullo post. Quodsi neutrum horum sit; verosimilius nulla pars vincit, sed novum scrutinium a capitularibus innocentibus institui debet. Vide, qui id exemplo illustrat, I. Christoph Kock Diss. de votis duplo majoribus §. 10 The-saur. I. E. tom. 7 pag. 397.

**) Accessus isthic in Abbatissarum electione tum solum habet locum, si aliqua jam habeat suffragia absolute majora. Tunc facto accessu electio statim confirmanda erit: sin; electio quidem interim

(i) C. 19. 29. 48 de elect. Cf. c. 23 eod. tit. in 6.

(k) C. 6 de elect. et c. 43 §. sane in 6.

(l) C. 40 et 53 de elect.

(m) C. 22 eod. tit.

terim sustinetur; allatæ tamen contra eam oppositiones ex officio audiendæ sunt a Superiore antequam electio confirmetur, aut infirmetur. Cf. c. 43 de elect. in 6.

***) In electione Pontificis item singulare est, 1) quod nemo possit prætextu censuræ ab ea excludi 2) quod absentes, qui haud speciatim vocantur, sed per decem dies expectantur, constituere Procuratorem nequeant: 3) quod compromissarius sibi dare votum haud possit: 4) quod eligende nulla juris humani impedimenta obstant. 5) quod electus confirmatione haud egeat, et statim administrare jura sua queat. etc. Cf. Schrodt Inst. I. E. L. 1 tit. 6 §. 343.

§. 477.

Per *compromissum* electio fieri dicitur, quando unanimi omnium jus eligendi habentium consensu (utpote de quorum singulorum jure agitur) uni pluribusve Clericis sive de gremio sive extraneis eligendi potestas committitur. *Compromissum* vel *simplex* est vel *limitatum*, prout nullis vel quibusdam conditionibus est restrictum. (n) Illi, quibus electionis negotium commissum est, *compromissarii* dici solent.

§. 478.

In *compromisso* 1) si plures sunt compromissarii, itidem, ut in electione, *vota absolute majora*, nisi conditio compromisso adjecta aliud statuerit, canonicam efficiunt electionem: atque heic contra ac in electione accidit *vota com-*

(n) Reg. jur. 28 et 56 in 6. c. 8, 21. 32 de elect. c. 29 eod. in 6.

compromissariorum absolute majora rem definiant, sive eligibilis cum eligibili, sive postulabilis cum postulabili, sive eligibilis cum postulabili concurrat. *) Porro 2) numerum votorum unus ex compromissariis pro se complere poterit, dum ipse aliorum electioni de se factæ consentit. **) (o) 3) Electio per compromissum facta promulganda est ab uno, communi compromissariorum nomine, (p) uti supra (§. 475.) dictum.

*) Quare si constitutis e. g. quinque compromissariis horum tres unum postularent, duo unum eligerent, prævaleret postulatus. Rationem suggerit textus juris: (q) Quia postulatio fit per eos, in quos totum capitulum eligendi transtulerat potestatem, propter quod unanimiter de consensu totius capituli intelligitur esse facta. *Vid. Neller l. cit. Thesaur. I. E. tom. 2 pag. 748 et I. Christ. Koch Diss. de votis duplo majoribus Thesaur. I. E. tom. 7 pag. 394.*

**) Quodsi e. g. constitutis quinque compromissariis duo eligerent Petrum unum ex compromissariis, hic consentiendo in sui electionem numerum complet, et electionem sui canonicam reddit.

§. 479.

Quoniam vero compromissum *mandati* rationem habet, (§. 477.) sequitur, 1) formam a compromittentibus positam esse exacte servandam, secus nulla foret electio; (r) 2) po-
testa-

(o) C. 33 de elect.

(p) C. 21 de elect.

(q) C. 30 de elect.

(r) C. 32 de elect.

82 *Sect. 1. De Personis et Beneficiis ecclesiasticis.*

testatem eligendi compromissariis datam r
adhuc integra revocari posse per majora vota
capituli ; 3) expirare eorum potestatem a
per revocationem re adhuc integra factam
(s) b) per temporis, seu a jure, seu a capi-
tulo præfixi lapsum ; (t) c) per electionem
peractam, etsi effectum non sortiatur ; (u
item d) per mortem unius ex compromissa-
riis, eoquod non in singulos, sed in omnes
compromitti soleat. *)

*) Sæpe adhibetur scrutinium mixtum compromisso
ut compromissarii teneantur secreto et singillatim
exquirere vota singulorum, et eum eligere, in
quem major et sanior pars capituli consenserit
Quo casu servanda erunt omnia, quæ servar
oportet in electionibus per scrutinium. (x) Cete-
rum advertunt auctores, seu hanc, seu prædictas
eligendi formas non esse necessario adhibendas
in aliis præter Prælatorum ecclesiasticorum et
regularium, qui monasteria in titulum perpetuum
tenent, electiones, e. g. in electionibus persona-
tuum, Canonicorum, dignitatem inferiorum, im-
mo generalium ordinum, qui perpetui non sunt.
Cf. Fagnanus ad c. 42 de elect. N. 5 seqq.

§. 480.

Effectus electionis fere sunt 1) quod, ut
diximus, (§. 475.) publicato scrutinio pœni-
tere jam electores nequeant ; sed 2) factam
electionem intra octiduum ab eo tempore, quo
commode potuit, computandum significare
obli-

(s) C. 30 de elect.

(t) C. 52 eod.

(u) C. 37 de elect. in 6.

(x) C. 32 de elect. c. 23 et 29 eod. in 6.

obligentur electo ejusque consensum petere. (y) 3) Electus itidem accepto nuntio intra mensem electionem, nisi jure quæsito excidere velit, acceptare debet, (z) qui 4) per consensum equidem *jus ad rem* nanciscitur, quo nisi indignus ipse vel non canonice electus probetur, privari nequit, (a) non tamen *jus in re*: unde 5) administrationi ecclesiæ nec in temporalibus nec in spiritualibus se immiscere in regula potest. *) (b)

*) Excipiuntur ultramontani Episcopi, adeoque et Germani, a Pontifice confirmandi, qui in *concordia electi* mox consequuntur administrationem tum in spiritualibus, tum, excepta rerum alienatione, (c) etiam in temporalibus, nam vi Concordati Calixtini (§. 170) electus Episcopus potest statim investituram a Cæsare recipere, quam investituram sæpe fuisse ante confirmationem datam exempla (d) docent. Dein hodie a Legato cæsareo statim temporalia traduntur Episcopis electis, qui jura quoque territorii et regalium ante investituram cæsaream exercent. (e) Administrationi in spiritualibus equidem constitutio recentior (f) videtur obstare: at enim hæc generalis regula illam *particularem* pro remotis ecclesiis

(y) C. 16 de elect. in 6.

(z) C. 6 ibid.

(a) C. 3 de elect.

(b) C. 7 et 9 de elect.

(c) C. 44 eod. tit. Cf. Barthel tom. 1. opusc. 4. pag. 464 seqq.

(d) Vid. Ludewig Reliquiæ Manuscriptorum Tom. II. pag. 447.

(e) Exempla habentur in subscriptione Recessuum de A. 1641. 1654.

(f) C. 5 de Elect. in 6 et c. 1 eod. tit. Extrav.

84 Sect. I. De Personis et Beneficiis ecclesiasticis.

siis exceptionem haud infirmat. Dein etsi hac indulgentia Germaniæ Episcopi sine consensu aut Papæ, aut capituli sæpe uti non soleant, tamen aliquorum ab administratione interim abstinentium Episcoporum exempla tanquam actus meræ facultatis, juris vel imitationis necessitatem reliquis imponere haud valent, uti bene advertit Barthel tom. 1, opusc. 4 pag. mihi 465.

§. 481.

Confirmatio electionis est approbatio electi, seu decretum Superioris, quo prævia electionis cognitione eam canonicam declarat, et probat; 1) petenda est confirmatio intra trimestre, ex quo electioni electus consensit, (g) *) 2) conceditur prævia causæ cognitione, ** 3) negari nequit nisi ex causis canonicis, *** 4) tribuit jus in re, et plenam in temporalibus, et spiritualibus (iis quæ sunt *ordinis* episcopalis, et consecrationem requirunt, exceptis) administrationem et jurisdictionem: (h) Item 5) vinculum conjugii spiritualis inter electum Episcopum et ecclesiam nectit, ut contra Pontificis veniam ab ea jam recedere nequeat: 6) concessa cum clausula: *supplentes*, vel in forma *speciali*, vitia humanæ solum legi adversantia, si quæ forte in electione irrepserint, sanare dicitur.

- * 1) Confirmationis olim fere cum ipsa ordinatione electi conjunctæ jus penes Episcopos Ordinatores atque inprimis penes Metropolitanos erat situm: 2) quod jus etiam pacto Calixtino (§. 170. not. lit. d. n. 2.) iisdem firmatum per tredecim fere secula

(g) C. 6 elect. in 6.

(h) C. 15 de elect. c. 1 eodem tit. extrav. comp.n.

secula in regula penes eos stetit: (i) at 3) sec. XIV. ad Sedem Romanam delatum, ac per Germaniæ (§. 174) Galliæque concordata Pontifici stabilitum est, unde 4) ubi *regia nominatio*, seu consuetudo obtinet, confirmatorium diploma a summo Pontifice Rex ipse petit: in Germania vero electus confirmationem a sede Apostolica, ad quam itidem controversæ electionis decisio (Vid. infra §. 547) pertinet, (k) petere solet.

***) Ut cognitio rite fieri queat 1) equidem ipse electus Romæ confirmandus per se vel procuratorem Romæ intra mensem electionis instrumento rite instructus se sistere deberet: (l) at 2) more in Germania recepto intra tres menses instrumentum, totum electionis processum continens, a Notario apostolico confectum, a capitularibus, aut scrutatoribus subscriptum, et subsignatum per Legatum apostolicum aut Nuntium ejus provinciæ, (is per se aut aliquem vicinium Prælatum examen de dotibus, doctrina, moribus elec-

F 3

ti

(i) Vid. Hedderich Diss. de jure consecrandi suffraganeos Trev. 1774 §. 2 ubi Innocentii I. Zosimi, Leonis M. Gelasii I. aliorumque Pontificum eam in rem testimonia profert. Cf. Hartzheim concil. Germ. Part. 3. pag. 157. Cf. Van Espen I. E. univ. P. I. tit. 14 c. 1. Thomassin de V et N. disc. P. 2 l. 2 c. 7. 8. 18. 29. 42. Rupprecht Not. in Jus can. tom. II. pag. 66. seqq.

(k) Vid. F. A. Dürr. Diss. de Judice controversiarum in causis electionum Episcoporum Germ. A. 1768. Thesaur. I. E. tom. 2 pag. 354. Cf. von Sartori geistl. und weltl. Staatsrecht deutscher Stifter. I. B. 2. Th. 12. Kap. §. 439 seq. und 2. B. 2. L. 1. Abschn. c. 40. §. 1140 seqq. et §. 1309 seqq.

(i) C. 16 de Elect. in 6.

ti instituit, (m) et fidei professionem ab eo exigit) addito inquirentis iudicio ad summam sedem mittitur. 3) Re examinata confirmatio Episcoporum vel Abbatum immediatorum in *consistorio* peragitur vel tota simul in uno, vel in duobus ut in primo fiat duntaxat præconizatio, in altero confirmatio. Posthæc Bulla aut Breve confirmatorium editur. Cf. *Van Espen P. I. tit. 14 c. 4.*

***) Ampliorem quidem in rejicenda electione Pontifici facultatem facere videtur illa clausula concordatorum Germaniæ: *nisi ex rationabili et evidenti causa, ac de dictorum fratrum (Cardinalium) consilio de digniori et utiliori persona duxerimus providendum*: at vero ista clausula vix unquam, nisi in casu prorsus singulari, usum habere potest; unde rite intellecta libertati electionis nil officere creditur.

§. 482.

Postulatio, alter ad prælaturas ecclesiasticas perveniendi modus, ex hodierna disciplina *) duplex est 1) *solemnis* et propria, quæ est petitio a capitulo vel alio jus nominandi habente, ad Superiorem directa, ut is personam impedimento canonico, dispensari tamen solito, laborantem, sed ecclesiæ utilem admittere ad prælaturam ecclesiasticam velit: 2) *minus solemnis*, impropria aut simplex, quæ est petitio ad Superiorem electi directa, ut in sui subditi nullo impedimento laborantis electionem canonicam consentiat. **)

*) Olim

(m) Vid. Gregorii XIV. Bulla: *Onus Apostolicæ* A. 1591 Bullat. tom. 2 f. 529. Cf. *Van Espen l. cit. c. 3 n. 7.*

- *) Olim *postulatio* longe aliud ac hodie denotabat; jam 1) populi certum virum in Pastorem sibi deposcentis desiderium, jam 2) petitionem ad Principem pro facultate Pastorem sibi deligendi, vel consensu in electum impetrandi; jam 3) idemmet quod electio significabat. Antiquis notior fuit *postulatio* simplex, quam sollemnis. (Cf. Neller dissert. collect. methodic. SS. can. de postul. §. I. exstat. Thesaur. I. E. tom. 2 p. 733.)
- **) Hæc *postulatio* non tam *postulatio*, quam electio est, ad cujus etiam regulas componitur; nec interest, an capitulares utantur verbo electionis, vel *postulationis*. Ex c. 27. de elect. in 6. et Engel. L. 1 tit. 6 n. 9.

§. 483.

Ex *postulationis* sollemnis descriptione liquet I. postulandum quidem laborare *defectu*, qui dispensando tamen sanari queat; II. *postulationem* requirere capituli de persona *consensum*, seu quamdam electionem: III. *postulationem* ad *Superiorem* esse dirigendam, et IV. ejus admissionem, quum dispensationis gratia nitatur, a *Superioris* pendere *voluntate*: proin V *effectus* *postulationis* ab effectibus electionis plane esse diversos.

§. 484.

Quum I. in postulando *defectus* adsit, in quo dispensari queat; dispensari autem nisi ob utilitatem aut necessitatem ecclesiæ, seu nisi vulnus SS. canonibus per dispensationem inflictum alio bono compensatur, nec oporteat, (u) nec soleat; eruitur 1) eum, qui *defectu*

F 4

fectu

88 Sect. I. De Personis et Beneficiis ecclesiasticis.

fectu nullo laborat, non postulandum esse, sed eligendum; 2) qui defectu laborat, in quo prudenter dispensari nequeat, aut non soleat, *) nedum eligi, sed nec postulari quidem posse, **) 3) defectu dispensari solito laborantes posse, et debere postulari ***), nec eligi posse, nisi forte 4) Pontifex jam ante postulationem in eo defectu dispensasset, seu *eligibilitatis*, ut vocant, *Breve* cuidam indulsisset. ****).

*) Defectu ejusmodi, in quo dispensari vel nequit, vel non solet, laborant, ac proinde ne postulari quidem queunt 1) ex *defectu judicii et corporis* infans, puer, prorsus illiteratus, (o) epilepticus, decrepitus senex, (p) corpore enormiter vitiatus, (q) 2) ex *defectu morum* irregularis ex delicto, scilicet hæreticus, schismaticus, simoniacus, excommunicatus, temerarius interdicti violator, (r) adulter, fornicarius, usurarius, (s) insigniter avarus, (t) falsarius, et infamis ex delicto; (u) 3) ex *defectibus aliis*, in quibus dispensare non solet curia Romana: Religiosus ex mendicantibus ad ecclesiam cathedrali inferiorem transiens, (x) laicus, bigamus, et natus ex damnato coitu; (y) nondum viginti septem annos natus; (z) attamen

in

(o) C. fin. de ætat. ordin.

(p) C. un. dist. 54 et c. 2 de elec.

(q) Ibid. et c. 6 de corp. vitiat.

(r) C. 1 de postul. Præl.

(s) Dist. 46. 47. 49 etc.

(t) C. un. dist. 85.

(u) C. 7 de crim. falsi.

(x) Extrav. un. de postul. int. comm.

(y) C. 2 de bigam. c. 10 de renuntiati.

(z) Extrav. un. de postul. inter comm.

Cap. II. De Clericor. sustentatione et benefic. eccl. 89

in hoc ætatis (a) defectu et in aliis quibusdam dispensatum jam sæpe est.

**) Unde 1) qui nihilo secius postulare audent eum quem defectu, dispensari non solito, laborare sciunt, pro illa vice voce activa privantur, (b) 2) qui contra extrav. unic. de postul. ætate viginti septem annorum minorem postulant ad ecclesiam cathedralem, qui vel Regularem ex Mendicantium ordine ad Prælaturam cathedrali inferiorem, vel ad monasteria extra eum ordinem, quem professus est, scienter postulant, ea vice postulandi ac eligendi potestate privantur, et a beneficiis in ea ecclesia possessis triennio suspenduntur; 3) postulatus viginti septem annis minor ad ecclesiam cathedralem usque ad annum ætatis trigesimum quintum, et Regularis ad cathedrali inferiorem vel ad Prælaturam extra suum ordinem postulatus in perpetuum intelligibiles, et inpostulabiles redduntur, si suam in curia Rom. postulationem urgeant. *Cit. c. un. de post.*

**) Postulari de stylo curiæ Rom. possunt, queis inest defectus 1) natalium ex simplici fornicatione, (c) 2) ætatis, modo sint annos viginti septem nati, 3) lenitatis defectus citra peccatum contractus: (d) 4) S. ordinis aut professionis religiosæ, (e) 5) libertatis ob matrimonii spiritualis vinculum, quo ecclesiæ cathedrali alligantur, uti Episcopi consecrati, aut confirmati solum. (f) Non item postulari debent, sed eligi possunt a) Abbates et Præpositi, licet quasi episcopali in Clerum populumque jurisdictione præditi: eligi

F 5

item

(a) Exempla plura recitat Schmidt Thesau. J. E. tom. 2 pag. 765.

(b) C. 1. de postul.

(c) Cap. 20 de elect.

(d) C. 19 de elect.

(e) C. 13 et 27 de elect.

(f) C. 6 de post. et c. 2 de translat. Episc.

item queunt b) *Episcopi electi* duntaxat. (g) c) *Coadjutores* Episcoporum etiam cum jure successionis, d) *Episcopi resignati*, atque verosimilius etiam e) *Episcopi titulares* in partibus infidelium ut qui Clero et fidei populo, atque adeo et sponsa carent. Neque enim solus ordo aut character episcopalis, sed vinculum conjugii spiritualis postulationis necessitatem inducit: eligibilitatis vero indulta ab his non necessario, sed securitatis majoris gratia petuntur; præsertim quum non constet semper, an non in iis infidelium locis fideles existant, ut adeo Episcopus vere ibi existenti ecclesiæ vivæ desponsetur. (h) Eligi itidem verosimilius possunt Episcopi *indulto transeundi ad aliam ecclesiam instructi*: nec obstat, 1) quod per indultum istud haud solvatur ligamen spirituale, quo suæ ecclesiæ sunt alligati; nec 2) quod Conradus Episcopus Hildesiensis ejusmodi indulto instructus et ad ecclesiam Herbipolensem transiens idcirco c. 4 de translat. Episcop. redarguatur, etenim licet hoc indulto haud penitus solvatur primum illud ligamen; saltem, ne indultum nihil operetur, ligamen illud non jam *rationem impediendi* habet. Conradus autem increpitus est, quod contra vim indulti ad *minorem*, vel *aqualem* transierit ecclesiam, idque ante confirmationem sit executus. Sed hodie Episcopi, transire cupientes, sibi Brevia eligibilitatis procurant. Cf. Schrodte Inst. can. L. I. tit. 5. §. 270 sqq.

****) Indultum, seu *Breve eligibilitatis*, est facultas a Summo pontifice iis, qui uno alterove impedimento canonico laborant, ac proin postulandi essent, concessa, ut jam per *viam electionis* ad prælaturam ecclesiasticam pervenire possint. Hoc indultum jam

(g) Cf. c. 26 de Elect. in 6.

(h) Cf. Neller Diss. Collect. methodica can. de Postulatione §. 2 q. ad n. 5. Lit. e. Thesau. I. E. tom. 2 pag. 744.

a generale, est, et ad quascunque dignitates et ecclesias se extendit; jam b) ad certas est restrictum; jam c) absolutum, jam d) conditionatum. Ita sæpe conditio adjicitur, ut pinguiore ecclesia donatus priorem dimittat. In congressu Emsensi N. 7 lit. f. de iis habetur: Die Brevia eligibilitatis können in den dazugeeigneten Fällen annoch so laäng zu Rom impetrit werden, bis durch eine allgemeine Kirchenreformation auch hierinn eine andere Vorsehung geschieht. Ad quæ præter alia Episcopus Spiirensis in suo ad Electorem Moguntinum responso adnotat: Das bischöfliche Interesse erfordert demnach vielmehr, daß dem Römischen Hofe Vorstellungen dahin gemacht werden, hinfür kein solches Breve eligibilitatis mehr, als nur in einem ganz außerordentlichen Falle, und nie auf ein Erz- und Bisthum zugleich zu ertheilen. Cf. von Sartori geistl. und weltl. Staatsrecht deutscher Stifter. I. B. 2. Th. 5. R. S. 278. seqq.

§. 485.

Ex eo, quod II. postulatio consensu et quam electione capituli nitatur, colligimus, quod postulatio in omnibus, in quibus aliud non exigit ejus natura vel juris dispositio, electionem imitetur; proin 1) postulare possunt omnes et soli, qui et possunt eligere, (i) 467) 2) postulationis actus quoad antecedentia, adjuncta, et consequentia est similis tui electionis; 3) verosimilius forma quoque solemnitates in electione præscriptæ sunt et servandæ; * 4) Denique vota absolute mara, uti in electione sufficiunt, nisi forte postulatio cum electione concurrat. **)

*) Eccur

(i) C. 55 de elect. et c. 7 de elect. in 6.

92 Sect. I. De Personis et Beneficiis ecclesiasticis.

*) Eecur enim *formam* postulationis postulantium arbitrio putemus relictam? 1) Postulatio in electionis locum succedit ceu modus irregularis, extraordinarius, immo odiosus; cur ergo favore maiore dignam, aut minore cautione tractandam quis arbitretur? 2) Subrogatum naturam ejus, in cuius locum subrogatur, plerumque sequitur; 3) canonicam formam adhibendam suadet ipsa negotii gravitas, et 4) tum receptus capitulorum postulantium mos, tum curiæ Rom. instrumenta postulationis ad electionis normam examinantis praxis demonstrat. Cf. Böckhn l. I. tit. 5 n. 31.

** 1) Postulationem tunc primum cum electione concurrere quidam arbitrantur, quando unus postulantium suo et sibi consentientium nomine in commune postulationem, et unus ex eligentibus eodem modo electionem promulgavit; eoquod sine communi hac publicatione non censeatur perfecta nec electio, nec postulatio, (k) proin nec ante eam secum concurrisse dici possint: sed fors rectius in actu collationis votorum statim post publicatum scrutinium suscipiendo jam concurrere dicuntur etiam sine duplici publicatione. (l) 2) Quodsi utraque reapse concurrat, tum quidem satis certum est, quod postulatus, si duas tertias totius capituli habeat, præferendus sit electo; electus, si ultra unam tertiam habeat totius capituli, cuius tamen pars major alium postulavit, vincat, prævaleatque postulato (e. g. sint universi suffragantes 60 quorum major pars postulet, postulatus per 40, prævalet electo per 20; electus per 21. prævalet postulato per 39.) 3) Non necesse est tamen, ut integrum votum ultra unam tertiam habeat

(k) Arg. c. 7 de elect. in 6. et c. 55 de elect. e hanc sententiam tenet. Neller collect. meth. can. de postul. § 3 n. 7. Thesaur. I. E. tom. 2 p. 748.

(l) Ita I. Christ. Koch Diss. de votis duplo majoribus. §. 21 Thesaur. I. E. tom. 7. pag. 413. seqq

habeat electus, modo plus quam præcise una tertia votorum totius capituli ei saveat: hinc in casu, in quo sunt 47 suffragantes, vincit electus cum postulato concurrens, qui 16 suffragia pro se habet. Sed 4) ut ita electus vincat, semper, ut diximus, necesse est, ut unus postulatus habeat pro se vota absolute majora. Etenim, ut actus scrutinii sit utilis, atque capitulares electionis publicatio fieri possit, semper requiritur, ut uni candidatorum suffragia saltem absolute majora saveant, licet hic haud semper victor evadat, quod in casu concursus postulationis cum electione contingere potest. Quare si ex 60 electionibus 30 postularint Cajum, 30. elegerint Titium, aut si 29 postulent Cajum, 21 eligant Titium, 10. eligant, aut postulent alium, verosimilius nec electus, nec postulatus vincit, sed repetendum erit scrutinium. (m) Licet autem 5) asserant quidam Auctores, (n) quod a) duæ tertiæ suffragiorum relate ad electum, non ad totum capitulum *postulato* sufficiant; quod b) *una præcise tertia* capituli totius, aut c) ultra unam tertiam non intuitu totius capituli, sed intuitu postulati solum sufficiant electo; sive quod in allato exemplo, postulatus per 36 electo per 12. electus per 20. postulato per 39, uno voto in alium collato, aut electus per 11. postulato per 31., votis reliquis in alios dispersis, prævaleat, quod d) in Papæ arbitrio sit, sive postulationem, sive electionem, si pro illa vota tantum absolute majora, pro hac ultra unam tertiam totius capituli stent, admittere, vel confirmare, etc. tamen verosimilius est, nunquam postulatum vincere, nisi duæ tertiæ totius capituli pro eo stent; nec vincere electum, nisi ultra unam tertiam totius capituli sibi suffragantem habeat. Quod contra Nellerum, Boeck-

nium

(m) Vid. I. Christ. Koch Diss. §. 20. ubi et alios laudat.

(n) Cf. Koch cit. Diss. §. 19.

94 *Sect. I. De Personis et Beneficiis ecclesiasticis.*

nium et alios solide videtur defendere I. Christ. Koch cit. *Diss. de votis duplo major. Cf. Nelleri Diss. de S. electionis processu ad §. 3 q. 5 sqq.*

§. 486.

Postulatio III. explorata prius postulati voluntate ad *Superiorem dirigenda* est, et quidem ad eum, qui in defectu postulati (§. 484. n. 3) dispensare potest, et qui alias jus confirmandi electiones habet. *) Unde hodie vi concordatorum Germaniæ 1) Episcoporum et Prælatorum proxime Romanæ sedi subjectorum postulationes ad summum Pontificem: 2) Prælatorum vero aliorum postulationes ad Episcopos, vel alios, quæ immediate ecclesiæ subijcitur, Superiores dirigendæ sunt; id quod tamen raro fieri hodie potest, quum in defectibus postulati dispensandi jus pene Pontifici sit reservatum. **)

*) Olim Patriarcharum, Primatum, Metropolitanarum postulationes ad Pontificem, postulationes vero reliquorum Episcoporum ad Synodos provinciales deferebantur.

**) Ita Episcopus 1) *illegitime natus* potest ad simplex beneficium admittere: 2) illius, qui *bigamia similitudinaria* impeditur, aut qui 3) occulta irregularitate laborat, et hac formula: *eligo aut postulo, prout de jure melius valere potest*, eligitur, postulationem potest admittere. Cf. §. 411 not. item vid. Neller cit. *Diss. ad finem.*

§. 487.

IV. Postulationis admissio, quæ dispensationem involvit, a gratia Superioris fere pendet; unde 1) non nisi prævia de capituli consensu et rationibus dispensandi cognitione admitteri

mitti potest; 2) etsi personæ merita haud desint, tamen Papa salvis etiam Germaniæ concordatis, quæ a jure communi hac in re non recedunt, immo distinctionem electionis et postulationis supponunt, (o) postulationem rejicere potest; modo electionis jus denuo capitulo, vel si indignum plures scienter postulassent, illis, qui postulationi non consensere, relinquat; *) 3) quodsi tamen evidens ecclesiæ utilitas aut necessitas admissionem postulationis suadeat, illicite a Papa, utilitatem ecclesiæ ex officio promovere obligato, postulatio rejicitur; et 4) si in hoc casu inferior Prælati postulationem repelleret, postulantes, non autem postulatus ad Superiorem, ut hic admissionem postulationis imperet, provocare possunt.

*) Nam vi decreti concilii Basileensis Sess. 23.

Licet dudum etc. a Germanis acceptati Pontifex, si forte ob urgentissimam causam rejecit electionem, eam ad capitulum remittere tenetur, ut ad aliam electionem procedant. Igitur, si legitima postulatio rejiciatur, equidem postulatus omni ejus commodo caret, non tamen capitulares innocui jure eligendi excidunt. Aliud foret, si omnes indignum postulassent: atque de hoc casu intelligenda sunt concordata Germaniæ, dum beneficia per cassationem vel non admissionem postulationis, nempe ob personæ postulatæ vitium vacantia Papæ reservant. Cf. *Behlen seu Schloer Diss. de elect. Archi- et Episc. Germ. electione cassata, postulatione non admissa* §. 18. n. 2. seqq.

§. 488.

(o) Cf. Barthel diss. 3 de concord. c. 3 §. 25 et Thesaur. I. E. tom. II. p. 765.

§. 488.

Quum in postulando *defectus*, qui per dispensationem tolli debeat, adsit, ejusque admissio vulgo a gratia Superioris pendeat; V *effectus* postulationis ab electionis effectibus (§. 472.) multimodis discrepant: nam 1) postulatio a postulato non absolute, sed solum sub conditione sequuturæ admissionis potest acceptari; 2) etiam acceptata nullum eidem juri tribuit; unde nullo modo ecclesiæ, ad quam postulatus est, negotiis sese poterit ingerere; 3) neque ipse postulatus, sed postulantes suis impensis postulationis admissionem impetrare debent; (p) 5) hi quoque postulationem, postulato licet jam oblatam, revocare vulgo sine injustitia, vix tamen decenter possunt; 6) Superioris autem judicio subjectam, duntaxat ob reverentiam eidem debitam (q) citra ipsius consensum retractare nequeunt.

§. 489.

Postulatio simplex, et minus solemnis, ut ex ejus definitione patet (§. 482.) 1) a solenni plurimum, ab electione vix differt; unde 2) in ea sufficiunt vota absolute majora; 3) sic postulato sui postulationem acceptanti verum *jus ad rem* nascitur; 4) modo Superioris consensus, qui sive per postulantes, sive per postulatum peti debet, hanc acceptationem præcesserit. *)

*) Nam

(p) C. 16 de elect. in 6.

(q) C. 4. et 5. de postul. Præl. Cf. Böeckhn in Decret. l. 1. tit. 5 n. 17.

*) Nam, si Religiosus electioni de se extra suum monasterium factæ non petita, et obtenta licentia præsumserit consentire, consensus præstitus non teneat, et in poenam præsumtionis illius electio eadem ipso facto viribus vacuetur. C. 27 de elect. in 6.

§. 490.

Minus solenniter *postulandi* sunt 1) Cardinales non Episcopi, (r) 2) Prælati Episcopis inferiores; (s) 3) Clerici dioceseos alienæ (t) 4) Religiosi. (u)

§. 491.

Tertius ad dignitates ecclesiasticas perveniendi modus est *nominatio regia*; (§. 464) quæ quum electionis aut postulationis vices subpleat, earum et naturam imitatur et producit effectus. Unde 1) qui nec eligi, nec postulari, iidem etiam nec nominari possunt; 2) qui electionis sunt capaces, *simpliciter*, qui de jure sunt postulandi, cum *postulatione* nominari debent; 3) nominationis vel confirmatio vel admissio eodem modo ab ipsis Principibus peti; et a Papa vel quibus de jure competit, concedi solet, quemadmodum de electione (§. 487. seq.) dictum. Demum 4) servandæ sunt conditiones in nominatione regia in concordatis vel indultis præscriptæ. *)

*) De

(r) C. 3 eod. tit.

(s) C. 36 de elect. in 6.

(t) C. 14. dist. 36 c. 37 caus. 8 q. 1.

(u) C. 1 et 2 dist. 58 c. 27 de elect. in 6.

98 *Sect. I. De Personis et Beneficiis ecclesiasticis.*

*) De his conditionibus, præsertim intuitu Galliæ, e. g. quod nominatio intra sex menses, et repulso fors nominato inhabili post tres menses rursus facienda sit; quod in regula non nisi gradatus nominari queat etc. *Vid. Van Espen I. E. univ. P. I. tit. 13. c. 14.*

**) Protestantium plures jus nominandi Principibus jure proprio, et majestatico competere asserunt, quia Princeps a) est caput populi, b) quia habet regimen ecclesiasticum, c) quia Sacrorum Antistites auditorum animos flexilibes in manu habent etc. uti inquit Friderici *Apparat. I. cân. vol. 2 medit. 1 §. 15.* At hi non a Catholicis tantum, sed et a Protestantibus, qui id jus inter collegialia numerant, refutantur. *Vid. Meßbeim Allgemes Bischenrecht. 3. Haupt. §. 4 et 7.* Et, quem hic laudat, Canzius in *discipl. morali §. 2507.* « Habet, inquit, Princeps potestatem non in ipsam ministrorum vocationem, sed circa eam, non, ut ea fruatur, sed ut eam moderetur, ne reipublicæ obsit. »

§. 492.

Translatio, quartus ad dignitates ecclesiasticas perveniendi modus, jam *latiori* sensu Prælati ecclesiastici cujuscunque ab una ad aliam ecclesiam legitime factam transpositionem, jam *significatione strictiori* Episcopi ab uno ad alterum episcopatum legitima auctoritate factam transpositionem denotat, 2) alii *translationem* in specie sic dictam a *translatione* distinguunt, ut illa volenti, et in melius hæc invito, et plerumque in deterius contingat. *) 3) Vetus ecclesia translationes omnes maxime horruit, et sub pœnis gravissimis ab una ecclesia ad aliam, ausu proprio transire pro-

prohibuit; (w) **) eas tamen, quæ ob manifestam utilitatem aut necessitatem ceu supremam omnis S. imperii, et legum ecclesiasticarum normam et mensuram (§. 42.) interveniente auctoritate legitima fierent, licitas habuit. (x)

*) An quis Episcopus præsertim culpæ expers transferri invitus queat, varii varia sentiunt. Cf. Thomassin P. II. l. 2 c. 64 n. 9.

**) Temere ab una ad aliam ecclesiam transmigrantium poenæ variae erant, et sat graves: 1) Clericus Episcopo inferior poena depositionis, et reductionis ad laicam communionem multabatur. 2) Episcopis hujusmodi Pontifices Rom. non communicabant, aut 5) utramque et dñmissam, et arreptam ecclesiam subtrahebant etc. Cf. Neller Diss. II. de translat. Episc. §. 1 et Van Espen I. E. univ. P. I. tit. 15 c. 4.

§. 493.

Ex his colligimus 1) translationes Clericorum omnes maxime Episcoporum esse vulgo prohibitas; 2) eas non nisi ob utilitatem, aut necessitatem ecclesiæ probari proin; 3) non nisi caussa rite cognita per legitimi Superioris auctoritatem esse faciendas.

*) Translationes Episcoporum equidem olim auctoritate synodorum provincialium fiebant, (y) sæpe tamen Patriarcharum, aut Papæ consensus requirebatur, demum tum per consuetudinem, tum ob conciliorum provincialium infrequentiam, et lan-

G 2

gui-

(w) C. 39 caus. 7. q. 1. Cf. Thomassin P. II. l. 2. c. 60 seqq.

(x) Thomassin ibid. c. 61.

(y) C. 36. 37. caus. 7. q. 1. can. 13. Apostol.

guidiorem auctoritatem omnes Episcoporum translationes ceu causæ majores Pontifici reservatæ, (§. 213.) (z) ad eundem hodie privative spectant. 2) Prælatorum non exemptorum, et inferiorum clericorum translationes auctoritate Episcopi fieri nil prohibet. (a)

§. 494.

Translationis *effectus* fere sunt 1) quod tollatur vinculum, et obligatio, quibus quis priori ecclesiæ fuit astrictus; 2) quod amittatur omne jus in dimissam ecclesiam, si proventus officio jam præstito respondentes excipias, 3) quod ecclesia sublato hoc vinculo vacet. *)

*) Et quidem » ecclesiam, a qua quis *volens* trans-
» fertur, vacare ab eo tempore, quo Episcopus ab
» illius vinculo absolvitur in consistorio sanctita-
» tis suæ, etiam ante expeditionem literarum
» apostolicarum vel adeptam possessionem secun-
» dæ ecclesiæ . . . et posteaquam hujus absolu-
» tionis notitiam Episcopus habuerit etiam ex
» testimonio seu documento Secretarii sacri Col-
» legii, illico tenegi eum abstinere ab exercitio
» ordinariæ jurisdictionis, eamque transire in ca-
» pitulum tanquam sede vacante etc. » declaravit
S. Congreg. Card. super negotiis Episc. 1624.
12. Decemb. Ceterum, quod etiam ille, qui trans-
lationem sui factam, quam petiit, adhuc ignorat,
a tempore absolutionis jura et possessionem pri-
mæ ecclesiæ statim deperdat, Curialistæ affirmant,
negant alii. Cf. Nelleri *Diss. 1 de translat. Episc.*
Thesau. J. E. tom. 3 pag. 10 sqq. in qua, ut
in ea huic statim subjuncta, plura in rem præ-
sentem notatu digna occurrunt.

§. 495.

(z) Vid. Thoma i. l. c. c. 61 n. 12 sqq.

(a) C. 8 caus. 18. q. 2 et c. 7 de consuet. d.

§. 495.

Non translationem quidem, qua Episcopus, licet vinculo prioris ecclesiæ solutus, characterem utique et ordinem episcopalem non amittit: at vero electionem, postulationem, nominationemve confirmatam aut admissam sequitur *Consecratio seu impositio manuum super caput electi Episcopi sub certis verbis, inunctione chrismatis aliisque ceremoniis a legitimo consecratore Episcopo tanquam ministro facta.*

- * 1) *Consecratio* Metropolitaram, uti et confirmatio, inprimis ad Patriarchas vel Exarchas pertinet; consecratio vero Episcoporum provincialium vulgo ab omnibus provinciæ Episcopis, seu potius his præsentibus a Metropolita olim peragenda erat: (b) 2) *duorum* saltem præter consecratorem Episcoporum præsentiam tum Orientis, tum Occidentis disciplina urgebat: (c) quorum tamen præsentia quum non tam ad substantiam, quam ad solennitatem et probationem ordinationis spectaret; interdum cogente necessitate ab ea disciplina recessum est. (d) Unde hodieque illa saltem cum Pontificis venia ab uno Episcopo et duobus aliis, qui ecclesiastica dignitate fulgent, usuque

G 3

pon-

-
- (b) Vid. can. 1. dist. 62 c. 5 et 8. dist. 64. c. 2. 3. seqq. dist. 65. c. 6. et 7. de temp. ordinat. Cf. Thomassin V. et N. disc. P. II. l. 2. c. 8. n. 2 sqq. Van Espen I. E. U. P. I. tit. 15 c. 1. Hedderich Diss. de jure consecrandi suffraganeos 1774 von Sartori geistl. und weltl. Staatsrecht deutscher Stifter 2. B. 2. Th. 1. Abschn. 40. R. §. 1150. sqq.
- (c) Can. 4 et 6 Concil. Nicæn. apud Gratian. dist. 64. c. 1. 2. 4. Cf. Van Espen I. E. univ. P. I. tit. 15 c. 1.
- (d) Van Espen ibid. n. 7. sqq.

pontificalium pollent, perfici potest. 3) *Tempus*, intra quod electus Episcopus consecrandus est, olim tres ab electione, hodie tres a confirmatione menses designantur; quibus elapsis qui consecrationem negligit, fructibus, qui alio trimestri præterlapso etiam dignitate ipso jure privatur: (e) nisi forte impeditus, aut a Pontifice fuisset dispensatus. 4) *Consecratio* in ipsa, ad quam quis electus est, ecclesia, aut saltem, quoad fieri potest, in provincia est celebranda; 5) *die dominica*, aut Apostolo sacra; 6) *adhibitis ritibus* in Rituali Romano descriptis, manus impositione, annuli et baculi traditione, unctione chrismatis, libri Evangeliorum super caput ordinandi impositione etc. (f) 7) Quum jus ordinandi, aut designandi ordinatorem semper cum jure confirmandi conjunctum, vel per ipsa concordata Papæ addictum sit, vel certe hodie a Pontifice possideatur et exerceatur; (g) in actu consecrationis consecrator quæ-

(e) Concil Trid. Sess. XXIII. c. 2 de reform. diu dilatae, imo quasi neglectae a quibusdam consecrationis exempla profert von Sartori geistl. und weltl. Staatsrecht deutscher Stifter. I. B. 2. Th. §. 508 und 2. B. 2. Th. §. 1311.

(f) Van Espen I. cit. c. 3. Schrodt Inst. I. E. L. I. tit. 6 §. 332.

(g) Cl. Barthel hoc jus Papæ vi concordatorum competere credit diss. III. de concord. c. 3 n. 33 Vid. Zallwein tom. 4 q. 2 c. 2 §. 8 pag. m. 165 sqq. et q. 3 c. 4 §. 8 pag. 404 seq. possessionem saltem juris hujus, quod Metropolitae vindicare cupit, Pontifici nec negat, sed expresse asserit etiam Hedderich diss. de jure consecrandi suffraganeos Metropolitae Germ. vindicato § 4 extat. in documentis ad concordata Germaniae integra fascic. 3 pag. 216. Idem jus Archiepiscopis attribuit Schloer diss. ad concordat. Germ. de Elect. Archi. et Episc. Germ.

quærit: *Habetis mandatum Apostolicum?* et iurandum Papæ a consecrando (§. 256. 258.) præstandum exigitur. Cf. *Nelleri diss. altera de S. Electionis processu* §. 4.

§ 496.

Consecrationis effectus præcipui sunt, quod præter gratiam divinam ad episcopatus munia rite obeunda, accipiat consecratus 1) characterem ordinis episcopalis et potestatem ejus munia obeundi: 2) jus jurisdictionis radicale, ut vocant, intrinsecum, proprium; (§. 37. n. 2.) 3) quod vinculum inter ecclesiam, et Episcopum adstringatur, * 4) consecratus fratris adpellatione a Papa salutetur; 5) beneficia ab Episcopo ante possessa ipso jure vacent, (h) **) et Pontifici reserventur.

*) »Hoc spirituale foedus conjugii, ait Innocentius, »(i) est inter Episcopum et ecclesiam in electione initiatum, ratum in confirmatione, et in consecratione intelligitur consummatum, « Equidem jam semper antiquitas simile vinculum inter Episcopum et ipsius ecclesiam agnovit, (k) id tamen inter veterem novamque ea in re ecclesiæ disciplinam maxime interest, quod a) olim similitudo, deinceps quasi veritas matrimonii spiritualis fuerit asserta: item b) quod per decem secula distinctio illa initiati, rati, et consummati matrimonii fuerit incognita: demum quod c) vinculum

Germ. et c. 2. §. 28. Cf. Schmidt Thesau. I. E. tom. 4 pag. 39 sqq. Quid de ea re Consilii in emsano congressu n. 17 agitatum sit, quid responderit Episc. Spirensis, vid. apud v. Sartori l. cit. §. 516.

(h) C. 7 de elect. et Extravag. 7 inter comm. eod. tit.

(i) C. 4 de translat. Episc.

(k) Van Espen I. E. univ. P. I. tit. 15 c. 4.

culum illud dissolvendi potestas olim a provincialibus Synodis exercita, hodie penes unum Pontificem resideat. Ita Barthel tom. 2, opusc. 4, pag. 466 sqq ubi de eo pluribus disserit. Cf. Nelleri Diss. II de translat. Episc. §. 2 n. 7. Thesau. I. E. tom. 3 pag. 41 sqq. et 53 sqq.

** 1) (Non per consecrationem, sed per benedictionem initiantur Abbates; 2) benedicuntur porro Abbates Pontifici immediate subjecti, et consistoriales, ut vocant, in curia, vel extra illam de mandato apostolico; alii ab Episcopo proprio: 3) si benedictio ab Episcopo ter humiliter rogato non conferatur, Abbates illam ab alio queunt petere; immo ea denegata tamen monachos proprios benedicere, et ordinibus possunt minoribus initiare: (l) 4) hæc benedictio quoque quibusdam a suis Superioribus regularibus vi privilegii pontificii conferri solet; 5) aliquibus Abbatibus temporaneis omnino non confertur, qui tamen omnibus honoribus, juribus ac insignibus abbatialibus fruuntur. 6) Congruit quidem Abbatum benedictio cum Episcoporum consecratione similitudine rituum, si libri Evangeliorum super ordinandi cervicem impositionem et Chrismatis in corona capitis unctionem excipias; differunt tamen, quod a) hæc, non illa characterem sacramentalem imprimat, quod b) benedictio necessario haud peti debeat. etc. Ceterum 7) Abbates in actu benedictionis pro eo, ac exempti, vel non exempti sunt, Papæ, aut Ordinario jurant. Cf. Barthel tom. II, opusc. 5 de jure et jurisd. Abbat. §. 6. Van Espen I. E. univ. P I. tit. 31 c. 9 et cit. Nelleri diss. alter. de S. Elect. processu §. 4. Thesaur. I. E. tom. 4 pag. 32 seqq.

ARTI-

(l) C. 1 de suppl. negl. item constit. Bened. XIII. commissi etc.

ARTICULUS IV.

De provisione beneficiorum minorum : de collatione, jure patronatus, institutione ; optione ; permutatione ; turno etc.

§. 497.

Modi, quæ beneficia minora conferuntur usitatioribus sunt I. *collatio libera*, II. *institutio ad nominationem vel præsentationem Patroni*, III. *optio*, IV. *permutatio* ; accedit V. *institutio corporalis seu investitura etc.*

*) Equidem etiam per electionem quandoque, item per primas preces, et provisiones pontificias ad minora beneficia pervenitur ; at de illa actum nuper, de istis dicemus postea.

§. 498.

Collatio beneficiorum vel est 1) libera, quæ jure independenti exercetur, et hæc collatio in specie appellatur, vel 2) necessaria, quæ ad alterius nominationem, et præsentationem est adstricta ; et hæc institutio in specie dicitur.

§. 499.

Institutio largiori sensu intellecta vario sensu accipitur ; unde alia est 1) institutio quoad titulum, seu collativa, quæ titulum beneficii seu jus in re in beneficio tribuit ; alia 2) institutio quoad curam animarum, vulgo auctoris dicta, qua cura animarum (non subsidaria solum pro tota diocesi ; quæ vulgo per approbationem, ut ajunt, Presbyteris dari solet, sed) ordinaria intuitu certæ ple-

bis tribuitur; 3) *alia institutio quoad possessionem, investitura ecclesiastica dicta, qua quis in possessionem et jura beneficii immittitur, Hæcque vel est a verbalis, quæ verbis, et aliquando simul clavium, bireti, panis, sigilli etc. traditione absolvitur; vel b) realis aut corporalis, installatio, inthronisatio dicta, quæ actuali introductione in locum juraque beneficii perficitur. Atque hæc institutio non jure communi, sed consuetudinario dividitur in realem quoad spiritualia et quoad temporalia, seu in spiritualem, et temporalem, prout beneficiatur in jura sacra, aut profana immittit.*

§. 500.

Jam vero 1) *Collatio beneficiorum seu potius adscriptio ad certæ ecclesiæ ministerium, ex qua quis eo ipso et alimenta caperet, primis decem ecclesiæ seculis a sacra ordinatione non sejuncta, jure quasi congenito fere penes solos. (a) Episcopos remansit. 2) Id juris, separata etiam collatione beneficiorum ab ordinatione, equidem per provisiones pontificias admodum restrictum, attamen per concordata denuo restitutum; (§. 173. sqq.) 3) quare hodieque Episcopus pro beneficiorum suæ diœcesis provisione tum in antiqua possessione,*

(a) Vid Thomassin de v. et n. discipl. P. II. L. 1. c. 38. sqq. Van Espen I. E. univ. P. II. tit. 21. c. 1. Barthel. diss. prælim. de Concord. Germ. c. 2, sect. 1 sqq.

Cap. 11. De Clericor. sustentatione et benefic. eccl. 107
sessione, tum in imperio et cura universæ
diœcesis fundatam habet intentionem.

§. 501.

Unde hodieque *collatio* beneficiorum *libera*
ita personæ Episcopi propria censetur, ut 1)
ea nec *sede vacante* ad capitulum devolvatur
sed futuro debeat reservari Episcopo; (b) 2)
ut ea *aliis* præter Episcopum personis, aut
communitatibus ecclesiasticis non nisi *jure ex-*
traordinario competat, (c) adeoque 3) in *du-*
bio sit pro Episcopo judicandum.

*) Quodsi etiam ad alium jurisdictione quasi epis-
copali non præditum collatio pertineat, semper
tamen pro institutione auctorisabili (§. 499.) ad
Episcopum necessario erit recurrendum. (d)

§. 502.

Collatio beneficiorum alia est *libera*, alia *ne-*
cessaria, (§. 498.) hæcque *institutio* dicitur,
atque adstricta est ad beneficium illi conferen-
dum, quem patronus *præsentaverit*. Et hinc
ad *jus patronatus* devolvimur. Porro

§. 503.

Agendum heic strictim de *juris patronatus*
I. *origine*, II. *natura* et ambitu, III. *acqui-*
sitione IV. *divisione* ejusdem varia; V. de
amissione ejus, demumque VI. de præsentationis,
ceu partis ejusdem præcipuæ, modo
et adjunctis.

§. 504.

(b) C. un. de sede vacante in 6.

(c) C. 18 de præscript.

(d) C. 4 de offic. Archiad.

§. 504.

Ad juris patronatus I. *originem* quod attinet: 1) nomen quidem *juris patronatus* eo, quo nunc utimur, sensu a prioribus ecclesiæ seculis haud occurrit, res tamen ipsa haud penitus erat incognita. Nam 2) fundatorum nomina, et elogia templis inscripta, ecclesiæque ab ipsorum nomine compellatæ (e) 2) sec. V. Episcopo in aliena diœcesi ecclesiam ædificanti concessum, ut clericos ei ecclesiæ præficiendos posset designare, seu Episcopo loci præsentare: (f) quod præsentandi jus 3) sec. VI. aut certe VII. ad alios quoque extensum: nam quum in concilio Toletano IV. A. 633. datum esset privilegium patrono, forte ad egestatem redacto, alimenta a fundata ecclesia percipiendi, in Concilio Toletano IX. A. 655. habito statutum, ut fundatores in ecclesiis fundatis etiam rectores idoneos nominare possent, et Episcopo offerre. (g) Jus idem inprimis relictum est Nobilibus, qui capellis suis seu privatis oratoriis in ecclesias publicas versis ad eas ecclesias, ut antehac, clericum cum assensu Episcopi assumebant. Huic clericum præsentandi juri, quod præcipua jam juris patronatus pars censetur, *

(e) Teste Paulino epist. 10 et 12.

(f) C. 10 concil. Arausicani A. 441 et concil. Arelat. A. 452. c. 39.

(g) Vid. L. 46 cod. et novell. 57 c. 2 concil. Tolet. IX. A. 655. can. 2. apud Gratian. c. 32. caus. XVI. q. 7. Cf. Espen P. 2 tit. 25 c. 1.

paullatim alia accessere et jura, et onera. Implectitur igitur hodie patronatus jura tum honorifica tum utilia, tum onerosa, ut ajunt) quæ eidem sive a) ex juris dispositione, sive b) ex lege foundationis, sive c) alio ex titulo adnexa sunt. **)

*) Inde in jure patronatus definiendo plurimi unam præsentandi facultatem exprimunt, alii explanatius illud describunt. Cum quibus jus patronatus (geistliche Leben, Lehenschaft, Gottesgabe, Kirchengift) dici potest jus sive facultas nominandi aut præsentandi clericum ad beneficium vacans, ut in eo legitime instituatur, cum quibusdam prærogativis et officiis conjunctum. Qui hoc jure gaudet, Patronus (Kirchenlebensherr) audit. Differunt jus patronatus, et patroni ab advocatia et Advocatis ecclesiæ; (§. 368.) nisi forte advocatia ex jure foundationis orta jura patroni sibi simul juncta habeat. Attamen Advocatorum nomine non nunquam Patroni intelliguntur. Cf. tit. de jur. patronat. c. 9 c. 24. Cf. Van Espen I. E. univ. P. 2 tit. 25. c. 1. n. 13. seqq.

**) Quæ jus commune juri patronatus adnectit jura et officia, eidem inhærere præsumuntur, donec contrarium adpareat: alia quæ speciali titulo, et facto nituntur, probari in dubio debent.

§. 505.

Continet autem II. *jus patronatus* toto suo ambitu vi juris communis 1) *jus præsentandi clericum ad beneficium vacans*, 2) *jus processus*, * 3) *per observantiam non tamen ubi eandem jus precum publicarum pro iis nominat*

(b) vid. Rupprecht Not. in jus can. tom. 3 ad libr. 3 tit. 38. n. 9 sqq.

minatim fundi solitarum ; 4) jus *loci honoratioris* in ecclesia, et solennitatibus ecclesiasticis ; 5) honorem *thuris, suffitus, aquæ benedictæ, sepulturæ, luctusque* ecclesiastici ; 6) jus ex proventibus ecclesiæ, si, unde vivat aliunde patronus non habeat, *alimenta percipiendi*, (i) quæ privilegia uxori etiam et liberis patroni laici tribuunt. His respondet 7) *obligatio* ecclesiam ejusque jura defendendi (k) ad ejus reparationem concurrendi etc. **

*) Per honorem *processionis* (l) alii 1) publicam patronis, ad ecclesiam venientibus obviam itionem, quæ hodie solum patronis, qui sint Principes, exhiberi solet ; alii 2) singularem in processionibus publicis ante laicos ceteros prædriam intelligunt. Vid. Rupprecht l. c. n. 11. Van Espen Jur. eccl. univ. P. II. tit. 25 c. 7. et Strauchii Amant. Jur. can. semestr. 1 Eclog. 6 c. 28.

**) Si Patronus nullos ex ecclesia fructus percipiat contra rationem humanitatis, inquit Clar. Barthel (m) videtur, ob liberalitatem et beneficentiam onus reparandi ecclesiam eidem imponere. Si tamen fructus ab ecclesia patroni recipiant, pro rata debent concurrere. Quod itidem necesse est, si ecclesia plane corruat ; nec, unde reparetur, habeat : nam nisi Patronus reparet, jus patronatus in alium ædificantem transibit. Cetera ad jura quod attinet, Patronus alicubi plus *potestatis* exercet ; nempe 1) in juribus ecclesiæ intra et extra judicium defendendis, 2) in rationibus de administratione rerum ecclesiæ inspiciendis, 3) præ-

(i) C. 25 de jure patron. et apud Gratian. c. 30 caus. 16 q. 7.

(k) C. 31 caus. 16 q. 7 item c. 6. caus. 10 q. 1.

(l) C. 30 ibid et c. 25 de jure patron.

(m) Annot. ad jus can. L. 3 tit. 38.

præstando ad rerum ecclesiasticarum alienationem, aut ad nomina facienda consensum etc. At jure patrio, nisi quis sibi plus juris singillatim reservarit, solum fortius administratores admonendi, et negligentes Superioribus denuntiandi jus habet. Demum generatim Patrono a) nec jurisdictio in beneficiatum, nec b) jus hunc instituendi, nec c) jus de officio, beneficio, aut bonis ejus quocunque modo disponendi competit. Vid. c. 15. 23. 31. de jure patronat. L. B. de Kreittmayr Annot. in Cod. civ. Bav. P. I. c. 7. §. 42. n. 2. lit. f.

§. 306.

Jus patronatus III. variis modis *adquiritur*

I. Modi illud acquirendi *ordinarii* sunt 1) *fundatio*, seu gratuita concessio fundi majoris pretii, 2) *exstructio* ecclesiæ propriis sumptibus, vel 3) *dotatio* ecclesiæ dote carentis ex bonis propriis cum consensu *Ordinarii* facta. *)

II. Modi *extraordinarii* sunt 1) *memoriam* hominum excedens præscriptio, atque per quinquaginta annos continuata quicta possessio intuita laici (n). III. Modi illud *transfere*ndi varii sunt; et quidem 1) *reale* transfertur ad quemcunque possessorem *rei*, cui illud annexum est, titulo tum *universali*, per *successionem* testamentariam et legitimam, tum titulo *singulari* per *donationem*, *permutationem*, *infeudationem* item, *Emphyteusin* **, et per quamcunque rei principalis translationem: attamen res ideo carius vendi non potest:

2) Jus patronatus *personale* autem, nisi ad certas

(n) C. 25 de jure patron. concil. Trid. sess. 25. c. 9 de reform.

certas personas sit restrictum, transit per successionem tam testamentariam, quam legitimam ad quoscunque hæredes. 3) At si jus illud *personale hæreditarium* non ad hæredes, sed ad alios, aut *jus reale* non per modum accessorii cum ipsa re, sed seorsim quis transferre vellet, id semper gratis, nec nisi consentiente Episcopo fieri potest, nisi forte ecclesiæ, monasterio, aut compatrono donaretur. Quod idem jus 4) si cum re spirituali *permutetur*, Episcopi quoque auctoritatem intervenire debere plures affirmant. (o) Denique 5) jus patronatus ab ecclesia in alium per *præscriptionem* solum *quadragenariam* transfertur; a laico autem in alium ut transeat, *ordinaria præscriptio* sufficit.

*) Solam foundationem, seu fundi concessionem, nisi cum extractione ecclesiæ aut dotatione sit conjuncta, ad jus patronatus acquirendum sufficere multi negant. (p) 2) At vero, si fundus sit majoris pretii, tum quidem, licet ecclesia fundata aut exstructa demum paullatim e. g. ex fidelium oblationibus dotem acquisierit, fundatori nihilominus jus patronatus integrum competere verosimilius est: sane Pontifex (q) illud fundatoribus, aut constructoribus addicit, et Tridentinum, (r) ex quo contrarium eruere conantur, eum ipsum casum intelligere censetur. Imo tum heic in fine, tum alibi (s) disjunctive foundationi, *vel* dotationi jus istud tribuitur. Aliqui tamen jura patro-

natus

(o) C. 3. 14. 16 de jure patron. c. 1. eod. tit. in 6.

(p) Vid. Espen P. 2. tit. 25. c. 3 n. 7 sqq.

(q) C. 25 de jure patron.

(r) Trid. Sess. 14. c. 12.

(s) Trid. Sess. 25. c. 9.

natus honorifica, non tamen jus præsentandi ei, qui solum fundavit, tribuunt. (t) Quodsi vero plures concurrant, ut unus fundet, ædificet alter, tertius dotes, omnes simul aut plures pro rata jus patronatus exercebunt; vel per vota majora, vel alternis vicibus præsentando. *Clemen. 2 de jure patronat.*

***) Quoniam nempe jus patronatus rei cohærens ad eum, qui dominium rei utile habet, per se spectat, illud quidem e. g. castro aut prædio, cui annexum est, in emphyteusin, aut feudum conce- 1) ad *emphyteutam*, et 2) ad *Vasallum* (u) item 3) verosimilius fundo dotali annexum ad *maritum*, qui dominio uxoris quiescente dominus fundi habetur, pertinet. Contra jus illud 4) nec competit *conductor* longi etiam temporis, ut qui nec utile rei dominium nanciscitur; 5) nec extra casum necessitatis *sequestro*, sive is sponte electus, sive a iudice sit datus, sed partibus de dominio rei litigantibus videtur tribuendum. Cf. *Böckhn ad L. III. tit. 38. n. 30 sqq.*

§. 507.

Ex his jam IV. varias juris patronatus *divisiones* licet intelligere. Scilicet jus patronatus 1) vel ecclesiasticum est, quod ecclesiæ, communitati ecclesiasticæ aut clerico competit ratione beneficii, dignitatis, ecclesiæ, vel est b) *laicale*, quod quis alio justo titulo obtinet, cujus utriusque intuitu patronus vel *laicus* vel *ecclesiasticus* adpellatur; 2) *reale* est, quod intuitu bonorum et rerum competit; deoque in omnes eorum possessores transit;

per-

(t) Apud Böckhn L. 3 tit. 38 n. 15.

(u) C. 7 de jure patron.

personale, quod personæ absque habito ad bona respectu est proprium. Est vero hoc rursus 3) *hæreditarium*, si titulo hæreditario quibusvis hæredibus, aut *gentilitium*, si iis, qui sunt de familia, tantum obveniat. In dubio tamen hæreditarium potius, ut quod frequentius est, præsumitur. *) Jus patronatus *reale* præterea 4) distribuunt in *regium*, *feudale*, et *privatum*. Regium ad supremos Principes jura imperii in dominiis suis habentes, pertinet. (Trid. sess. 25. c. 9.) pluraque præcipua habet; **) *feudale* rei feudali adnexum ad feudi possessorem spectat; *privatum* tandem est, quod nec ratione imperii politici, nec ratione feudi sed alio titulo a quocumque demum possidetur.

*) In jure patronatus hæreditario succeditur in stirpes, non in capita; unde duobus, qui una jus patronatus tenebant, decedentibus, quorum alter unum, alter duos reliquisset hæredes; hi duo hæredes, qui unicum tantum defunctum representant, uno tantum gauderent suffragio, nisi forte alternis vicibus jus suum exercere malint. *Clement. 2 de jure patron.*

**) Serenissimi Bav. Duces ad plura ditionis sue beneficia vi juris hujus et mensis pontificii clericos præsentant; quibus juribus invigilare, et insistere consilium ecclesiasticum aulicum tenetur. Nec in ejus juris præjudicium consolidatio, incorporatio, aut unio Parochiarum permittenda. Quocirca Prætores seculares de vacaturis, aut mutationibus beneficiorum quorumcunque ad dictum Consilium curate referre jubentur, (w) Item per

(w) Ordinat. Consil. Eccles. Elect. de A. 1779 n. 6. apud Georg Mayr Sammlung Churb. Landes.

per bullam Clementis VIII. de A. 1523. Bavaria Ducibus conceditur jus Professorem in academia Anglipolitana actu legentem præsentandi ad canonicatum, et præbendam in ecclesia Salisburgensi, Frisingensi, Ratisbonensi, Augustana, Passaviensi; quæ tamen bulla in usum deducta non est. In cathedrali autem ecclesia Eustadiana hodieque vi pactionis, qua A. 1466. Episcopus et Capitulares se obligarunt, nominatus a Duce Bav. S. scripturæ in eadem academia Doctor canonicatum et præbendam tenet. Vid. L. B. de Kreittmayr Bayr. Staatsrecht. §. 136.

§. 508.

V Amittitur jus patronatus vel sine vel ex delicto. Atque sine delicto quidem amittitur meratim modis iis omnibus, quibus in alios ansfertur: (§. 506.) dein speciatim perditur et extinguitur 1) si quis adnexum est, peccat res, deficiat familia aut titulus beneficii comprimatur, 2) si a patrono fuerit ecclesiæ ablatum expresse, aut 3) tacite, si per diuturnum non usum ordinario collationem relinquat! aut si patronatam ecclesiam fieri collegialem vel conventualem absque juris reservatione passus fuerit: 4) si ecclesia penitus ablatum, si dos intereat, jus patronatus adatori et dotatori perit, atque is, qui patrono priore id facere recusante eam fundat, lificat, jus patronatus nanciscitur. Ob defectum vero jus patronatus amittitur, 1) si patronus sit hæreticus; (attamen in Germania

H 2

mu-

mutuo se Catholici Protestantesque præsentrant,) *) aut 2) si *crimen*, quod in re feudali feloniam audit, commiserit e. g. occidendo, mutilando beneficiatum, (x) beneficii proventus usurpando: 3) si jus patronatus vendat, aut in alios contra canonicas sanctiones transferat. (y)

*) Juris patronatus per se *capaces* sunt Christiani omnes, nec acatholicis, qui publice tolerantur, per Germaniam exceptis. (z) Ejus tamen plane incapaces sunt Judæi. a) 2) *Causa et controversia* circa jus patronatus jure communi, atque etiam in Bavaria, (b) nisi ubi de possessorio solum, aut quæstionibus nudi facti, familiæ, successionis, status hæreditatis etc., agitur ad *forum ecclesiasticum* spectant. 3) Modum jus patronatus *probandi* præscribit Trid. Sess. 25. c. 9.

§. 509.

VI. Præcipua juris patronatus pars in *præsentatione* posita est; heic notanda sunt quædam circa I. *præsentationis indolem*; II. *præsentantes*, III. *præsentatum*, IV. *præsentationis adjuncta*.

§. 510.

I. *Præsentatio*, qua Clericus ad beneficium vacans instituendus illi sistitur, qui eum in bene-

(x) C. 12 de pœnis.

(y) Trid. sess. XXII. c. 11 et sess. XXV. c. 9 de reform.

(z) Instr. P. W. Art. V. §. 31.

(a) Decret Concil. Basil. Sess. 19 de Judæis. Cf. lucubr. Jos. de Buinick de Judeo jurispatron. impote. A. 1777.

(b) C. 3 de Jud — Ordinatio Consilii Elect. eccl. de A. 1779. n. 15. apud G. R. Mayr Sammlung etc.

beneficio instituendi jus tenet, 1) locum non habet ad beneficia majora electioni obnoxia; 2) sed ad beneficia minora, eaque principalia ecclesiæ patronatæ; non ad officia e. g. ædilitui, cantorum etc. 3) Præsentatio nominationem, seu designationem personæ beneficio providendæ vulgo quidem, non tamen necessario semper includit: unde ab alio nominatum alter præsentare nonnunquam solet. 4) Præsentatio nec collationem, nec institutionem continet, neque 5) præsentato jus tribuit in beneficio, quod demum per institutionem collativam enascitur.

S. 511.

II. Ad *Præsentantes* quod adinet, quemadmodum jus patronatus, ita et præsentatio uni pluribusve vel singillatim, vel simul sumptis competere potest. Fiet autem præsentatio 1) vel ab ipso patrono per se, vel 2) ejus nomine per mandatarium speciali mandato instructum; per tutorem vel curatorem loco eorum, quæ prudentis judicii defectus obstat. 3) Si præsentatio pluribus *simul sumtis* e. g. collegio ecclesiastico competat, tum vulgo per actum capitularem, et vota absolute majora aut alternis vicibus per unum ex suffragii jus habentibus, seu per *turnum*, ut vocant, peragitur; 4) siquidem plures *singillatim sumti* hoc jus teneant, tum nisi aliud placuerit, a quolibet præsentabitur persona, eaque, cui sive absolute, sive respective majora suffragia favent, instituenda erit: quod-

si par sit suffragiorum numerus, Ordinarius dignissimum ex sic præsentatis seliget. 3) in patronatu reali quivis e. g. hæredum pro rata partium, quam in re tenet, suffragii quoque jus habebit: *) quod item 6) obtinet, si alius simul fundator ecclesiæ et dotator, alius sit exstructor, ubi hic unius, ille duorum suffragiorum jure regulariter gaudebit: 7) ubi vero dominium rei inter plures est divisum, jus præsentandi, dominus utilis præ directo (§. 506. not. 2.) habet. 8) *Lite* de jure patronatus fors mota, nec intra tempus præsentationi præscriptum finienda, præsentatus ab eo, qui est in possessione juris præsentandi, præfertur, quia lite pendente nemo commodo possessionis suæ privandus. Ita vero præsentati institutio etsi deinceps alius jus patronatus evicerit; firma erit. (c) Quodsi de ipsa possessione lis haud brevi finienda agitur; Episcopus jure communi, quem volet, instituet: aut potius pendente lite Vicarius ab Ordinario constituendus erit, interimque litigantium quovis mediis aptis jus suum tuebitur: (d) donec alteruter in possessorio vel petitorio causam evincat.

*) Igitur, si ejus, cui jus patronatus adnexum est, fundi alter e. g. partes tres, alter quartam possideret; illius quidem præsentatio semper esset prævalitura: hujusque jus eo valeret solum, ut forte
non

(c) G. 19. de jure patron.

(d) C. 12 de jure patron. Cf. *Ordinat. concil. eccles. Elect. Bavar. de 1779 n. 5. 6. 7.* Barthel *Annot. in Engel. L. III. tit. 38. pag. 296.*

non rogatus de contemptu posset agere. Proinde consultius videtur tribus præsensationis actibus priori datis alteri unum relinquere. *Barthol Annot. in I. C. L. III. tit. 38 pag. 296.*

§. 512.

III. De præsento hæc animadvertenda:

1) præsensus sit Clericus instructus qualitatibus sive a jure communi, sive ex speciali lege aut consuetudine ad id beneficium requisitis: 2) sit ceteris dignior: neque tamen simpliciter dignus præsertim a laico patrono præsensus rejici ab instituyente potest. (e) Quodsi laicus etiam minus idoneum præsensarit, jure alium præsensandi per id haud privatur. 3) Patronus filium quidem, *) non tamen se ipsum poterit præsensare: (f) gratiosam autem sui ad beneficium admissionem petere non prohibetur. (g) 4) A patrono tam laico, quam ecclesiastico possunt præsensari simul plures, 5) immo re adhuc integra laicus semel uno præsento alterum pluresque deim, electione dignioris penes instituentem relicta, adicere poterit, (h) At inter præsensos a collegio, vel persona ecclesiastica, qui prior est tempore, jure potior videtur. (i)

H 4

*) Etc.

(e) Trid. sess. 24 c. 18 de reform.

(f) C. 26 de jure patr.

(g) Arg. ex c. 34 de Simon.

(h) C. 5. 24. 29. eod. tit.

(i) C. 24 eod. tit.

*) Etenim c. 15 de jur. patron. solum ne quis propria auctoritate suis filiis ecclesias concedat, inhiberi videtur.

§. 513.

IV: *Præsentationis adjuncta seu modus et tempus* sunt hujusmodi: 1) habita vacantis beneficii notitia, institutoque concursu, ubi usu receptus est, digniorem ibi inventum intra legitimum tempus præsentat patronus; (k) 2) quod et absque concursu patronus laicus vi consuetudinis facere *scripto* solet. 3) Sunt porro quos inter præsentatio fieri debet, patrono laico *quatuor*, patrono ecclesiastico, ejusque compatrono laico *sex* menses præfixi: (l) queis non facta præsentatione elapsis provisio beneficii ad Ordinarium, seu alium jus instituendi habentem pro ea vice devolvitur; nisi fors impedimentum ostendi possit, aut præsentatio absque patroni culpa effectum sortita non sit; aut privilegium, quale patronatui regio plures tribuunt, obstet. 4) Quomodo jus præsentandi exerceatur, si plures fuerint patroni, ex dictis (§. 511.) patet.

§. 514.

Præsentationem et nominationem sequitur *Institutio in specie* sio dicta, (§. 489. seqq.) quæ ut canonice peragatur, citra *instituentis, instituti et formæ instituendi* vitium peragatur. Videndum itaque I. *quis instituere*, II. *quis institui possit*, III. *quæ ratio instituendi*
ser-

(k) Trid. sess. 24 c. 18 de reform.

(l) C. un. de jure patron. in 6.

servanda ; et quidem de institutione 1) *collativa*, 2) de *auctorisabili*, denique 3) de *ver-bali*, et 4) de *reali* dicendum. (§. 499.)

§. 515.

Instituere itaque seu beneficii titulum et jus ad alterius præsentationem dare possunt 1) jure proprio et primigenio solus *Episcopus*, ita, ut ei semper in dubio faveat præsumtio, nec jus istud in fundatione citra ejus consensum reservari alteri queat ; (m) 2) jure communi, sed quasi derivativo *Vicarius generalis*, et 3) *Capitulum sede vacante*, eoquod institutio sit jurisdictionis necessariae, quæ transsit in *Capitulum* : (n) 4) *Jurisdictione quasi episcopali præditi* quoad beneficia sui territorii exempti ; 5) *personæ aliæ* et communitates ecclesiasticæ ex jure speciali, privilegio, præscriptione, consuetudine etc. (o) 6) intuitu Canonorum institutio plerumque per *Decanum* exercetur.

- *) Boëmerus (p) quidem ex quorundam patronorum clericos instituentium, et destituentium factis jus institutionis iisdem vindicare conatur, sed id genus facta, ceu temerarias usurpationes nunquam non rejecit ecclesia. Cf. e. g. can. 43 concilii Cabilonensis II. A. 813. can. 37. causs. 16. q. 7. apud Gratian. c. 4 de jure patronat.

H 5

§. 516.

-
- (m) C. 3 de jure patron. Trid. sess. 14. c. 12 de reform.
(n) C. 3 de institut. et c. 1 eod. in 6. c. un. de maj. et obed. in 6.
(o) C. 6 de instit.
(p) Jus eccl. Protest. de jure patron. §. 25.

§. 516.

Institui debent legitime præsentati, dotibus necessariis instructi, et saltem digni: (Cf. §. 459.) Unde 1) hi negata institutione appellando recurrere ad Superiorem queunt: 2) Institutio non præsentati irrita, ceu potius, ni patronus consentiat, irritanda est; (q) et 3) hoc in casu ei, quem scienter sic instituit, Episcopus de alio beneficio providere tenebitur: contra 4) absque institutione beneficii possessionem adeuntes jure ad illud fors habito excidunt (r)

§. 517.

Ratio institutionis exposcit 1) ut examen (s) de qualitatibus præsentati præmittatur. 2) Institutio ipsa vel ab ipso institutionis jus habente, vel per mandatarium quocunque die aut loco, etiam extra territorium instituentis potest fieri. 3) Ut institutio scripto fiat, non tam ad rem ipsam institutionis, quam ad illius probationem necessarium est: 4) tempus institutionis quidem in aliis beneficiis non præfixum, attamen nec cum damno ecclesiæ protrahendum est; 5) institutio autem in beneficiis parochialibus *intra duos* a præsentatione menses (t) necessario est facienda: 6) legitime facta *jus in re* in beneficio tribuit.

§. 518.

(q) C. 3^a caus. 16. q. 7 c. 8 de jure patr.

(r) C. 18 de præb. in 6.

(s) Trid. Sess. 7. c. 13.

(t) Ex constit. Pii V. in conferendis 18. Mart. 1567.

§. 518.

Institutio auctorisabilis, seu actus hierarchicus, Episcopo adeo propria est, ut 1) ejus quidem nomine a Vicario generali, aut sede vacante a Capitulo concedi queat; 2) aliis vero, licet jus institutionis collativæ habentibus, neque per privilegium, consuetudinem, aut præscriptionem competere possit: (u) 3) nec item hæc institutio competit Archidiacono; (x) nec 4) Prælati intuitu non regularium, nisi jurisdictionem quasi episcopalem in eos habuerint. 5) Tenentur vero omnes ante eam institutionem examen subire; præsentatis solum, seu nominatis ab Universitatibus, Collegiisve generalium studiorum exceptis. (y)

§. 519.

Clericus etiam quoad titulum institutus, possessionem beneficii citra *verbalem* saltem seu abusivam, ut vocant, aut *realem* investituram (§. 499.) adire prohibetur. 1) *Investitura verbalis* fit ab Episcopo vel ejus delegato: 2) institutio *corporalis* jure communi vel saltem ex commissione Episcopi ab Archidiacono, (z) ex consuetudine per ipsum Episcopum, ejusve Vicarios, passim per Decanos
rura-

(u) Trid. Sess. 7. c. 13. de reform. et Sess. 23. c. 15.

(x) C. 4 de offic. Archid. Attamen in Germaniæ Archidiaconis id toleratum. Vid. Wurdwein subsid. diplom. Tom. 2. n. 61.

(y) Trid. Sess. VII. c. 13.

(z) C. 9 de offic. Archid.

rurales peragi solet. 3) *Modus investituræ realis* pro varietate beneficiorum, et locorum varius est. *) 4) *Effectus* illius sunt iidem, qui acquisitæ plenæ possessionis, nempe præsumptio tituli, conditio præscribendi etc. ita, ut titulo colorato et bona fide, secluso simoniæ aut simili vitio, beneficium possidens, illud intra triennium pro foro utroque plene præscribat per regulam cancellariæ XXXVI. de *triennali*: in Concil. Basil. (a) confirmatam, et in Germania sub Alberto II. acceptatam.

*) Instituuntur realiter 1) *Episcopi* et *Abbates* per solemnem in ecclesiam inductionem; et in sede episcopali, aut abbatiali collocationem; 2) *Canonici* per assignationem sedis (stalli) in choro et capitulo; 3) *Parochi* per insignia parochialia, clavium, librorum parochialium traditionem, inductionem in ecclesiam etc. Olim investituræ Sacrorum munerum fiebant traditione a) per *annulum*, et *baculum*, seu pedum pastorale, quod cambrita dicebantur; b) per *annulum aureum* in reigestæ memoriam alisribus appensum; c) per *Mitram* aut d) *Biretum*, e) per *calicem*, f) per *Librum Evangeliorum*; g) per *librum* et *panem*; h) per *claves* ecclesiæ: i) per *clocas* (campanes) ecclesiæ: item k) per *cordam signi*, seu funes campanarum: l) per *ostia*, seu *portas* ecclesiæ etc. Cf. *Du Cange Glossar. V. investitura*.

§. 520.

In *Bavaria* equidem *jus institutionis realis* quoad *spiritualia* Ordinario, aut, queis de jure competit, ecclesiasticis salvum manet; *jus au-*

(a) Sess. XXI. Quicumque non violentus etc. Cf. Gallade diss. de emolumentis beneficii eccl. pacifica possessione. A. 1756.

autem institutionis ejusdem in temporalia, ita Serenissimo Duci proprium est, ut, nisi ejus privilegio, aut præscriptione legitima nulli alteri competat, minus ipsi juri patronatus, protectionis encaniorum aut jurisdictioni bassæ adnectatur. (b) Unde vi concordatorum Bav. (c) » ubi per ecclesiasticam personam ex » Episcopi delegatione beneficiatus in possessionem inducitur, præfectus loci secularis » adhibetur, quod vulgariter den Einsatz vocant) ut Principis loco assensum temporalis » administrationis, sicut hactenus consuevit, » præstet. *) Ad quam rem ex regimine cujuscunque loci (hodie semper a Consilio eccles. Electorali) permissionis litteras (Possessions-Briefe) beneficiati requirent. Præfecto tamen » ipsi pro imperita opera ultrataxam statuti provincialis recentis nil prorsus præstabunt. « **)

*) Institutionis 1) *realis* maxime, variis in locis varius sæpe modus est. a) Etiam in patria *realis* tum in temporalia tum in spiritualia institutio intuitu beneficiorum præsertim eorum, quibus tenues sunt proventus, aut fundi nulli, omitti tum vi Recessuum specialium, tum per observantiam (d) solet. 3) In Vicariis autem temporaneis nulla

om

(b) Decret. de A. 1602. Geistl. Rathordnung de A. 1779. punct. 11 et de A. 1783 §. 4 in G. R. Mayr's Sammlung kurfürstlich. Landesverord. 2. B. pag. 1132.

(c) Concord. Bav. gen. de A. 1583 §. 4.

(d) Cf. L. B. de Kreitmayer annot. in cod. civ. Bav. p. 5 c. 19. §. 26. n. 3. et 5. Cf. Recess. Augustan. de A. 1684. n. 21. in G. R. Mayr Samml. 1c. 2. B. p. 1035.

126 Sect. 1. De Personis et Beneficiis ecclesiasticis.

omnino institutio, sed regulariter sola adprobatio, et examen pro cura locum habet, quum veri beneficiati non sint, (§. 449. not. 2.) alii præsertim Regulares munia, et jura parochialia non nisi nomine Rectoris principalis exerceant, (§. 311 not.) quorum proin nec amotione, nec morte beneficia vacant. etc

**) Circa modum et adjuncta institutionis in temporalia in Bavaria hæc notanda: 1) ab Episcopo per investituram verbalem institutus episcopales institutionis literas Electorali Consilio ecclesiastico in originali. ut ajunt, proponere, et permissionis literas (Possessbrief) petere intra mensem tenetur, quas soluta taxa, quæ vulgo vigesimam reddituum beneficalium anni unius partem æquat, statim obtinet: 2) subin a loci illius, in quo domus parochialis sita est, Præfecto seculari, cui episcopales institutionis literas, etsi illas in vidimatis copiis ante ecclesiastico Consilio Electorali proposuerit, in originali exhibere tenetur, in temporalia inmittitur. (c) Porro 3) Installationes isthæ Parochorum aut Beneficiatorum non in ædibus Parochorum aut Beneficiatorum, sed in atrio vel alio loco fiant. (f) 4) In Recessu Augustano abrogatis itineris et victus expensis moderatum convivium installatoribus exhiberi jubetur: (g) at per alia decreta non solum sumtuosa convivia sub centum Talerorum imperialium poena interduntur, (h) sed et 5) Præfecti, seu Commissarii ultra consuetam taxam, et itineris expensas quidpiam exigere vetantur. 6) Taxa ipsa autem hæc constituitur: „Auf gleiche Weise ist es auch bey Installation, und Besitzgebungen der Pfarrer zu halten,

(c) Geistl. Rathordnung de A. 1779. n. 11. Mayr Samml. I. c. pag. 1132.

(f) Recess. Salisb. A. 1628. 12 Samml. 1c. l. c. p. 1051.

(g) De A. 1684 n. 1. Samml. 1c. l. c. pag. 1030.

(h) Geistl. Rathord. de A. 1779. n. 11. l. cit.

ten, und die obige Gebühr und Mittgeld (wie bey der Obsignation Reseration und inventur, wo die zwey actus pro uno actu zu halten) zu erfordern als dem Beamten 7 fl. für Zehrung und Mittgeld, Deputat. 3. fl., dem Gerichtschreiber Reis- und Zehrungsgeld 5 fl., Deputat 2 fl. dem Amtmann Reis- Zehrungsgeld 1 fl., Deputat 1 fl., wo auch die Pfarrer zu einem mehreren gar nicht gebunden seyn sollen. Sed per decretum electorale novissimum A. 1790. 12. Junii prohibitis rursus sub poena eadem sumtuosis conviviis hæc porro constituentur: 1) Pfarrer und Beneficiaten, die nach der achten Cassion gemäß ihres jährlichen Einkommens unter ein hundert Gulden Präsentationstar zu zahlen haben, oder doch wenn sie Kurfürstliche Präsentati wären, zahlen müßten, sollen a) wenn sie Kurfürstliche Präsentati wären, außer dem kleinen Possessionsbefehlstar per 5 fl. keinen weiteren Possessionsstar bezahlen, b) wenn sie aber keine Kurfürstliche Präsentati sind, nur den dreizehntelsten Theil eines jährlichen Einkommens zum Possessionstar bezahlen: c) auch wenn die weltliche Possessgebung, welches dem Bemessen des geistl. Raths überlassen ist, vorgenommen wird, sollen sie zwar für Ober- und Unterbeamte, oder statt letztern die Halbschied für Schreiber, und dann für den Amtmann die Reichsdeputate taxmäßig zu entrichten haben. Doch ein Installations-Deputat noch sonderbar zu fordern soll schlechterdings verbotnen seyn. 2) Die übrigen Præbendati, die nach der achten Cassion 100 bis 200 fl. Kurfürstliche Präsentati nstar bezahlen, oder wenn sie Kurfürstliche Präsentati wären, doch hätten zahlen müssen, sollen den ordentlichen durch die Taxordnung festgesetzten Possessionstar unnachlässlich entrichten, auch die Installationsgebühr nämlich pro actu solenni dem Oberbeamten 3 fl. dem Gerichtschreiber als gemeinschaftlichen Actuario 2 fl. dem Gerichtsdiener 1 fl. 8 kr. 2 dl. bezahlen. Sollte aber diesen Præbendatis die feyerliche Installa-

stationshandlung nachgesehen werden: sollen die Beamte die bestimmte Diäten, und Deputaten nur mit $\frac{2}{3}$ tel beziehen; es sey dann, daß der Präsen-
tationstar mehr als 200 fl. betrüge. 3) Was nun die nähere Bestimmung der Diäten belanget, da in Zukunft nach Entfernung des Gerichts, und zwar bey Entfernung dessen von 4 Stunden ein Tagedeputat, nach 4 bis 8 Stunden inclusive zweien Tage, nach 8 bis 10 Stunden $2\frac{1}{2}$ Tage und sonach 3 Tagedeputaten paßiert werden sollen, so gebühret dem Oberbeamten für Zehrung und Rittgeld 7 fl. dem Gerichtsschreiber 5 fl. dem Gerichtsdienener des Tages 1 fl. Dem Decano rurali für Zehrung und Rittgeld des Tags 7 fl., dem Kapitelboten ebenfalls des Tags 1 fl. Ist aber dem Decano eine Bezeichnung eines eignen Actuars ausdrücklich verbothen. 4) Endlich soll die Bezahlung der Taxen jedesmal gleich gefordert, und entrichtet werden. Nur aus wichtigen Gründen solle sie auf 1 Jahr und aus erheblichsten Ursachen auf 2 Jahr; niemals aber länger nachgesehen werden.

§. 521.

Supersunt alii ad beneficia minora perveniendi modi: 1) *permutatio*, 2) *optio*, 3) *turnus*, 4) *nominatio utilis*.

§. 522.

Permutatio beneficiorum, qua beneficiati suum beneficium sub conditione; ut loco beneficii dimissi aliud sibi conferatur, resignant, et per Superiorem ab illo ad istud beneficium transferuntur, 1) debitis adjunctis facta licita est; at 2) nunquam nisi auctoritate legitimi Superioris ecclesiastici, et accedente eorum, quo-

(i) Oberpfalz. Taxordnung de A. 1750. et Recess. Frising. de A. 1718. n. 3. G. R. Mayr's Samml. lung 1c. 2 B. pag. 1294 et 1038.

quorum interest e. g. patroni consensu fieri, aut effectum consequi potest: 3) si fiat sine Episcopi consensu: uterque permutans beneficio privatur. (k)

*) Permutationi beneficiorum pactum e. g. de compensandis redditibus pignioribus adjici citra simoniæ labem haud potest. (l) Aliud dicendum, si hac occasione uni pensio auctoritate ecclesiastica imponeretur. Ceterum dolo unius in ea permutatione deceptus restitui debet. (m)

§. 523.

1) *Optionis* nomine venit jus in quibusdam Canonicorum capitulis, immo in ipso Cardinalium collegio aliquando obtinens, vi cujus antiquiores per gradus capitulares præbendam vacantem propria dimissa eligere (n) possunt. 2) *Turnus* est ordo, secundum quem Capitulares quisque vice sua ad beneficia vacantia quemdam nominant; a) *major*, qui ad canonicatus, b) *minor*, qui ad alia solum beneficia se exporrigit: c) *stabilis*, qui gradatim e. g. secundum senium Capitularium exercetur, *errans*, si cuique certum anni tempus assignatur, intra quod vacantia beneficia ille confert, cui illud tempus attributum est. 3) *Nominatio utilis* est, vi cujus Capitulares
unus

(k) C. 7 de rer. permut.

(l) Cf. Bockhn ad libr. 3 Tit. 19 de rerum permutat. n. 6 sqq.

(m) C. 8 de rerum permutat.

(n) Cf. Joan. Petri Monetæ tract. de optione canonica. Zech. de jure rerum Eccl. sect. 3 tit. 9.

unus ex alio, vel eodem, vel diversis temporibus candidatos nominant, quibus suo tempore de canonicatu vel præbenda est providendum. Horum jurium exercendorum quum varius sit in variis ecclesiis modus; ecclesiæ cujusvis consuetudinem, ac observantiam consulere oportet.

ARTICULUS V.

De provisione papali, et juribus singularibus Pontificis vi concordatorum in Germania: de jure confirmationis, Annatarum etc.

§. 524.

Jus provisionis ordinariæ, et quasi dominium omnium in universa ecclesia beneficiorum ex virtute ipsius *primatus* Pontifici competere semperque competiisse Curialistarum, et qui horum placita exöculantur, opinio est, nullo tamen firmo nixa argumento. Enimvero Primatis solummodo est cura generalis, inspectio, et jus Prælatorum in hac re negligentiam supplendi, et leges condendi, ut beneficia rite, canonice, et in ecclesiæ bonum a quocunque id demum fiat, conferantur. Ut autem ab ipso Pontifice beneficia omnia conferantur, nec natura primatus, nec ecclesiæ praxis, nec ejus bonum exposcunt: immo vero contrarium potius demonstrant, 1) in-
doles ordinariæ, plenæque potestatis, qua Episcopus quisque suam diocæsin regit, 2)

con-

continua undecim seculorum observantia, (§. 173.) 3) utilitas ecclesiarum, quarum maxime remotarum, necessitates, et praeficiendorum merita utique Pontifex non aequè habere perspectas potest, atque Episcopi, aliique collatores.

§. 525.

Neque tamen idcirco omnes omnino pontificias beneficiorum *reservationes* damnandas arbitramur, ad id saltem, si moderatae sint, utiles, ut ecclesiarum, et nationum etiam a summa sede longe dissitarum reverentia erga Pontificem devotioque firmetur, si in his quoque ecclesiis quandoque elargiri gratias possit. Quare Germani, et dum nimis reservationibus pontificiis intercessere, et dum moderatas initis concordatis firmarunt, prudentiae, aequitatis et insignis in Romanam sedem observantiae et grati pro acceptis maximis beneficiis animi laudem promeriti sunt. (a) *)

*) Quum in Germania nostra aliae non vigeant reservationes beneficiorum papales praeter eas, quae in Germaniae Concordatis receptae sunt, de his solis breviter exponemus. De aliis reservationibus per Bullas, aut Regulas Cancellariae etc. vid. e. g. *Leurenus in foro Beneficiorum*, *Maschat tit. de Praebend. et dignit. Böckhn. de concess. Praebend. etc.*

(a) Vid. *Zallwein Princ. I. E. tom. 3 q. 2. c. 3. §. 8. et Barthel tom. 2. opusc. 3. de concord. Germ. diss. gen. c. 3. sect. 1. ubi argumenta Protestantium contraria refutantur.*

§. 526.

Concordata Germaniæ (§. 174. seqq.) Pontifici tribunt jus I. Episcopos, et immediatos, quos *consistoriales* vocant, Abbates *confirmandi*, *) II. *annatas* moderatas exigendi; III. *beneficia* quaedam quocunque tempore vacantia; IV. alia nonnisi certis, quod idcirco *papales* vocant, mensibus vacantia conferendi. De singulis dicemus.

*) Solum *confirmandi*, non item Episcopos creandi jus Papæ tribuitur. Nam *libertas electionum* et cathedralibus, et regularibus ecclesiis, etsi Sedi Apostolicæ immediate subjectis, per Pactum Calixtinum jam stabilita, in his Germaniæ Concordatis rursus confirmatur; electiones tamen *canonice* fiant oportet. *Concord. Germ. §. 3.*

§. 527.

De jure Episcopos, et quosdam Abbates *confirmandi*, quocum jus controversas electiones dijudicandi intime connexum est, *) jam supra (§. 481.) meminimus.

*) *Confirmatio* enim 1) est adprobatio electionis a Superiore facta, qua eam canonice peractam probat, declarat; quod iudicium absque prævia processus electionis cognitione rite fieri nequit. Jus igitur electiones Germanicas controversas dijudicandi cum jure *confirmandi* ad Pontificem pertinere liquet. Dein 2) dijudicatio electionum episcopalium per se ad iudicem spectat ecclesiasticum: 3) quod itidem Galliæ Germaniæque observantia confirmat 4) Pactum Calixtinum (§. 170.) adeo jus isthoc ecclesiasticis iudicibus non abrogavit, ut firmarit etiam: 5) Concordata Aschaffenburgensia, et Tridentinum Concilium Sess. XXIV. c. 1. jus idem Pontifici stabiliunt, quod 6) ex eo tempore Pontifices constanter exercuere. *Vid.*

Dürn.

Dürr. diss. de iudice controversiarum in caus. elect. Episc. Germ. ubi hæc curate exposita, et argumenta contraria dissoluta habes Extat Thes. Jur. eccl. tom. 2. pag. 354. Cf. I. J. Moser. Neueste kleine Schriften 1. Abhandlung das päpstliche Entscheidungsrecht in zwiespaltigen Wahlen 2c. vertbeidiget. Item von Sartori locis supra (§. 481. lit. k.) citatis.

§. 528.

Annatæ fructus, aut pars fructuum primi anni, seu certa pecuniæ summa de fructibus primi anni obtento beneficio solvenda, * 1) i Concordatorum Germaniæ Pontifici stabili æge et *absolute* debentur; neque enim ulla a concordatis adjecta est conditio; **) 2) et Pontifice ex titulo pacti publici, et subventionis ad ferenda onera, et expensas in bonum universalis ecclesiæ faciendas citra simoniæ abem ***) recipiuntur.

*) *Annatarum* (§. 173. not. 2.) genus quadruplex ut curia Romana distinguitur: 1) *Annatæ* simpliciter dictæ sunt dimidia redituum unius anni pars, soli Papæ obveniens ex beneficiis minoribus et regularibus, non consistorialibus, seu iis, quæ in consistorio Papæ non conferuntur, quorum fructus annui viginti quatuor aureos excedunt, aut ultra eam summam taxantur. Unde canonicatus, et alia beneficia minora in Germania, Gallia, Hispania, etsi plura aureorum millia, reddant, annatas haud solvunt, eoquod ultra viginti quatuor aureas non sint taxata: 2) *Servitiæ communia*, quæ *Annatarum* nomine nobis veniunt, et a Germanis quoque ex ecclesiis cathedralibus et Abbatibus consistorialibus solvuntur, quarum pars dimidia Pontifici cedit, dimidia Cardinalibus Romæ præsentibus bis in anno distribuitur: 3) *Servitiæ minuta*, seu taxæ minores minoribus

234 *Sect. I. De Personis et Beneficiis ecclesiasticis.*

Papæ officialibus solvendæ 4) *Quindennia*, summa pecuniæ singulis quindecim annis Cameræ Apostolicæ ex beneficiis perpetuo unitis, vel specialiter a reservatione exemptis pendenda, ne propter unionem, aut exemptionem suo jure Pontifex privetur. Cf. *Gregel Diss. de jure Nationis Germ. ex accept. decret. Basileens. quasit. c. 3. §. 67.*

**) *Annatas* a) alii sub ea conditione tantum Papæ datas credunt, si iis pro sua, curiæque sustentatione speciatim indiguerit; b) alii illas ex lege, ut in bellum sacrum impendantur, Pontifici addictas esse volunt, quod idem Carolus V. datis ad Adrianum VI. literis urgens, quum *S. R. I. Status* meminissent, ait, *annatas ab origine ea maxime ratione concessas esse, ut hujusmodi pecuniis Christi fidei hostes arcerentur, nunc autem ipsi Turcæ Germaniæ inhiant etc.* Verum heic Carolus de origine solum annatarum loquitur, nec in concordatis de bello turcico ulla fit mentio; sed eæ exigendæ pronuntiantur, donec eam observantiam in concilio generali de ipsius Germanicæ Nationis consensu contingat immutari. *Barthel tom. 2. opusc. III. Diss. de Concord gen. c. 3 sect. 2. §. 12. Paul de Rigger Princip. juris eccl. Germ. §. 85.*

**) » *Causa*, inquit Riegger (b). Annatarum perpetua est (nempe tot sumtus pro bono ecclesiæ, » pro suorum Ministrorum sustentatione ferendi) » atque justa, ut jam hodie de iniquitate earum, » et simoniaca pravitate queri fortasse audeat nemmo. « Et vero quodsi pensio beneficiis, sæpe ob privati bonum absque simoniæ labe imponi possit, cur non et Annatarum onus ob ecclesiæ, et Primatis universalis utilitatem iis injungi quiverit? Sane ipsum Basileense concilium quod heic opponunt, electo suo Pseudopapæ Felici V. Annatas indulsit; (c) et Protestantes, qui eas Pontifici solvi

ægre

(b) Princip. Jur. Eccl. Germ. §. 85.

(c) Sess. XXIV.

ægre ferunt, ex iis etiam beneficiis, ex quibus a Papa annatæ haud exiguntur, jus annatarum Principibus Protestantibus addicunt, et eas pendunt. (d) Ceterum, ut Petrus de Marca (e) observat. » *Modus* adigendi ad earum solutionem retentis » videlicet Bullis, qui erat lapis scandali tempore » conciliorum Constantiensis et Basileensis in consuetudinem versus est absque ulla conquestione. » Prælatorum aut Principum, qui solutioni huic » consenserunt titulo subventionis etc. » Dein hunc annatas exigendi modum non Pontificum cupiditas, sed Episcoporum plurium, obtentis semel Bullis eas solvere recusantium, tergiversatio induxit.

§. 529.

Annatas solvendi modus per Concordata Germaniæ (§. 174.) ita est determinatus: » 1) de ecclesiis cathedralibus omnibus, et monasteriis virorum duntaxat (nempe consistorialibus, quorum scilicet provisio aut electionis confirmatio ad Sedem Romanam spectat) » vacantibus aut vacaturis solventur pro *fructibus primi anni a die vacationis* summæ pecuniarum in libris Cameræ Apostolicæ taxatæ, » quæ *communia servitia* nuncupantur: 2) si » quæ ecclesiæ excessive taxatæ sunt, juste re- » taxentur etc. 3) Taxæ autem prædictæ pro » media parte infra annum a die habitæ possessionis pacificæ totius aut majoris partis » solvantur, *) et media parte infra sequentem

I 4

» an-

(d) Vid. de Ludewig Diss. de jure annatarum Principum Evangelicorum. c. 3 et Bøhmer in observat. 6 ad Petri de Marca l. 6. c. 12.

(e) Petr. de Marca de concord. S. et L. l. 6 c. 12 n. 6.

136 Sect. I. De Personis et Beneficiis ecclesiasticis.

» annum. **) 4) Et si infra annum bis vel
» pluries vacaverit: semel tantum solvatur:
» nec debitum hujusmodi in successorem in
» ecclesia vel monasterio transeat. . . . 5) De
» beneficiis, quæ valorem viginti quatuor flo-
» renorum auri de Camera non excedunt, ni-
» hil solvatur. « ***)

*) Quum Annatæ vi Concordatorum non nisi a) a die *vacationis*, b) a die *habitæ possessionis pacificæ* totius vel majoris partis, et c) pro *fructibus primi anni* sint solvendæ, patet, a Coadjutore etiam ad succedendum dato, quamdiu *superstes* Episcopus est, annatas pendendas haud esse. Etenim ante hujus mortem ecclesia nec *vacat*, nec habetur *possessio pacifica* majoris partis etc. Immo si ante forent solvendæ, evenire posset, ut eæ vivente eodem Episcopo bis aut sæpius solvi deberent, quod a littera et sensu Concordatorum, alioqui stricte interpretandorum, longe abest. Item ex eadem ratione si quis Episcopus ad novam Ecclesiam postulatus priorem simul ex indulto retinet, haud denuo solvendæ sunt annatæ ex retenta ecclesia; neque sane heic nova possessio, nec primi anni fructus habentur; et ab eodem Episcopo bis de eadem ecclesia annatæ exigenterentur, quod quam itidem paciscentium menti, et pactorum textui repugnet; per se apertum est.

**) Hodie nisi integra annatarum summa persoluta Bullas confirmatorias tradere non solet Curia Romana; ne annatarum subsidio redditus Bullis, quod sæpius contigit, fraudetur; uti nuperrimè (§. præced. not. 3) monuimus.

***) Equidem in Concordatis præterea decernitur, » ut de ceteris dignitatibus, et beneficiis, quæ » auctoritate Papæ conferuntur, (præterquam gratiæ » expectativæ, et causa permutationis) solvantur » annatæ juxta taxam solitam a tempore possessionis intra annum. « At, quum quæcumque Ger-

ma-

maniae beneficia ultra viginti quatuor aureos in Camera Apostolica non taxentur, uti (§. præc. not. 1.) diximus; eo ipso h. annatis proprie dictis eximuntur, et sola *servitia minuta* præstant. Nempe taxatio isthac per fictionem juris, non secundum verum valorem *per pacta secreta* ideo fuit stabilita, ut sub ejus umbra immunitas annatarum his beneficiis sine aliorum consequentia tribueretur. Cf. *Van Espen P. II. tit. 24. c. 4. n. 23. seqq. et Thesaur. I Eccl. tom. 6. pag. 228. De Annatis plura notatu digna vid. in von Sattori geistl. und weltl. Staatsr. deutscher Stifter I. B. 2. Th. §. 530—545.*

§. 530.

Per Concordata Germaniæ III. firman-
 tur Pontifici *beneficiorum Reservationis*, * 1) *juris scripti*, seu quæ in *jure scripto*, **) continentur; 2) quæ habentur in constitutionibus Extravagantibus a) *Execrabilis* (f) et b) *ad Regimen* (g) non nihil per Concordata modificatis. 3) Reservantur Papæ Beneficia *vacantia in mensibus* imparibus, papalibus indictis, 1. 3. 5. 7. 9. 11. Januario, Martio, Majo etc.

*) De ortu et progressu Reservationum papalium recolenda sunt ea, quæ supra (§. 173) exposuimus: conferenda item, quæ in rem præsentem adfert Cl. *Barthel Diss. III. de Concord. c. 2. §. 5 seqq. operum ejus tom. III.*

**) 1) Nominè *juris scripti* hoc loco reliqui solum corporis juris canonici libri, non iidem Extravagantes veniunt, licet posthac corpori juris canonici

I 5

nici

(f) C. unic. de præbend. inter Extrav. Joan. XXII.
 (g) C. 13. eod. tit. inter commun.

nici adjunctæ fuerint. (h) Hinc duæ Extravagantes heic laudatæ non censentur clausæ in corpore juris. 2) *Reservatio juris scripti* per Clementis IV., non Clementis III. constitutionem (i) uti diximus (§. 173. not. 1. n. 3) invec̃ta ad sola *beneficia per obitum apud Romanam Curiam vacantia* se exporrigit. (k). Item 3) *Reservatio juris scripti* minus odiosa has præ aliis reservationibus prærogativas habet; a) quod sit *perpetua*, nec ceterarum instar cum morte Pontificis expiret; proinde beneficia per obitum apud Curiam vacantia, nisi forte sint parochialia, aut curata, (l) etiam Sede Romana vacante reservantur Pontifici futuro usque ad elapsum a die vacationis mensem integrum, quo finito demum ad ordinarios collatores providendi jus redit: b) quod sit ceteris *antiquior*, ac c) *ratione congruentior*, quare d) in Concordatis Galliæ, immo etiam in Concilio Basileensi, licet ceteris reservationibus abrogatis, est retenta. Cf. Barthel l. cit. n. 10. seqq.

§. 531.

Priusquam ipsas *beneficiorum reservationes* in Concordatis contentas recenseamus, præter ea, quæ supra (§§. 177. 179.) ad rectam concordatorum interpretationem apta monuimus, aliæ probe heic observandæ sunt regulæ: I. *Reservationes*, utpote Episcopis præjudicantes, ordinariæ eorum potestati detrahentes, et juri communi adversæ, sunt in regula

(h) Vid. Zallwein Princ. J. E. Tom. II. q. 2. c. 4. §. 5.

(i) C. 2 de Præb. in 6. Vid. Barthel Diss. III. in concord. c. 2 n. 7.

(k) Idem ibid. n. 10.

(l) C. 35. de Præb. in 6.

Cap. II. De Clericor. sustentatione et benefic. eccl. 139
 gula odiosæ et potius restringendæ. II. Non omnia, et quæcunque beneficia reservationi obnoxia censenda sunt. *) III. Natio Germanica per Concordata suam, aut Ordinariorum conditionem reddere deteriorem, aut duriorē haud voluit, nec sibi detrahere id juris, quod ceteræ provinciæ omnes tenent. Proin IV. nec reservatio juris scripti; nec maxime in Extravagantibus duabus contentæ Germanos gravius, quā alios onerant; atque quemadmodum dictæ Extravagantes ex mente Pontificum, et intuitu aliorum, ita etiam respectu Germanorum Sede Romana vacante expirant. **) (m) V. Duæ dictæ Extravagantes eo solum, quem Concordata iis tribuunt, sensu intelligendæ sunt. VI. Ad litteram Concordatorum ita attendendum, ut, quæ illa præcesserunt, Pacta e. g. Constantiensia ad quinquennium duratura, et Francofordiensia (§. 174. not. 1 et 4.) non negligantur. VII. Ubi intra instrumentum Concordatorum, et Bullam ejus confirmatoriam variantes fors lectiones occurrunt, non Bullæ verbis, sed concordatorum instrumento inhaerendum. Neque enim potuit, nec voluit Nicolaus V. per eam Bullam concordata immutare. ***) (n) His prænotatis eo fere, quem concordata tenent, ordine Reservationes referemus.

*) Ita

(m) Barthel Diss. de concord. c. 2 §. 9 sqq.

(n) Barthel ibid. c. 1. n. 2. sqq.

*) Ita non reservantur a) beneficia in commendam mere temporalem dari solita: b) manualia alia, quorum possessores ad nutum Superioris amoveri possunt; c) beneficia patronatus laici et mixti, quæ ob specialem favorem, et, quod titulo oneroso acquisitum jus patronatus sit, a reservationibus exemptuntur. Cf. Barthel cit. Diss. c. 2 n. 4.

**) Hinc non obstante Concordatorum perpetuitate reservationes per Extravagantem: *Ad regimen*, et regulas Cancellariæ primum inductæ, ac in concordatis retentæ Sede Pontificia vacante cessant, item jus mensium suspenditur, et in papali etiam mense vacantia beneficia per ordinarios collatores conferuntur.

***) Insignes quasdam alias ad recte interpretanda concordata regulas, postquam sinistra interpretationis causas indicaverat, in medium profert. Barthel cit. Diss. de concord. in Prefat. et c. 1. 2.

§. 532.

Reservantur igitur vi concordatorum, et ex recepta Extravagante: *Ad regimen*, Pontifici beneficia apud Sedem Romanam quomodocunque vacantia, nec non, ut concordata habent, *vacantia*, 1) per *depositionem*, vel *privationem*, seu *translationem* *) per nos, seu auctoritate nostra (id est sententia judiciali Papæ) factas; 2) ad quæ beneficia aliqui electi, postulatique fuerint, quorum *electio cassata*, seu *postulatio repulsa*, vel per eos facta *renuntiatio et admissa* auctoritate nostra extiterit, seu quorum *electorum*, vel *postulatorum electionem cassari*; seu *postulationem repelli*, aut *renuntiationem admitti* per nos (ait Papa) aut auctoritate nostra continget, apud sedem prædictam: aut alibi ubicunque. **)

*) In

*) In casu translationis 1) equidem illius, a quo quis transfertur, Episcopatus provisio Papæ per coneordata reservatur. Fam tamen reservationem tunc solum, si dicta promotio uni Papæ debeat, locum habere, Aula Cæsarea existimavit. (o) 2) Interim in quocunque translationis casu capitula Germaniæ sibi per *indultum de eligendo*, quod Papa haud negat, consulere solent. At vero 3) si Papa tale indultum largiri detrectaret; tum nec a Papa eam translationem invito, et non audito capitulo, ut quod jure eligendi sine culpa privaretur, fieri posse credit Barthel (p) Et vero quum id genus translationes invitis Regibus, qui jus nominandi tenent, nequeant a Papa suscipi; (q) eas sine consensu capituli jus eligendi habentis fieri posse, cur dicamus? Vid. Sartori griff. und welsl. Staatsrecht deutsch r St. fter. I. B. 2 Th. §. 301.

**) Unde Pontifici haud reservantur beneficia 1) vacantia per *depositionem*, aut *privationem*, quæ non per ejusdem sententiam judicalem, sed ab Ordinario, a lege, vel canone decernitur: 2) nec reservantur vacantia per *cassatam electionem*: aut *repulsam* a Papa *postulationem*: (r) siquidem capitulum a culpa vel negligentia absit, (Cf. §. 481. not. 2 et §. 487. not.) nec 3) vacantia per *resignationem* in manus Ordinarii absolute, aut permutationis causa factam; quum nec jure communi

(o) Ut patet ex Allocutione Commensarii Cæsarei ad Capitulum Ratisbon. A. 1769. 16. Jan. Vid. Neue Staatskanzley tom. 29. pag. 317. v. Sartori loc. cit. §. 304.

(p) Diss. III. de concord. c. 2 §. 26.

(q) Testibus van Espen Jur. eccl. univ. P. I. tit. 15 c. 4 §. 2. Rebusso Praxi benef. de translat. Episcop.

(r) Cf. Behlen Diss. ad verba concord. electione cassata. A. 1767 Barthel cit. Diss. 3 c. 3 §. 18.

142 Sect. I. De Personis et Beneficiis ecclesiasticis.

muni nec per regulas Cancellariæ id genus beneficia Papæ reserventur: ergo multo minus in Germania: 4) nec reservantur vacantia per *resignationem* in manus Pontificis factam ab eo, qui post *resignationem* diebus viginti superstes non est: quoniam tunc per obitum vacare censentur. Neque etiam clausula derogatoria: *Non obstante regula de viginti etc.* fors adjecta a Germanis attenditur. (s) Item 5) *resignationes in favorem* factas aliqui prorsus rejiciunt, easque inter gratias informes in ipsa Cæsarea capitulatione (t) rejectas jam recensuit Neller. (u) Quod quidem jam novissima Leopoldi capitulatio luculentius exprimit. Denique 6) quibusdam *Reservatio ob resignationem* videtur esse restringenda ad *renuntiationem ob electionem et postulationem, aut resignationem Episcopatus hujusmodi, cujus provisio alias S. Pontifici jam competit*, sic quidem, ut e. g. in casu » *resignationis alicujus Episcopi ob senium, vel* » *ut monasticam vitam profiteri possit, non Sum-* » *mus pontifex de Episcopatu per talem resigna-* » *tionem vacante, sed capitulum per electionem* » *novi Episcopi providere debeat.* Profecto ver- » *borum ex concordatis allegatorum (§vō. hoc)* » *contextus hanc contrahentium mentem fuisse* » *indicat. (w) Eandem quoque Imperio Rom.* » *Germanico mentem sedem manifestant verba* » *Capitul. cæsarea præsertim novissima, ubi Im-* » *perator promittit: Wir sollen und wollen... unser*
bestes

(s) Barthel Diss. III. cit. c. 2 n. 28. Van Espen I. E. U. P. II. tit. 28. c. 5, n. 32.

(t) Art. XIV. §. 1.

(u) Diss. de statu Resignationum in favorem apud Germanos §. 41. Thesaur. I. E. Tom. VI. pag. 320. Cf. Schloer Diss. de Reservat. benefic. ex qualitate vacationis per *resignationem* ad text. concord. per eos facta *renuntiatio*. A. 1777.

(w) Ditterich Primæ Linæ Jur. eccl. publ. Germ. pag. 749 seqq.

» bestes Vermögen anwenden . . . daß . . . dagegen
 » (die Concordaten, wie auch eines jeden Erz- und
 » Bischofs oder Domcapitels besondere Privilegien,
 » hergebrachte Statuten und Gewohnheiten) durch
 » Ertheilung unformlicher . . . oder durch Erschwe-
 » rung gewöhnlicher Gratien . . . durch Reservation,
 » Dispensation, Resignation, besonders in favo-
 » rem tertii, dann darauf unternehmende Colla-
 » tion, all solcher Präbenden, Prälaturen, Digni-
 » täten, und Offizien, welche sonst per obitum ad
 » Curiam Romanam nach den Concordaten nicht
 » absolvirt werden, sondern jederzeit . . . den Erz-
 » und Bischöfen auch Capiteln, und andern Colla-
 » tion heimfallen . . . in keine Weise behandelt
 » werde.« Noviss. capitul. Leopoldi II. I. c.
 Art. XIV. §. 1.

§. 533.

Reservantur item Pontifici per Extrav. *Ad regimen in concordatis receptam* II. beneficia vacantia per obitum *Cardinalium*, aliorumque *Officialium* Curiae, quamdiu ipsa officia actualiter tenebunt, videlicet *Vicecancellarii*, *Camerarii* etc. verosimiliter tum solum, si in curia diem obeunt supremum. *) *Legatorum* vero, *Collectorum*, et in terris Romanae Ecclesiae *Rectorum*, et *Thesaurariorum*, ubicunque decedentium. Eodem quoque ex fonte Pontifici reservantur III. beneficia vacantia per obitum 1) ad *Curiam Romanam* pro quibuscunque negotiis *venientium*, seu ad eam *accedentium*, seu *recedentium* ab eadem; **) item 2) quorumcunque Curialium ad quaevis loca secedentium, si in locis a dicta curia ultra duas diaetas legales (viginti circiter itala, aut octo germana milliaria) non distantibus obie-

objerint; dummodo eorum proprium domicilium non existat ibidem.

*) De solis his, non item de aliis dicitur: Ubicunque dictos Legatos, vel collectores, seu Rectores aut Thesaurarios, antequam ad Curiam Romanam redierint, seu venerint, rebus eximi contigerit humanis. Quare recte inferitur, ceterorum, qui heic non nominantur, Cardinalium, et aliorum Curiae Rom. officialium extra curiam morientium beneficia non esse reservata. Neque proin necesse foret, ut Capitula illa, quorum Episcopus dignitate Cardinalitia ornatur, per indultum pontificium se, quod solent contra talem reservationem muniant, quæ, nisi Cardinalis apud Curiam obeat, locum non habet: id quod vel ipse curialista Rigantius (x) fatetur. Haud obstat etiam Alexandri VII. declaratio contraria, utpote concordatis posterior, nec iis unquam prævalitura. Dein sine ejusmodi indulto post obitum Cardinalis a Capitulis Germaniæ celebratæ sunt electiones: alibi indulti, etiam sponte a Papa submissi nec in literis edictalibus, seu ad electionem citatoriis, nec in processu informativo ulla facta est mentio.

(y) Ceterum per *Legati nati* obitum vacantia beneficia Pontifici haud reservari certum est.

**) *Curia Romana* nomine intelligunt a) alii urbem Romam, aut locum, ubi Papa moratur: alii b) verosimilius locum, in quo caussarum audientia, et litterarum Apostolicarum expeditio fieri solet: c) alii utrobique, ibi in capite, heic in corpore curiam existere, ac proin utroque in loco vacantia beneficia reservationi obnoxia esse volunt, quam ad rem demonstrandam quasdam Pontificum Bullas

(x) Commentar. in Regul. l. Cancellar. §. 26: sqq. vid. Barthel diss. III. de concord. c. 2 § 38.

(y) Id de Argentoratensi, et Spirensi ecclesia testatur Dieterich Primæ lineæ Jur. publ. ecol. Germ. pag. 154 Cf. v. Cartori l. c. §. 305.

las laudant. Sed enim hæ omnes concordatis posteriores, et ab uno Pontifice profectæ declarationes nil novi oneris Germanis imponere queunt. Quare solum beneficia in curia, seu in loco, ubi Apostolicæ litteræ expediri solent, vacantia in reservatis habenda. *Barthel cit. Diss. III. de concord. c. 2 n. 8.*

§. 534.

Eodem ex capite Pontifici reservantur IV. beneficia *vacantia per promotionem*, seu provisionem a Papa: ejusve auctoritate factam, sive quæ a Pontifice ad cathedralium, nec non monasteriorum regimina promoti obtinent tempore promotionum de ipsis factarum.

- *) Ut beneficia in casu posito vacent, et Papæ reserventur, requiritur 1) ut promotio per Pontificem fiat, unde ab alio, e. g. ad Secoviensem, Lavantinam, Chimensem, Gurcensem Ecclesiam a Salisburgensi Archiepiscopo promoti beneficia Papæ haud reservantur: (z) requiritur 2) ut vacent beneficia per promotionem ad Episcopatus vere tales et effectivos, ut ajunt, non titulares: quare beneficia illius, qui ad episcopatum in partibus promovetur, nec vacant, nec Papæ reservantur. Requiritur 3), ut vacent per *promotionem ipsam*, et non alio modo, unde vacantia per obitum ejus, qui promotus a Papa illa ex dispensatione papali retinuit, non reservantur, (a) requiritur 4), ut actu adhuc *tempore promotionis* ea beneficia teneat promotus; hinc quæ ab electis, sed nondum confirmatis Episcopis, non obstante Regula XXVI. Cancellariæ, resignantur, haud obnoxia sunt reservationi eoquod promotio
in

(z) Engel I. C. ad Decret. L. III. tit. V. §. 2. n. 16.

(a) Böckhn. ad Decret. L. III. tit. 8 n. 29 sqq.

in curia ante confirmationem nondum facta censetur. (b) Immo vero requirunt aliqui 5), ut promotio non sit solum facta per confirmationem electionis, sed solum et unice per Pontificis gratiam. Namque, inquit Gregel, promotio eo sensu accipienda est, quo sumebatur ab initio sec. XIV. quum hæc Extravagans conderetur. Tunc temporis vero Pontifices sibi quandoque expresse, quandoque mentaliter certas Prælaturas speciatim reservabant. Quibus de ecclesia vi hujusmodi reservationum provisum est, a Papa promoti dicebantur: talis provisio utique vera promotio, et actus gratiæ fuit, quam nullo prævio jure ex electione quæsito solus Papa largiebatur. De promotione per confirmationem nequidem cogitabatur, cum electi tum temporis à Metropolitani aut Synodis confirmarentur. » Ab omni igitur ratione » alienum est, si electus per confirmationem Pontificis dicitur promoveri eo sensu, quo promotio in Extravagante accipitur. Confirmatio enim » non est actus gratiæ, sed justitiæ, qui canonice » electo negari nequit. Quod adeo indubium est, » ut nequidem translatio prævia postulatione facta » promotionis pontificiæ nomine veniat: confirmatio igitur multo minus promotio dici potest. » Ita Gregel comment. de jurib. Nat. Germ. ex acceptat. Decret. Basileens. quasitis per concord. Aschaffenb. c. 3. §. 6. Sed enim observantia legum optima interpres.

§. 535.

Porro V. vi Extravagantis *Execrabilis*, ut illa quidem in concordatis modificata est, *) Pontifici reservantur beneficia, quæ per *assecutionem quoruncunque* aliorum beneficiorum *incompatibilium* auctoritate literarum Apostolicarum immediate collatorum vacaverint. Igitur

(b) Böckhn l. cit. n. 49.

tur in concordatis reservatio per Extrav. *Execrabilis* 1) ad beneficia quaecunque, etiam non curata, modo sint incompatibilia, extenditur: ita tamen, ut 2) solum *primum* beneficium Papæ reservetur; modo 3) *secundum* immediate a Papa sit collatum, et 4) impetrans in hujus secundi *pacifica et fructifera* possessione existat.

*) Hæc Extravagans constitutio in concordatis quoad alia latius extensa, quoad alia magis restricta videtur. Et quidem 1) Extravagans ipsa de dignitatibus et beneficiis solum *curatis* meminit, contra in concordatis etiam beneficia *non curata* reservantur saltem *incompatibilia*. (Porro etsi haud ad sensum Tridentini, quod strictiorem residentiam requirit, (c) tamen secundum praxin et stylum Curiae Romanæ illa beneficia solum *incompatibilia* censentur, quæ residentiam simplicem, et *præcisam*, non item ea, quæ *caussativam* requirunt: seu quæ residentiam non sub poena privationis ipsius tituli et beneficii, sed sub poena privationis fructuum exigunt.) Ex eo autem 2) Dicta extravagans per concordata limitationem accipit, quod tunc solum reservatio locum habeat, si secundum beneficium cum priore incompatibile ab ipso Pontifice, non vero si auctoritate ordinaria Episcopi licet præcedente Papæ indulto collatum fuerit. Porro 3) Extravagans ipsa *secundum* duntaxat beneficium Papæ videtur reservare pro eo casu, ubi quis primum una cum secundo retinere velit; (an primum, an secundum, an, quod sine ratione sufficiente quidam asserunt, utrumque reservetur, (d) nondum planè expeditum

K 2

tum

(c) Sess. VII. c. 2 Sess. XXIV. c. 17 de reform.

(d) Cf. Eugel de Præb. et dign. § 2 n. 13, Böckhn de concess. Præbend. n. 41 sqq.

148 Sect. I. De Personis et Beneficiis ecclesiasticis.

tum est, in concordatis vero *primum* tantum beneficium verosimilius Papæ reservatur. (e) Nihilominus multi Germaniæ Ordinarii potius Extravaganti ipsi, quam concordatorum verbis inhærentes non *secundum* ex incompatilibus, sed *primum* suæ collationi competere contendunt. Quam praxim antehac vigentem et post concordata retentam hâud reprobât Barthel, attamen prætensæ a Curialistis beneficii utriusque reservationi tam praxin, quam concordatorum litteram repugnare asseveranter pronuntiat. Nec obstat sane Decretum concessionis secundi beneficii fors adjectum *de primo dimittendo*: nam etsi id decretum contra beneficii pluralitatem juri omnî exosam valeat, certe contra concordata, cû his posterius, atque praxi contrarium vim nullam habet. *Barthel. cit. Diss. III, de Concord. c. 2 §. 22.*

§. 536.

Reservantur demum VI. *vacantia* beneficia in *mensibus Papalibus* Januario nempe, Martio, Majo, Julio, Septembri, Novembri. Quoniam vero generatim reservationes ceu odiosae strictius interpretandae, et in dubio favendum potius Ordinariis (§ 531. . .) nunquam pro reservatione standum, ubi verba ipsa concordatorum non verosimilius id exposcunt; unde ab hac merito excipiuntur plura beneficia.

*) *Excipiuntur* scilicet 1) *dignitates* præsertim *electivæ*, uti tum exempla concordatis fere cœva doceant; (f) tum ex eo colligitur, quod de iis nulla

(e) Barthel diss. 3 de concord. c. 2 §. 21.

(f) Vid. plura in concordat, integris illustratis Tom. I. pag 358. sqq. Würdtwein Subsid. diplomat. Tom. I. pag. 165. 180. 185.

la, ubi de mensibus papalibus sermo est; in concordatis fiat mentio: *) excipiuntur 2) *dignitates majores* post pontificalem in cathedralibus, et principales in collegiatis ecclesiis, a) id quod instrumentum concordatorum sat clare innuit, quod sic habet: » De ceteris dignitatibus et beneficiis » quibuscunque secularibus et regularibus vacantibus ultra reservationes jam dictas majoribus » dignitatibus post pontificales in cathedralibus, » et principalibus in collegiatis ecclesiis exceptis; » de quibus jure ordinario provideatur per illos » inferiores, ad quos alias pertinent, idem Ss. » Dominus noster per quamcunque aliam reservationem . . . non impediet, quo minus de iis, » cum vacabunt, mensibus Februarii etc.: libere » disponatur per illos, ad quos dispositio pertinebit. « Quæ verba liquido satis rem demonstrant. Neque ab iis multum recedunt verba bullæ confirmatoriæ, in quibus, uti et in Regula IV. cancellariæ incassum (§. 531. n. 6.) Curialistæ contrariæ opinionis præsidium sibi invenisse videntur: Germanis favet b) ipsum *Bullarium Romanum*, (editioni autem Argentinensi, (g) ubi Parenthesis: *De quibus jure ordinario provideatur per illos Ordinarios* etc. omittitur, exemplaria Bullæ etiam ab iis, qui Papæ jura ultra modum extendunt, (h) editæ repugnant,) favent c) *Concordata Constantiensia*, (§. 174 not. 1.) quæ basis sunt concordatorum Germaniæ: (i) favet d) *constitutio ipsa Martini V.*, (k) qua formulam concordiæ adumbravit: (l) favent e) non solum *Canonistæ Germani*, qui rem fere demonstrarunt:

K 3

(m)

(g) De A. 1513.

(h) E. g. Branden, et Nicolarts.

(i) Vid. Ign. Schmidt Geschichte der Deutschen. 7. B. 44. R. S. 385.

(k) A. 1418. 21. Martii.

(l) Harduin Tom. 9 pag. 877.

(m) sed consentiunt præterea f) *Doctores* etiam *exteri*, (n) de partium studio minime suspecti: favent g) *exempla* temporis concordatorum propinqua, (o) favent: h) *factæ* a Germanis contra facta contraria *oppositiones*, et *proposita gravamina*. (p) Ita annis vix decem ab initis concordatis, quum a Pontifice Ænea Sylvio Præpositura Wormatiensis cathedralis, et collegiata Xantensis commendaretur, tres Electores ecclesiastici sese opposuere. Varius tamen est modus et observantia, quo in ecclesiis germanicis dignitates ejusmodi conferri solent: (q) cui observantiæ deferendum esse alii affirmant, (r) alii ob continuam protestationem ei oppositam præscriptioni heic locum esse posse nêgant. Item a reservatione papali excipiuntur. 3) *Munia specialia* e. g. concionatoris, professoris cum canonicatu connexa, licet iste reservetur: 4) *beneficia improprie* talia,

com-

-
- (m) Vid. Analytica demonstratio ex littera et mente concordator Germ. Præposituras etc. non esse. . . reservatas. 1757. Schloer Diss. ad concord. de Præposituris ab alternativa exceptis. Barthel Diss. III. ad Concord. c. 4 §. 27 sqq.
- (n) Natal. Alex. Hist. E. Tom. VIII. pag. 222 Jo. Chokier comment. ad Reg. 2 et 3 cancell. n. 16. Rousseaud de la Combe dans Recueil de la Jurisprud. canonique V. concord. Sect. III.
- (o) Tom. I. concord. Nat. Germ. integr. illust. l. c.
- (p) E. g. Illa Cleri Germ. in Diæta confluentina Friderico IH. exhibita §. Acta Comiti. Wormat. de A. 1495. sub Maximiliano I. et gravamina eidem A. 1510. oblata, et gravam. Carolo V. 1522. oblata n. 19 apud Goldast. const. Imp. Tom. I. pag. 466 c. 12 et 17.
- (q) Cf. Fr. Georg. Ditterich Primæ lineæ J. publ. eccl. pag. 212 sqq.
- (r) Ant. Schmidt Inst. J. E. P. 2. sect. 3. §. 64.

commenda, et *vicaria* temporales; 5) *Vicaria* etiam *perpetua* ecclesiarum parochialium dignitatibus, cathedralibus, collegiatis, et regularibus ecclesiis, aliisque piis locis unitarum, et quarum eorum, quibus subjiciuntur eae ecclesiae, dispositioni indefinite permittuntur: (s) 6) *ecclesiae parochiales* ex praxi multarum dioecesium, a reservatione excipiuntur, aut saltem per concursum dignior inventus praesentandus esset Papae, a quo collationem obtineat: 7) *beneficia* praesertim permutationis causa *resignata*, quum ea vel in regulis cancellariae jam a reservatione excipiantur: 8) *beneficia patronatus* praesertim *laici* aut etiam *mixti* inprimis ex fundatione, dotatione orti, aut quod ex origine laicum ad collegium ecclesiasticum est translatum, (t) ne laici a favoribus ecclesiae praestandis deterreantur: 9) *dubia*, an mense papali vel alio vacaverint: (§. 179.) 10) *vacantia* Sedc papali pariter *vacante*. - (Cf. §. 530 not.)

§. 537.

*Reliquis mensibus libera omnino nec ullo pacto, aut titulo impedita de beneficiis dispositio iis, ad quos pertinet, a Pontifice relinquenda est; unde nedum beneficium conferre, sed nec quovis modo beneficium minuere, novo onere deterius reddere, nec sub obtentu quocunque jus ordinarii collatoris gravare, aut impedire Papae integrum est. *)*

*) In Concordatis enim sancte promittitur: „D. Papa per quamcunque aliam reservationem, gratiam

K 4

ex-

(s) Constit. 47 Pii V. Bull. magn. Rom. Tom. 2.

(t) Hedderich Diss. de jure patron. laico ad colleg. eccl. transeunte reservationum regulis haud obnoxio.

» expectativam, aut quamvis aliam dispositionem
 » sub quacunque verborum forma . . . factam aut
 » faciendam non impediet, quo minus de iis di-
 » gnitatibus et beneficiis, cum vacabunt, de
 » mensibus Februarii, Aprilis, Junii, Augusti,
 » Octobris, Decembris libere disponatur per illos,
 » ad quos collatio, provisio, presentatio, electio,
 » aut quævis dispositio pertinebit, reservationi-
 » bus aliis, aut promissis, aut dispositionibus . . .
 » factis vel faciendis non obstantibus quibuscun-
 » que. « Unde 1) nec per *expectativas*, quibus
 paullo post concordata a Curia Romana attentatis
 statim Natio Germaniæ jure sese opposuit, (u)
 quasque demum Tridentinum omnes abolevit; (x)
 nec 2) per alias constitutiones et Reservationes
 libera in aliis mensibus beneficiorum collatio im-
 pediri potest; ac proin Bullæ Pii V. a) *Ex Aposto-*
latus officio: qua lapsorum in hæresin — b)
Romanum Pontificem: qua per simoniam confiden-
 tialem accepta — c) *In conferendis*: qua parochialia
 non per concursum collata — d) *Sanctissimus in*
Christo: qua Sede episcopali vacante vacantia be-
 neficia reservantur; aliorumque Pontificum con-
 stitutiones ad Germanos hac in re haud pertinent:
 nec 3) *jus præventivis*, seu *concursum* in Germa-
 niæ beneficiis locum habet: immo 4) nec *pensio*,
 saltem quæ ad eos etiam, qui ab Ordinariis be-
 neficia deinceps obtinent, extenderetur, beneficiis
 etiam reservatis imponi a Papa poterit; quum
 per eam beneficiorum collationem liberam per-
 turbari, aut imminui nemo non videt. Sane in
 Concordatis de his nullum vestigium reperitur: et
 quum nec annatæ ex beneficiis Germaniæ infe-
 rioribus exigi queant, (§. 529. n. 3.) pensionis
 impositionem quoque excludi recte concludimus.

§. 538.

(u) Vid. Gravam. Principum Germ. ad Maximilianum I. A. 1510 delata, §. 4.

(x) Sess. 24. c. 19 de reform.

§. 538.

Ceterum hæ reservationes beneficiorum et præsertim 1) *alternativa mensium* non in quibusvis Germaniæ ecclesiis in usu sunt, sed 2) varius conferendi beneficia modus in iis obtinet: *) atque 3) *jus mensium papalium* sæpe per Pontificis *privilegium* **) aliisve *ex titulis* ***) per alios exercetur. ****)

*) Alternativam mensium Papa ipsemet liberæ Capitulorum acceptationi reliquit. Hinc aliqua Capitula, quæ *pinguiori jure* tum temporis fruebantur, eam haud receperunt. Id quod de Bambergensi et Herbipolensi ecclesia testatur Cl. Barthel. (y) Quid circa mensium alternativam, et collationem beneficiorum in singulis tum Metropoliticiis, tum aliis Germaniæ ecclesiis cathedralibus obtineat, speciatim, et distincte recenset Georg Ditterich. (z)

**) *Jus mensium Papalium* 1) concedi solet Episcopis Germaniæ, ad Cardinalatus dignitatem evectis. 2) Jus idem exercent itidem tres Electores ecclesiastici vi quinquennalis privilegii papalis iisdem concedi soliti; (a) aut, quod ipsi prætendunt, vi indulti ad tempus vitæ ij. s. necessario; et ex pacto concedendi. Nam id ipsis, eorumque successoribus ad tempus vitæ concedendum esse per specialem tractatum jam ante concordata promissum ajunt: quam in rem affertur epistola trium ecclesiasticorum Electorum de a. 1673 (b) in qua consequuntur

K 5

runtur

(y) Diss. III. de concord. c. 4. §. 3r.

(z) Primæ lineæ Jur eccl. Germ. publ. pag. 199.

(a) Idem indultum Archiepiscopis Salisburgensibus etiam non petentibus dari testatur Auctor libri: *Nachrichten vom Zustande der Gegend, und Stadt Juvavia* pag. 280.

(b) Extat. in der *Mainzer Monatschrift von geistl. Sachen*. A. 1787. Monath Decemb. pag. 967.

runtur, a) quod vi indultorum provisi intra sex menses provisionum confirmationem, seu novam provisionem in Dataria petere soluta taxa teneantur: b) quod indultum singulis quinquenniis, ac a quovis recens electo S. Pontifice sit petendum: quod c) dilata aliquando ejus expeditio fuerit, immo indultum ad triennium etiam restrictum, interimque minus dignis collata sint beneficia. Attamen ex hac epistola indultum perpetuum, aut ex pacto dandum probari plures negant. (c) Ceterum tres Electores ecclesiastici a) habito A. 1769. Confluentiae conventu illa indulta ad dies vitae concedi optant his verbis: 1) Sollen die päpstlichen Indulte wegen Ertheilung der Beneficien in den päpstlichen Monathen nicht mehr auf 5 Jahr, sondern auf die Lebenszeit der deutschen Erz- und Bischöfe ausgestellt werden: 2) Die Clausel wegen Nachsuchung einer neuen Provision bey den Datarien solle hinweg bleiben &c. — Et in Conventus Emsani punctuationibus habetur puncto XV. Die päpstlichen Monate sollen niemand, dann den Erzbischöfen nach dem Indulto perpetuo überlassen, und dieses gleich mit der Bestätigungsbulle ertheilt, widrigenfalls die Präbenden in mensibus papalibus von den Erzbischöfen vergeben werden. (d) Quæ his hucusque opposita sint, in vulgus nota sunt. **) Jus mensium papalium, seu jus nominandi ad beneficia in his mensibus vacantia ex immemoriali consuetudine, et præscriptione exercent quoque Duces Bavariz: de quo in Concordatis Bavariz Gene-

Item Concordatis Nat. Germ. integris illustratis, tom. 2 pag. 97.

- (c) Weissmann neue Bemerkungen über das Resultat des Emsercongresses, pag. 89 seqq. et quem laudat, Reinfeld 110 Seite.
- (d) Cf. v. Sartori geistl. und weltl. Staatsrecht der deutschen Stifter. I. B. I. Th. S. 151 et 166. item 2. Th. S. 527.

Generalibus (e) hæc statuuntur: »Pontificii quo-
 » que mensis jus non extendet Serenissimus Dux
 » ad ea beneficia, in quibus alteri jus patronatus
 » competit; et quia de paucioribus forte adhuc
 » disceptari contingit, inibitur utrinque talis con-
 » troversie sopiendæ commoda ratio. • Illustris
 in Cod. Bav. judicalem commentator jus mensium
 Papalium Serenissimo Electori competere affirmat
 partim ex *indulto Pontificio* de A. 1563 20 Maji,
 partim ex pacifice observata consuetudine imme-
 moriali, uti ipsa indulti verba habent. (f) De-
 mum circa juris hujus exercitium extant singularia
 quædam conventa Ducum Bavarie cum Episco-
 pis e. g. cum Frisingensi de A. 1718. §. 9 cum
 Passaviensi A. 1690 §. 23. in quo alternativa
 mensium in alternativam vicium commutata, item
 cum Ratisbonensi de A. 1789 §. 3.

****) *Jus mensium papalium* etc. a) in ecclesiis *Pro-*
testanticis per P. W. abrogatum, (g) b) a Do-
 minis territorialibus sæpe exercetur: c) in eccle-
 siis mixtæ Religionis immediatis, ubi menses
 Papales in anno normali in usu fuerunt, quoad
 Canonicos catholicos deinceps obtinere jubentur
 Pacis W. Art. V §. 20, quod idem de ecclesiis
 mediatis §. 26, confirmatur.

§. 539.

Denique quod ad *adjuncta* provisionis pon-
 tificiæ adtinet, notanda 1) *provisionis tempus*
 beneficia, quæ in curia vacant, *unius*; quæ
 vacant papalibus in mensibus, *trium men-*
sium intervallo conferenda sunt ita, ut jus
 Ordinarii reviviscat, nisi intra id temporis
 spatium et provisio sit facta, et simul in loco
 bene-

(e) De A. 1583. c. 4.

(f) Annot. in Cod. Bav. judicial. c. 1 §. 13.

(g) Art. V. §. 19.

beneficii apparuit, (neque contraria concordatorum hac in re a solo Pontifice facta (h) interpretatio (§. 177) obstare potest) 2) *Subiectum provisionis*: provisos omnibus iis: quas leges, statuta, et observantia Capitulorum requirunt, *dotibus* sit ornatus, secus jure repellendus: 3) *Forma provisionis*: rescripta provisionis alia in forma commissoria seu *dignum*, alia in forma *gratiosa* fiunt. *) 4) Provisi etiam ab indultario Episcopo debent vi styli Curiae Romanae novam Romae provisionem, seu confirmationem prioris petere (§. praec. n. 2.) **)

*) Per rescripta in *forma commissoria* datur quidam jus quoddam ad beneficium; de eo tamen non fit provisio Romae, sed facienda, aut saltem per tituli collationem perficienda remittitur ad Ordinarium, cum mandato, ut praemisso examine idoneus inventus in beneficio instituatur: per rescripta in *forma gratiosa* Papa jam Romae confert beneficium ceu ei, quem idoneum cognoscit, quique proin necessario erit instituendus in beneficio. Cf. §. 139 not.

**) Sede Romana vacante, quoniam jus mensium Papalium expirat, lis est Capitulis cum Cardinalibus, vel Archiepiscopis indultariis. Et casu ejusmodi post obitum ultimi Pontificis proposito Academiae Heidelbergensis, Trevirensis, Goettingensis pro Capitulis pronuntiarunt. Archiepiscopis favet Schloer diss. de alternativa mensium 1776. Utriusque sententiae rationes in pugnum contractas proponit

(h) Bullae igitur Gregorii XIII. Quae in ecclesiam: A. 1576 concordata de provisione intra trimestre Romae facta interpretanti vim omnem negant Germani.

nit. P. Perpetuus Zangmeister Ord. S. Francisc.
Reform. diss. can. publ. de jure Tyрни Rom. et
Teutōnici pactitio Art. III. Monachi 1777.

ARTICULUS VI.

De Provisione Beneficiorum per primas preces.

§. 540.

Ad beneficia minora, maxime in Germania, perveniri quoque potest per *primas preces*, *) Est autem *jus primarum precum* facultas Imperatori saltem competens durante regimine suo semel nominandi personam quamdam idoneam ad unum beneficium in quibusdam Germaniæ ecclesiis vacans, vel vacaturum.

*) Dicuntur 1) *preces primæ*, eoquod una tantum vice ad quamvis ecclesiam dari possint, et *primaria*, ut quæ necessitatem imponunt, et reliquis commendationibus, aut provisionibus omnibus præferri debent: 2) *differt jus precum* a) a *jure patronatus*, vi cujus ad beneficium, quotiescunque *vacarit*, persona designari potest; quum *jus precum* semel tantum, et ad beneficium etiam *vacaturum* exerceri queat: distinguitur item b) a *litteris panis* (*Panısbriefen*), quæ non ad beneficium ecclesiasticum, sed ad Laicorum alimenta pertinent.

§. 541.

Decantati hujus juris summa saltem capita veluti pugno comprehensuri, prolatis fere variorum de illo sententiis, indicabimus, I. Quæ sit *juris hujus*, sive quoad *tempus*, sive quoad *fundamentum* ejus, origo; II. quanta ad illud *indulti pontificii* sit *necessitas*; III. quibus

bus jus istud competat; IV. ad quas ecclesias pertineat; V. ad quæ beneficia se exporrigat; VI. pro quo, et qua ratione preces dari possint, et quo modo insinuari debeant; VII. quos illæ habeant effectus; VIII. quibusque modis expirent.

§. 542.

I. *Tempus*, quo jus primarum precum ortum est, haud satis certum. 1) Alii jus hoc ipsi cæsareæ coronationi, ac eam consequenti privilegiorum ecclesiis concessorum confirmationi coævum, et arctissime cum illa connexum arbitrantur: (a) 2) alii jam sec. XI. immo antehac precum primarum, quantum quidem sola fere certarum personarum ad beneficia ecclesiastica commendatione absolvebantur, vestigia deprehendisse sibi visi sunt: 3) aliis earum origines ad tempus initi pacti calixtini; ut vocant, (§. 170.) referre placet: (b) 4) verosimilius alii jus istud non uno quasi die natum, sed eo fere, quo reservationes pontificiæ coortæ sunt, (§. 137.) modo paullatim invaluisse existimant, natalesque earum ultra seculum XII. non differunt, (c) eoquod jam

(a) Senkenberg apud Würdtwein subsid. diplom. Tom. II. pag. 222.

(b) Spener in der deutschen Staatsrechts-Lehre 2 B. 14. R. §. 5 not. 6 Cf. Zallwein Princ. J. Eccl. Tom. III. q. 2 c. 9 §. 8.

(c) Vid. Petr. de Ickstatt diss. de cæsar. prim. precum jure § 18 Thesaur. Jur. eccl. Tom. V. pag. 235 et And. Brand diss. de jure cæsar. prim. prec. c. 1 §. 11. Thesaur. ibid. pag. 123 sqq.

jam sec. XIII. Rudolphus I. preces primas ex antiqua, et adprobata consuetudine obtinere affirmet (d)

- *) Quare originem primarum precum ad sec. XV. et ad Friderici III. ætatem, quod eidem post concordata inita ad centum beneficia nominandi facultas data fuerat, haud recte a quodam (e) esse rejectam, liquidum est.

§. 543.

De origine primarum precum, quantum ad titulum, seu fundamentum, cui jus precum innititur, attinet, variæ, diversissimæque rursus scriptorum sunt sententiæ. 1) Alii, præsertim Protestantium e numero, jus precum ex jure majestatico, seu jure circa sacra, aut ut ipsi volunt, ex jure in sacra derivant: (f) quæ tamen opinio ne cum protestanticæ quidem ecclesiæ systemate, (§. 31. not. 2) nedum cum catholicorum principiis videtur satis cohærere. Quodsi enim jus hoc majestaticum sit; eccur illud non omnes, cur non semper, cur non circa beneficia omnia, cur non in singulis ecclesijs exercuere Principes? Quare ipsi Cæsares hac in re ad unam fere antiquam provocant consuetudinem? Cur Protestantes in omnibus, præterquam in iis, in quibus jus idem per observantiam, aut pos-

(d) Vid. Diplom. prec. prim. apud Würdtwein subsid. diplom. Tom. II. pag. 1

(e) P. Schwartz colleg. histor. P. VIII. q. 6 §. 12.

(f) Fritsch de Jur. prim. prec. c. 5. n. 10. Vitriar. Instit. Jur. publ. L. 3 Tit. 2 n. 9. Cf. Brand Diss. cit. c. 4. Thesaur. J. E. tom. V. pag. 172.

possessionem firmatum erat, ecclesiis, jus precum sublatum (g) voluere? 2) Alii jus precum; quasi jus *patronatus* supremi, *ex dotatione*, et *fundatione ecclesiarum*, aut ex eorum, quæis ecclesia fruitur, privilegiorum concessione, confirmationeque deducunt. (§. præc.) At vero etiam in ecclesiis a Cæsare nec dotatis, nec fundatis hoc jure utitur Cæsar. Neque beneficio quotiescunque vacante, ut patroni solent, sed semel tantum toto regiminis tempore, et ad unum beneficium nominat. Dein Cæsares antiquiores, qui privilegia concessere, nec eo jure sunt usi, nec ex privilegiorum concessione id juris sibi acquirere voluisse declararunt. 3) Alii ex *dignitate canonicali*, qua in quibusdam ecclesiis Cæsares ornati olim erant, *) jus illud descendere arbitrati sunt. Sed enim id juris nec in *omnibus*, ubi olim in Canonicos recepti sunt, nec in iis *solis* ecclesiis exercent Cæsares. Aut cui Cæsarum in mentem venit, hoc juris exinde sibi quærere, vel deducere? 4) Alii ex *coronatione imperatoris*, jus illud dimanare credunt. Atqui jus precum coronationi nec per se adnexum, nec aliunde alligatum noscitur: et licet Imperatores pauci coronationis meminerint in precum formulis, tamen alios simul hujus juris fontes indicarunt. Unde coronationem commemorando tempus dumtaxat, quo exerceri jus istud consuevit, signare

(g) Instr. Pac. Westph. Art. V. §. 18. et 26.

re voluisse censendi sunt. 5) Aliis ex *advocatia* ecclesiarum *suprema* jus hoc scaturire visum est. (h) Verum jus precum *advocatiæ* ecclesiasticæ nec natura sua est conjunctum, neque ad eam Cæsares in suis precum literis provocarunt. Dein nec omni tempore, nec in omnibus ecclesiis; licet advocati officio functi Cæsares hoc jus sibi sumserunt. Proin *advocatiæ* munus vix recte unum, aut proximum hujus juris fontem dixeris: quare 6) alii jus precum ex solo *indulto* Pontificis deducendum esse putarunt; a) eo quod consuetudo preces dandi dicatur *adprobata*, id quod de *adprobatione* ecclesiæ, vel Pontificis explicant: b) quod saltem a tempore Friderici III. plerique Cæsares; *indultum* istud petierint: et Pontifices saepius se illud ex liberalitate concedere sint professi: c) quod ecclesiæ absque illo *indulto* preces admittere non raro detrectarint; (i) addunt, quod alioqui absque summæ sedis facultate ad beneficium nondum vacans nemo quemdam nominare, proin nec quisquam preces sine *illo* exercere possit, etc... (k) Attamen jam diu ante Fridericum III. qui

(h) Schweder *Introduc. in jus publ. part. spec.* §. ct. 1 c. 5 n. 15. Pfeffinger ad *Vitriarii Instit.* J. publ. L. 3 tit. 2 n. 9.

(i) Exemplum ejus rei profert. Würdtwein *subsid. diplom.* Tom. II. pag. 288. 294.

(k) Cf. Binnen *Diss. de primis precibus in apparatu erudit.* ad *Jurisp. P. VI. ad finem*, §. 7 n. 20. seqq.

qui primus indultum petiisse creditur, **) a Caesaribus jus primarum precum exercitum est. Dein indulti ejus nulla in formulis precum antiquioribus, neque item in recentioribus plerisque fit mentio; sed Caesares ferè omnes, atque in his primus, ut ajunt, vel inter primos Rudolphus I. ad solam consuetudinem adpellant. ***) Quare potius 7) multi jus precum ex *consuetudine solum* derivant. Demum verosimilius 8) alii partim ex *indulto*, partim ex *consuetudine*, aliisve titulis jus precum, sed varia ratione profluere autumant. ****)

*) Non Principes, Regesque solum alios, sed Caesares ipsos in pluribus Italiae praesertim, Germaniaeque ecclesiis fuisse in numerum Canonicorum olim adlectos indubitatis monumentis testatum habetur. (1) Inde, quos Caesar sui loco sors substituerat, dicti sunt *die Korkunig*, et praebenda ipsa *die Korkunigspfründe* adpellabatur. De his praebendis regiis, et de aliis praebendis, *Königspfründe*, quarum collatio ad Caesares cen earum praebendarum Fundatores, atque adeo patronos pertinebat, vid. Cl. Dürr. *disquis. can. de capitulis clausis etc.* §. 29. *Thesaur. J. Eccl.* Tom. III. pag. 212 sqq. Cf. *Haberlein hist. tom. 8. pag. 364.*

**) Equidem *Durandus*, speculator dictus, qui sec. XIII. exeunte vixit, scribit: (m) »Imperator habet privilegium, quod ego vidi *bullatum*, quod in qualibet ecclesia Alemaniae possit facere unum recipi.« Unde inferunt quidam, jam diu ante
Fride-

(1) Cf. Cl. Neller *Diss. de Imperatoribus Praebendis regiis, ac canonicis nonnullorum Capitulorum, etc.* *Thesaur. J. Eccl.* Tom. V. pag. 101. sqq. Cf. Brand *Diss. cit. c. 4 §. ibid. pag. 175.*

(m) In spec. lib. 3. art. 3. apud Binner *Apparat. Eruditio: P. VI. pag. 250.*

Fridericum III., qui medio sec. XV. imperabat, pontificium indultum esse petiit. At bullatum hoc privilegium, quum nec de tempore, quo prodierit, nec de Pontifice, qui id dederit, fidem faciat Durandus, nec aliud extet de illo testimonium, inter fignenta refertur a R. R. Würdtwein subsid. dipl. Tom II. pag. 3 aliisque.

*** Primum, in quo ad consuetudinem primæ preces referuntur, diploma vulgo assignant illud, quod Rudolphus I a 1273 electus anno regni sui primo dedit. (n) Verum ad consuetudinem jam provocat diploma antiquius; quod Richardus a. 1257 die 15 Jan. Francoforti electus Romanorum Rex, et 15 May a Conrado Coloniensi Archiepiscopo coronatus, anno eodem ad Capitulum Passaviense misit in hanc sententiam: » Richardus Dei gratia » Romano-um Rex semper Augustus. Dilectis in » Christo Decano totique Capitulo majoris ecclesiæ » Passaviensis gratiam suam, et omne honum. Præ- » decessorum nostrorum Regum, ac Imperatorum » Romanorum vestigiis inherentes, qui in qualibet » sui regni ecclesia collegiata super unius provisio- » nem persone petere consueverunt, et cum omni » promittunt exaudiri, universitati vestræ pro » Ludovico, dilecti Principis nostri Ducis Bavarie » illustris, notario primicias precum nostrarum » duximus porrigendas. Regia mandantes auctori- » tate. Quatinus ipsum ob sacri imperii et nostram » reverentiam in Canonicum recipientes et in fra- » trem, de prebenda provideatis eidem, quam pri- » mum ad id obtulerit se facultas. Taliter id facien- » tes ut exinde devotionem nostram teneamur meri- » to commendare Datum fer. II post Pentecosten. » Indictione XV. (o) Videmus has preces non com-

L 2

men-

(n) Vid. apud Würdtwein subsid. diplom. tom. 2. pag. 1 sqq.

(o) Extat in Monumentorum Boicorum volum. XI. inter monumenta Nideraltacensia pag. 251.

154 Sect. I. De Personis et Beneficiis ecclesiasticis.

commendationem solum personæ, sed *mandata* etiam de conferendo beneficio, quæ serius adhibita fuisse putat, comprehendere. Dein observat quidem Würdtwein (p) in Rudolphi I. quod ipse recitat, precum diplomate nulla contineri mandata, nullas minas, poenas nullas, sed verba: *precum nostrarum primarias, rogamus* etc.; fuisse ergo literas Imperatoris veras preces. At vero aliud, quod præ manibus habeo, ejusdem Rudolphi I. diploma precum, quas A. 1274. 3. Kald. Martii ad Abbatem Nideraltacensem dedit, (q) ita habet: »Devotionem tuam attentius exhortantes, ac regia tibi auctoritate mandantes, quatenus Sifrido de March clerico de beneficio ecclesiastico ad tuam collationem spectante, siquod vacat in presens vel quamprimum ad id obtulerit se factus, cures liberaliter providere etc. »

****) Nempe ex variorum Sententia jus precum, vel 1) primo vi indulti forte est exercitum, deinceps ex consuetudine retentum: vel potius 2) est ex variis advocatiæ, protectionis, concessorum privilegiorum etc. titulus a Cæsaribus per modum commendationis coeptum, deinceps per consuetudinem firmatum, demumque accedente Pontificis indulto contra renuentium conatus roboratum: vel 3) ex consuetudine quidem provenit, quæ tamen tacitiæ minimum ecclesiæ approbationi, atque Papæ consensui vim suam debeat, aut etiam conditionem petendi indulti includat; propter quod fere semper jus precum consuetudo *approbata* in diplomatis appelletur: vel 4) ex consuetudine quoad substantiam quidem oritur, plenam tamen efficaciam non nisi per Pontificis indultum sortitur, tum a) quod executores ecclesiastici, qui censuris etiam refractarios compellant, sine isthoc indulto constitui nequeant, tum b) quod absque

eo

(p) L. cit. pag. 2.

(q) Extat in Monum. Boicis, ibid. pag. 249. sqq.

eo in beneficiis nondum vacantibus, aut saltem per concordata Pontifici reservatis preces effectum haud essent habituræ. Demum 5) alii dicunt, usque ad Fridericum III. et inita Concordata Germaniæ (§. 174.) jus precum ex consuetudine ab Imperatoribus fuisse exercitum; per concordata vero aut penitus sublatum, aut saltem dubium redditum, et quoad beneficia Papæ reservata fuisse restrictum. (r) Hinc ajunt, ex eo tempore ab Imperatoribus quoad beneficia saltem in *mensibus papalibus vacantia*, aliaque Pontifici reservata jus precum vi indulti fuisse exercitum; quoad beneficia vero in *mensibus Ordinariorum collatorum vacantia* Cæsari jus precum competere ex antiqua adhuc, nec in concordatis sublata consuetudine, vel ex consensu collatorum saltem tacito concordata subsequente, et consuetudine deinceps rursus introducta, vi cujus jam tempore P. W. jus primarum precum in ecclesiis Catholicorum tanquam indubium agnoscebatur: et in Protestantium ecclesiis etiam, ubi id obtinuit, per Pacem W. est confirmatum. Cf. de his Schultheis Diss. de jur. prim. precum Mogunt. 1745. Brand cit. Diss. c. 4 de Ickstadt diss. cit §. 20. seqq. Thesaur. J. Eccl. Tom. V pag. 172. sqq. et 236 sqq. aliosque.

§. 544.

II. Atque ex his jam per se patet, quo sensu ad precum primarium exercitium ex variorum opinione sit aut non sit *necessarium pontificium indultum*, cujus et *requirendi*, et *concedendi*, et in precibus *exprimendi* modus non semper idem servatus est.

L 3

* 1)

(r) Vid. imprimis Brand, de jure cæsar. prim. precum c. 2 et Ickstadt cit. Diss. §. 31. Thesaur. J. Eccl. pag. 149 sqq. et 240 sqq.

- * 1) Quoniam indulti pontificii mentio nulla occurrit in diplomatibus precum a Rudolpho I. usque ad Fridericum III: hic imperator, quum Episcopi, et Capitula post concordata acceptare preces recusarent, pontificum indultum primus petiisse creditur. 2) Fit indulti hujus mentio in formulis precum Friderici III. et successorum ejus usque ad pacem Westphalicam. Et preces Ferdinandi III. quidem ante P. W. datæ indulti meminerunt, sed post eam pacem saltem ad Protestantium ecclesias exarata preces de indulto altum silent. (s) 3) Ferdinandi III. Successor Leopoldus I. indulto pontificio, eo quod obedientiæ, ut vocant, legatos mittere distulit, nondum recepto, jus tamen precum, sed parce admodum et effectum aliquando non secuto exercuit. (t) Quod idem ne petito quidem indulto quum faceret Josephus I., graves inde exortæ sunt lites primum post mortem ejus Pontificem inter, et Carolum VI. Imp. compositæ. (u) Unde 4) Josephi I. successoribus indultum, aut petentibus rursus datum, aut aliquando, ut fertur, etiam ultro oblatum. Attamen et in Caroli VI. et in Francisci I. et in Josephi II. precibus altum de indulto isto est silentium: soliusque Caroli VII. Imp. preces de eo meminere his verbis: » Quum nobis ad Prædecessorum nostrorum imitationem ex inveterata » consuetudine etiam apostolica auctoritate a sancta » sede, et a SS. in Christo Patre Domino Benedicto » XIV. . . . roborata jus competat preces primarias ad omnes, et singulos beneficiorum ecclesiasticorum collatores, et collatrices porrigendi, » dandi, concedendi, decernendi pro personis idoneis

(s) Würdtwein Subsid. diplom. P. II. pag. 284.

(t) Uti patet ex precibus, quas recitat idem ibid. pag. 289.

(u) Vid. Clementis XI. literas A. 1714. 3. Martii datas apud Würdtwein l. cit. pag. 305.

neis, et nobis gratis etc. (w) Ceterum 5) quum Francisco I. Romanorum Rege electo Benedictus XIV. per literas A. 1746. 28. Nov. datas Germaniæ Capitulis, ut Cæsaris preces admitterent, præciperet, hisque Pontificis literis ad Capitula missis Nuntius Coloniensis hæc adjiceret verba: *Placuit Pontifici concedere Imperatori preces, quas vocant primarias etc.*: haud leves inde orti sunt motus: et Franciscus Imp. id juris *absque alia concessione* sibi esse proprium asserens, vetuit Nuntii literas agnoscere, iisve responderi. (x) Verum Benedictus XIV. altero anno datis ad Nuntium coloniensem literis jus precum a pontificiæ auctoritatis fonte manare multis argumentis probare conatus est. *Extant ea litera in Oper. ejus Tom. XV. fol. 86. Cf. Mosers Tractat von Kaiserlichen Regierungsrechten, und Pflichten 2. Th. 1773 pag. 483 sqq et neuestes Reichs-Staats-Handbuch 1 Th. 2 B. 2 K.*

§. 545.

III. Jus primarum precum 1) *Imperator*ive per se, sive per alios exercendum *competere* apud omnes quidem in confesso est: 2) *Imperatrici* autem jus istud alii in ecclesiis omnibus, alii plures in ecclesiis duntaxat sexui æmineo destinatis, idque rursus alii *cen pro-rium*, alii velut *cessum*, nec nisi nomine Imperatoris exercendum tribuunt. *) 3) *Regi Romanorum*, cujus vivente Imperatore suspensa potestas est, hoc jus plerique tantum imediti Imperatoris loco, aut ex ejus forte

L 4

ces-

(w) Würdtwein ibid. pag. 314.

(x) Vid. literas Francisci I. Imp. ad Archiep. Mogunt. ea de re datas apud Würdtwein l. cit. pag. 322.

cessionem competere asserunt; alii etiam, *ceu proprium* vindicant, ut quod Maximilianus I. statim post electionem, et Josephus II. tanquam Romanorum Rex post impetratum apostolicum indultum exercuerint. Quidquid de his sit, iis saltem in ecclesiis, in quibus Rex Romanorum primas preces jam exercuit, eadem factus posthæc Imperator repetere nequit. (y) 4) *S. Rom. Imperii Vicariis* jus precum itidem vindicant haud pauci vel generationem, vel intuitu earum solum ecclesiarum, ad quas Imperator preces nondum misit. Quam in rem exempla precum a S. R. I. Vicariis e. g. Georgio II. Saxoniae Electore datarum, itemque auctoritatem Aureæ Bullæ c. V. proferunt, et datam S. R. I. Vicariis, *potestatem ad beneficia ecclesiastica præsentandi*, etiam de jure primarum precum intelligunt. (z) Contra alii hunc Aureæ Bullæ locum de jure solum præsentandi ad beneficia *patronata*, seu in quibus Imperator jus patronatus obtinet, interpretantur; et datas a Vicariis preces effectum habuisse, jusque precum, ut quod dumtaxat honorificum sit, nec in maiestate contineatur, nec ad Imperii administrationem pertineat, S. R. I. Vicariis competere negant. (a) De-
mum

(y) Vid. Ickstatt. Diss. de cæsar. præcum prim. jure §. 41. Thesaur. J. Eccl. Tom. V. pag. 246.

(z) Gribner Diss. de precibus prim. Vicarior. Imp. §. 13 edit. secund. A. 1790. Neger de Vicariis Imp.

(a) Vid. Ickstatt cit. diss. §. 42. Thesaur. J. E. Tom. V. pag. 247 sqq.

munum 5) *Dominis territorialibus* jus precum a pluribus Protestantibus aut vi juris territorialis, aut ceu ei juri adnexum attribuitur; **) immo ad eorum etiam uxores extenditur: sed alii (b) cum catholicis heic verosimilius ad unam maxime observantiam esse respiciendum existimant. ***)

*) Jus precum proprium *Imperatricibus* attribuentes proferunt diplomata precum, quas 2) *Eleonora* Friderici III. conjux A. 1459 ad Collegium Buchau; A. 1463 ad Senatum Argentoratensem, et A. 1464 ad civitatem Nordlingensem dedit: item quas 2) *Blanca Maria* uxor Maximiliani I. A. 1494 ad collegiatam Canonicorum ecclesiam Onoldinam S. Humperti et A. 1495 ad civitatem Nordlingam nulla cessionis a marito factae mentione misit; (c) demum quas jam ante 3) *Anna* Caroli IV. conjux ad Magistrum Ordinis Johannis direxisse ex diplomate quodam (d) colligitur. Sed alii Imperatricibus jus precum aut omnino negant, aut tantum a conjuge cessum, aut per consuetudinem ex cessione tacita sensim natam competens admittunt; atque a secunda saltem Imperatoris conjuge jus precum in iis; ubi prima conjux eo jam usa est, ecclesiis exerceri posse inficiantur. Vid. *Ayrer comment. jus prim. prec. ex genuinis fontibus deductum* c. 5. §. 3. pag. 177. sqq. Cf. *de Ickstadt cit. diss.* §. 39. *Thesaur. Jur. eccl. Tom. V. pag. 244 et pag. 270. Item Leinlein de jure prim. precum Imperatrici competente Altorffi 1743. Jenichen diplomatische, und rechtl.*

L 5

(b) Vid. *Mosers Tractat von der Landeshoheit in Geistl.* pag. 147 sqq.

(c) Vid. *Corp. Jur publ. et eccles. Germ.* pag. 90 sqq.

(d) Vid. *Menckenii scriptor. rerum Germ. ex diplomatar. Caroli IV.*

rechtl. Abhandlung von dem Recht der ersten Bitte einer Röm. Kaiserinn, Gießen 1757.

**) Sunt, qui jus precum primarum, cey jus territoriali adnexum, *Dominis territorialibus* in quolibet sui territorii ecclesia, in qua ei juri derogatum esse non constat, competere; atque heinc ab *uxoribus* eorum jus idem per expressam tacitamve cessionem exerceri posse contendunt; quam rem exemplis demonstrare conantur: quod e. g. uxores Ducum Austriæ aliquoties primi puerperii tempore preces primas dederint; Borussiaeque Reginae, qua Electrices Brandenburgicae idem jus exercere soleant. (e) Sed enim quum jus precum nec per se, nec per communem observantiam, quam allata exempla haud probans, juri territoriali nectatur; nec Dominis territorialibus quidem nedum eorum uxoribus generatim est asserendum.

**) Jus primarum precum Duces Bavariae in ecclesia ad S. Andream Frisingae ad praebendam in mense capitulari vacantem ex immemoriali tempore exercent. Qui iidem in ecclesiis quoque collegiatis in Bavaria sitis praebendas omnes, decanias, et praeposituras conferunt. *Vid. L. B. de Kreittmayr Annot. in cod. civ. Bav. P. V. c. 19 §. 23 n. 2 et in cod. judic. c. 1 §. 13 lit. a de jure mensis pontificii supra (§ 538.) jam dictum. De jure primarum precum, quo Reges Galliae in plerisque Galliae, et Alsaciae ecclesiis utuntur; vid. Ditterich prim. Linea Jur. publ. Eccl. pag. 230.*

§. 546.

Jus primarum precum caesareum IV. ad cathedrales et collegiatas ecclesias 1) catholicas S.

(e) Ita Frid. Hummützsch Diss. J. publ. de jure primarum precum uxoribus ordinum Imp. competente. §. 4 Præsides Aug. Frid. Schott, Lipsiae 1770.

S. R. Imperii omnes regulariter se exporrigit: * 2) in ecclesiis Protestantium *immediatis*, ubi Cæsar jus precum primariarum ante Pacem Westphalicam exercuit, id vi Pacis W. exercere poterit etiam in posterum: 3) in *mediatis* vero, si A. 1624. primo die Januarii illud *exercuit*, id exercere etiamnum licebit, ea tamen lege, ut ad ecclesias *Protestanticas* nisi Augustanæ Confessioni addictus nequeat præsentari, et in ecclesiis ex utraque religione *mixtis* præsentatus primaria præce non gaudeat, nisi beneficium vacans Religionis consors possederit **) (f)

*) Nec desunt tamen catholicæ etiam ecclesiæ, quæ a primis, precibus se exemptas volunt, et reapse eximuntur, vel 1) quia exemptionis gaudent privilegio, quo ecclesiæ collegiatae in Ducatibus Cliviensi, et Juliacensi; Flandriæ, et Leodienses etc. fruuntur. (g) vel 2) quia per contrariam consuetudinem jus illud extinctum est: (h) vel 3) quia jus illud per consuetudinem, ad quam ipsi Cæsares id referunt, nunquam fuit introductum. Hinc ut ecclesia in Rom. Imperio sita a precibus exempta censeatur: ipsa vel privilegium exemptionis, aut contrariam pro se consuetudinem stare, vel saltem nullam pro Imperatore militare possessionem, probare debet. Vid. *Ichstadt de casareo prim. precum jure* § 45. *Thesaur Jur. Eccl. Tom. V. pag. 249 sqq.*

**) Verba Pacis W. Art. V. §. 26: »In quibus-
»cunque foundationibus mediatis A. 1624. die prima Januarii Sacra cæsarea majestas primas pre-

ces

(f) Instr. Pacis W. Art. V. §. 18. et 26.

(g) Pfessinger ad Vitriar. Tom. III. pag. 88.

(h) Idem ibid.

«ces exercuit, exerceat eas imposterum:» varii varie interpretantur: alii 1) per ly *exercuit* preces ea die datas intelligunt, et tum solum cæsareo precum juri locum esse volunt, si eodem ipso die *exercitum* est, alii 2) tum jus istud obtinere credunt, si precista seu antehac per preces præsentatus saltem eo die adhuc fuit in ecclesia superstes: contra 3) alii ad jus hoc cæsareum sufficere putant solam preces dandi facultatem; seu modo nemo fuerit ante eum diem in possessione jus precum prohibendi: etiamsi Cæsar jus illud non sciatur exercuisse: 4) alii facultatem jus precum exercendi; sed cum facto quodam, seu cum precibus antehac datis, junctam, nec contradictione, cui Cæsar acquieverit, elisam requirunt. Porro prima opinio, nisi præter verba nihil Cæsari datum velis, ne vero quidem est similis; hinc tanquam a gravitate, et mente paciscentium abhorrens cordatioribus etiam Protestantibus improbabilis videtur. Secunda Selchovii (i) sententia in Pace W. firmum fundamentum habere non noscitur. Multo autem graviora pro tertia quartaque sententia pugnant argumenta; Cf. *Brand Diss. de Jur. cæs. prim. precum c. 3 §. 10 sqq. Thesaur. J. Eccl. Tom. V. pag. 166 sqq. De Ickstadt Diss. de Casar. prim. prec. jure §. 50. Thesaur. J. Eccl. Tom. V. pag. 251 sqq. Item Henniges medit. specim. 3 ad cit. §. 26. P. W. Art. V. etc. Ayres comment. de jure primar. precum c. 2 §. 11.*

§. 547.

Videndum porro V. ad quænam tandem beneficia jus precum cæsareum se exporrigat. Si formulas precum saltem recentiores inspicias, *cujuscunque generis beneficia*, secularia, regularia

(i) *Element. Jur. publ. tom. 1 pag. 351.*

laria, curata; majora, electiva etc. quomodo et quandocunque vacantia vel vacatura precibus primis subjiciuntur: Excipiuntur tamen plura beneficia, tum consuetudine ipsa, cui hac in re pondus maximum inest, tum aliis titulis; et eximuntur quidem 1) *dignitates episcopales* uni electioni ex concordatis et observantia obnoxiae: 2) *dignitates* in ecclesiis cathedralibus post-episcopalem majores, in collegiatis *principales* per praxin notoriam; 3) beneficia *curata*, ut plebi alio modo melius prospiciatur; beneficia tamen curata, quæ canonicalibus præbendis unita sunt, juri præcui obnoxia esse feruntur: eximuntur 4) *regularia*, saltem ex natura sua talia, per antiquam consuetudinem; 5) *incorporata* ecclesiis, ut quæ ob perennitatem ecclesiarum nunquam reapse vacant; 6) *manualia*, quæ vera beneficia non sunt; 7) beneficia *patronatus laici*, vel *mixti* ob singularem horum favorem, 8) *monuclearia* seu talia, quorum collator unum duntaxat, aut non saltem quatuor conferre potest; id quod lex æquitatis, indultorum verba, et praxis ipsa confirmat: 9) *dignitates, personatus* officia nec perpetuo, nec per se annexa e. g. canonicatui, ad quem præcista admittitur, *) 10) beneficia *litigiosa*, de quorum proprietate possessoribus mota, et nondum decisa lis est: item verosimilius 11) beneficia *permutationis* ex justis rationibus *faciendæ* ergo *vacantia*, ut quæ non proprie ad liberam collationem vacant, sed præcise permutantibus

ribus argumentis comprobatur, et ab adversariorum argumentis vindicatur. Cl. Endres Diss. de insinuationis prim. precum casar. necessitate. Thesaur. Jur. Eccl. Tom. VII. pag. 312 sqq.

§. 549.

Atque ex his VII. precum primariarum effectus per se satis innotescunt, scilicet quod 1) ordinarius collator precistae beneficium vacans, intra mensem petenti, conferre obligatur. 2) Ut etiam precistae statim praeter praebendam locus in choro, et capitulo adsignetur, equidem formula precum saepe jubet, atque tum Imperator, tum hodie judicium imperiale aulicum urgere solens; attamen 3) necdum praxis Capitulorum hac in re certa, et in plerisque ecclesiis precistarum praetensionum contraria est, (n) immo alii precistas, qui se solos ab oneribus cuique Canonico inincipientium communibus exemptos vellent, aequitatem parum congruenter acturos putant. (o).

§. 550.

Demum jus ex precibus quaesitum per se quidem perpetuum est, neque, uti nec aliae gratiae factae, morte concedentis infirmatur: Attamen VIII. expirat 2) revocatione, utique non sine gravi ratione facienda, 2) morte precistae, 3) legitima cum venia Caesaris in alium abdicatione, *) 4) expressa, tacite renun-

(n) Vid. Cl. Dürr Disquisit. can. de Capitulis claus.

§. 29 Thesaur. Jur. Eccl. Tom. III. p. 210 sqq.

(o) Cl. Brand. l. c. c. 5 §. 10. Thesaur. J. Eccl. Tom. V pag. 194 sqq. et Cl. Dürr loc. cit.

§. 29. Thesaur. Jur. Eccl. Tom. III. pag. 209 sqq.

nuntiatione; atque adeo 5) matrimonio, aut alio impedimento perpetuo subsequente; 6) obtento alio beneficio incompatibili etc. Quodsi vero precēs collatione beneficii effectum non fuerint sortitæ, repeti pro alio ad unum in eadem ecclesia beneficium possunt.

*) Abdicationes, seu cessiones ejusmodi haud plane, equidem cum Ss. Canonum rigore consentire videntur; quodsi tamen et in personam idoneam, et sine omni simoniæ labe nec invito Cæsare fiant nulla urgens ratio est, cur eas illicitas credamus. Idcirco preces ita legitime translatas, a collatoribus, si modo tum de renuntiatione primi, tum de legitima secundi substitutione per authenticum testimonium fuerint edocti, exaudiri debere est verosimilius. Cf. Brand cit. Diss. de Jure cæs. prim. præc. c. 7 §. 7 sqq.

**) Primariis precibus adfinia, pluribus tamen capitibus ab iis diversa sunt *diplomata victualitia* vulgo *Panis-Briefe*, *Layen-Herren-Pfründe*. (p) sive rescripta a Cæsare personis laicis concessa, ut a monasterio, quod proxime Imperio subjectum est, alimenta recipiant. Ad quæ monasteria dari possint cæsareæ panis literæ, Publicistæ examinant: (q) observantiam autem hac in re inprimis adtendendam esse satis certum esse videtur. (r) Porro id genus literas alii quoque Principes in suis territoriis, ac Bav. Duces iis duntaxat, qui ad

(p) Vid. Schneidt Histor. und rechtl. Abhandlung von den sogenannten Layen-Herren-Pfründen oder Panisbriefen, apud de Cramer observ. jur. univ. Tom. V. pag. 347.

(q) Vid. Mosers Staatsrecht. Tom. 3 l. 2 c. 33 §. 5.

(r) Vid. Reichs-Hofraths-Gutachten über die Layenpfründen etc. in der Mainzer Monatsschrift von geistl. Sachen, März A. 1790 pag. 259 sqq.

ad fidem Catholicam conversi, et victus sibi comparandi impotes non obscura fidei, et conversionis suæ edunt specimina, nonnunquam solent concedere Cæsareas panis literas Baviaræ Monasteria recipere nec debent nec possunt. (s) Cf. *L. B. de Kreittmayr Annot. in cod. civil. Bav. p. 5 c. 19 §. 23. n. 6.*

***) Materiam de primis precibus illustrant maxime, quas Würdtwein in subsidiis Diplom. P. II. refert, formulæ Diplomatum; unde preces diversis temporibus tam ambitu, quam modo, et effectu etc. fuisse *diversas* dispicimus. Verum enim verum quævis facta pro jure statim sint existimanda, alii, si liceat, judicent. Sane Imperatores ad consuetudinem ipsi provocant, hæc ergo, quum ratione et temporum, et ecclesiarum haud sibi constet, hodie quoque intuitu variarum ecclesiarum esse diversa poterit. De precibus archiepiscopalibus et episcopalibus Cf. eorundem subsidi-
orum Diplom. Tom. III., et diversa capita.

ARTICULUS VII.

De provisione beneficiorum ex jure devolutionis.

§. 551.

Siquidem vacanti beneficio ab eo, ad quem id de jure ordinario pertinet, *canonice* non fuerit provisum, ne ecclesia detrimentum ex diutina mora patiatur, jus providendi pro ea vice ad Superiorem *devolvetur*. Atque ex his jam intelligimus, quod heic *jus devolutionis* sit translatio juris providendi in Superiorem,

(s) Per Decret. Elect. de A. 1783. 28 Juli. Vid. Georg Mayer Sammlung der Churpfälzbair. Landesverord. 4 B. pag. 795.

riorem, quod pro ea vice ob negligentiam in eligendo, conferendo, vel providendo amiserunt provisores ordinarii: Unde fluunt hæc axiomata: I. Jus devolutionis rationem sufficientem habet in salute ecclesiæ vacantis: II. præsupponit tamen provisoris ordinarii negligentiam, quam pro ea vice supplet Superior: III. quoniam tamen inter Superiores ecclesiasticos subordinatio est potestatis, jus istud secundum ordinem hierarchicum et per gradus exercendum est: IV. Et quum provisio jure devolutionis facienda in locum ordinariæ provisionis succedat, iisdem, quibus ordinaria hæc ob bonum ecclesiæ adstricta est, legibus subjacet.

§. 552.

Quum jus devolutionis I. rationem sufficientem habeat in salute ecclesiæ; hæc autem lædi soleat, tum si longo tempore ecclesiæ non fuerit provisum, tum si eidem inutilis præficiatur, patulum est, juri devolutionis et 1) ob temporis lapsum *) et 2) ob indigni ad beneficium designationem **) locum esse.

*) Tempus, intra quod necessario beneficiis providendum 1) pro electione ad episcopatus, atque ad prælaturas regulares ob majus ecclesiarum pastore destitutarum periculum constringitur ad trimestre, (a) 2) pro provisione libera beneficiorum, personatum, et dignitatum minorum conceditur semestrem, (b) 3) pro præsentatione ad beneficia patronatus laici quadrimestre, constituitur cum po-

M 2

testate

(a) C. 41 de elect. c. 12 de concess. præb.

(b) C. 2 de concess. præb.

testate variandi offerendique alium : patronis vero ecclesiasticis, qui jure variandi carent, præfinitur *semestre*, uti supra (§. 460 not. et 470.) jam diximus. Quodsi duo sint patroni alter ecclesiasticus, alter laicus; hic etiam sex mensium tempus ad præsentandum habebit, frueturque etiam compatroni privilegio: ne hoc inutile evadat. (§. 513) Imo jus ecclesiæ, aut monasterio, cui facta est a laico juris patronatus collatio, sex item mensium tempus concessum est. (c). Hoc, quod a die notæ in beneficii loco vacationis computatur, (d) tempore elapso ita potestas providendi ad Superiorem devolvitur, ut postea facta provisio ordinarie, nisi eam Superior ultro acceptet, non valeat. (e) Solent tamen præsertim patroni illustres elapso tempore, antequam Superior provideat, decenter moneri. (Cf. §. 513.)
Vid. Van Espen J. Can. P. II. Tit. 21. c. 5.

**) Quodsi igitur 1) totum Capitulum scienter indignum, aut jure prohibitum eligat, 2) indignum aut impostulabilem scienter postulet, item 3) si patronus ecclesiasticus, qui variare nequit, ineptum præsentet, etc. jure devolutionis providebit Superior.

§. 553.

Quoniam tamen absque culpa nemo jure suo privandus est, II. jus devolutionis quamdam in provisorio ordinario *negligentiam*, atque adeo a) *scientiam* vacationis, b) *absentiam* *justi* impedimenti, aut c) cognitionem canonici in persona designata defectus supponit. At quum nec insuperabile impedimentum, nec ignorantia

(c) C. 27 de jure patron. c. unc. eod. tit. in 6.

(d) Cap. 3 de supplend. neglig. Prælat. c. 5 de concess. præb. et clement. unic. eod. tit.

(e) C. 4 et 5 de suppl. neglig. c. 41 de elect.

rantia vulgo supponatur, et ex ipsa vacationis notitia in loco beneficii itidem ejus cognitio in collatore regulariter præsumatur: ignoratio defectus canonici in promotio indigno, aut ignorantia vacationis, vel impedimentum; quo minus promotio fieri potuit, probari debet, ut deinceps ordinariæ provisioni locus adhuc relinquatur. (f) Quodsi Capitulares etiam plures se innocuos demonstrare nequeant; ad partem eorum innocentem pro ea vice provisio, seu electio pertinebit.

§. 554.

Item jus devolutionis III. secundum ordinem *hierarchicum* et salvo jure Superiorum immediatorum ad canonum normam exercendum. Unde 1) si collator aut patronus sui juris negligens, sit persona Episcopo inferior, jus providendi regulariter, *) ad loci illius, in quo beneficium situm est, Ordinarium, et ab hoc gradatim ad Metropolitanam, Primatem, Pontificem devolvitur, 2) beneficia autem *electiva exempta* ad Papam vel ejus delegatum, (g) *non exempta* cathedralia ad Archiepiscopum, **) *inferiora* ad Episcopum pro ea vice devolventur. Excipiuntur tamen Episcopatus Germaniæ, quorum ut confirmatio, ita et in casu negligentiae provisio ad Papam vi concordatorum pertinet. 3) Si beneficii collatio privative vel ad Episcopum, vel ad Capitulum spectet, negligentia ab uno commissa sul-

M 3

pletur

(f) Clement. unic. de concess. præb.

(g) C. 2 et 3 de supplend. neglig. Prælat. et Clem. un. eod. tit.

pletur ab altero. (h) Est porro heic singulare, a Capitulo inferiore subpleri, (forte ob intimam utriusque communionem) negligentiam Superioris Episcopi. (i) Attamen si Episcopo ex jure speciali, privilegio, delegatione etc. provisio competat, devolutio non ad Capitulum, sed ad Superiorem fit. 4) Si beneficium communiter ad Episcopum ceu Prælatum, et Capitulum simul pertineat, uno negligente, et præmonito potest provisio fieri ab altero (jure vel devolutionis intuitu Episcopi, vel jure *accrescendi* intuitu Capituli): utroque negligente illa devolvitur ad Archiepiscopum, vel Superiorem alium; (k) quod si 5) Episcopus ceu Canonicus simul cum Capitulo, ad quod beneficium pertinebat, neglexit providere, nihilominus, si modo malitiose non egerit, jure devolutionis providere (l) potest. 6) Pontifice intra tempus legitimum beneficiis sibi reservatis non providente, non jure devolutionis et quasi ad supplendam ejus negligentiam, sed jure provisionis ordinariæ, quod tum nullo posito a Papa impedimenta ligatur, collator aut patronus ordinarius providebit. (§. 539) Attamen 7) in beneficiis jure devoluto ad Pontificem spectantibus nulum Pontifici præfixum est tempus, intra quod

(h) C. 2 de concess. præb.

(i) Id hodie non servari monet ex Rebuffo, et Choppino Van Espen J. E. P. II. tit. 21 c. 5 n. 1..

(k) C. 12. de concess. præb. etc. 5 de suppl. negl.

(l) C. 15 de concess. præbend.

quod conferre debeat, aut quo elapso cesset devolutio. (m)

*) *Regulariter*, inquam, nempe nisi lex, pactum, aut aliud quid singulare obstet. Ita e. g. in Ducatu Juliacensi et Montensi patronis laicis negligentibus jus designandi et præsentandi ad Dominum territorialem devolvitur, quo intra bimestre non præsentante jus idem ad ordinarium pertinebit. *Cod. Maximil. Tom. I. pag. 29.*

**) Scilicet capitulum 12 de concess. præb. 1210. editum, quo provisio Episcopatum ad Archiepiscopum devolvi negatur, c. 41 de elect. seu recentiori in Concilio Lateran. 1215 edita constitutione corrigitur.

§. 555.

Quum demum IV. jus devolutionis in locum provisionis ordinariæ succedat, 1) beneficium non aliis, nisi quibus per provisionem ordinariam potuit conferri, atque iis duntaxat, qui dotibus a jure communi et locorum particulari requisitis ornati sunt, conferendum est; 2) quodsi quacunque ex causa provisio jure devolutionis facta non subsistat, jus providendi reddit ad ordinarios collatores, quippe qui pro una tantum vice eo jure sunt privati. (n)

§. 556.

Demum quod ad *Protestantium* in Germania ecclesias attinet, quemadmodum jurisdictio ecclesiastica in *Protestantes* Dominis territorialibus, atque Imperatori competit, (§. 85. sqq.) ita enim intuitu ecclesiarum protestan-

M 4

tium

(m) Van Espen l. c. tit. 23 c. 3 n. 10.

(n) Arg. ex. c. 41 42 de elect.

tium jus devolutionis, seu jurisdictionis ecclesiasticæ effectus ad eosdem pertinet.

*) Et quoad ecclesias quidem Protestantium immediate, immediata ad Cæsarem devolutio locum habet. (o) Neque obstat sane, quod Protestantium quidam, qui jus devolutionis dominis sui territorialibus non negant, (p) illud ipsum tamen jus tum mediatum, tum immediatum Cæsari haud permittendum putent ex eo, quod jus istud devolutionis cum juribus collegialibus ad dominos territoriales solos, non item ad Cæsarem sit translatum. (q) Etenim hac in re nequaquam ex illo recens excogitato collegiali systemate, sed potius ad mentem paciscentium, qui illud jus tempore Pacis W. jurisdictioni territoriali unacum jurisdictione ecclesiastica alligatum volebant, pronuntiandum esse nemo æquus negaverit, sæpiusque jam (§. 288 not. et §. 383 seq.) monuimus. Cf. Schrodte Institut. Jur. can. l. I tit. 10 §. 422 seqq.

ARTICULUS VIII.

De juribus et Obligationibus ex beneficio obtento ortis: de officio, residentia, dominio beneficiatorum, etc.

§. 557.

In beneficio legitime obtento institutus *jus perfectum* tam ratione spiritualium, quam
tem-

(o) Vid. Rescriptum Cæsar. de A. 1708. 30 Maji in *Fabers Staatskanzley* pag. 559.

(p) Carpzov. jurispr. Eccl. L. I tit. 15.

(q) Vid. Aug. Frid. Schott's unpart. Critik über die neue Jurist. Schriften. 13 St. pag. 207 et Godt. Dan. Hoffmann: Diss de jure devolutionis maxime in *Capitulis Evangelicorum immediatis*, sect. III.

temporalium nanciscitur, quo exui porro, nisi ob causas canonicas nequit. *) Juribus istis pro ratione beneficii variis variæ itidem obligationes respondent.

*) Beneficium, etsi primo cum titulo tantum colorato, at bona fide, et secluso simoniæ vitio aditum, per præscriptionis, seu triennalis possessionis viam acquiri est verosimillimum. (a) Id porro in Germania satis certum est vi Decreti a Concilio Basileensi Sess. XXI. facti, et a Germanis solemniter acceptati, (§. 174 not. 3. 4.) quod sic habet: » Quicumque non violentus sed coloratum » titulum habens pacifice et sine lite Prælaturam, » dignitatem, beneficium, vel officium triennio » proximo hactenus possedit, aut in futurum possidebit, non possit postea in petitorio vel possessorio a quoquam, etiam ratione juris noviter » impetrati, molestari « Idem quoad rem ipsam Regula cancellariæ de triennali beneficii possessore videtur confirmare. (Cf. supra §. 519.)

§. 558.

Quum beneficium sit jus perpetuum percipiendi fructus propter *sacrum ministerium*; (§. 446.) consequitur 1) generatim quemlibet, qui beneficium tenet, ad *officium*, seu *sacrum ministerium* esse adstrictum: et quum istud, nisi ab eo, qui in loco beneficii præsens adsit, peragi vulgo nequeat, ex ipso nexu mediæ ad finem consequens itidem est, quemque 2) ad residendum in loco beneficii sui esse *obligatum*.

*) Neque huc, ubi de opera et obligatione *personali* agitur, recte trahitur notum istud axioma: *per*

M 5

se

(a) Vid. Plac. Böcklin com. in L. Decr. Lit. III. Tit. V. n. 35 sqq.

se facere censetur, quod quis facit per alium: id siquidem in persolvendis realibus, non vero personalibus obligationibus locum habet: et alioqui fructus officium sacrum peragentibus destinatos voluere fundatores, voluit semper, vultque hodie ecclesia.

§. 559.

Heic igitur agendum nobis I. de beneficiatorum officio, et II. residentia; III. de variis, quæ residentiae, et officii functionibus respondent, *fructibus*; IV. de fructuum istorum dominio, rectoque usu.

§. 560.

Officium sacrum a beneficiato peragendum pro natura beneficii est varium scilicet 1) cura animarum, et regimen ecclesiasticum pro foro in- vel externo, aut utroque simul; aut 2) curæ pastoralis certa pars e. g. officium verbi divini prædicandi etc., aut 3) onus certas missas legendi, in divinis officiis ministrandi etc.; aut 4) obligatio horas canonicas aut persolvendi in choro; aut 5) saltem horas canonicas, a quo nemo beneficiatorum eximius est, indies privatim recitandi. (§. 447. not.)

- *) In officiis, quæ beneficia obtinentibus incumbunt, illud primo loco memorandum, quod: Provisi de beneficiis quibuscunque curam animarum habentibus teneantur a die adeptæ possessionis ad minus intra duos menses in manibus ipsius Episcopi, aut eo impedito, coram generali ejus Vicario seu Officiali orthodoxæ suæ fidei publicam facere professionem... Provisi autem de Canonicatibus et dignitatibus in ecclesiis cathedralibus non solum coram Episcopo, seu ejus Officiali, sed

» sed etiam in Capitulo idem facere teneantur :
» alioquin prædicti omnes provisi fructus non fa-
» ciant suos, nec illis possessio suffragetur. » Con-
cil. Trid. Sess. 24 c. 12 de Reform.

- **) Officia 1) *Episcoporum*, (§. 257.), *Prelatorum regularium* (§. 323.), *Parochorum*, aliorumque curam animarum habentium (§. 307 sqq.), item *Canonicorum* (§. 299 sqq.) strictim jam recensuimus. 2) Ad onus certas *missas legendi* quod attinet, *Parochi*, omnesque, queis cura animarum commissa est, jure divino pro ovibus suis, ut ait Concilium Trid. (b) *sacrificium* offerre tenentur; et quidem, ut sæpius declaratum est, (c) si tenues proventus habeant, saltem *festivis*, si vero pingues, singulis, quibus celebrant, diebus: exceptis illis missis, quas parochus ex officio suo, vel onere parochiæ adnexo pro aliis offerre debet. Verum Benedictus XIV. data ad Italiæ Episcopos constitutione (d) parochos etiam pinguioribus redditibus præditos ab obligatione singulis diebus applicandi missam, dummodo non aliter in fundatione beneficii cautum sit, absolvit, et decernit: a) Non Parochos solum, sed alios curam animarum habentes, Vicarios etiam amovibiles et temporarios, ac Regulares, etsi *congruis præfinitis redditibus destitutos*, quacunque consuetudine etiam immemoriali non obstante, teneri ad applicationem missæ pro populo dominicis aliisque per annum diebus festis de præcepto, iis etiam comprehensis, quibus populus missam audire tenetur, *licet permissum sit opera servilia exercere*: b) eosdem, si ipsi sint impediti, per alios debere satisfacere: c) posse tamen Episcopum parochis pauperibus
- in-

(b) Sess. 23 c. 1 de reform.

(c) Congreg. concil. et Innocentii XII. constit. quæ incip. *Nuper* 1697. 23 Dec.

(d) Constit. cum semper A. 1744. 19 Aug. Bullar. Tom. I. n. 103.

indulgere, ut diebus festis celebrent pro aliis, modo infra hebdomadem eas missas pro populo suppleant: d) Ceterum in quibusvis ecclesiis cathedralibus et collegiatis in dies unam missam conventualem pro benefactoribus in genere adplicandam esse, non item secundam et tertiam, nisi aliter usu sit receptum. Capellanus, cui incumbit onus missas a quotidie celebrandi per se ipsum, » si ex diuturna infirmitate excedente quindecim » dies impediatur eas celebrare, tenetur satisfacere per alium. « (e) 3) De stricta eorum, qui ad chorum, tenentur, per se ipsas psallendi obligatione jam (§. 229 not. 1) diximus. 4) De horarum canonicarum origine et modo olim usitato, eruditissime more suo agit Thomasin; (f) de obligatione easque persolvendi ratione doctores christianæ moralis passim tractant; atque utinam omnes secundum spiritum Conciliorum, et Patrum. Cetera heic notasse juvat: omnes beneficio præditos, etsi nondum in sacris constitutos, ad horas canonicas in dies persolvendas ex justitia teneri, et si eas neglexerint, ad fructus pro rata omissionis restituendos, seu causis piis adplicandos etiam ante omnem sententiam judicis obligari: a qua obligatione nemo propter eleemosynas antea datas absolvitur. (g) Porro omnes horas omittens fructus omnes ei diei respondentes, omittens matutinum, vel hoc recitato, horas negligens dimidiam fructuum partem, pro hora minori omissa partem sextam restituere obligatur. Id vero intuitu eorum, qui alia præter horas canonicas officia peragunt,

(e) Decret. Congr. Concil. in Romana celebr. miss. 4 Jun. 1689 et 17 Nov. 1695.

(f) Part. 1. L. 2 c. 71 sqq. Bingham Orig. Eccl. L. 7 c. 3 L. 13 c. 9.

(g) Concil. Later. V. Sess. 9 et constit. Pii V. *Ex proximo* 1571. Item Proposit. damn. ab Alex. VII. n. 26 et 33.

gunt, solum de fructibus recitationi horarum respondentibus, non de omnibus intelligendum videtur.

§. 561.

Officium beneficio adnexum beneficiatus quis explere jure naturali obligatur. Sane jure naturali tenetur quisque præstare id, ad quod pacto expresso aut tacito se obligavit; idque eo magis, siquidem sub conditione illud præstandi commoda percipit non modica. Porro quis nescit fundatores, quorum mentem ecclesia mutare nec voluit, nec nisi ex causis certissimis, et gravissimis potuit, redditus beneficiorum nonnisi sub conditione explendi officii, et hoc reapse peragentibus adsignasse; quorum proin percipiendorum jus nemo nanciscitur, quin se ad officium præstandum pacto seu promisso expresso vel tacito saltem obliget; quod ut exsolvatur, jus naturæ jubet. Liqueat itaque propositum.

§. 562.

Porro Episcoporum curatorumque cuilibet, ut ne vaga confusaque redderetur jurisdictio; et ut certo gregi adhærentes eidem curatius invigilarent, certus adsignatus est grex; aliis item beneficiatis certus, ubi officio suo defungi debeant, locus est determinatus. Igitur quum officia beneficio adnexa plerumque expleri nisi a Clericis in loco beneficii *residentibus* nequeant; indubium est, beneficiorum possessorum eodem, quo ad officia tenentur, (§. 558.) jure obstrictos quoque esse ad *residentiam*. *Residentia* nomine heic intelligitur assidua

sidua seu moraliter continua in loco beneficii commemoratio, servitii, seu officii personaliter præstandi causa. *) Erat sane hac in re primævæ ecclesiæ summus rigor. Nam 1) Clerici, qui vulgo omnes nonnisi ad certæ ecclesiæ servitium ordinabantur, ita suis titulis seu ecclesiis veluti cardinibus erant adfixi, ac quas *incardinati*, ut nemini eorum absque proprii Episcopi venia et literis commendatitiis ab ecclesia sua abesse licuerit. (h) 2) Episcopus ipse sine Metropolitani venia nec ad aulam etiam potuit (i) proficisci, nec unquam ultra trimestre ibidem morari. Imo 3) Episcoporum quivis a collegis per diœcesim suam iter facientibus causas itineris sciscitari tenebatur, ut sciret, num salvis eorum conductibus, literis formatis, posset subscribere (k). Episcopis quippe absque Metropolitæ facultate scripto data, seu *literis formatis*, ut vocant, diœcesi sua egredi regulariter erat vetitum. (l)

*) *Residentia* sensu latiori sumta, seu continuata in muniis ecclesiasticis occupatio, hæc assiduitas continetur in ipsa officii pastoralis natura, *jurisque absoluti* est. Atque hanc residentię speciem etiam Apostoli orbem terrarum peragrando servarunt.

Localis

(h) C. 16 Concil. Nicæn. I. c. 30 Concil. Antioch. c. 20 Concil. Chalced. Cf. Thomassin P. II. l. 3 c. 30 sqq. Cf. can. 36 dist. 5 de consecr. c. 2 dist. 70.

(i) Concil. Antioch. c. 11.

(k) Concil. Sardicens. c. 9—12.

(l) Can. 28 Concil. Carthag. II. S. Gregor. M. L. 7. *Epist.* 8 Bingham origines Eccl. L. 2 c. 16. 5. 19.

Localis vera residentia juris est hypothetici, quatenus pastori cuivis certus ad sacra curanda grex, locusque peragrandi S. officii est adsignatus. Cf. Schrodt Instit. J. c. L. III. tit. 4 §. 65 et Rupprecht Not. in J. C. Lib. erud. n. 1 sqq.

§. 563.

Non tenuit tamen sequentibus usque seculis eadem residendi disciplina; neque deerant *caussæ*, *) tum quæ reapse absentiam excusabant, tum quæ deinceps largiori sensu acceptæ, et in abusum versæ arctiori in hac re disciplinæ a seculo VIII. præsertim relaxandæ ansam præbuere.

*) Tales maxime erant 1) legationes, 2) iter ad Concilia generalia, vel particularia, 3) evocatio ad regni comitia, ad aulam, vel commoratio in ea ob negotia ecclesiæ: 4) iter Romanum, et Hierosolymitanum: deinceps 5) expeditiones cruciatæ etc. 6) commoratio in *academiis* docendi vel discendi gratia, 7) profectio ad *curiam* Rom. litium aut obtinendi beneficii *caussa*: 8) pluralitas beneficiorum. Cf. Thomassin de v. et nov. discip. P. 2 L. 3 c. 3 sqq. Rupprecht in Not. ad jus can. L. 3 tit. 4 n. 10.

§. 564.

Invalescenti in residendo negligentiae et effrenatae quorundam in hac re licentiae semper Concilia tum generalia, tum particularia constitutis in reos poenis sese obposuere: variaque etiam circa tempus causasque absentiae a beneficio edidere decreta; (m) quæ a Concilio Trid. sunt innovata, et præsentibus ecclesiæ rationibus

(m) Cf. Rupprecht Not. hist. in J. C. I. 3 tit. 4 n. 7. 8. 11. Schrodt Instit. J. c. L. III. tit. 4 §. 70 sqq.

nibus adtemperata. (n) Capitula ipsa varias, quæ Canonicos ad residendum allicerent adigerentque, rationes viasque sæpe prorsus singulares *) inierunt.

*) Ita alicubi a) fructibus annuis diminutis distributiones quotidianæ, seu fructus in choro præsentibus destinati, admodum augebantur: b) residentia certo anni tempore alligata: imo c) portio canonicalis ulpam per quosdam constitutos viros certis, quos canonici ignorabant, diebus adfixa: aut saltem d) horæ residentiales, item festa suspendentia invecta, quibus, qui ab ecclesia abessent, a residentia commodis, a Turno, a capi-endo fors-vacaturo capitulari loco forent pro illo anno exclusi. Vid. Neller Lucubr. de varietate Resident. canonic. §. 28. Thesaur. J. E, tom. 6 pag. 277.

§. 565.

Unde observanda axiomata: I. Residentia exigitur ratione officii personaliter præstandi; II. est stricte præcepta. III. Indoli tamen beneficii accommodata; IV. et tum fini suo (§. 562) congruere, tum sublimiori, et communi ecclesiæ bono subordinata esse debet: generatim V. hac in re, ni speciale quid obstat, servandæ sunt tridentinæ leges, et VI. poenarum sanctiones.

§. 566.

Quum residentia I. officii personaliter explendi causa exigatur, patet 1) residendi obligationi non fieri satis per residentiam mere localem, et otiosam; (o) 2) neque satis facere eos,

(n) Sess. VI. c. 1 Sess. XXIII. c. 1 Sess. XXIV c. 12 de reform.

(o) C. 4 de Cler. non resid.

eos, qui per vicarios constitutos (horum usus impeditis solum suffragatur, sed non excusat negligentes) officium peragi sinunt: 3) residentiam, quum plerisque vulgo beneficiis vel animarum cura, vel obligatio officii publice aut certo loco peragendi adnectatur, in omnibus passim beneficiis requiri, atque adeo 4) residentiam perpetuam *) *regulæ*, temporariam *exceptionis*, quæ in legitima absentiae causa, aut speciali instituto fundatur, vim obtinere.

*) Residentia perpetua in antiquis monumentis *ligia* nonnunquam dicitur; et in re feudali *ligius*, si-
ve *legius* idem ac *residens* denotabat, uti *videre est apud Du Fresne Glossar. voce: Residens Cf. Neller lucubrat. de varietate præbend. canonica. §. 25 Thesaur. J. Eccl. tom. 17 pag. 276. item pag. 279 ibid.*

§. 567.

Est vero *residentia* II. beneficia possidentibus vulgo omnibus *strictè*, et verius ipso *jure naturali præcepta*. Enimvero officium beneficio adnexum implere omnes beneficium habentes *strictè*, et *jure naturali* obligantur: (§. 561.) Officium porro sine residentia vulgo expleri nequit: (§. 562, et præc.) obligati ad unum ex eodem *jure* obligantur ad alterum, necessario cum illo *connexum*. Quare quemadmodum ad fungendum officio, ita et ad residendum beneficiatos vulgo omnes *jure naturali* esse obligatos consequitur.

*) Atque inde colliges 1) canones residentiam præcipientes aut urgentes *legem naturalem solum* declarare
Tom. II. N rare

rare, inculcare; 2) iis, quantum jure naturali fundantur, nec per consuetudinem posse derogari; 3) nec in iis dispensari, sed solum declarari, tales adesse determinaciones, in quibus jus naturale ad residendum non obligat.

§. 568.

Residendi tamen obligatio III. *indoli* beneficii est *adcommodata*: scilicet 1) officium beneficio adnexum rite et personaliter adimplendum jam strictiorem, jam minus strictam praesentiam requirit: unde residendi modus in diversis beneficiis non idem est. 2) Quoniam ex non residentia in beneficiis simplicibus tanta animarum, aut ecclesiarum damna, quae intuitu beneficiorum curatrum solent, haud eveniunt, et officium facilius ab aliis etiam expleri potest: minus graves rationes in simplicibus, quam in curatis beneficiis a residendo excusare possunt: contra 3) in curatis, quae ex natura sua, et non solum ex pacto accidentaliter residentiam exigunt, causae non nisi gravissimae * a residendo absolvunt.

*) Qui se ob quamcunque dispensationem coram Deo excusatos opinantur, illud, quod supra de beneficiorum pluralitate (§. 451 not. 2) diximus, cum animo suo reputent.

§. 569.

Quum IV. residentia cum *fine* suo consentire, et *altiori* ecclesiae bono subordinata esse debeat: colligimus, causas quasdam a residendo excusare posse. Excusant autem 1) christiana charitas; 2) urgens necessitas; 3) debita obedientia, ac 4) evidens ecclesiae, vel 5) reipublicae

blicæ utilitas, (p) modo rectus in collisione officiorum servetur ordo, illudque ceteris præferatur, ex quo *maius* bonum consequitur, quodque strictius obligat. Unde *generalis regula* hæc erit: *quotiescunque, et quamdiu eæ adsunt determinationes, ut residentia non nisi cum omissione strictioris officii. aut neglectu maioris boni, cui procurando alius præstare non est, posset servari, toties, et tamdiu quis a residendo excusatur.*

*) Quum residentia *finis* sit *maius proprii gregis, et ecclesiae bonum*; hoc ipso 1) residentia tunc, quando *maiori huic bono obstat*, urgeri nequit. Dein 2) quamvis fundatores generatim voluerint, velique ecclesia a beneficiatis ipsis præsentibus officium peragi; (§. 561) ea tamen illorum mens esse non potuit, ut id etiam fieret tum, quum *gravior publicæ causa* absentiam beneficiati postulat, si modo per alium rite interim ejus expleretur officium. 3) Ne tamen amor proprius momentum causæ fingat, aut iniquitas mentiatur sibi, Concil. Trid. causas legitimæ absentia Episcoporum a Papa, aut Metropolitano, vel eo absente a *comprovinciali suffraganeo Episcopo antiquiore residente*, qui idem absentiam Metropolitanus probare debeat, in scriptis adprobandas decernit; nisi quum absentia inciderit propter aliquod munus et reipublicæ officium episcopatibus adjunctum, cujus causæ sint notoriæ. Idem de inferioribus quoque curatis, uti statim dicemus, Tridentina Synodus (q) constituit.

**) Cæterum inter eas, quibus Canonici a residendo excusantur, causas præcipuæ censentur a) obsequium, et auxilium Episcopo præstandum, et b)

N 2

com-

(p) Concil. Trident. Sess. XXIII. c. 1.

(q) Trident. Sess. XXIII. c. 1. de reform.

commoratio in scholis publicis. Conceditur nempe 1) Episcopo, ut duos sibi *Canonicos a latere* dictos adjungat, quorum consilio operaque in suæ ecclesiæ regimine utatur, qui idcirco eo, quo Episcopo qua tali serviunt, tempore pro *residentibus* habentur. (r) Dein 2) qui cum venia Episcopi aut Capituli in scholis publicis Theologiæ jurivæ ecclesiastico navant operam, a residendo excusantur. Item tum S. Scripturam docentes, tum scholares privilegiis de perceptione fructuum in jure communi concessis frui queant. (s) Attamen hæc aliæque causæ vulgo solum ad annuos seu grossos fructus percipiendos, non item ad distributiones quotidianas capiendas sufficiunt. *Van Espen J. Eccl. univ. L. I. Tit. VII. c. 10. Barthel annot. in Engel J. Can. L. 3 tit. 4 et Pl. Backhn. l. eod. n. 44.*

§. 570.

Denique V. ad *Concil. Trid.* circa residentiam *leges*, quod attinet, S. synodus decernit, 1) intuitu *Episcoporum*, absentię spatium, »sin-
»gulis annis sive continuum sive interruptum
»extra prædictas (§. præc.) causas nullo pacto
»debere duos aut ad summum tres menses ex-
»cedere, et haberi rationem, ut id æqua ex
»caussa fiat, et absque ullo gregis detrimento;
»eosdem interim admonet et in domino hor-
»tatur S. synodus, ne dominicis adventus,
»quadagesimæ, Nativitatis, Resurrectionis
»Domini, Pentecostes, item et Corporis Christi
»diebus, quibus refici maxime et in Domino
»gaudere pastoris præsentia oves debeant,
»ab ecclesia sua cathedrali absint, nisi episco-
»palia

(r) C. 7 et 15 de Clericis non residentib.
(s) *Trident. Sess. V. c. 1 de reform.*

» palia munia in sua diocesi eos alio vocent.«

2) *Parochi* et curati causa prius per Episcopum cognita et probata *) discedendi licentiam in scriptis gratisque concedendam ultra bimestre tempus, nisi ex gravi causa non obtineant; constituto interim vicario idoneo per ipsum Ordinarium adprobando (t). 3) *Canonicis* et omnibus » obtinentibus in ecclesiis cathedra- » libus aut collegiatis dignitates, canonicatus, » præbendas, aut portiones, non liceat vigore » cujuslibet statuti, aut consuetudinis ultra » tres menses ab iisdem ecclesiis quolibet anno » abesse: salvis nihilominus earum ecclesiarum » constitutionibus, quæ longius servitii tem- » pus requirunt.« (u) **)

*) Ut Parochus aliquot solum, constituto tamen vicario, diebus abesse possit, justa causa et consensus Vicarii foranei seu Decani sufficit vi consuetudinis, quæ tamen ubique eadem non est. In repentina absentiae longioris necessitate Episcopus, a quo antea discedendi venia peti non potuit, de absentiae causa certior est reddendus, utque redeundi tempus determinet, rogandus.

**) Tempus, ultra quod abesse haud liceat, non eo consilio determinavit Tridentinum, ut hoc saltem tempore abesse sine omni etiam causa liceat: nam verius, ut notat Fagnanus, heic Synodus nil permisit, sed solum prohibuit, ne saltem longiori tempore impunis abesse quis possit. Certe hoc decreto spiritum antiquorum canonum sublatum haud voluit. Qui se igitur petita etiam et ob- tenta ea causis obviis dispensatione, aut quavis consuetudine seu potius abusu, immo aliis levis-

(t) Sess. XXIII. c. 1 de reform.

(u) Trident. Sess. XXIV. c. 12 de reform.

simis obtentibus a lege Tridentini excusatos habent, ipsi viderint. (Cf. §. 451 not. 2)

**) Vidimus tamen in Germania Præbendas quasdam esse a residendo plane *liberas*, quæ propterea *Sreypråbånde* dicuntur; quales sunt alicubi Præbendæ *Præpositorum*, eoquod olim bonis ecclesiasticis administrandis præessent; dein b) Præbendæ *Professorum* actu in Academia docentium: item c) Præbendæ *Jubilæorum* et *Jubilariorum*, qui e. g. per quadraginta vel plures pro ecclesiarum more annos in frequentando choro solertes, deinceps tanquam emeriti declarantur. Porro in quibusdam ecclesiis præbendas liberas potest conferre Episcopus; quæ res inde videtur orta, quod Episcopus ex Canonicis adsumere poterat quosdam, qui ei in regimine perpetuo adessent, atque ita tanquam in maiorem ecclesiæ utilitatem occupati a residendo excusarentur. Unde nisi hi omnes, exceptis forte emeritis, revera in ecclesiæ bonum sint occupati, quo quidem justo titulo pinguibus beneficii proventibus possint perfrui, haud adparet. Profecto ex Canonistis etiam maxime liberales consuetudinem, qua Canonici ab omni residentia, nempe sine justissima causa eximerentur, rationabilem esse posse negant, quippe quæ fundatorum et ecclesiæ menti, immo et juri naturali non possit non esse contraria. *De Præb. liberis* vid. D. Ant. Schmidt diss. de Varietate Præb. in eccl. Germ. c. 4 §. 3. Thesaur. J. Eccl. Tom. III. pag. 243 sqq.

§. 571.

VI. Pœnales sanctiones, quæ Tridentina synodus residendi legem violantes coercet, sunt hujusmodi: Residendi legem (§. præc.) transgressi 1) *Episcopi* præter reatum peccati mortalis pro rata temporis absentiae fructus facere suos nequeant, et fabricæ ecclesiæ aut pauperibus

bus loci adplicare tenebuntur ; deinceps si moniti se non emendent, Pontifici denuntientur : 2) *Parochi*, et curati eidem poenæ cum Episcopis subiaceant, et per eam non emendati per censuras, subtractionem fructuum, aliaque juris remedia etiam usque ad privationem ad residendum compellantur ; (x) 3) *Canonicorum* unusquisque primo anno privetur dimidia parte fructuum, quos ratione etiam præbendæ ac residentię fecit suos : iterato negligens privetur omnibus fructibus, quos eodem anno lucratus est, crescente vero contumacia contra eos juxta SS. canonum constitutiones procedatur. (y)

*) Porro 1) hi contra non residentes procedendi gradus a Tridentino præscripti sub nullitatis vitio servandi, nec potest ad privationem beneficii ante *personalem*, aut saltem, si, ubi moretur, nesciatur, ante *edictalem*, beneficiati citationem procedi. 2) Quum poena actionem iniquam, seu actionis præceptæ omissionem præcessisse ponat, is vero, qui legitimis justisque ex causis non residet, inique non faciat ; eo ipso nec poena amittendorum fructuum mulctari potest. 3) Quoniam tamen jus percipiendi fructus in officii beneficio adnexi præstatione fundatur, justis ex causis absentes, ut fructus percipere possint, fictione juris pro præsentibus, et officium præstantibus quandoque haberi solent. Inde residentiam in *veram* et *fictam* (z) dividunt. 4) Stilus curiæ residentiam quoque aliam vocat *præcisam* ; quæ sub ip-

N 4

sus

(x) Sess. VI. c. 1 et Sess. XXIII. c. 1.

(y) Trid. Sess. 24 c. 12 de reform. Cf. c. final. de Cler. non resid. et c. 32 de Præb.

(z) Vid. c. unic. de Clericis non residentib. in 6.

sius beneficii amissione aliam *caussativam*, quæ sub fructuum solum admittendorum poena præcipitur. Item residentiam prout ad normam Tridentini, aut statutorum particularium servatur, *Tridentinam*, dicunt, aut *statutariam*, eritque vel *simplex* vel *captiosa* seu ad summum rigorem, et ad scrupulum certis conditionibus adstricta : qua non expleta in quibusdam Capitulis Canonici juniores, si *Domicellares* sint, a sede Capituli, si *Capitulares*, a jure dandi suffragii præcluduntur. Strictissime plerumque *servari* solet, idcirco *stricta* dicta, anni primi (*claustralem* vocant) residentia. Ceterum uspiam licet alioqui satis relaxata residendi disciplina, residentiam strictiorem saltem exigi certis diebus, quos *criticos*, festis, quæ *suspendentia*, horis canonicis, quas *residentiales* vocant, supra (Cf. §. 229 et 564) jam diximus.

§. 572.

Residentia, et officii clericalis functionibus varii respondent *fructus* et *bona*. Porro 1) antiquitas nulla alia agnovit clericorum bona, quam a) *patrimonialia*, vel quasi *patrimonialia*, quæ hæreditate, aut alio profano titulo nullo ad clericatum vel ad ecclesiam habito respectu veluti *cives* possidebant, aut acquirebant: et b) *clericalia*, quæ intuitu ecclesiæ, aut functionum ecclesiasticarum, quomodocunque *qua clerici* receperunt. (a) Hodie 2) Bona clericorum, qua talium, dividunt in bona a) *beneficialia* proprie dicta, vel b) *clericalia* in specie, seu *industrialia*, ut vocant, prout ex beneficio, aut aliunde ratione functionum

(a) Cf. Thomassin de v. et nov. discip. Part. III. L. 3 c. 4 sqq.

tionum clericalium percipiuntur. Ad *beneficialia* decimæ, redditus ex beneficii fundis, item fructus annui, seu grossi pertinent: ad *industrialia* referunt, quæ ex functionibus spiritualibus, missarum stipendiis, concionibus, sacramentorum administratione, seu ex juribus stolæ acquiruntur. Quorsum etiam quidam distributiones quotidianas revocant, quas alii beneficialibus accensent. Utraque tum *beneficialia*, tum *clericalia* insuper, prout ad honestam beneficiati, sive clerici sustentationem vel necessaria sunt, vel superfluunt, a) *necessaria*, vel b) *superflua* vocantur: item, quæ ex necessariis parcius, quam liceret, vivendo clericus detrahit, c) *parsimonialia* appellantur.

*) *Clericalia* in specie dicta, itemque *parsimonialia* plures hodie quasi *patrimonialibus* accensent; item aliam beneficialium, aliam industrialium esse indolem adstruunt. Atvero opinionem hanc novitiam jure rejiciunt alii. Neque enim illa, quæ ex functionibus sacris acquiruntur, bona mercedis proprie rationem habent: neque sola clericalia in specie dicta, sed et beneficialia in numero industrialium reponenda sunt: quum beneficium seu jus percipiendi fructus utique ob præstitum maxime officium detur.

§. 573.

Ceterum fructuum alii, maxime intuitu Canonorum vocantur 1) *fructus grossi*, annui, residentiae per annum debiti, fructus præbendæ, alii 2) *distributiones* quotidianæ (præsentiae, victualia, manualia, consolationes,

fercula) seu portiones pecuniæ, vini, vel frumenti etc. ultra annuam præbendam iis, qui officiis divinis præsentibus adsunt, distribui solitæ, et tum ad negligentiam puniendam, tum ad acuendam in frequentandis divinis officiis Canonorum industriam *) inventæ, quas idcirco etiam Tridentinum probavit, et augeri voluit. (b) De utrisque hæc notanda axiomata: I. *Fructus grossi*, annui non solum vere, sed et fide præsentibus, seu iis, qui iustis et probatis ex causis absentes sunt, vulgo conceduntur. (§. 569 not. 2.) II. *Distributiones quotidianæ* contra iis solum, qui reapse divinis officiis intersunt, debentur: et regulariter ad eas lucrandas nec iusta absentiae causa sufficit, nisi juris dispositio, aut statutum legitimum ecclesiæ hunc effectum eidem tribuerit. **) III. Jus reprobatur omnem consuetudinem (c) distributiones quotidianas concedentem aliis, quam iis, qui vel actu divinis officiis intersunt, vel quos saltem a) infirmitas seu b) iusta corporalis necessitas, aut c) evidens ecclesiæ utilitas a divinis officiis frequentandis reapse impedit, et excusat. ***)

*) Etsi Concilium Trident. distributiones quotidianas ex adducta causa probavit, per hoc certe mercenariam intentionem, si Canonici earundem lucrandarum causa imprimis ad divina accederent, probare nec voluit, nec potuit. Hinc distributiones istæ vel absque symoniæ aut saltem mercenarii affectus labe pro primario frequentandi divini officii motivo haberi nequeunt. *Vid. in rem*

(b) *Sess. 21 c. 3 et Sess. XXII. c. 3 de reform.*

(c) *C. unic. de Clericis non resid. in 6.*

rem præsentem inprimis Van Espen Jur. Eccl. univers. P. I. Tit. VII. c. 8.

**) Ita etiam legitime absentes e. g. qui 1) studiorum causa in Academia morantur, (d) item 2) *Canonici a latere* Episcopo inservientes: (e) aut 3) qui pro instruendo electionis negotio ad apostolicam sedem accedit: (f) etsi in utilitatem ecclesiæ absint, *distributiones* tamen *quotidianas* non lucrantur, nisi forte redditus præbendæ omnes constarent solis distributionibus; quo casu duas distributionum partes possent consequi. Contra nil obstat, quominus ii etiam, qui fructibus grossis nondum gaudent, e. g. Domicellares, *distributiones* quotidianas, siquidem divinis intersint, percipere queant. Cæterum Tridentinum Concilium decernit, 1) ut, nisi aliud specialis ecclesiæ consuetudo ferat, Canonicus adnexam Canonicatui suo curam animarum exercens, tanquam præsens esset, ac divinis interesset, habeatur: (g) ut 2) Pœnitentiarius cathedralis, dum confessiones in ecclesia audiet, interim præsens in choro censeatur. (h) Item *distributiones* lucrantur 3) Canonici, qui Episcopo pontificaliter celebranti inserviunt; 4) Canonicus deputatus ab Episcopo ad audiendas confessiones loco Pœnitentarii: 5) absentes occasione exercitiorum spiritualium peragendorum in æde aliqua Regularium extra tempus tamen quadragesimæ, adventus et festorum solemnium: 6) Canonicus *Theologus* ea die, qua legit. (i) Demum 7) Canonicus, modo in civitate præsens, ab iis horis

(d) C. 32 de Præbend.

(e) C. 7 de Clericis non residentib. in 6.

(f) C. 30 de Electione in 6.

(g) Trid. sess. 22. c. 3 de ref.

(h) Ibid. Sess. XXIV, c. 8 de ref.

(i) Vid. Decret. Congr. Concil. relat. a Benedicto XIV. Inst. 107.

horis, quas sanus adire consuevit, per infirmitatem, aut rationabilem corporis necessitatem impeditus, distributiones in plerisque ecclesiis lucratur. Cf. *Van Espen J. Eccl. univ. P. I. Tit. VII. c. 11.*

***) Igitur Canonicus, qui choro præsens non fuit, nec ex causis dictis distributiones exigendi jure potitur, has, etsi eas capiat, nullo modo facit suas, easque sine omni alia declaratione restituere tenetur. (k) Imo nec 2) illæ eidem condonari; aut remitti a præsentibus possunt. (l) Hinc 3) distributiones, si portiones absentium, si generatim omnibus præsentibus portio inter eos dividenda sit adsignata, cedunt præsentibus; si cuilibet præsenti sit definita portio adscripta, absentium portiones fabricæ ecclesiæ, alterive loco pio arbitrio Ordinarii adplicandi sunt, aut, si illæ ex massa communi pro distributionibus destinata desumuntur, in hac massa remaneant, Cf. *Cl. Böckhn Lib. III. tit. 4 n. 56 sqq. Van Espen J. Eccl. univ. P. I. Tit. VII. c. 11.*

§. 574.

Quum fructus dentur ob officium; etiam defuncto, qui servitia præstitit, fructus officio peracto respondentes denegandi non sunt, ad animæ ejus solatium aut decedentis mentem pie impendendi. Inde ortum est *deserviti*, seu quo Canonicus sua officia præstitit, *anni nomen*, *) a quo probe distinguendus *annus gratiæ*, **) in quibusdam Germaniæ Capitulis obtinens, seu tempus, quo etiam post obitum fructus anni proximi hæredibus defuncti aut massæ ab eo relictæ cedunt.

*) *An-*

(k) C unic. de Clericis non resid. in 6 Trid. Sess. XXII. c. 3 de reform.

(l) Trident. Sess. XXIV. c. 12 de reform.

*) *Anni deserviti* nomine heic intelligunt (m) commo promerita, quatenus dies eorum cessit, et beneficiato pro rata officii præstiti, vel ad normam statuti jus perfectum in ea quæsitum est. Igitur 1) fructus quicunque anni *deserviti* pro rata temporis, et præstiti officii sunt solvendi: et quidem si secundum ecclesiæ illius morem integra anni residentia impleta est, integri: quodsi autem 2) currente anno obiit beneficiatus, tum, ubi nihil per statuta specialia determinatum est, æquitas suadet, ut fructus pro *rata temporis* inter defuncti hæredes et ejus successorem dividantur; (n) nisi forte ob *annum gratiæ* fructus a tempore obitus defuncti massæ ejus hæreditariæ cedant. 3) *Dies* ita dicti *critici*, seu terminus, a quo annus residentiae destinatus inchoatur, et quo revolutus finitur, per statuta Capitulorum determinantur. Germanicarum ecclesiarum hæc in re consuetudines recenset. *Cl. Dürr in Diss. de Annis Gratiæ Canonorum ecclesiar. cathedr. et collegiat. in Germ. §. 3. Thesaur. Jur. Eccl. Tom. VI. pag. 178 sqq.*

**) Si *annus gratiæ* in ecclesiis quibusdam invectus sit quasi in compensationem anni *carentiæ*, vicius capitularis Canonicus, etsi officia divina frequentet, primo anno fructibus cavere debet; tum quidem annus gratiæ vim *anni deserviti* habere videtur. (o) Vulgo tamen 1) *annus gratiæ* nititur mera gratia, et singulari ecclesiarum statuto, atque 1) eo imprimis videtur sine esse *introducitur*, ut Canonici forte obæratæ sua debita expungere, aut quidquam in animæ suæ subsidium disponere queant,

(m) *Cl. Dürr Diss. de Annis Gratiæ Canonic. in Germ. §. 2. Thesaur. J. Eccl. Tom VI pag. 173.*

(n) *Boelmer Diss. de Anno deservito seu salario promerito, c. 1 § 9 vid. Dürr loc. cit.*

(o) *Vid. Cl. Dürr cit. Diss. §. 9. Contradicit Anton Schmidt Instit. J. Eccl. Tom. II. c. 1 §. 44.*

queant, regulariter 3) initium a die obitus ducit et eodem die post elapsum annum recurrente finitur, 4) nec conceditur nisi Canonico, qui superstes fructus potuisset percipere. Attamen 5) etiam ei, qui in favorem, vel in manus Ordinarii resignavit, aut ordinem religiosum est professus; indulgens videtur. 6) Annus gratiæ verosimilius distributiones quotidianas, quippe quæ actu præsentibus solum debentur, non comprehendit: num ad alia, quæ e. g. ex *Archidiaconatibus*, *Obedientiis*, *Oblegiisve* proveniunt, item, utrum ad usum fructuum *Curia*, ut vocant, *canonicalis*, et *claustralis* se extendat, pluraque alia, ex statutis particularibus dijudicandum est. *Lectû dignissima in rem præsentem est Diss. Cl. Durr. mox citata.*

§. 575.

Superest de *domino rectoque bonorum beneficialium* clericaliumque usu vexatissima, et multis de nomine litibus involuta quæstio; queis ne implicemur, aut præter propositum longiores simus: siquis *dominium* Clericis etiam in bona *superflua* tribuere velit, id pace agat nostra. Atvero hoc quaecunque *dominium* conjunctum esse cum onere quaecunque bona intuitu ecclesiæ requisita, quæ ad congruam sustentationem non impenduntur, alias in causas pias etiam *ex justitia* *) impendendi, id est, quod adfirmandum snadet tum 1) *officii clericalis* ex ipsa Christi institutione *ratio*, 2) *tum fundatorum mens*, et 3) *ecclesiæ constans sententia*.

*) Esse obligationem hæc bona ad pias causas applicandi, facile omnes concedunt; num vero illa obligatio ex virtute religionis, aut ex charitate, aut præcepto ecclesiastico, aut ex justitia descendat, a se dissentiunt. Equidem vanum putant aliqui

aliqui, unde illud gravis obligationis vinculum proveniat, inquirere: quam in rem notum illud Cardinalis Bellarmini dictum proferunt: »Parum refert, utrum Prælati damnetur ad inferos, quia peccavit contra justitiam, an, quia peccavit contra charitatem non bene distribuendo facultates suas.« At vero, quum peccatum, quod contra justitiam, non item illud, quod contra charitatem, religionemve admissum est, ad restitutionem obliget; sæpius interest, scire, undenam illa promanet obligatio. Pauperibus profecto non periinde est, num bona ecclesiastica penes ditissimos clericorum nepotes remaneant, an ad miseriam ipsorum sublevandam debeant impendi. Porro ex justitia descendere eam obligationem graves persuadent rationes. Cf. in primis Cæsarii Mar. Squarin Ord. Serv. B V. tractat. beneficior. quæ. IV extat ad finem edit. Venet. Ludov. Thomass. de n. et v. disciplina. Rupprecht Not. in J. Can. L. III. tit. 25.

§. 576.

Enimvero officium clericale ex natura sua, et Christi institutione mercenarium, et lucratorium esse repugnat, et ad solam congruam sustentationem ministro jus præbet. Nam 1) Christus gratis præstari sacrum ministerium voluit, suisque ministris præter cibum, seu decentem sustentationem addixit nihil; (p) 2) Apostolus quoque iisdem solum concedit de Evangelio et altari vivere, (q) ita tamen, ut qui bene præsunt, duplici honore, seu largiori sustentandæ vitæ subsidio digni habeantur: (r) Dein 3) per se utique nefas est, mercede

(p) Matth. X. 8. Luc. X. 7.

(q) 1. Cor. IX.

(r) 1. Tim. V. 17.

cede proprie sumta Evangelii, aut altaris labores æstimare, aut quasi vendere velle. Quo ergo titulo plenum absolutumque in alia, quæ ad decentem sustentationem non pertinent, bona dominium sibi arrogabunt Clerici? Quo titulo bona superflua ad usus plerumque sibi placitos expendendi jus sibi absque injustitia tribuent, *invitis* præsertim, qui hæc bona contulere, *fundatoribus*?

§. 577.

Fundatorum certe, et quorumque fidelium bona sua Deo in ecclesiæ ministrorumque ejus usum conferentium mens alia non erat, quam opus pium, Deo gratum, et merito plenum facere. Atque hanc eorum mentem tum res ipsa, tum, quotquot ad nos pervenere, fundationum, et donationum formulæ contestatam reddunt, in quibus se sua in *Dei honorem*, in animæ suæ remedium, in cultus divini augmentum, in pauperum eleemosynam, in *Ministrorum*, et servorum Dei *alimoniam* donare constanter profitentur. (s) Igitur ea solum *conditione*, eo *fine*, bona saepe abundantia donarunt, ut, quæ ex redditibus congruæ sustentationi superessent, in pias alias causas impenderentur. Quis etenim pium putet, bona sua donare in mere profanos usus, ad cumulandos divitiis clericorum hæredes etc.?

(s) Cf. Behlen Diss. de causis secularisat. illegit. et legit. §. 12 sqq. Thesaur. Jur. Eccl. Tom. VI. 89 sqq. et P. Guss. Vindic. Jur. Eccl. Tom. I. sect. 2 c. 1 §. 2.

etc.? Jam vero eum, cui quid sub certa conditione et modo est datum, ad eam conditionem implendam ex pacto saltem tacito, et iustitia obligari nemo ambigit. (t) Quodsi quandoque conceptis verbis mentem suam non declararunt pii fundatores, certe sua secundum ecclesiae morem pie expendenda donarunt. Jam vero ea bona in alios quam pios usus impendi severe semper vetuit ecclesia; quae Episcopus aut clericos nunquam ceu absolutos dominos, sed solum tanquam pios, fidelesque horum bonorum dispensatores (u) *) declaravit.

*) Constantem hunc ecclesiae sensum ex Conciliis, ex SS. Patribus, ex legibus civilibus aliisque monumentis per omnia ad nos secula demonstrat Francis. Carol. Mainone in *Lucubr. Sensus Ecclesiae de juribus, et offic. clericor. intuitu bonorum eccl. August. Vind. 1789.*

S. 578.

Atque hanc suam sententiam, ac piam hanc fundatorum intentionem ecclesia tantum abest, ut unquam immutarit, ut potius semper integram servari et bona illa in pias, ad quas destinatae sunt, causas impendi jusserit, et institerit. (x) Neque vero nisi ex certissimis, gravissimisque rationibus aliud statuere ecclesia

(t) Leg. 1. 2. 3. Cod. de Donat, quae sub modo etc.

(u) Vid. c. 1. et 4. caus. XII. q. 5. Item c. 3. caus. XVI. q. 2 c. 1, 2. 3. 9. de Pecul. Clericorum, Thomassin. P. 3 L. 2 c. 46.

(x) Cf. Carol. Mainone Diss. cit.

sia poterat. Aut quandonam, ubi, queis ex rationibus hac in re quidpiam mutavit? Equidem ecclesia bona ecclesiastica jam Episcopi unius arbitrio in causas pias impendenda reliquit, jam in partes quatuor dividi voluit, jam eorum massam quasi commixtam clericorum manibus consignavit: (§. 448.) *) neque tamen horum bonorum ideo naturam mutavit, sed negotium illa bona in causas pias impendendi prius uni commissum, jam pluribus, jam tot clericis, quot sunt beneficiati, concedidit; et Canonici singuli subire cœperunt vicem ipsius ecclesiæ vel collegii ecclesiastici, quod, donec in commune vivebatur, residua tenebatur pie, et religiose applicare, **) Quemadmodum ergo ecclesia hæc bona a fundatoribus sub *conditione*, ut piis causis impenderentur, atque adeo sub obligatione *justitiæ* accepit, ita eodem onere gravata ad beneficiatos transmisit. ***) Clericos itaque, queis hæc bona sive fideles ipsi, seu ecclesia *hac sub conditione* tradidit, ad bona superflua in pias causas expendenda *ex justitia* esse obligatos, rite inferimus.

- * 1) Ereetis beneficiorum titulis bona ecclesiastica alia quidem cathedralibus ecclesiis reservata, alia parochiis adnexa sunt: 2) Neque tamen vulgo sua Ministris, sua fabricæ, sua pauperibus adtributa bona: sed omnia in hos usus prudenter administranda expendendaque relinquebantur Parochis. 3) Quodsi vero reapse hæc bona partitus fors esset Episcopus; partem tamen *immodicam* fuisse Parocho adsignatam deinceps adpareret: profecto hæc partitio, utpote fundatorum menti contraria, jus liberi domini in id, quod superfluum esset,

Cap. II. De Clericor. sustentatione et benefic. ecol. 217

esset, haud tribueret Parocho. Nam hoc casu rec-e creditur, quod, quum vulgo definiri haud facile posset, quid Parocho ad sustentationem sufficeret, Parochis relicta sit pinguior portio eo pacto, ut superflua in dictos usus cen fidelis administrator impenderet. Dein uti Episcopus non potuit bona ecclesiastica in causas profanas ipsius impendere, ita nec per eam divisionem potuit jus simile quid faciendi tribuere beneficiato. Nam 4) *partes divisæ* servant naturam totius, quod divisum est; unde si totum ex obligatione iustitiæ impendi ad pias causas debuit, et partes debebunt. 5) Certe eodem modo Canones, et SS. Patres facta divisione bonorum, de hisce bonis, ut ante, loquuntur. (y) Etiam facta jam divisione bona clericorum omnia præter patrimonialia ecclesiæ relinqui jubentur; (z) in causas profana impendi prohibentur, et aliter impensa pauperibus, et ecclesiæ per *furtum* subrepta dicuntur. (a)

***) Partes pauperum et ecclesiæ esse clericorum bonis commixtas, colligimus ex eo, quod sæpe perpingues clericorum redditus sint certe ad eorum sustentationem superflui; contra de parte, de bonis fundisque pauperum, immo ecclesiarum raro quidpiam exstet: aut quorsum horum partes devenire tandem?

***) Neque proficiunt 1) qui dicunt ecclesiam aut fideles tantum ex *motivo religionis, charitatis, aut pietatis* voluisse, ut superflua cederent pauperibus; unde nec beneficiatos nisi ex charitate aut pietate obligari: nam exemplum esto, te Petro donare summam pecuniæ fundumve, et simul pietate, mi-

O 2

seri-

(y) Cf. Rupprecht Not. in J. Can. L. 3. Tit. 26. n. 6. 7.

(z) Ibid. Tit. 26 n. 4. 5. item Thomassin P. 3. L. 2 c. 38 sqq.

(a) Thomassin ibid. et Trid. sess. 25 c. 1 de reform.

212 *Sect. I. De Personis et Beneficiis ecclesiasticis.*

sericordia, aut religione motum adjuccere *conditionem*, ut fratribus tuis, pauperibus, ecclesie quotannis certam ex ea ejusve proventibus partem tribuat: quis nihilominus ad hanc implendam conditionem Petrum ex *justitia* teneri ausit inficiari? a) Neque etiam Concilium Tridentinum, (b) quum dicit residentem in beneficii loco fructus facere *suos*, absolutum fructuum dominium beneficiato addicit. Beneficiati enim eo duntaxat sensu fructus faciunt *suos*, quod iis ad suam sustentationem libere uti possint, qui, si non residerent, ex patrimonialibus deberent vivere. Absolutum autem fructuum horum dominium manifeste rejicit idem Concilium, (c) dum clericis expresse graviterque vetat ex iis bonis, quæ *res Dei* sunt, consanguineos ditare. Demum 3) etsi quis clericos honorum ecclesiasticorum *dominos* dixerit, haud tamen sequitur, eos ab obligatione justitiæ exsolvi; quemadmodum sane nec hæres, quanquam totius hæreditatis sit dominus, a justitiæ obligatione legata hæreditati imposita aut defuncti debita solvendi immunis est...

§. 579.

Atque ex his jam *colligimus* 1) Clericos jure naturali hypothetico ad superflua in pias causas expendenda obligari, *) 2) proin neque inter vivos neque mortis causa de his bonis ad causas mere profanas posse juste disponere, **) atque si disposuerint, 3) virtute justitiæ ex aliis, si quæ habeant, vel siquæ parcius vivendo sibi subtrahere possunt, bonis ad restitutionem teneri: 4) eandem restitutionis obligationem incumbere etiam illis, ad quos bona

(b) *Trid. Sess. XX. c. 12 de reform.*

(c) *Trident. Sess. XXV. c. 1 de reform.*

na illa male devenerunt. 5) Huic obligationi utpote juris naturalis nec per consuetudinem contrariam posse derogari; 6) bona beneficia caute quidem, et prudenter, ne fundatoribus, pauperibus et ecclesiae injuria fiat; neque tamen nimis sordide, parce, et avare esse administranda, et expendenda, ne honori status clericalis avaritiae inuratur macula: sed pro gradu, statu, dignitate, laboribus clerici decor, honestas, liberalitas, hospitalitas etc. serventur: (d) quae omnia prudenti judicio secundum probatum piorum ejus conditionis hominum morem, et ad regulam a Tridentino (e) traditam aestimanda sunt: consequitur postremo 7) non solos beneficiis praeditos, sed quoscunque bona ecclesiastica habentes; atque adeo Regulares quoque eadem lege, immo hos paupertatem professos arctius obstringi, Hinc isti, inquit vir cordatus, (f) minus excusandi sunt, si magnificis palatiis, musicorum choris, famulorum frequentia luxum et pompam seclarium imitantur. Profecto non hos in usus bona saepe satis ampla adsignarunt fundatores, sed ea tacita conditione et fiducia, ut, quod ex congruente Regularium sustentatione superesset, in pios ac maxime pauperum usus expenderetur. Id profecto ex ipsis foundationum literis plerumque satis eluceat.

(d) Vid. Plac. Böckhn Comm. in J. can. l. 3 tit. 25 n. 14 et Engel cod. tit. n. 9 sqq.

(e) Trident Sess. XXV. c. 1.

(f) Barthel Annot. in P. Engel J. Can. l. 3 tit. 25.

*) Quum bona ecclesiastica vulgo in commodum certarum ecclesiarum et communitarum donata sint, itidemque redditus beneficiales sæpe ex decimis parochianorum proveniant; oportet sane, ut clericus de superfluis disponendo inprimis ei, cui servit, ecclesiæ ejusdemque loci pauperibus superflua impendat. Decet item, ut ne hoc officium præsertim in pauperes usque ad mortem differat Nam, siquidem bonis abundans clericus vel modicum ipse causis piis pauperibusve impendat, vel illud tempus, ubi etiam invitus universa relinquere debet, exspectet, et boni exempli, et majoris meriti, et suorum erga se amoris ac confidentiæ jacturam facit, imo avaritiæ etiam, vitii clericis maxime detestandi, notam sibi inurit.

**) Ceterum 1) testari de bonis ecclesiæ etiam ad causas pias olim generatim clericis erat prohibitum, (g) subin ad solas causas pias concessum, atque merito id quidem; nam quod vir præclarus advertit, (h) si a) per actus inter vivos bona beneficalia dispensare clericis integrum sit, ecurr idem per actus mortis causa, ut quibus actibus jus utrumque magis favet, quique a clericis, dum mortem ob oculos habent, consideratius religiosiusque fieri recte sperantur, non sit integrum? Dein b) hæc testandi libertas corruptelam *spoliorum* (§. 172.) tollit: c) intestabilitas contra œconomiz studium intercludit, d) clerique respectum minuit, e) tenuioris conditionis parentes,

(g) Thomassin P. 3 L. 2 c. 38 sqq. Rupprecht in Not. ad J. C. L. 3 tit. 26. Vid. Ant. Dürr Diss. de Manufidelibus in specie Ecclesiasticorum etc. c. 2 §. 2 sqq. Thesau. J. Eccl. Tom. VI. p. 33g sqq.

(h) Cl. Neller Diss. de Cleric. sæculacium testamenti factione activa §. 19 Thesau. J. Eccl. Tom. VI. p. 417 Cf. Dürr cit. Diss. c. 2. §. 6. Thesau. J. Eccl. I. c. pag. 346 sqq.

tes, ne filios suos ad statum clericalem promoveant, proclive est, ut absterreat. At vero hodie

2) clericorum testamenta fere quaecunque in foro externo tolerari solent ob odium litium, eoquod bona intuitu ecclesiae et aliunde comparata discernere saepe impossibile; et etiam, num facta dispositio causae pie rationem habeat, vel non habeat haud raro dubium sit. Etenim; ut idem observat, (i) non quodvis, quod ad causas profanas factum videtur, testamentum statim certoque profanum censi potest; quum saepe occultas familiarum necessitates pernoscant clerici, aut aliunde debita fors solvat. 3) Quodsi vero reapse testamenta ad causas profanas ex bonis ecclesiae fiant, ea quidem, etsi in foro externo tolerentur, pro foro interno esse illicita, invalidaque ex dictis abunde patet. Quam in rem idem vir eruditissimus ait: » effrenata libertas testandi ex bonis per

» ecclesiam acquisitis ad quoscunque usus etiam
» vere, ac coram Deo, et mundo profanos, pro
» ditandis consanguineis, est prorsus irrationabilis,
» animabus clericorum sic forte testantium, atque
» hæredum periculosa, contra propositum clericalis
» vitae, contra gratitudinem, contra invariata indolem bonorum ecclesiasticorum, ministris ecclesiae præbitorum; nec habet usque modo pro se
» consuetudinem etiam facti dumtaxat cum suis
» requisitis. » In fine addit: » qui hactenus dictis
» contrarii volunt esse, ab his postulo, ut super
» tot animarum periculo non disputent mecum
» superficialiter nec contentiose, sed cum profunda
» indagine, et timore Domini etc.: quo plus autem
» legent adversarii mei » (non in quolibetcumque libris Canonistarum, seu etiam Moralistarum recentioribus: sed in Canonibus, SS. Patribus, zelosus Episcopis et authoribus,) » ut me confutent, eo magis vincet eos veritas, ne posthac

416 *Sect. I. De Personis et Beneficiis ecclesiasticis.*

» sua doctrina carnalibus desideriis adulatorie de-
serviant, « (k) Testamenta Episcoporum de bo-
nis intuitu Ecclesiæ acquisitis sine venia Pontificis,
vel ubi statuta singularia id poscunt, sine assen-
su Capituli cathedralis haud valent. Ceterum
observantiam circa testamenta Episcoporum Ger-
maniæ vid. in v. Sartori geistl. und weltl. Staats-
recht der deutschen Stifter. I B. 2 Th. 20. Kap.
§. 589. De executione testamenti clericali vi-
denda Nelleri cit. Diss. de Manufidelibus c. 3.
Thesaur. J. E. Tom. VI. pag. 348 sqq.

***) In Bavaria quæ circa testamenta et bona cle-
ricorum decedentium obtineant, discimus ex *Con-*
cordatis Bavaricæ generalibus (l) et specialibus :
(m) inprimis autem ex normali quodam speciali,
(n) quod his fere constat punctis : a) Post obi-
tum beneficiati cumulative a Commissariis elec-
torali et episcopali obsignatur, b) reseratur, c)
in ædificiis reparanda æstimantur (Waufällschätzung)
d) testamentum publicatur, e) eoque agnito in-
ventarium executori executionis gratia traditur,
f) ratiocinia cum verificationibus cedunt Com-
missariis, quæ ab his una cum Originali protocolli,
ut vocant, et expensario, duplicatis actorum epis-
copali Commissario petenti datis ad Consilium
ecclesiasticum electorale ad ratificandum mittun-
tur : g) nullo executore constituto inventarium a
Commissariis conficitur, ceterisque cum actorum
tabulis

(k) Ita Neller Diss. de Cleric. secul. testamenti
factione n. 20. 23. Thesaur. J. E. Tom. VI.
pag. 418 et 441. Cf. Diss. ejusdem de testamenti
fact. Episcoporum ibid. pag. 38a sqq.

(l) Concord. gener. A. 1783. n. 6.

(m) Vid. Kreittmayr Annot. in Cod. Bav. civ. P.
3 c. 1 §. 17. n. 8. sqq. §. 18 n. 16. sqq. Cf.
Ordinat. Consilii Elect. Eccl. A. 1779 n. 17 et
A. 1783 n. 6.

(n) Decret. elector. 1784. 2 Decembr.

tabulis eodem transmittitur, et secuta inde sententia seu resolutione, ut ajunt, hæreditas deductis deducendis hæredi traditur: h) re ad subhastationem, si communi Commissariorum consilio impediri nequierit, deveniente cumulativa tractatio cessat, et a iudicibus ordinariis salva appellatione de valore testamenti aliisque litibus deceditur: i) de portionè canonica et confirmatione supra (§. 255 not. 3) dictum. . Atque hæc norma intuitu omnium Diœcesium, nisi ubi specialia pacta obstiterint, erit servanda. Judicatio de litigioso clericorum testamento in *instantia prima* ad Commissarios utrosque cumulative, in *secunda instantia* ad iudicium delegatum mixtum, nempe Consiliarium electoralem et episcopalem, in *instantia tertia* ad Revisorium electorale remota omni ulteriori provocatione pertinere constituitur.

ARTICULUS IX.

De renuntiatione, et resignatione beneficiorum.

§. 580.

Quemadmodum Clericus beneficio rite obtento invitus nisi ex caussis canonicis privari non potest; (§. 557.) ita et sine legitimis caussis atque citra Superioris consensum eodem se abdicare nequit. Unde *resignatio beneficii* est voluntaria ex caussis sufficientibus facta, et a Superiore admissa beneficii abdicatio, *) Est porro *resignatio* alia 1) *expressa*, quæ fit scripto vel verbis expressis, alia *tacita*, quam actus quidam beneficiati, sive ex natura sua, sive ex juris dispositione inducit, e. g. professio religiosa, contractum matrimonium, al-

terius beneficii incompatibilis pacifica possessio, revocatio donationis, quam beneficiatus ecclesiæ suæ fecerat, (a) transitus ad aliam Religionem in Germania vi reservati ecclesiastici. (§ 182 not. 1 n. 6) Rursum resignatio 2) expressa vel *pura*, et simplex est, vel *conditio-nata*, e. g. permutationis causa, in favorem tertii, cum reservatione pensionis; aut reservatione *accessus*, *ingressus*, *regressus*, id est, si quis beneficio vel solum *oblato*, vel jam *colato*, vel jam *possesso* renuntiat ea conditione, ut suo tempore ad illud *accedere*, ad istud *ingredi*, ad hoc *regredi* possit. **)

*) Notandum, quod olim resignatio, et renuntiatio pro synonymis habebantur: ex stylo curiæ romanæ hodierno *resignatio* conditionatam et in favorem factam, et *renuntiatio* puram beneficii dimissionem denotat. Nos iis vocibus promiscue utemur. Cf. Van Espen Jur. Eccl. univ. P. II. tit. 27 c. 1 sqq.

**) De resignationibus heic quædam generatim notasse juvat: 1) resignationes quæcunque ob arctum clericorum cum ecclesia sua nexum olim perraro et ægerrime admittæ: (b) 2) Episcoporum inprimis resignationes difficilius, nec nisi gravitate causæ in synodo provinciali rite examinata indultæ: (c) inprimis sæpe eam ob rem ad romanam sedem recursum: demumque 3) omnes Episcoporum resignationes paulatim uni Rom. Pontifici ceu causæ majores sunt reservatæ. (d) 4) Resignationes beneficiorum minorum equi-

(a) C. 3 de Renuntiat.

(b) Vid. Schloer Diss. de Reservat. benefic. ex qualitate vacationis per resignat. §. 1 sqq.

(c) Can. 17. et 18. Concil. Antioch.

(d) Vid. Thomassin de V. et N. disc. P. II. L. 3 c. 57.

equidem a sec. XI. frequentius, haud levibus tamen ex causis permittebantur: (e) deinceps vero multiplicatis beneficiis clericisque multo facilius concessæ: 5) cupiebant quidem admittendarum resignationum facilitatem modis variis arctare Romani Pontifices, sibi que reservare; (f) sed haud ubique eorum receptæ constitutiones: quocirca 6) hodieque in Germania resignationes absolutas et permutationis causa factas Episcopi pro arbitrio recipiunt. (g) 7) Resignationes in favorem certæ personæ factas ignoravit antiquitas, nec in Gratiani decreto ullum eorum extat vestigium; imo plures eas sec. XVI, summum seculo XV invectas credunt: (h) alii contra jam in Gregorii IX. decretalibus (i) earum quædam vestigia inveniri, et a Joanne XXII., qui ab A. 1310 usque ad A. 1328 sedit, eas passim admittendi morem initium habuisse autumant: (k) tandem omnes in favorem factæ resignationes ad Pontificem sensim devolutæ, sæpiusque contradicentibus Germanis admissæ.

§. 581.

Porro de *resignatione* hæc tenenda *axiomata*:

- I. resignatio ultro sponteque, II. ex justa et suf-

(e) Schlotz L. c. §. 3. Rupprecht Not. h. in J. C. L. II. tit. 9 n. 3 Cf. c. 10 de Renunt.

(f) Pii V. Constitut. *Officium creditæ* 1567. et Constitut. *quanta ecclesia* 1568. Vid. apud Neller Diss. de statu resignat. in favorem §. 15 sqq. Thesaur. J. E. Tom. VI. pag. 292 sqq.

(g) Neller loc. cit. §. 21 sqq. et Schloer cit. Diss. §. 6.

(h) Cf. Van Espen J. E. un. P. 2 tit. 27 c. 1. Rupprecht in Not. ad J. can. L. 1 tit. 9. n. 5. pag. 124.

(i) C. 12 de offic. et potest. Judic. delegat. 4.

(k) Neller cit. Diss. §. 5 Thesaur. J. E. tom. VI pag. 283.

sufficiente causa salvoque jure tertii, et III. cum auctoritate Superioris fieri debet: IV. legitime admissa illud, quod inter resignantem, et ecclesiam intercesserat, vinculum solvit.

§. 582.

Quoniam I. resignatio *sponte ultroque* fieri debet, intelligimus, quod 1. resignatio distinguatur a *privatione* beneficii, quæ fit *invito* clerico; 2) quod vi metuque injusto aut fraude, resignationi causam dante, extorta invalida sit; (l) 3) quod non possit fieri a rationis impote aut impubere sine auctoritate tutoris; (m) 4) cur fieri nequeat nisi a beneficiato ipso, aut per procuratorem speciali mandato instructum; (n) 5) cur a Novitio ob professionis libertatem, fieri nisi duobus ante professionem, per quam primum effectum sortitur, mensibus prohibeatur. (o)

§. 583.

Quandoquidem II. resignatio *justis et sufficientibus ex causis* salvoque jure tertii fieri debet, perspicuum est, 1) quod pro beneficii et adjunctorum ratione causa nunc *gravior* quidem, nunc minus gravis sufficere queat; quod 2) beneficia quæcunque nonnisi præmissa causæ cognitione, et aliis, quorum interest, prius auditis; quod 3) *litigiosa* non nisi in favorem de

(l) C. 2. 4 de his, quæ vi metusve causa fiunt.

(m) C. 5 de Renunt. c. 2 de ætat. et qual. ordinand.

(n) Clem. unic. de Renunt.

(o) Trident. Sess. XXV, c. 16 de reform.

de eo litigantis; (p) quod nec 4) *Patronata* saltem conditionate aut in favorem sine consensu Patroni, nec 5) *Electiva* aut *unita* ecclesiæ sine consensu Capituli et ecclesiæ; nec 6) ea, ad quorum titulum quis est ordinatus, nisi facta expressa hujus tituli mentione; (q) nec demum resignari queant 7) beneficia ab iis, qui jam in sacris ordinibus positi sunt, et alio honestæ sustentationis remedio destituuntur; ne scilicet cum status clericalis dedecore res illis ad manticam redeat.

*) *Causa resignandi* generatim est utilitas vel necessitas ecclesiæ; speciales Episcopatum resignandi causæ in jure (r) recensentur a) debilitas magna corporis, b) defectus scientiæ, c) crimen grave, d) irregularitas non facile dispensari solita, e) obstinatum gregis odium, f) grave scandalum, et quidquid officii episcopalis executionem magnopere impedire potest. Cetera beneficia ex causis quidem minus gravibus, non tamen ex levibus, et quasi nullis resignari queunt. Constit. Pii V. 58. *Quanta ecclesia* etc.; quæ tamen non quoad omnia in Germania recepta. Vid. Neller *Diss. de statu resignationum in favorem* §. 15. *Thesaur. J. E. tom. 6 pag. 292.*

§. 584.

Quum resignationes beneficiorum III. cum legitima Superioris auctoritate fieri debeant, colligitur, 1) quod eæ negato Superioris consensu invalidæ sint; 2) quod ante admissionem Superioris resignatio perfecta non sit, nec beneficii vacationem inducat, et resignans possit

(p) C. 2. ut lite pendent, in 6.

(q) Trid. Sess. XXI. c. 2.

(r) C. 10 de renuntiatis.

sit pœnitere; 3) quod faciendæ sint in manus Superioris, ad quem conferendi, confirmandi, instituendive spectat potestas; proinde 4) de jure hodierno sicut confirmationes, ita et renuntiationes Episcoporum et Prælatorum sedi romanæ proxime subjectorum Pontifici sint reservatæ; quod 5) resignationes beneficiorum inferiorum et mediatorum omnes jure ordinario ab Episcopis, jure speciali ab aliis Prælatiis, vel Collegiis ecclesiasticis admitti possint; exceptis solum iis, quæ speciatim prohibentur, aut Pontifici reservantur. *)

*) Porro 1) resignationes tum absolutas, tum permutationis causa factas a) Episcopi, b) Capitulum sede vacante, c) Prælati plenissime cum clero et populo exempti, et alii d) speciatim privilegiati admittere possunt (§. 522) At 2) Concil. Tridentinum, ne *accessus*, aut *regressus* ad quodcunque beneficium etiam cum consensu concedatur, prohibuit, (s) qua lege itidem resignationes *in favorem* tacite vetitas, indeque effectum esse quidam credidere, ut resignationes in favorem jam antequam Pius V. (t) eas coram Episcopis fieri vetuerat, per usum ipsum Pontifici reservatæ haberentur. Ceterum 3) reservationis hujus causas varii varias adsignant, e. g. a) quod de gravitate causæ judicare debeat Papa, b) quod symoniæ quædam species, c) designatio successoris, aut quasi hæreditaria successio graviter per se prohibita, d) læsio ordinariæ potestatis in resignationibus his occurrant: quod e) hæc resignatio in favorem fiat contra naturam veræ resignationis, ut quæ per actum legitimum et absolutum,

(s) Trident. Sess. XXV. c. 7.

(t) *Constit. Quanta ecclesia* etc. A. 1568.

lutum, atque saltem expressa sub conditione, qualis heic occurrit, (u) fieri haud possit.

**) Equidem stylo curiæ romanæ hodierno non amplius dicuntur, aut inscribuntur resignationes in favorem, sed *resignationes simplices*, aut *resignationes cum provisione*. At enim eo ipso, quod in eadem supplicationis ad Papam pagina resignatio unius præeat, sequaturque supplicatio alterius, abunde exprimitur *conditionata* supplicantis voluntas. (x) Imo Galli Germanique adhuc in Instrumento Notariali resignationis clausulam: *nec aliter, nec alias, nec alio modo*, exprimunt. Verum has resignationes cœ Concordatis contrarias plerique hodie Germani rejiciunt. (§. 532. not. 2) Alii autem eas resignationes *in favorem* vel cum adhibitione illius cautelæ, seu styli curiæ romanæ, vel simpliciter a Germaniæ Episcopis admitti posse docent. (y)

***) Resignationes 1) cum conditione et reservatione pensionis seu certæ portionis ex redditibus beneficii admitti quidem ab Episcopo possunt; 2) factæ autem cum pacto pensionem cassandi per anticipandas solutiones annullantur; 3) cassationesque, ac abolitiones pensionum per anticipatas solutiones obtentæ intra sex menses a capta possessione beneficii irritantur; insuper tam resignans, quam resignatarius ipso facto, et absque alia declaratione privantur beneficio, et declarantur inhabiles ad alia assequenda per constitutionem Bened.

(u) Vid. Neller cit. Diss. de statu resignationum ad favorem etc. §. 7. — 14. Thesaur. J. Eccl. Tom. VI. pag. 286 sqq.

(x) Ibid §. 3 not. pag. 281. Van Espen J. E. P. M. Tit. 27 c. 1 n 7 sqq.

(y) Carl Frid. Dieterich systema elem. jurispr. cath. priv. sect. 4. c. 3 tit. 8. §. 714. pag. 381. Rederich Elem. Jur. can. P. 2 §. 54 pag. 51.

Bened. XIV. *In sublimi* 1741. 29 Aug. et Constitut. *Ecclesiastica* 1746. 15 Junii.

§. 585.

Quum resignatio III. a Superiore admissa *) et rite publicata **) illud, quod inter *resignantem et ecclesiam* intercesserat, *vinculum solvat*: intelligimus, cur 1) post admissam legitime resignationem ecclesia illa vacet, aliique confèrri possit: cur 2) resignans omne, quod ad beneficium ejusve fructus habuit, jus amit-
tat, nec 3) nisi vi novæ provisionis, (2) aut in integrum restitutionis regredi in beneficium possit.

*) Attamen 1) resignatio in favorem et ad conditionem restricta tum solum, si resignatario detur beneficium, vel conditio acceptetur, (a) *ex parte resignantis* sortitur effectum: Item ut 2) resignatio infirmi in favorem tertii *resignatario* prosit, et per obitum vacare censeatur, resignans dies viginti completos resignationi superstes sit oportet. (b) Quodsi autem 3) mors intra dies viginti resignationem a sano factam sequatur, beneficium haud per obitum, sed per resignationem vacare a plerisque creditur. (c)

**) Nempe 1) » resignationes extra curiam rom. factæ etiam ex causa permutationis admitti, vel rejici debent intra mensem; et sic provisi tenentur » eas *publicare* et beneficii possessionem capere *intra tres menses* a die factæ provisionis sub poena
» vaca-

(2) C. 2 et 3 de Renunt.

(a) Clement. unic. de rer. permut.

(b) Per Regulam Cancell. XIX. de viginti.

(c) Vid. Schrödt Inst. J. can. L. 1. tit. 9 §. 393.
C. Frid. Dieterich system. Elem. J. priv. §. 718
Van Espen J. E. un. P. II. tit. 27. c. 5. n. 6.
seqq.

» vacationis ipso facto promotionis, et beneficii.
» 2) Provisi autem per resignationes et permutationes factas in manibus Papæ tenentur sub eadem poena ad dictam publicationem et possessionem intra sex menses citra montes, in (Italia) » ultra, intra novem a data concessionis gratia, » non a die præstiti consensus numerandos. » (d) Porro 3) hæc publicatio in loco beneficii fieri jubetur ad præcavendas fraudes eorum, qui, ut regulam de viginti eluderent, sani quidem sua beneficia resignabant in favorem tertii, attamen resignationis acta usque ad mortem occultabant. 4) Hæc publicatio inprimis quoad resignationes in manus Ordinariorum factas haud ubique, nec etiam in Germania recepta dicitur. Item regulariter satis publicata censetur resignatio, quando palam innotescit, aut quum resignatarius publice in beneficii possessionem missus est, omnibusque beneficii redditibus fruitur. (e)

ARTICULUS .X.

De Innovatione Beneficiorum, de diminutione, dismembratione, unione, divisione eorundem.

§. 586.

Quidquid statum primævum beneficiorum, seu officia, jura, redditus eorum immutat, generatim *Innovatio beneficiorum* dicitur. Quum vero beneficium a) per se sit *jus perpetuum*,
(§. 449.)

(d) Constitut. Pii V. *Sanctissimus* et c. Gregorii XIII. *Humano* etc. Benedicti XIV. *Ecclesiastica*.

(e) Schrodtt Inst. J. can. L. I. tit. 9 §. 396. Van Espen l. c. 6 n. 6 sqq.

Tom. II.

P

(§. 449) b) ad fundatoris justam voluntatem a potestate ecclesiastica, et quidem in sustentationem eorum, qui officio sacro perfunguntur, constitutum: quum c) *integrum*, et sine *diminutione* conferri jubeatur, nec reservari de ejus fructibus quidquam possit: (a) apparet, 1) omnem *innovationem* vulgo odiosam, et juri communi contrariam esse, nec 2) nisi a) ex justa urgenteque causa, b) per legitimi Superioris auctoritatem, c) salvo jure tertii, et d) cum consensu eorum, quorum speciatim interest, faciendam esse.

§. 587.

Contingit porro *Innovatio* imprimis I. per *Diminutionem*, seu novi oneris impositionem, et II. *Dismembrationem*, III. per *Unionem*, IV. *Divisionem*, V. *Suppressionem*, VI. *Extinctionem*, et VII. *Alterationem*, de quibus jam breviter exponendum.

§. 588.

Innovatio beneficiorum fit I. per *diminutionem*: 1) *diminui* autem dicitur beneficium, quando eidem, aut beneficiato nova onera imponuntur. *) 2) *Onera* hæc prout vel in obsequio personali, aut in parte quadam fructuum, vel pecuniæ summa præstanda continentur, a) *personalia*, aut b) *realia*, et pro ratione durationis c) *temporaria* audiunt, vel d)

(a) C. unic. ut beneficia eccl. sine diminut. conferantur, et c. 9 de Offic. Ordinarii in 6. Trident. Sess. XXIV. c. 25 de reform.

d) *perpetua*. Ad *onera* realia maxime *census* ***) et *pensiones* ***) pertinent.

*) *Onus* imponi dicitur *beneficiato*, quod cum ejus vita cessat, *beneficio*, quod ad successores perpetuo transmittitur.

**) 1) *Census* nomine generatim quæcunque, annua præstatio denotatur; heic autem *census* est portio quædam fructuum, aut pecuniæ summa ex proventibus ecclesiasticis in signum subjectionis, concessæ exemptionis, aut alterius juris solvenda. (b) Porro 2) *Census* adpellatur *antiquus*, qui in ipsa foundatione beneficii, *novus*, qui deinceps imponitur. 3) Species quædam *census* antiqui habetur *cathedraticum*, (§ 255.) 4) Ad *censum* novum refertur a quibusdam a) *subsidium charitativum*, (§. 255.) et *pensio*; attamen quum illud inter extraordinarias exactiones, hæc vero strictius sumpta nec in subjectionis, nec alterius juris signum solvatur; rectius forsitan utrumque a *censu* proprie dicto distinguitur. Ceterum

***) 1) *Pensio* heic est portio quædam ex proventibus ecclesiasticis, aut ex beneficio auctoritate Superioris justis ex causis detracta, et clerico vel alteri adsignata: 2) triplex enim pensionis genus distingui solet: a) *laica* appellatur, quæ ob temporale obsequium cuicunque clerico, aut laico, b) *clericalis*, quæ propter spirituale obsequium clerico, c) *mixta* demum, quæ vulgo per modum eleemosynæ ad clericum sustentandum constituitur. 3) Pensiones ob necessitatem clerici, simulque in bonum pacis constitutas jam novit probavitque antiqua ecclesia. Jam in Concilio Chalcedonensi (c) tria pensionum exempla occurrunt, et alia in S. Gregorii M. et Pelagii

P 2

R.

(b) C. 8 de Privileg. c. 10 eod. tit. in 6.

(c) Concil. Chalced. Act. 10. 12. 14. Vid. Van Espen J. E. n. P. II. tit. 28 c. 1 n. 6 sqq.

R. P. literis (d) memorantur: atque ita deinceps ab Episcopis plures pensiones constitutæ sunt. At a sec. XII. ingentes circa pensiones incrementu abusus. Earum quippe sub obtentu proventus ecclesiastici beneficiatis subtracti, aliisque non indigentibus, sæpe etiam hominibus nec tunc nec ante ecclesiæ servientibus, imo profanis etiam sine discrimine, sine modo addicti, aut ab Episcopis sibi ipsis reservati sunt. (e) Quod malum tempore schismatis avenionensis, dum Cardinales ex beneficiis plurimis resignatis pensiones sibi reservabant, multo latius grassabatur. Unde 4) frequenter de abrogandis temperandisque pensionibus agitata sunt consilia: (f) et Tridentinum, saltem ecclesias *cathedrales*, quarum redditus summam ducentorum mille, et *parochiales*, quæ summam ducentorum centum secundum verum annum valorem non excederent, pensionibus gravari vetuit. (g) Ceterum 5) pensiones, præsertim quæ non indigentibus cedant, non modo juri communi repugnare, sed summæ odiosas et animarum salutis sæpius periculosas esse vel inde patet, quod per eas contra naturam bonorum ecclesiasticorum et fundatorum mentem a) ministris ecclesiæ portio ipsis adsignata eripitur, b) proventus ecclesiæ hominibus ecclesiæ non servientibus cedant, c) fabrica ecclesiæ, et pauperes defraudentur, d) clericis pauperibus aditus ad beneficia præcludatur, et e) nonnunquam symoniæ locus aperiri videatur. Quam in rem multa
lectu

(d) L. 1 Epist. 43 L. II. Epist. 7. Joan Diac. in vita S. Greg. L. 3 c. 16 L. 4 c. 39. Vid. item Can. 30 caus. XVIII. q. 2.

(e) Vid. Thomassin P. III. L. 7 c. 31. Fleury Institut. J. E. P. II. c. 25 §. 2.

(f) Vid. Van Espen J. E. un. P. II. tit. 28 c. 1. II. 1 sqq.

(g) Sess. XXIV. c. 13 de Reform.

lectu dignissima adfert *Van Espen J. E. Univ. P. II. tit. 28 c. 3 et tractat. de Simonia et Pensionibus.*

§. 589.

Quum omnis innovatio beneficiorum ex gravibus duntaxat caussis, et per auctoritatem Superioris legitimi, atque cum consensu eorum, quorum interest, fieri possit; (§. 586.) id quoque in impositione oneris, aut *census novi* (antiquus ad innovationem haud spectat) *) et *pensionis* servandum esse nemo non intelligit. Porro I. *Onera spiritualia* ob necessitatem, et, ni specialis ratio obstet, ob ecclesiae utilitatem imponi ab Episcopo possunt, quum per illa cultus divini numinis augeatur, et fundatoris intentio non solum non frustretur, sed et excellentius promoveatur. II. *Censum* 1) *novum et perpetuum*, item *pensionem perpetuam* solus Pontifex (h) imponit, nisi pacta specialia obstant, uti in Germania, ubi nequit beneficiis etiam in mense papali vacantibus pensiones imponere *perpetuas*, seu quæ ad successorem beneficii, dum in mense ordinarii collatoris vacat, essent transituræ: (§. 537.) 2) *novum et temporaneum censum pensionemque personalem* **) Episcopus potest constitutere; censum autem perpetuum, seu annuam pensionem sibi solvendam exigere in recognitionem prioris subjectionis, vel datæ gratiæ ex iis solum ecclesiis Episcopus potest, quas forte a jurisdictione sua ipse eximit, aut Re-

P 3

gula-

(h) C. 2 de Præb. in 6. et Bulla Pauli IV.

230 Sect. 1. De Personis et Beneficiis ecclesiasticis.

gularibus redens concedit. (i) Ceterum III. census, et pensio imprimis perpetua nunquam, nisi ecclesiae necessitate aut evidente utilitate id exigente, et iis, quorum interest, auditis, exquisitoque Patronorum, aliorumque secundum locorum observantiam consensu imponi beneficiis possunt. Pensiones *temporariae* vulgo quidem vel a) ob bonum *pacis*, si beneficium sit litigiosum, vel b) *caussa resignationis*, aut c) *permutationis*, ne permutantes nimium patiantur dispendium, solent imponi. Hæ ipsæ tamen causæ, nisi forte de clerico egeno, et bene merito sustentandò agatur, raro sufficiunt, nec pensionarios, quamvis eæ pensiones a Superioribus tolerentur, et ob præcavenda majora mala concedantur, coram Deo tutos reddunt. (k) Quocirca quivis intelligit, 1) in petendis et in concedendis pensionibus multa cautione (l) opus esse; 2) jureque reprobari pensiones omnes, quæ a) ad *captandum* beneficium (m) aut b) ob *dimissionem* beneficii: (n) quæ c) per *collusionem*, (o) aut d) in proprium constituentis lucrum, (p) vel denique e) ad palliandam bene-

(i) C. 7 et 21 de Censibus c. 6 de religios. domib. c. 9 de his, quæ a Prælato fiunt.

(k) Pluribus id probat Van Espen J. E. univ. P. II. tit. 28 c. 3.

(l) Vid. Van Espen ibid. c. 4.

(m) C. 6 de Præbend.

(n) C. 6 de Cleric. non resident. et c. 35 de elect.

(o) C. 3 de Collos. detegenda.

(p) C. 13 de Censib.

beneficiorum pluralitatem, aut ad eos, qui aliunde, unde vivant, habent, ditandos (q) reservantur, aut constituuntur. De vetita pensionum per anticipatas solutiones redemptione supra (§. 585.) jam diximus.

*) Census antiquus in ipsa fundatione et ab Episcopo, et cum hujus assensu etiam a patrono imponi beneficio potest: c. 7 et 16 de Censib. et c. 23 de jure patronat.

**) Ut pensio non solum ad tempus vitæ beneficiati, sed et pensionarii constituatur, æquitas et ecclesiarum utilitas nonnunquam suadet. Hinc, quum ea, quæ ad regimen suæ ecclesiæ pertinent, Episcopus possit, neque etiam id genus pensionem imponendi facultas Episcopis sit ademta; ea potestas Episcopo neganda non videtur: Nam c. 21 de Præbendis, ex quo contrarium quidam asserunt, non ordinariis, sed delegatis solum judicibus eam facultatem negat.

§. 590.

Pensionis aut census perpetui effectum fere habet, et insignem innovationem inducit II. *Dismembratio* beneficii, seu actus, quo pars reddituum ecclesiastica auctoritate ab altero beneficio penes Rectorem suum ordinarium permanente aufertur, et alteri, cui alio modo provideri nequit, beneficio adplicatur. *) In hac saltem solemnitates ad omnem innovationem requisitas (§. 586) servandas esse dubium non est.

*) Quum finis fructuum beneficii princeps sit sustentatio Ministrorum Religionis; justa dismembrationis causa tunc adest, ubi beneficium alterum quidem

P 4

dem

(q) Vid. Van Espen tract. de Simon. et Pensionibus C. 7 §. 2.

dem abundat, alterum præsertim curatum, et ecclesie admodum necessarium eget.

§. 591.

Innovatio beneficiorum contingit per eorum
 III. *Unionem*, quæ generatim est plurium beneficiorum, aut ecclesiarum per legitimam Superioris ecclesiastici auctoritatem facta conjunctio. *Unio* hæc 1) fieri potest vel quoad redditus *temporales* solum, vel simul quoad *spiritualia*, vel quoad ipsam etiam jurisdictionem quasi episcopalem; inde Unio alia a) *minus pleno*, alia b) *pleno*, aut c) *plenissimo jure* facta appellatur. *) Item 2) Unio, pro eo, atque vel ad tempus fit, vel in perpetuum, a) *temporalis*, aut *perpetua* vocatur. Rursus 3) Unio fieri dicitur a) per *confusionem*, dum beneficia plura in unum quoddam tertium conflantur, b) per *æqualem coadunationem*, *exæquationem*, aut æqualitatem etc., ubi salvis utriusque beneficii, aut ecclesie juribus et indole uni Rectori subjiciuntur: c) per *accessionem*, *subjectionemve*, dum minor ecclesia majori adjicitur, variisque modis subjicitur, adeoque adjecta alteri seu principali seu tanquam *filia matri* subordinatur, etc.

*) Scilicet sæpius beneficia curata uniuntur *incorporanturve* Collegiis, Capitulis, Monasteriis, Dignitatibus etc. 1) vel quoad *temporalia* solum, 2) vel etiam simul quoad *spiritualia*, vel 3) deum quoad *jurisdictionem* insuper quasi episcopalem in clerum et populum ecclesie incorporatæ: priorem vocant hodie *unionem minus pleno*, alteram *pleno*, tertiam *plenissimo jure factam*. Atamen harum vocum non idem apud omnes scriptores, aut in diplomatibus omnibus sensus est;

ex adjunctis proin aliis eruendus. Certe 1) olim sæpius dicebatur *pleno jure* ac Collegium vel Monasterium pertinere ecclesia, quæ reapse plenissimo jure unita erat. Quo sensu eæ voces c. 3 de Privilegiis §. 2 in *Ecclesiis vero*, usurpantur. Hinc nescio sane, num pro regula *infallibili* venditari potuerit hæc: » Terminis *pleno jure*, » *plenarie* unionem semper infimam, et temporalem tantum quoad redditus, sic et non aliter » important; donec aliud aliunde et ex apposis » *clare* doceatur.« (r) Rursus 2) hæc similiaque verba, » *damus ecclesiam* ad usus fratrum, in » sustentationem fratribus, in victum, ad necessitates et angarias sublevandas, unimus *ecclesiam* » mensæ Abbatis aut Monasterii etc. « unionem tantum quoad temporalia significant. *Ecclesiæ* enim nomen olim crebrius solæ redditus, altare vero aduadministrationem *sacrorum* designabat. Attamen sæpe alia adjunguntur, ex quibus unio simul quoad spiritualia facta intelligitur. Plures formulas examinat Neller *Diss. de genuina Idea et signif. Paroch. primitiv. etc.* c. 2 §. 5 sqq. *Thesau. J. E. tom. 6 pag. 452 sqq.*

**) Qualis sit unio, ex unionis instrumento colligi potest. Hæc verba: *Ecclesiam A. unimus, incorporamus ecclesiæ B.*, unionem per *accessionem*: et verba ista, *ecclesiam A et B. inter se unimus*, unionem per *exequationem* denotare plures statuunt. At hanc regulam pluresque alias rejicit Cl. Neller *Diss. cit.* c. 2 §. 16 sqq. *Thesaur. J. E. tom. 6 pag. 457 sqq.*

§. 592.

His præstructis I. generales de unione regulas statuimus, dein II. a quo, III. et quæis

P 5

cum

(r) Schloer de Parochialium Ecclesiarum secularitate etc. c. 3 §. 10. *Thesau. J. E. Tom. VI. pag. 541.*

234 Sect. I. De Personis et Beneficiis ecclesiasticis.

cum solennitatibus, IV. quæ beneficia uniri queant, V. quosque effectus unio habeat, indicabimus.

§. 593.

Generatim I. *omnis unio*, quippe quæ vel alienationis rationem habet, vel cultum divinum, aut redditus diminuere solet, vulgo quidem odiosa est, adeoque 1) stricte interpretanda, 2) facta jam unio examini potest subjici, et secundum Martini V. Bullam (s) et Synodi Tridentinæ decretum revocari. *) 3) Uniones beneficiorum nisi ob insignem ecclesiæ utilitatem, aut necessitatem justæ haud sunt: (t) proin 4) caussarum veritate et gravitate diligenter examinata ponderataque demum uniones per solemnia decreta expediendæ sunt. Hinc 5) *gratiosæ*, ut ajunt, uniones seu absque debitis solennitatibus per gratiam et dispensationem factæ rejiciuntur. (u) Præterea 6) *unio temporaria* ad palliandam beneficiorum pluralitatem inventa, canonibus maxime *odiosa* et plane *reprobanda* est. (w) Demum 7) Unio nunquam nisi salva beneficiati congrua sustentatione fieri potest. (x)

*) Scilicet 1) per Bullam Martini uniones omnes ab obitu Gregorii IX. etiam per sedis rom. auctoritatem factæ jubentur ad instantiam eorum, qui

(s) In Concil. Constantiens. sess 43 Art. 2.

(t) C. 33 de præbend.

(u) Vid. c. 1 ne sede vacante etc.

(w) Trident. Sess. VII. c. 4 et Sess. XXIV. c. 17 de Ref.

(x) C. 33 de præbend.

qui eas uniones non ipsi impetrarunt, easque sibi incommodas credunt, examinari, et si haud justis ex causis factæ inveniantur, revocari. 2) Tridentinum autem decernit, ut a) uniones a quadraginta circiter annis factæ ab Ordinariis tanquam sedis apostolicæ delegatis, examinari possint, et quæ per subreptionem aut obreptionem obtentæ fuerint, irritæ declarentur: ut b) deinceps factæ uniones nisi ex legitimis causis, coram loci Ordinariis, vocatis quorum interest, verificandis factas constiterit, ob — vel subreptitiæ præsumantur, et nisi aliter a sede apostolica declaratum fuerit, viribus omnino careant. *C. VI. Sessio VII. de reform.*

S. 594.

II. Unire 1) *Episcopatus* inter Pontificis reservata censetur, (§. 213. 2) alias ecclesias, modo non exemptas unire potest a) *Episcopus*, (y) aut jurisdictione episcopali præditus, (z) immo nisi forte alienationis rationem unio habeat, b) vacante sede episcopali *Capitulum* ob necessitatem ecclesiæ, (a) non item Vicarius generalis, nec Prælati inferior sine speciali mandato Episcopi: (b) nisi cui per consuetudinem, vel præscriptionem (c) ea facultas competit: 3) prohibentur vero Episcopus, adeoque magis *Capitulum* suæ mensæ beneficium unire. (d)

S. 595.

(y) Trident. Sess. XXI. c. 5.

(z) C. 8 de Excell. Prælat.

(a) Van Espen J. E. u. P. 2 tit. 29 c. 1 n. 24.

(b) C. 8 de Excess. Prælat.

(c) C. 15 de Præscript.

(d) *Clem. 2 de rebus eccl. non alien.*

S. 595.

III. Solemnitates ad unionem requisitæ sunt

1) expositio justæ causæ, 2) sufficiens causæ hujus cognitio et discussio, 3) declaratio valoris annui seu significatio reddituum annuorum utriusque, quæ unienda est, ecclesiæ, (e) 4) citatio aut consensus eorum, quorum præcipue interest; ut Patroni, Prælati, Advocati, aut quoad ecclesias majores Principis, aliorumque, qui in ecclesia unienda jus aliquod tenent, **) (f) item 5) consensus Capituli; eoquod unio perpetua sit quædam alienationis species. (g)

*) Tales causæ sunt utilitas: aut necessitas ecclesiarum; e. g. si vicinæ sibi sint ecclesiæ, si parochiani pauci nimis, si sacræ ædēs devastatæ, si redditus ad sustentandum clericum non sufficiunt. *Trid. sess. XXI. c. 5 sq. Cf. Philipp. Slevogtii Diss. I. de unione Eccl. c. 2.*

**) Num ecclesiæ ejus, cujus unio facienda est, Rector necessario vocandus audiendusque sit, dubitant Jureconsulti. Qua in re nobis eorum placet sententia, qui quidem 1) unionem cetera justam invito etiam beneficiato (h) factam, si modo ei, quoad vivit, serventur fructus, et unio aliunde ecclesiæ sit utilis, validam existimant: contendunt tamen, quam maxime decere, ut Rector ecclesiæ, qui tutor ejus est, statumque ejusdem optime perspectum habet, in unionis causa vocetur, audiatque. Parochianorum item, etsi eos audire decet, consensus saltem ad unionem necessarius haud est.

(e) Ex Reg. et cancellar. de Unionibus.

(f) Vid. Van Espen l. c. c. 3.

(g) Clem. final. de reb. eccl. non alien.

(h) *Trid. Sess. XXIV. c. 13.*

est. Vid. Van Espèn J. E. un. P. II. tit. 29
c. 3 n. 14. sqq.

§. 596.

IV. *Beneficia* porro 1) regulariter non nisi aliis beneficiis unienda sunt, et 2) quidem simplicia potius, quam curata: atque 3) hæc non facile Collegiis, Seminariis, Denitatis, Abbatibus unienda; (i) 4) collativa libera, non nisi Patrono juri patronatus renuntiante, mittere decet; denique nec 5) beneficia unius diocesis cum alterius dioceseos beneficiis uniantur. (k).

§. 597.

V. *Effectus* varii *unionis* jam ex dictis quodammodo colliguntur; singillatim porro 1) *unionis per confusionem* effectus est, quod jura, et privilegia utriusque ecclesiæ mutuo confundantur, aut, si consistere simul nequeant, ceteris reiectis meliora reserventur. 2) *Unionis per exæquationem* effectus fere unus est, quod idem sit Rector sic unitarum ecclesiarum, quarum ceterum jura omnia salva, distinctaque manent. 3) *Unionis per accessionem seu subjectionem* effectus est, quod a) onera quidem, jura, et proventus ecclesiæ unitæ, seu filiæ perseverent; quoniam tamen hæc matri subordinatur, omnia, quæ salva unionem perstare nequeunt, ecclesiæ unitæ jura et privilegia cessant, aut in eam, cui unita

(i) Trid. Sess. XIV. c. 9.

(k) Clement. 2 de rebus eccl. non alienand.

ta est, transeunt: quod b) salvis iis, quæ altiore jurisdictionem respiciunt, unita cœu accessoria principalem sequatur: proindeque c) obtenta ecclesia principali eo ipso accessoria obtineatur, atque hinc d) Patronus unitæ ecclesiæ jus suum, nisi id specialiter reservarit, amittat, demumque e) utraque simul, et nonnisi per Rectoris principalis, non per vicarii mortem vacet. etc. 4) *Unionis minus plenæ* effectus est, ut ecclesia, cui alia unitur, adsignata vicario, quem præsentandi jus habet, congrua sustentatione *) redditus uniti beneficii ceteros omnes, aut determinatam pacto summam percipere possit. 5) *Unionis plenæ* effectus est, quod Prælati, cujus ecclesiæ unio facta est, verus sit Parochus, (§. 311. not.; possitque pro administranda ecclesia unita vicarium ex religiosis quoque suis etiam ad tempus exponere: quem tamen Episcopo pro examine, et adprobatione sistere tenetur. Ceterum, ut diximus, ejusmodi vicarii seu expositi nec in beneficio institui aut investiri possunt, nec per eorum mortem beneficia vacant. etc. (§. 522. not.) 6) Effectus *unionis plenissimæ* præterea sunt, ut in unita ecclesia Prælati præter alia in spiritualibus et temporalibus jura quasi episcopalem jurisdictionem in populum, et clero atque adeo jus vicarium examinandi, approbandi, visitandi, excluso Episcopo, habeat. (1) **)

*) Con-

(1) Trident. Sess. XXV. c. 11 de Regular.

Cap. II. De Clericor. sustentatione et benefic. eccl. 239

*) Congrua fundatio clericici in Bavaria trecentis florenis æstimatur. *Neue geistliche Rathordnung* A. 1797. n. 19.

**) Ceterum 1) uniones eadem ratione et auctoritate, qua constituuntur, dissolvi, quoque possunt: 2) Porro unio beneficiorum dissolvi potest: a) *cessante causa*, propter quam unita sunt, (§. 595 not.) uti si populus redditusve rursum augeantur, restituantur S. ædes etc.: b) *superveniente causa nova*, ob quam unio fiat noxia. 3) *Dissolutionis autem effectus* erit, quod beneficia in eum, in quo antehac erant, statum restituantur. (m) De variis unionis variæ effectibus latius pertractat *Slevogt Diss. III. de unione Benef. c. 1 dissolutione unionis*, idem agit *Diss. IV. de unione benefic. pag. 159 sqq.*

§. 598.

Unioni obponitur IV. *divisio* seu sectio *beneficii*, qua ex uno beneficio fiunt duo, plura-ve beneficia, ita ut divisis redditibus deinceps duo pluresve Parochi aut Beneficiati instituantur. V. *Subpressio beneficii* fit, si ecclesiæ subtrahatur erecta ibi dignitas, vel præbenda, aut præbendarum numerus imminuatur. VI. *Extincto* demum *beneficii* contingere dicitur, quando ecclesia destruitur una cum redditibus, ut nullus ibi fiat cultus divinus. Demum VII. *Alteratio* beneficii habetur, dum in aliam a prima beneficii speciem mutatur: velut si *Episcopatus* in *Archiepiscopatum*, (n) *Abbatia* in *Episcopatum*, (o) *Parochia* in *Monasterium*

(m) Vid. c. fin. de Paroch. c. 1 ne scde vacante.

(n) Vid. Extrav. 5 de præbend. inter comm.

(o) Quod Fuldæ contigit. 1752.

rium, (p) beneficiumulare in regulare, vel vicissim mutetur. Porro

§. 599.

Uti unio, ita 1) et *divisio*, *subpressio*, *extinctio*, *alteratio*, non nisi ex causis gravibus, auctoritate ecclesiastica, et iis quorum interest, prius auditis fieri potest, (§. 595.) atque 2) *Episcopatum* quidem, et ecclesiarum immediatarum divisio aut alteratio soli Pontifici reservatur, nec nisi ex causis gravissimis adhibitisque solennitatibus fieri recte potest; * 3) reliquorum beneficiorum divisio in quavis diœcesi Episcopo competit. (q) 4) Ceterum divisio beneficiorum, imprimis, si curata et ampliora sint, animarum saluti proficua, atque adeo non odiosa, sed favorabilis, et exoptanda videtur. **) 5) Beneficium subpressum sublata causa subpressionis, uti si proventus denuo augeantur, (r) resuscitari poterit.

*) Docent id præsertim intuitu Germaniæ editi haud ita pridem libelli e. g. 1) Gründe wider die projectirte Zerrheilung der alten, und Errichtung neuer Bisthümer. 2) Ueber Einschränkung der Erzbischöflichen, und Bischöflichen Diözesan Rechte in kathol. Landen 1786. 3) Vertheidigte Gerechtsame der Bischöfe in Bemerkungen über die Gerechtsame des Regenten nach Bedürfnissen des Staats eigene Landes-Bischöfe zu ernennen 1788. Item 4) literæ a Capitulo Ratisb. ad Cæsarem datæ ob Tractum Aegriensem, etc. 5) Literæ inter-

ces-

(p) C. 13 caus. XII. q. 2.

(q) Vid. Van Esper l. E. u. P. II. tit. 29 c. 4 n. 5.

(r) C. 8. 9. 12. de Constit.

cessionales Friderici Caroli Archiep. Mogunt. ad Cæsarem in causa Aegrensi datæ, (s) quibus aliisque in scriptis Principi præsertim in S. R. Imperio negatur Episcopatus dividendi potestas: Contra pro Principum hac in re potestate perorant alii e. g. Die Gerechtsame des Regenten nach dem Bedürfnisse des Staates eigene Bischöfe zu ernennen etc. 2) Neupauers Abhandlung, ob der Kaiser das Recht habe neue Diöcesen zu errichten. 3) Von Sartori geistl. und weltl. Staatsrecht deutscher Kaiser. (1) 4) Meine Gedanken über die Entwicklung der Dispens, und Nuntiatur-Streitigkeiten 1789. Cf. Oberhauser Prælect. can. L. 1. tit. 31. u. 11. etc. etc.

**) Divisionem parochiarum ampliorum dudum optarunt, et commendarunt viri, qui religionis bonum cordi habent; eandem quoque præ divisione Episcopatum libelli mox laudati (x) auctor utilem censet. Cf. Sonnenfels Polizey S. 95.

JURIS

(s) Vid. Maynzer Monatschrift von geistl. Sachen 1789. 2. Heft pag. 183. seqq.

(1) 1. Band, 1. Theil S. 243. sqq.

(u) S. 4. pag. 38. sqq.

(x) Gründe wider die projectirte Zertheilung pag. 116.

Tom. II.

Q

JURIS ECCLESIASTICI PRIVATI.

S E C T I O I I.

DE JURE RERUM ECCLESIASTICARUM.

C A P U T I.

De Rebus Sacris.

A R T I C U L U S I.

De Rebus Sacris generatim.

§. 600.

Quæcunque res ecclesiæ usibus ac salutis serviunt, sensu juridico, et generali res *ecclesiasticæ* dicuntur. Unde eo nomine heic veniunt, quæcunque ad jus ecclesiasticum privatum pertinent, nec ad personas, aut judicia commode possunt referri.

§. 601.

Res ecclesiasticas varie dividunt. *) Placet heic res omnes, quæ ad cultum Dei, ac religionem propius pertinent, *sacras*, quæ reliquis ecclesiæ usibus serviunt, stricte *ecclesiasticas* seu bona ecclesiastica dicere.

*) Alii eas 1) in *spirituales*, *temporales*, et ex utrisque *mixtas*; alii 2) in *spirituales in se*, vel per *annexionem* tales, in *sacras*, seu benedictione, aut consecratione *sacratas*, et *ecclesiasticas* simpliciter; 3) alii in *spirituales*, et *temporales*, atque *temporales* dividunt rursus in *sacras*, *sanctas*, *ecclesiasticas*,
cas,

cas, prout vel consecrantur, uti calices et altaria, vel benedicuntur solum, ut imagines, cerei benedicti, campanæ etc., vel nec consecrantur, nec benedicuntur, sed sumtibus in ecclesia faciendis serviunt; et vulgo bona ecclesiastica dicuntur: 4) alii aliis modis partiuntur res ecclesiasticas. 5) Protestantes, qui benedictionem, et consecrationem ignorant, ecclesiasticas res in eas, quæ immediate, et quæ mediate duntaxat cultui divino inserviunt, distinguere solent.

§. 602.

Porro rebus *sacris* nostro sensu acceptis ipsa SS. N. L. *Sacramenta, ritus sacri*, verbi divini prædicandi, *Sacramenta* et divinum cultum externum rite administrandi ordo, et modus, seu *S. liturgia*, et ad eam pertinentia etc. accensentur. Quibus quidem in rebus, quantum à Christo nondum certi quid determinatum est, penes ecclesiæ Rectores pro rerum adjunctis determinandi potestatem residere, nullus dubio locus (a) esse potest. (§. 27. 40.)

§. 603.

Atque pro hac divinitus accepta potestate ecclesia tum universam *S. liturgiam* ordinavit, tum ritus quosdam alios, quos *sacramentalia* dicunt, *) adsumsit, aut pro rerum temporumque varietate variis etiam modis immutavit. **)

*) Huc refer e. g. præter ritus in Sacramentorum administratione adhiberi solitos *unctiones* Regum, altarium,

Q 2

(a) Vid. Petr. de Marca de Concord. Sacerd. et Imp. r. L. 2. c. 6. n. 6. Zellwein Princ. J. Eccl. tom. 2. q. 1. c. 2. §. 16 sqq.

tarium, vasorum; *benedictiones* ecclesiarum, campanarum, cœmeteriorum, aquæ, salis, frugum etc. aliosque ab ecclesia institutos ritus, utique piis etiam privatorum hominum inventis longe præferendos. Hos ad excitandos sublimiores de rebus divinis sensus, juvandamque internam religionem religiose adhiberi, et populo rite explicari voluit, jussitque ecclesia. (b)

- **) Ritus enim externos salva fidei et ecclesiæ unitate in ecclesiis variis varios esse posse nemo ignorat. Unde ritus cujuslibet ecclesiæ, et ubi proprius deficit, Romanæ, ceu omnium ecclesiarum matris, sequendus mos est. Optandum ceterum, ut ecclesiæ etiam in his, quantum fieri potest, secum consentiant.

§. 604.

Eadem autoritate ecclesia 1) cultui divino solennius peragendo sacros seu *festos* dies indixit; * 2) ad hos religiosius celebrandos, et ad fidelium mentes felicius in Deum elevandas *yigiliarum*, aliosque *jejunii* dies ordinavit: festaque 3) ad *calendarii* ecclesiastici normam servari præcipit. **)

- *) *Feriæ* 1) generatim dividuntur in *sacras* et *profanas*, prout cultui divino, aut fini politico dicantur: 2) Illas indicendi jus penes Rectores ecclesiæ, has constituendi potestas penes Principem est. Atvero 3) quum *sacræ* etiam *feriæ* quoad obligationem abstinendi ab servilibus operis et actibus judicialibus connexas habeant rationes status politici: patet Principem non modo qua *advocatum* ecclesiæ habere jus et munus a) *festos dies tuendi*, b) *impedimenta*, et *abusus sanctitati* et fini festorum contrarios removendi: sed et vi *juris cavendi* habere a) *jus prospiciendi*, ne reipublicæ nimis festo-

(b) Cf. Trid. Sess. 22. c. 8. de Sacrif. missæ Sess. 24. c. 7. de reform.

festorum numerus sit noxius, item b) jus apud potestatem ecclesiasticam *intervenendi*, ut festi dies transferantur, modificentur, abrogentur. (c) Nempe Principi politico etiam intuitu Catholicorum in his rebus protectionis, atque etiam, si forte reipublicæ salutis quid repugnans statueretur, cavendi jus nemo negat: 4) intuitu vero Protestantium subditorum multo ampliorem Principi politico potestatem competere, ex supra (§. 390 sqq.) dictis conjicere pronum est. Quum scilicet Dominis territorialibus catholicis in suos subditos protestantes jurisdictio ecclesiastica competat, jus etiam sacras ferias indicendi penes Principem est. (d) Neque conscientiarum eorum repugnat labores his diebus omittere, aut sacra suo more obire. Etenim ut id intentione, e. g. Sanctum colendi faciant, haud exigit Princeps. Contra Principi protestantico jus ferias sacras subditis catholicis indicendi eo ipso non competit, quod Catholicis, qui jus tale uni ecclesiæ tribuunt, nil conscientiarum et Religionis eorum principis repugnans imponi possit. De sacramentalibus, Calendario, festis, jejuniis etc. Cf. Zech. de jure rer. eccl. Sect. II. §. 17. sqq. De festis variis, fine eorum, celebrationis modo multa notatu digna profert van Espen J. E. u. P. II. tit. 17.

**) *Calendarii* correctio dudum et desiderata et tentata, tandem a Gregorio XIII, unde *Gregoriani* nomen ei inditum, A. 1582 perfecta est. Cujus Gregoriani Calendarii computum prorsus sequi diu multumque tergiversabantur Protestantes. Tandem

Q 3

vero,

(c) Vid. Philip. Jac. Huth Diss. hist. polit. de eo, quod circa ferias S. instituendas abolendasque iustum est. Ingoldstad. 1770. Cf. Van Espen J. E. u. P. II. tit. 17.

(d) Vid. Boeris Diss. de potestate statuum Imp. subditis suis diversæ Religionis indicendi ferias etc. *Thesaur. J. E.* Tom. VI. pag. 769.

vero, postquam ex diversa Paschatis celebratione A. 1724, et 1744 maxima enata erant incommoda, illud a corpore. ut vocant Evangelicorum, duplici concluso (e) quoad festa mobilia adoptatum est. (f)

§. 605.

Atque hæc quidem pro instituto nostro vel attigisse satis est: cetera rerum liturgicarum tractatoribus lubenter permittimus. De Sacramentis quoque iis, quæ ad Theologiam dogmaticam, et pastoraalem pertinent, ad sum forum remissis, postquam de *Ordine* ea, quæ ad institutum nostrum spectare videbantur, breviter jam (§. 412. sqq.) perstrinximus: de solo *matrimonio*, et, quæ illud præcedunt, *sponsalibus* quædam monenda supersunt.

ARTICULUS II.

Notio, Divisio, Essentialia Matrimonii.

§. 606.

Matrimonium 1) ratione *status* et *vinuli* permanentis sumtum, est societas *) maris, et feminae ad procreandam, et rite educandam prolem (a) a mutuumque vitæ adiutorium etc. (b) inita; ** 2) ratione *actualis conventionis* (c)

(e) Die 16. Aug. et 13. Decembr.

(f) De Correctione Calendarii, Receptioneque Gregoriani. Vid. Thesaur. J. Eccl. Tom. I, pag. 460. sqq. et 490. sqq.

(a) Ephes. VI. 4. I. Timoth. V. 14. Tit. II. 4.

(b) Gen. II. 18. Eccles. IV. 9.

(c) est ille actus, quo dicta societas mutuo consensu initur; 3) ratione *Sacramenti* est idem actus inter Christianos rite celebratus conjugibus nullum impedimentum ponentibus ad se pie, casteque amandos, et ad liberos sancte educandos conferens gratiam. ***)

*) Heic 1) *societas* vera intelligitur, quæ jura obligationesque sibi proprias habeat; (§. 1 et 4) atque hoc ipso, quum ad illicitum dari jus aut obligatio nequeat, alia omnis jure divino vel humano *invalida*, vel ad illicitos actus inita conjunctio satis excluditur: 2) ceteris verbis *sexus personarum* diversus uni huic societati *essentialis*, item *primarius* saltem *finis societatis* indicatur; atque ita hæc ab omni alia societate satis discernitur.

**) « Matrimonium, bene inquit *Leyserus* (d) Protestantium Jureconsultorum celeberrimus, a Deo institutum est propter tres fines, primus et præcipuus fuit mutuum adjutorium, secundus procreatio sobolis, tertius extinctio libidinis. Ego legitimum matrimonium esse credo, etsi isti tres fines simul non obtineantur. « Qui procreationem prolis unicum matrimonii finem dicunt, sæpius consecutaria inde absurda deducunt. Vid. *Thomasius L. 3. Inst. Jurispr. div. c. 2. Cf. Diogenes Christianus allgemeine Gedanken* 1c. 1 Th. 5 sect. Unpartheiische Gedanken von dem Ehestande. §. 3. sqq.

***) Matrimonium 1) esse a) *licitum*, esse b) *novæ legis Sacramentum* etc. Theologi demonstrant: 2) num vero contractus matrimonii inter fideles sine Sacramento validus esse possit, seu utrum matrimonium in baptizatis possit valere ut contractus,

Q 4

quin

(c) Argutias eorum, qui matrimonium rationem veri contractus habere negant, refutat. Plac. Boeckhn. comm. in L. Decr. L. 4. tit. 1. P. II. n. 6—9.
(d) In Meditat. ad Pandect. spec. 297. med. 6.

quin tamen sit Sacramentum, disputant Canonistæ et Theologi, Affirmantium opinionem tuetur cum Soto aliisque Petrus Collet in *continuat. Tournelii tom. 14. c. 2. Art. 2. sect. 3. Institut. Theolog. moral. Tom. V. de matr. c. 2. pag. 415.*

§. 607.

Matrimonium triplici modo spectari potest: ut ordinatur vel 1) in *bonum naturæ*, et generis humani, et ita mutuum conjugum amorem, liberorum procreationem, et generis humani propagationem, pro fine habet: vel 2) in *bonum communitatis*, seu *civitatis*, et sic reipublicæ, cui novos, bonosque cives subpeditat, perennitati felicitatique consulit: vel 3) in *bonum ecclesiæ et fidelium*; quatenus conjuges gratia ornat, eorum animos unit, vetitæ carnis concupiscentiæ medetur, (e) ecclesiam prole pie christianeque educata distat. *) Unde sub triplici hac ratione pro norma habet leges divinas *naturales* et positivæ, *civiles*, *ecclesiasticas*, **) » et ideo, inquit S. Thomas (f) » ex qualibet dictarum legum potest persona » effici ad matrimonium illegitima. «

*) Ex hoc patet, matrimonium non præcise: quia et quatenus *sacramentum* est, sed alio etiam intuitu auctoritati ecclesiæ subjectum esse.

**) Justam itaque reprehensionem ferunt, qui ex una lege naturali, ne divinam quidem positivam, nedum leges alias pensi habentes, de matrimoniis statuunt, et absurdissima nonnunquam consuetudinaria admittunt.

§. 608.

(e) I. Cor. VII. 2. 9.

(f) Lib. 4. sent. dist. 34. A. 1 ad 4. et Lib. 4. contra gentes c. 78.

§. 608:

Matrimonium *dividunt* in 1) *legitimum*, quod inter personas lege specialiter non prohibitas initur; 2) *ratum*, quod inter Christi fideles contrahitur, vulgoque saltem rationem Sacramenti habet; 3) *consummatum*, cui corporum conjunctio ad generationem proli ordinata et apta accessit. Alia sub ratione, et quantum ad varios effectus matrimonium aliud quidem dicitur 4) *civile*, seu *solenne* cum solennitatibus jure civili requisitis contractum; *) aliud 5) *canonicum* et *non solenne*, in quo adhibentur ea tantum, quæ jure canonico requiruntur. Huc referunt 6) matrimonium ad *morganaticam*, vel ad *morgengabam*, inter virum illustrem et feminam inferioris ut plurimum conditionis eo pacto initum, ut liberi, licet cetera legitimi, conditionis, aut saltem paternæ hæreditatis non sint participes, sed minori dignitate, aut certa solum portione ad sustentationem necessaria contenti esse debeant; ** 7) matrimonium *inæquale*, disparagium dictum, quod etiam sine tali pacto cum persona inæqualis omnino conditionis initur. ***)

*) Quæ solenne matrimonium contraxit, proprie *uxor* dicitur, quæ absque solennitatibus ducta est; *concubina* sæpe vocari solet (g). 2) *Consensio thori* olim vulgo apud Germanos, ut matrimonium ratum effectus civiles haberet, erat necessaria: et etiamnum in quibusdam Germaniæ territoriis et urbibus communio bonorum, successio conjugum, portioque statutaria, communicanda cum uxore

Q 5

digni-

dignitas mariti, et morgengabæ præstatio independent. 3) In plerisque tamen provinciis juris canonici principia prævaluerunt, atque adeo in dubio effectus matrimonii civiles non a consensione thori, sed a benedictione sacerdotali proficiuntur. *De Selchow Elem. Jur. Germ. privati etc. parte spec. §. 458.*

***) Matrimonium ad Morgengabam cur, nisi specialibus locorum legibus prohibeatur, perse vetitum censeatur, nihil est. Qui contrarium asserunt ex ea ratione, (h) quod in illo nati a legitima contra jus naturale excludantur; profecto inter legitimam juris civilis, quod determinatam hæreditatis portionem regulariter ceu legitimam filiis addicit, et inter legitimam juris naturæ, quæ præcise alimenta et sustentationem liberorum a parente exigit, hæud distinxisse videntur. Quodsi 2) proles ex tali matrimonio prognatæ per pactum ab hæreditate excludantur solum ratione certarum personarum e. g. filiorum ex priori matrimonio natorum, his decedentibus, illæ, si cetera successionis capaces sint, jus regressus in bona patris habent, 3) Matri vero, quum jura familiæ maternæ non amittant, alioqui in alodiis, feudisque femineis succedunt.

***) *Disparagia*, qualia quidem jure naturæ nulladantur, per leges humanas severius sæpe, atque per antiquas quasdam Germaniæ leges intentata etiam mortis, aut certe servitutis pœna vetabantur (i) 2) Quænam porro matrimonia inter personas illustres, inæqualia censenda sint, præsertim

(h) Dürr. Diss. de Matrim. æqual. vel inæquali personarum illustr. in German. Sect. II. §. 9. Thes. J. eccl. Tom. VI. pag. 597.

(i) Unmaßgebige Gedanken über die Ehen nach morgengabischen Recht, apud Luning in Staats-Consiliis tom. 2 sed vid. Pfeffinger Vitriarii illust. Tom. III. pag. 1306.

tim in Germania, pluraque alia ad jus civile publicum Germaniæ imprimis spectantia exponit. Cl. Dürr (h) alique plures.

§. 609.

Quum matrimonium *in fieri*, ut ajunt, rationem contractus habeat, isque juri divino naturali et positivo, humanoque subjiatur, (§. 607) liquet 1) hunc contractum et regulis, quæ cuilibet contractui *communes* sunt, et iis quas ei *singulares* triplex jus scripsit, esse subjectum: adeoque ad essentiam contractus matrimonialis requiri, ut secundum naturalis; positivæ divinæ, et humanæ legis normam adsint a) *personæ* ad contrahendum *habiles*; b) *consensus mutuus*, (l) *verus*, non simulatus, (m) *liber* a vi, metuve gravi injusto, (n) sufficienti modo *manifestatus*: (o) demum c) *forma substantialis* jure præscripta, id est ea, qua non servata contractus invalidus nullusque redditur.

§. 610.

Quoniam vero matrimonii instituti finis præcipuus est *proles procreanda*, et educanda; (§. 606.) facile intelligitur per contractum illum conjuges dare sibi mutuū jus in corpora ad actus generationi prolis per se idoneos. Proin

Agit

§. 611.

(k) Dürr. cit. Diss. Sect. IV. seqq.

(l) C. 1. de Sponsa duorum.

(m) C. 26. de Sponsal. et matrim.

(n) C. 14 et 15. 21. 29. eod. tit. Trident. Sess. XXIV. de Reform. Matr. c. 9.

(o) C. 3. de Sponsa duorum.

§. 611.

Matrimonium *valide* non contrahitur ab iis
 1) qui lege irritante contrahere prohibentur;
 2) qui ad actus generationi per se idoneos inter se sunt incapaces; 3) qui modo humano consentire nequeunt, vel non consentiunt 4) qui formam substantialem negligunt. (§. 609 et. seqq.)

§. 612.

Quibus generatim præmissis jam I. de *Impedimentis* matrimonii tum *generatim*; II. tum *in specie*; subin III. de *sponsaliis*, aliisque matrimonio præviis, IV. de ipso *contractu*, *adjunctis*, et *effectibus* matrimonii, postremo V. de *judice caussarum* matrimonialium et *divortio* breviter agemus.

ARTICULUS III.

De Impedimentis Matrimonii Generatim.

§. 613.

Ex iis, quæ mox (§. 609. sqq.) diximus, in aprico est, plura esse, quæ matrimonio contrahendo obstant; quidquid vero, quo minus illud *licite valideque* contrahi possit, impedit, *impedimentum* matrimonii dicitur 1) *impediens* quod illicitum dumtaxat, 2) *dirimens*, quod invalidum quoque matrimonii contractum reddit; 3) *impedimentum* est vel *juris naturalis*, 4) *juris positivi divini*, *) aut 5) *juris humani*, pro eo, ac ex horum quopiam ortum habet; 6) *privatum*, quod *privatorum*, 7) *publicum*,

um, quod communitalis bonum respicit; 8) *perpetuum*, aut non *perpetuum*; 9) *antecedens*, aut subsequens matrimonium etc. **)

*) Impedimenta ejus generis Deus per Moysen promulgavit, Levit c. XVIII. quæ his exprimere verbis solent:

Nata, Soror, Neptis, Matertera, fratris et uxor,
Et Patru conjux, Mater, Privigna, Noverca,
Uxorisque soror, Privigni nata, Nurusque,
Atque soror Patris conjungi lege vetantur.

De quibus Impedimentis, quæ secundum consanguinitatis, et affinitatis gradum non excedunt, animadvertenda quædam. 1) Non convenit inter scriptores et interpretes, num lex hæc solum ad dictas personas, an et ad alias in eodem gradu junctas se exporrigat, 2) hæc impedimenta omnia et esse juris naturæ, et plane indispensabilia Novatores (a) asseruere: ea vero omnia haud esse juris naturalis, et quædam ex iis esse dispensabilia Tridentinum (b) docet, et praxis etiam ecclesiæ ostendit; quum in eorum quibusdam dispenset, atque ita clare monstret, aliqua eorum ad leges V. T. *judiciales* pertinuisse, quibus Christiani, nisi quas forte adoptarit ecclesia, haud ligantur. Cf. *Rupprecht Not. hist. in J. can. L. 4 tit. I. n. 76.*

**) Impedimentum 1) ut matrimonium dirimat, seu invalidum reddat, ante contractum matrimonium præcedere seu *antecedens* esse debet: ob Impedimentum enim superveniens matrimonium valide contractum dirimi nequit. (c) Atamen 2) matrimonium *ratum* solum, et non consummatum per
Pro-

(a) Lutherus, Bucerus, Melancthon, Calvinus, Beza.

(b) Sess. XXIV. de Sacr. matrim. c. 3.

(c) C. 25. caus. XXXII. c. 7. et can. 14. de conversione conjugum.

Professionem dirimi dicemus deinceps. 3) Equidem ob impotentiam supervenientem dissolvi vinculum matrimonii, videtur decidere Capitulum juris can. (d) Sed istud ex aliis legibus de impotentia antecedente commode explicandum est.

§. 614.

Porro de *impedimentis* has velim notari *regulas*: I. illa potestas, quæ, et quatenus contractum matrimonialem sibi subjectum habet, ei condiciones scribere; proin et impedimenta statuere potest. II. Impedimenta illius, ex quo oriuntur, juris naturam sequuntur: atque III. ad fori cujuslibet stilum, ac normam exiguntur. Igitur

§. 615.

Quum I. ea *potestas* legislativa, quæ et quatenus contractum matrimonii subjectum habet, impedimenta statuere possit: is vero contractus non modo divinæ, sed et potestati legislativæ humanæ tum ecclesiasticæ, tum politicæ, illi quidem quoad rationes et effectus spirituales, huic quoad temporales subjiciatur (§. 607) consequitur utramque potestatem ecclesiasticam et civilem jure sibi proprio *impedimenta* matrimonii: et quidem, si bonum publicum spirituale, aut temporale id poseat, *dirimentia* statuere posse. Atque

§. 616.

(d) Gregorii II. vel III. Rescriptum ad Bonifacium apud Gratiana c. 18. causæ XXXII. q. 7. Vid. Van Espen J. E. u. p. II. tit. 3. c. 1. n. 1.

§. 616.

Ecclesiam posse jure sibi proprio et divinitus collato ex rationibus ad salutem ecclesiæ pertinentibus statuere *impedimenta* matrimonii, non solum *impedientia*, sed et *dirimentia*, quibus tam sacramenti, quam ipsius contractus valor concidat, persuasissimum, certumque habemus: id sane 1) tum *ratio imperii ecclesiastici*, tum 2) ipsa *contractus matrimonialis indoles*; tum 3) *praxis* quoque et *auctoritas ecclesiæ* demonstrat.

§. 617.

Enimvero eam omnem Christus ecclesiæ suæ dedit potestatem, quam, et quantam *salus rei publicæ spiritualis*, et recta *S. regiminis ratio* postulat: (§. 24. sqq.) jam vero nemo æquus rerum æstimator inficias iverit, eas posse adesse rerum determinationes, quibus existentibus publicum bonum ecclesiæ exposcat non prohiberi solum; sed et irritos declarari certi generis contractus matrimoniales. *) Quin itaque in iis rerum adjunctis ecclesia irritos id genus contractus facere possit, quis sanus dubitat? Quodsi Principes ob bonum publicum *temporale* contractibus quibusque adponere condiciones vi potestatis legislativæ possint, quibus non servatis contractus sint invalidi; cur ob *spirituale* bonum publicum id nequeat potestas legislatrix ecclesiastica? **)

*) Si salvo contractus matrimonialis valore ecclesia contra bonum spirituale contrahentibus non nisi rationem Sacramenti negare posset, profecto Sacramenti gratiam flocci penderent, aut leges ecclesiasti-

siasticas hac in re negligenter non raro furore libidinis excoecati homines. Et vero quid in matrimoniis clandestinis olim, ubi adhuc valida erant, tentarunt, quid hodieque tentant quandoque id genus homines?

**) Verum contractus matrimonialis, inquiunt, prorsus civilis est: si quid in eo mutari ecclesia velit, civitatis Rectores, ut id faciant, moneat. Quid? nonne contractum matrimonialem eodem jure naturalem, aut ecclesiasticum dici posse, ac civilem ex supra (§. 607) allatis patulum est? Atqui ecclesia de illo non ob rationes, et quoad effectus politicos, sed quoad ecclesiasticos statuit. Quodsi ob hos invalidum declaret matrimonium: concident quidem indirecte effectus quoque civiles. At hoc facto ecclesia in politicam potestatem involare nulla veri specie dicitur; quemadmodum sane nec Princeps usurpatæ sacræ potestatis potest incusari in sententia eorum; qui Principem ob rationes politicas matrimonium posse invalidum reddere docent, licet eo facto *indirecte* ratio quoque Sacramenti impediretur.

§. 618.

Dein contractus matrimonialis 1) rationem Sacramenti obtinet; 2) non modo procreandæ, sed imprimis *pie christianæque* educandæ proliis caussa initur; 3) ordinatur æque, ut *fideles* cælo, atque ut regno nascantur cives, 4) a matrimonio recte, aut minus recte contracto tota vitæ ratio, et sæpe *æterna fidelium salus* pendet; 5) illud per *leges naturales* et *divinas* positivas dirigitur. (§. 607.). Quis porro ausit inficiari ecclesiæ potestatem ad determinandum Sacramenta rite et suscipiendi, et conferendi modum, ad procurandam prolium et conjugum salutem, ad *leges divinas naturales*

rales positivasque explicandas, et ad conden-
das etiam novas disciplinares leges sese porri-
gere. Quum vero leges mere prohibentes heic
non semper satis habeant efficaciae; (§. præc.)
sanè quidem non modo legibus duntaxat pro-
hibentibus, sed et *irritantibus* de matrimonii
contractu decernere poterit ecclesia.

§. 619.

Id insuper confirmat 1) constans *ecclesiae*
praxis, qua tum impediencia, tum dirimentia
matrimonii impedimenta et jure quidem *pro-*
prio statuit; *) certe 2) hoc jus cum imperio
ecclesiae intime conjunctum est: (§. 617) 3)
illud ecclesia semper tenuit, nec; a quonam
Principe illud tandem sit nacta, ostendi potest.
4) Ecclesia non semel perspicue ostendit, pro-
prium se habere in re hac potestatem, et a
civili independentem, 5) quam agnovere ipsi
etiam Principes, dum non raro impedimenta
ecclesiastica sibi relaxari peterent. 6) Accedit
definitio Concilii Trid. (g) anathema in illos
evibrantis, qui eam potestatem ecclesiae nega-
rent. »Siquis dixerit, *ecclesiam* non potuisse
»constituere impedimenta matrimonium diri-
»mentia, vel in iis constituendis errasse, ana-
»thema sit.« **)

*) Jam 1) Canon apostolicus XXV. Clericis majori-
bus, qui coelibes ordinati sunt, nuptiis interdicir.

2) Synodus Eliberitana A. 305. *consanguinitatis*,
et *ligaminis* aliaque impedimenta constituit, aut
con-

(g) Sess. XXIV. c. 4.

Tom. II.

R

confirmat, (h). 3) Concilium Neocaesareense A. 314. per *affinitatem* matrimonium fieri irritum (i) pronuntiat, et in eo manentes a communione ecclesiae abjicit. 4) Concilium Ancyranum A. 314. impedimentum *raptus* (k) firmat. 5) S. Basilius impedimentum *ordinis, voti, raptus, affinitatis, et conditionis servilis* memorat, et cum eo contracta matrimonia adulteria vocat, atque ita junctos secundum sanctiones a Sanctis traditas a se recedere, et separari debere (l) asserit. 6) Siricius, qui aedem Rom. A. 384. conscendit, impedimentum *voti* (m) confirmat, et tentata cum eo connubia per *leges publicas et jura ecclesiastica* condemnari testatur. 7) S. Leo I. nuptias earum, quae viris suis in servitutem abductis secundum *leges civiles* aliis jungebantur, rescindi mandat (n). 8) Concilium Agathense A. 506 nuptias affinium et consanguineorum, etiam eas, quae *lege civili* non prohibebantur, irritas pronuntiat. (o) Quarum aliarumque Synodorum hac de re decreta, quae etiam nulla praecedente lege civili, immo nonnunquam contra eam edebantur, vid. apud continuatorem Tournelii Theol. moral. Tom. VIII de Matrim. c. 8. Art. 1. Casp. Juvenin comment. hist. et dogm. de Sacram. Diss. V. q. 6. c. 1. Gerbesium Tract. de Imp. matr. P. I. c. 4.

**) Porro in scirpo nodum quaerunt, verba torquent, aut verius, parum reverenter Concilii auctoritatem tentant eludere, qui ecclesiae nomine Principes contra

(h) Can. 8. 9. 15. 16. 33. 54. 61. 66. 67.

(i) Can. 2.

(k) Can. 11.

(l) Epist. 1. can. et can. 18. 23. 24. 46. Vid. loca citata apud continuat. Tournelii Theol. moral. Tom. VIII. de matr. c. 8. Art. 1.

(m) Epist. ad Himerium Tarraconens. c. 6.

(n) Epist. 29 alias 229.

(o) Can. 61.

contra omnem hominum morem intelligunt, aut hanc potestatem ecclesiæ, non nisi ius a Principibus precario concessum dicere non verentur. Cetera non negamus ecclesiam aliquando statuta a se impedimenta per leges Principum confirmari, id est, earum legum executionem promoveri potuisse, (p) imo impedimenta a Principibus prius constituta probasse, sua fecisse, adjecta poena firmasse. Sic e. g. Lateranense Concilium l. c. 5. • Conjunctiones consanguineorum fieri prohibemus, inquit, quoniam has et divinæ et seculi • prohibent leges. Quis enim dubitat, leges humanas rationi et honestati non repugnantes eas • esse amplectendas, præsertim ubi publicæ consulant honestati. Eos autem consanguineos • dicimus, quos divinæ et Imperatorum Romanorum atque græcorum leges consanguineos appellent. • Igitur uti ecclesia sibi in suo ordine propriam impedimenta statuendi potestatem semper vindicavit, ita eam alia sub ratione in Principibus videtur agnovisse. Quare

§. 620.

Verosimilius est *Principes* quoque politicos propter salutem publicam civitatis per se posse statuere jure sibi proprio impedimenta contractus matrimonialis tum *impedientia*, tum *dirimentia*, quæ per accidens ratio Sacramenti impeditur: id quod suadent 1) *ratio imperii politici*, cui propter bonum publicum contractus quivis subjecti sunt. Neque Christus bono publico, aut Principum potestati derogasse scitur, dum contractui matrimoniali Sacramenti virtutem indidit: 2) *Matrimonii indoles*, ut quod rationem contractus habet, et

R 2

ad

(p) E. g. Synodus Moguntina A. 813.

ad bonum quoque politicum ordinatur: 3) *boni, malive effectus*, qui ex bene, maleve ordinatis matrimoniis redundare in rempublicam solent; 4) *praxis* piissimorum Imperatorum, et Principum, id genus impedimenta statuentium, (q) et de impedimentis judicantium. (r). Quis porro eos usurpatæ potestatis ausit accusare? Certe id ecclesia adeo nunquam fecit, ut eorum hac in re decreta probaret etiam et adoptaret, (§. præced.) *) sæpiusque ad eas leges provocaret. (s) **)

*) Huic opinioni, cui S. Thomas favere videtur, (Cf. §. 607.) plures adsentiunt viri cordati probeque Catholici: Sanchez de Matr. L. 7. disp. 3. n. 2. Petrus Soto de matr. Sect. IV. B. Gerbesius de potest. eccl. et Princip, super Imped. matr. Petrus Collet continuat. Tournelii Theol. moral. Tom. VIII. de matr. c. 8. Art. 2. et Instit. Theol. Tom. V. pag. 562. Billuart Tom. XIX. pag. 419. Rupperecht Not. hist. in J. c. L. 4. tit. 1. §. 5, n. 78. sqq. Paul de Riegger Inst. J. Eccl. Tom. I. §. 81. sqq. Schrodt syst. J. publ. P. 2. §. 34. pag. 223. Van Espen J. Eccl. u. P. 2. tit. 13. c. pluresque Canonistæ recentiores.

**) Quid-

(q) Usus hunc manifeste faciunt Titul. juris civ. e. g. de ritu nuptiarum, de jure dotium etc. Digest. L. XXIII tit. 2. 3. 4, Item Codic. Lib. 5. tit. 4. sqq. de Nuptiis, de incestis, et inutilibus nuptiis etc. Item L. 6. Cod. de Judæis, L. un. Cod. de raptu virg.

(r) Plura exempla recitat Amort. vindic. juriad. eccl. P. V. pag. 463. sqq.

(s) E. g. S. Augustin. de civ. Dei L. XV, c. 16. S. Ambrosius Epist. 84 alias 66. ad Paternum, S. Leo Epist. ad Rusticum Narbonens. Nicol. I. Respons. ad Bulgaros. c. 2.

**) Quidvero si impedimentum statueret alterutra (civilis ecclesiasticave) potestas, quod altera tanquam societati sibi commissæ noxium tolli, aut in casu singulari relaxari velit; tum quidem ea, quæ alias suggessimus (§. 344. sqq.) principia sequenda fore existimamus. Ceterum multis seculis, si quasdam hujus ævi excipias leges, potestas impedimenta dirimentia statuendi relaxandive uni ecclesiæ relicta est. Nempe

§. 621.

Quoniam ratio Sacramenti in matrimonio dignior est, atque etiam bonum civitatis publicum satis promoveri vulgo potest per leges civiles, quæ non ipsum contractum, attamen effectus temporales perimunt: dudum potestas impedimenta statuendi ipsum matrimonii contractum dirimentia soli ecclesiæ est relicta vel saltem non exercita amplius *) a Principibus, qui suas circa Christianorum matrimonium constitutiones salvo contractus valore ad solos effectus civiles restringere solent.

*) » Hoc constat, inquit Van Espen (1) ecclesiam » jam a pluribus seculis, et quidem privative et » cum exclusione Principum secularium impedi- » menta dirimentia inter Catholicos ordinasse, ea- » que pro temporum et locorum circumstantiis » nonnunquam extendisse vel limitasse aut etiam » relaxasse. « 2) Petrus Soto jam a seculo VI. circa impedimenta solam ecclesiam judicasse putat. 3) Petrus Collet (u) Reges Francorum e. g. Childbertum A. 595. Carolomannum 743. Carolum Magnum, et Carolum Calvum unius ecclesiæ judicio matrimonia reliquisse ex argumentis quibus-

R 3

dam

(1) Jur. Eccl. univ. P. II. tit. 13. c. 1. n. 16.

(u) Contin. Theol. Moralis Tournellii Tom. VIII. de Matr. c. 8. Art. II. pag. m. 516.

dam allatis asserit. Contra 4) Rupprecht (x) eam disciplinam, vi cuius nihil Principes jam circa vinculum matrimonii decernebant, Sec. XII. stabilitam credit. . . 5) Alii nullum certum moris hujus tempus adsignant. *P. Riegger Inst. J. Eccl. Tom. 4. Cf. Benedict. XIV. de Synodo Dioces. L. 9. c. 2. §. 5.*

§. 622.

Ex eo, quod II. impedimenta ejus, a quo oriuntur: *juris naturam* sequuntur, (§. 614.) intelligimus 1) cur impedimentum *juris naturalis*, et divini positivi, ut ipsum jus naturæ, omnes omnino homines obligent, et ab humana potestate equidem explicari, non tamen per dispensationem propriam possint relaxari: 2) cur impedimenta *juris humani*, a) uti jus et leges aliæ humanæ ab ea, a qua profectæ sunt, potestate vel omnino tolli, vel solum intuitu aliquorum relaxari queant: 3) cur b) eadem per consuetudinem induci et abrogari possint: cur c) cessante, ob quam statuta sunt, causa: aut si communitati inutilia, aut noxia fiant, vi obligandi excidere deberent: cur d) in iis statuendis, relaxandis, tollendis, bonum publicum necessario spectandum, rectusque intuitu salutis publicæ temporalis, ac spiritualis ordo (§. 330) servandus sit.

*) Inde patulum est, non quidem homines necdum baptizatos, ac omnes alios, etiam Principes, cœu ecclesiæ membra impedimentis ecclesiasticis ligari. Iis item per se obstringi omnes A catholicos vulgatissima quidem multorum est sententia: nihilominus Protestantes Germaniæ impedimentis mere eccle-

ecclesiasticis solutos esse magni nominis viri jure existimant: Etenim 1) iis servandis sæpe magna obstat difficultas, non raro moralis etiam impossibilitas; 2) ea per diuturnam consuetudinem contrariam abrogata videntur: 3) nec ullo cum bono, sed magnis cum incommodis atque adeo vix prudenter urgeri possunt; proinde 4) aut quoad Protestantes, qui specialem formant ecclesiam, ipsa sua inutilitate cessant, aut 5) saltem abroganda dudum erant, imo pro abrogatis jure merito habentur, (y) sane 6) jam totum S. R. Imperium, Gallia itidem et federatum Belgium, (z) matrimonia cum iis impedimentis a Protestantibus contracta pro legitimis habet: imo ipsæ ecclesiæ germanicæ ea valida esse haud obscure significant, dum 7) ad catholica Sacra conversos in id genus matrimoniis absque dispensatione relinquunt, et filios ex his matrimoniis procreatos, si ad Sacra catholica accesserint, absque ulla dispensatione ad S. Ordines dignitatesque ecclesiasticas admittunt. Et vero 8) ut id genus matrimonia valida habeantur, exigit necessaria S. R. I. quies, mutuumque commercium, exigit et bonum animarum: certe 9) contraria opinio gravissimum A catholicorum ad Sacra nostra conversioni ponit impedimentum, (a) Denique 10) matrimonia contracta eo usque firma validaque habenda esse: jus canonicum (b) jubet, donec ea irrita esse certissime constet. Neque vero 11) ea invalida esse ostendunt quædam nuptiarum propter impedimenta ista, ut ferunt, per apostolicam sedem dissolutarum exempla; neque 12)

R 4

itidem

(y) Ita quoad Belgium Cardinales et S. Penitentiaria Episcopo Castoriensi A. 1671 responderunt teste Martin de Svvæn Diss. de spons. duorum apud Van Espen J. E. univ. P. II. tit. 12. c. 5, n. 33.

(z) Idem Svvæn apud Van Espen L. c. n. 34.

(a) Van Espen ibidem.

(b) Ex reg. jur. c. final. de sent. et re judic. c. 47 de testibus, et atestationib.

atque id evincunt contrariæ quædam, quas proferunt, Congr. Cardinalium declarationes. Etenim præterquam, quod causæ, ob quas illæ nuptiæ dissolutæ dicuntur, haud satis cognitæ sint; Cardinalibus vel de contraria consuetudine, vel de rerum situ non semper constare potuit. Quid? quod dictæ decisiones ne semper quidem sibi consenserint; quum nunc pro validitate, nunc pro nullitate talium matrimoniorum pronuntiarint. *Zallwein Princ. J. E. Tom. 2. q. 3. c. 7. §. 6 et Benedict. XIV. Declaratio super matrim. inter Protest. et Cathol. et relationes Antist. Belgii. Item Diss. Do. Cavalchini Archiep. Philip. colon. 1746.*

§. 623.

Ex eadem regula discimus porro, quod 1) jus statuendi impedimenta ecclesiæ proprium cum jurisdictione ecclesiastica connectatur; et proinde a quovis Episcopo exerceri per se queat. 2) Consuetudine tamen restricta hac in re jurisdictio Episcoporum est, jusque impedimenta dirimentia statuendi, ceu causa major Conciliis generalibus, et Papæ reservatur, 3) Episcopis solum jus impedientia constituendi salvum manet.

§. 624.

Quum legis gratiam is facere possit, a quo profecta lex est, intelligimus 1) quod ecclesiasticus civilisque magistratus quivis solum in impedimentis a se, non ab altero, constitutis possit dispensare, * 2) quod impedimenta dirimentia uti constitui, ita et relaxari regulariter solum a Pontifice, aut oecumenico Concilio queant: ** 3) in impedimentis au-

tem

tem impredientibus dispensare possit Episcopus. Excipiendum vero votum castitatis perpetuæ et ingrediendi religionem Papæ reservatum; item impedimentum sponsalium, ut quod jure naturali obligat. 4) Quoniam tamen reservatio pontificia ecclesiæ bono subordinata esse decet; Episcoporum in relaxandis impedimentis potestas, quatenus hæc cuique ad regimen suæ ecclesiæ necessaria est, coarctari nequit. ***) Denique 5) reservatio pontificia, eoquod *ordinariam* Episcoporum potestatem restringat, in dubio contra reservantem et strictius interpretanda est. (c) Quocirca, etsi Pontifex relaxationem voti perpetuæ castitatis sibi reservarit, Episcopus tamen potest in voto S. ordines suscipiendi, vel non nubendi dispensare.

*) Unde etiam me non monente quivis intelligit, Catholicos, ut impedimentorum ab ecclesia statutorum dispensationem a Domino territoriali protestantico petant, vel validam habeant, cogi non posse; iis enim nihil, quod conscientiæ, et religioni ipsorum contrarium sit, injungi posse jam alibi monstravimus. (§. 380. n. 4.) *Kid. Cl. Dürr. Diss. de Domino territoriali protestantico suis subditis catholicis in impedimentis matr. jure ecclesiastico dirimentibus nulliter dispensante. Thesaur. J. E. Tom. VI. pag. 638. sqq. Argumenta contraria dissoluta lege pag. 663. sqq. Imperatores in impedimentis a se inductis dispensarunt: ita nuptiæ inter pupillam et tutorem ejusve filium jure civili vetitæ, tamen ex dispensatione Principis iniri poterant. L. 7. Cod. de interdicto matrimonio inter tutorem etc.*

R 5

Cf.

Cf. Van Espen J. E. un. P. II. tit. 14. c. 1. n. 2.

**) Quemadmodum Episcopi et Concilia particularia olim propria auctoritate impedimenta constituerunt: (§. 619. not.) ita in iis dispensare quoque poterant: et licet 2) olim uti in aliis, ita et in hoc disciplinæ articulo raro admodum (d) legis facta gratia est; quædam tamen 3) dispensationis ab Episcopis concessæ exempla occurrunt: insigne quoddam nobis exhibet Concilium Triburiense A. 895 quod viro permisit, defuncti fratris viduam, cum qua ante jam peccarat, uxorem ducere. 4) Quia quidem potestate usque ad sec. XI. vel XII. usos fuisse Episcopos viri graves (e) testantur. 5) Nec deinceps ea potestas ullo canone universali adempta Episcopis est: (f) sed paulatim, dum a sec. XII. Episcopi sæpius anxii ea in re ad Pontificem recurrerent, ipsa in impedimenti dispensandi facultas per usum ad Pontificem devoluta creditur. (g) » Nempe cum consuetudini universali eandem vim tribuant interpretes, atque in aliquibus impedimentiis hæc » tennus solus Papa dispensaverit, in his usu limitata censetur potestas Episcoporum. « (h) 6) crescente porro dispensationum frequentia et facilitate Tridentinum (i) decrevit: » ut in contrahendis matrimoniis vel nulla omnino detur » dispensatio, vel raro; idque ex causa et gratis » concedatur. In secundo gradu nunquam dispensetur, nisi inter magnos Principes, et ob
pu-

(d) Vid. Van Espen. J. E. un. P. II, tit. 14. c. 1. n. 4.

(e) Thomassin de V. et N. disc. L. III. c. 27. n. 5 et c. 29. n. 10. Barthel I. cit.

(f) Ita testantur Gibert de eccl. t. 7. de Prælat. Barthel, et Van Espen l. cit.

(g) Barthel loc. cit.

(h) Verba sunt Hedderich element. J. c. L. 3. §. 407.

(i) Trid. Sess. XXIV. c. 5. de Reformat.

»publicam causam.« . . . Videmus nihilominus frequentes et Romae et alibi hac in re dispensationes concedi.

***) Cessat itaque reservatio, et dispensare potest Episcopus, ubi dispensationem sine damno ecclesiae suae, aut animarum periculo omittere nequit. Idcirco possunt, solentque Episcopi dispensare 1) *post matrimonium* cum impedimento dirimente publice et bona fide saltem unius contractum, si sic conjuncti separari sine gravi damno, aut scandalo nequeant, nec accedi facile Pontifex queat; 2) *ante matrimonium* contractum, ubi periculum in mora est. 3) *Vi quinquennalis privilegii* a Papa concessi Episcopi Germaniae in pluribus impedimentis dispensant c. g. a) in tertio, quartoque consanguinitatis et affinitatis gradu, qui secundum non attingat; b) in gradu etiam tertio secundum attingente, si matrimonium jam sit bona fide contractum; immo etiam circa matrimonium contrahendum in *forma pauperum*; c) cum *haereticis conversis* in gradu secundo; d) in cognatione spirituali praeter levantem, et levatum; e) in impedimento publicae honestatis et sponsalibus; f) in impedimento criminis neutro tamen conjugum machinante etc., quam facultatem etiam aliis idoneis sacerdotibus delegare Episcopi possunt. Denique Episcopi Germaniae etiam gravibus ex causis dispensant in impedimentis inter partem alteram catholicam, et alteram protestantem; etsi enim Papa ex ratione status, ne unquam pacto Religioni praepudioso consentire videatur, aut omnino non, aut non nisi cum haec clausula: *abjurata prius haeresi* dispenset: Episcopi tamen Germaniae ad normam status et systematis imperii ob praecavenda mala majora jure se accommodant Barthel annot. ad Engel J. C. I. 4. tit. 16. Cf. Van Espen J. Eccl. un. P. II. tit. 14. c. 1.

§. 625.

Ceterum III. ad fori ecclesiastici *stilum*, *modum* item et *solemnitates* in dispensationibus impedimentorum petendis et exequendis quod adtinet; 1) dispensatio petenda est vel Romæ a *Dataria*, aut a *Pænitentiaria*, vel ab Episcopo proprio, * 2) *caussæ* semper legitimæ allegandæ, ** 3) ea, quæ *stilus* curiarum requirit, rite exprimenda sunt: *** 4) pro varia dispensationis forma varius ejus *exequendæ* modus exacte servandus. ****)

*) Porro I. *Pænitentiaria* ad quam petitio Cardinali ejus Præsidi iuscripta non vero, sed ficto solum oratorum, seu supplicantium nomine expresso dirigenda est 1) *gratis*, 2) pro foro duntaxat *interno*, et 3) solum in *occultis* impedimentis et ad forum contentiosum non deductis dispensat. Excipe tamen impedimenta consanguinitatis, et affinitatis ex copula *licita*, cognationis item spiritualis, in quibus quantumcunque occultis nunquam ad contrahendum, aliquando tamen ad permanendum in contracto dispensat: in ceteris præter primum et secundum: consanguinitatis vel affinitatis gradibus, modo occulti sint, id est aliis plane incogniti, vel paucis duntaxat personis ita cogniti, ut eorum porto divulgandorum periculum absit. Potestatem hujus tribunalis certis ea in re limitibus determinavit Benedictus XIV. constit. *Pastor bonus* A. 1744. II. *Dataria* contra, ad quam directa petitio ipsi Papæ inscribenda oratorum nomen verum, cognomen, Dioccesin contineat, necesse est, 1) pro foro præcipue *externo*, 2) in impedimentis *publicis* et *gravioribus* etiam, atque maxime, pro matrimonio contrahendo dispensat, 3) *taxamque* exigit *majorem* quidem, si in *forma* pro *nobilibus* ex rationibus non adeo *gravis*; *minorem*, si in *forma pauperum* dispenset, in qua

qua tamen nisi ob copulam inter oratores habitam, aut infamiam mulieris ex suspecta conversatione ortam dispensatio dari non solet. *Pauperes* hic dicuntur, qui actu non tantum bonorum possident, ut ex iis vivere juxta statum queant, nisi labore manuum vel industria alia, aut assumpto officio politico simul sibi congruam sustentationem compararent. (k) Veritas paupertatis per authenticum Ordinarii testimonium petitioni adjectum comprobanda est. *Taxam* item *minorem* Dataria exigat, si dispensationem elargiatur in forma communi, seu ubi adsunt causae vulgo sufficientes. Porro

**) *Causae dispensationis* haec sunt 1) aetas oratricis superadulta 24. annorum, 2) dos minus competentis: 3) difficultas obtinendi virum conditione parem ob loci, in qua femina habitat, angustiam: item 4) oratricis impraegnatio, aut 5) suspicio copulae habitae, seu infamia ob suspectam conversationem cum oratore: quae, quominus alium sponsum facile invenire queat femina, itidem impedit: 6) periculum haeresis ob viciniam cum A catholicis: 7) evitatio litium, scandalorum, inimicitiarum: 8) conversatio bonorum in familia: 9) excellentia meritorum versus ecclesiam: 10) dignitas personarum etc. Ob enumeratas causas regulariter in remotis duntaxat gradibus dispensatur; in secundo autem gradu aequali, vel in mixto, nisi ob causam, quarto, quinto, sexto loco memoratam, haud solet dispensari. Immo ob causam sextam, seu haereseos periculum avertendum non raro in gradibus etiam maxime propinquis, et quidem a Congregatione S. Officii dispensatio conceditur. (l) Porro circa has, aliasque dispensationis causas, et objecta, semper ea, quae stilus curiae exprimi jubet, curate exponenda sunt: Nempe

**) Gé-

(k) Barthel Annot. ad J. C. P. Engel l. 4 tit. 16.

(l) Idem ibid.

***) Generatim ubi agitur I. de *matrimonio contrahendo* 1) impedimentum rite in sua specie, gradu, linea, origine ex uno vel pluribus fontibus etc., et quidem 2) si duplex adsit publicum et occultum: in *Dataria* illud, utrumque in *Pœnitentia* declarandum. 3) Si copula inter oratores intercesserit, exprimendum curate, an ea fors habita, aut ejus habitæ suspicio fors excitata sit, dispensationis facilius obtinendæ causa: item num una, num utraque pars, quam inter copula intercessit, impedimentum cognitum habuerit. Quæ quidem declarare adeo necessarium creditur, ut si e. g. gradus remotior loco proximioris, aut impedimentum etiam minus, sed alterius speciei, quamvis ignoranter fuerit expressum, dispensationis literæ prorsus invalidæ habeantur. (m) II. *Matrimonio jam contracto* declarandum, 1) an bona unius, vel utriusque fide, 2) an spe dispensationis facilius obtinendæ, 3) an publice, vel omissis denuntiationibus contractum, an consummatum. Denique III. *petitio, ne rejiciatur*, stilo plano, es simplici exaranda est.

****) Porro 1) id genus dispensationes olim in *forma gratiosa* ut plurimum concedebantur: hodie autem dispensationes extra curiam in *forma commissoria*, ut ajunt, (Cf. §. 139.) dirigi solent ad commissarios, qui causis in partibus rite examinatis demum auctoritate apostolica dispensant. 2) Committit autem *Dataria* dispensationes suas Ordinario, quo nomine heic non Episcopus solum, sed ejus etiam Vicarius, seu Officialis venit. Dertur porro hæc delegatio non his duobus simul, sed alterutri: item non personæ eorum, sed dignitati aut officio, ut proinde eas nec alter alterius loco, nec Capitulum sede vacante loco Episcopi exequi queat; contra successor tum Episcopi, tum Officialis sine nova delegatione illas executioni dare possit. 3) Quodsi contrahere volentes sint Dioceseos

(m) Vid. Van Espen J. E. u. P. II. tit. 14. c. 3.

ceteros non unius, tum utraque quidem exprimenda in petitione; dispensationis autem literæ ad Ordinarium mulieris dirigi et ab hoc executioni dari solent. 4) *Panitentiaria* literas suas confessorio per Ordinarium approbato, et nisi alius certus petatur, Theologiæ Magistro, aut Juris canonici Doctori committere consuevit. Unde 5) dispensationes *Dataria* ab Episcopo, ejusve Vicario generali in foro externo; dispensationes *Panitentiaria* pro foro interno a confessoris per Ordinarium loci illius adprobatis quibuscunque, aut, si certæ personæ e. g. Doctores, Licentiati exprimantur, ab his, aut privilegiatis aliis necessario *exequenda* sunt, servatis omnibus, quæ in literis dispensationis exiguntur; præmisso inprimis, si aliunde non constet, riguroso examine, an res ita, ut in petitione exposita est, reapse se habeat. 7) Hæc literarum apostolicarum executio gratuito prorsus fieri debet: imo plerumque, qui eas literas exequitur, sub poena excommunicationis latæ sententiæ vel ab ultro oblati muneribus per adpositam clausulam jubetur abstinere. 8) Si post literas dispensationis seu mandati de dispensando obtentas quidem, sed nondum executioni mandatas inter consanguineos, affines, aut spirituali cognatione junctos copula intercesserit; corrueat dispensatio, aut saltem ante novas obtentas literas executioni dari nequit: (n) quare eo in casu nisi Episcopus forte dispensare queat, obtinendæ sunt literæ, quas vocant *perinde valere*. Ceterum plura qui cupit, hæc perquam prolixè explicata passim tum in Theologis, et Canonistis deprehendet, tum præcipue in iis, qui ex proposito hæc tractant. e. g. *Pyrrhus Corradus Praxis dispensat. apost. Thomas de Rosa tract. de executorib. liter. Apostol. Van Espen J. E. un. P. II. tit. 14 c. 2 sqq. etc.*

ARTI-

(n) *Pyrrhus Corradus* L. 5. c. 1. n. 87.

ARTICULUS IV.

De Impedimentis Matrimonii speciatim.

§. 626.

Impedimenta matrimonii *impedientia* olim plura, hodie *) quatuor numerantur, hoc comprehensa versu: *ecclesiae vetitum, feriae, sponsalia, votum*. Denotat porro 1) *ecclesiae vetitum* interdictionem matrimonii a Superioribus ecclesiasticis ob justas causas factam; 2) *feriarum* nomine intelligitur heic tempus ab adventu Domini usque in diem Epiphaniae; et a die cinerum usque in octavam Paschae inclusive, quo tempore orationi, aut poenitentiae inprimis destinato, olim ipse conjugii usus inconveniens habebatur: (a) hodie nuptialis saltem solemnitas, imo regulariter vi consuetudinis nuptiae etiam non solemnes citra Episcopi facultatem celebrari vetantur. 3) *Sponsalia* prius cum alio contracta, nec deinceps legitime soluta, prohibent; quominus cum alio inire matrimonium liceat; contractum tamen irritum haud reddunt. 4) *Votum* simplex castitatis, non nubendi; aut amplectendi statum, qui cum matrimonio consistere nequit, scilicet votum religiosum ordinem profitendi, sacros ordines suscipiendi, matrimonium contrahendum equidem impedit, contractum tamen non dirimit. **)

*) Olim

(a) Vid. c. 1 et sqq. Caus. XXXII. q. 4 et c. 4. de feriis.

*) Olim frequens erat criminum pœna ecclesiastica, perpetua matrimonii interdictio. Ita Matrimonium impediabant delicta his expressa versibus: *Incestus, Raptus sponsata, mors mulieris: Susceptus propriæ sobolis; Mors presbyterialis: vel si pœniteat solenniter, aut monialem accipiat, prohibent hæc matrimonium sociandum.* At vero hæc ex delictis istis orta impedimenta impediuntia per universalem consuetudinem sublata esse passim tradunt. Impedimentum itidem catechismi (b) sive spiritualis quædam cognatio inter personam baptizatam, et eum, qui pro ea in baptismo solum respondit, per Tridentinum (c) esse abrogatum, communior habet sententia. Cf. *Van Espen J. Eccl. un. P. II. tit. 13. c. 2.*

**) *Votum simplex*; nam matrimonium non impeditur solum, sed dirimitur etiam per *votum solenne* seu » quod solennizatum fuerit per susceptionem » sacri ordinis, aut professionem expressam vel tacitam factam alicui ex Religionibus per sedem » apostolicam approbatis. « (d) Quodsi *votum castitatis simplex* post sponsalia primum nuncupatum sit, non valebit in præjudicium alterius partis; neque enim Deus ita acceptat; *votum vero Religionis profitendæ* valebit, implendumque erit. Etenim etiam post matrimonium ipsum ratum, nondum consummatum, licet conjugum utrique aut alterutri invita etiam altera conjugum Religionem ingredi.

§. 627.

Impedimenta dirimentia, quæ varia ratione induci supra (§. 611.) jam observavimus, commode ad quatuor reducuntur classes, scilicet I. ad *defectum assensus interni*, quorsum error,

con-

(b) C. 5 de cognatione spirit. et c. 2. eod. tit. in 6.

(c) Trident. sess. XXIV. c. 2 de Reform. Matrim.

(d) C. un. de voto et voti redempt.

conditio, vis, raptus spectant: II. *ad defectum libertatis externæ*, quo votum, ordo, ligamen referri poterunt: III. *ad defectum personæ* seu ad inhabilitatem a natura, vel lege ortam, quo impotentia, ætas immatura, cultus disparitas, crimen, cognatio naturalis, spiritualis, legalis, affinitas et honestas publica trahi queunt: demum IV. *ad defectum solemnitatis* pertinet clandestinitas. Hæc impedimenta ante matrimonium contracta, seu antecedentia esse debent, ut illud dirimant: ob impedimentum enim supervenient nequit contractum valide matrimonium dirimi. (§. 613.) Porro universa impedimenta dirimentia memoriæ causa his versibus comprehendi solent:

Error, conditio, votum, cognatio, crimen,
Cultus disparitas, vis, ordo, ligamen, honestas,
Aetas, affinis, si clandestinus, et impos,
Si mulier sit rapta, loco nec reddita tuto. *)

- *) Ex impedimentis 1) *impedientibus* quidem juris naturalis sunt votum et sponsalia, nam res uni promissa alteri licite non traditur: 2) *ex dirimentibus* juræ naturæ matrimonium irritum reddunt error et verosimilius metus gravis injuste incussus, item ætas infantilis, impotentia, consanguinitas in linea recta, demum juxta aliquos ligamen; 3) cetera *juris positivi* censentur. Quoniam de omnibus pro dignitate dicere nec temporis nec propositi ratio sinit; satis esto generales saltem notiones, ac regulas subministrare, servato eo, quem mox indicavimus, ordine. Itaque

§. 628.

Ob defectum *interioris consensus* matrimonium dirimit *l. error*. Contingere autem heic potest error vel a) *circa personam*, dum quis fallitur circa ipsam personam, diversamque ab ea, quæ præsens est, vult sibi matrimonio jungere: vel b) *circa qualitatem personæ*, quum quis e. g. pauperem, ignobilem, corruptam duxerit, quam divitem, nobilem, virginem falso credidit. Evenit aliquando, ut c) *error qualitatis redundet in personam* erroremque personæ involvat, quod tunc fieri dicitur, quum qualitas, circa quam erratur, individuum hoc seu personam determinat, eamque a quavis alia distinguit: vel, ut alii explicant, quando animus contrahentis sic fertur in eam qualitatem, ut implicite nolit personam, si ipsi desit qualitas, in qua erratur. Rursus *error* uterque vel est d) *antecedens*, qui dat causam contractui, ita, ut, si erratum non fuisset, nec contractus fuisset initus; vel est e) *incidens*, seu *concomitans*, qui non dat causam contractui, ut is, etsi abesset error, nihilominus iniretur. Porro 1) *error circa personam ipsam*, sive *antecedens* is fuerit, sive *incidens* solum, matrimonium ipso jure naturæ dirimit; eoquod consensum in ipsam personam tollat. Et sane, qui Rachaelem ducere intendit, in Liam, quæ præsens est, et pro Rachaele habetur, haud consentit. Nihil quippe volitum, nisi præcognitum. Ne-

que sufficit, quod incidentem errorem committens, licet scivisset adesse aliam, consensus tamen fuisset. Namque non consensus, qui futurus erat, sed qui actu fuerat, matrimonii contractum efficit. Contra 2) *error circa qualitatem*, sive *incidens*, sive *antecedens* etiam, regulariter non dirimit matrimonium. Etenim error hic consensum in personam ipsam, et in matrimonialem contractum, ad cuius essentiam illa qualitas haud pertinet, minime tollit. Nec obstat, quod melius de ea qualitate instructus non *voluisset* contrahere. Aliud siquidem est *non voluit*, aliud *non voluisset*: illud consensum excludit, non istud. Dein matrimonium est contractus *completus*, per se *absolutus*, et *perpetuus*, quem, si salva sit ejus substantia, boni publici ratio rescindi haud sinit. *) Quare 3) *error circa qualitatem*, qui *redundat in personam*, non tantquam error qualitatis, sed ceu error personæ, dirimit matrimonium. Tollit quippe et iste error consensum substantialem, ut patet. **) Rursus matrimonium dirimit 4) *error circa qualitatem*, cui ceu conditioni suum consensum *expresse* quis alligavit, ita, ut non nisi ea qualitate præsentem voluerit, ea absente noluerit contrahere; nam deesse consensum per se patet: et contractum *conditionatum* deficiente conditione esse nullum, nemo nescit. Denique secundum alios matrimonium dirimit 5) *error circa qualitatem*, cui ex *communi hominum æstimatione* contrahentium consensus tacite affixus merito creditur ***)

*) Et vero si id genus errores circa qualitatem personæ, etsi causam dent contractui, valori matrimonii obstarent, in tanta similitum errorum frequentia hoc ex capite plurima matrimonia non sine summo utriusque reipublicæ detrimento nulla futura essent, aut summe dubia, et incerta. Bonum itaque publicum exigit, ne consensus iis qualitatibus alligetur, aut alligatus esse credatur. Merito proinde, qui exterius consensit, nisi dissensum internum, aut expresse adpositam conditionem probare certo queat, in foro externo non auditur. Et latum profecto inter sponsalia de futuro aliosque contractus civiles, et inter matrimonium discrimen est. Illa namque, ceu actus futurus et nondum completus, et hi, ceu actus rescindibiles, et mutabiles facilius conditiones admittunt, quam matrimonium, contractus de se absolutus, indissolubilis et perpetuus etc. *Van Espen J. E. un. P. II. tit. 13. c. 3. Cf. Pl. Böcklin comm in Decret. L. 4. tit. 1. n. 39. sqq.*

**) Erroris talis, qui in personam redundet, exemplum vulgo assignant; si Principi offeratur filia tanquam primogenita, et regni hæres; qualis tamen haud sit. « Solet enim, inquit idem Van » Espen, illius animus ita ferri in hanc qualita- » tem, ut si circa illam sit error, nolit istam » personam: vel potius quia juxta prudens judi- » cium judicari debet, quod censeatur noluisse » illam filiam hac qualitate destitutam. Quando- » nam autem juxta prudens judicium quis cen- » seatur non velle personam, si huic desit quali- » tas, circa quam errat, frequenter est incertum. » Ita Van Espen loc. cit. vid. c. 18 de sponsalib.

***) « In hac materia satis difficili, inquit Petrus col- » let (e) advertendum est, eum, qui personam jam

S 3

» antea

antea visu cognovit, eamque absolute ducere
 voluit, si decipiatur existimando eam esse no-
 bilem vel primogenitam, valide tamen cum ea
 contrahere; etiam si contrahere nollet, si hanc
 ignobilem esse cognosceret, quia non erat circa
 personam sed circa accidentia. Hoc nixi prin-
 cipio docti quidam Sorbonistæ definierunt va-
 lere matrimonium in sequenti casu: Advena
 quidam jactitabat se illustri familia ortum, et
 eo titulo frequens erat in domo viri nobilis, cui
 erat filia matura viro. Placuit utrique advena,
 unde ei nuptias sponponderunt, si genus su-
 um probaret. Protulit ille ficta testimonia
 et celebratæ sunt nuptiæ. Comperta posthac
 hominis novi fallacia, quæsitum est, an valeret
 matrimonium istud. Asserere prædicti Docto-
 res: quia deceptio tota fuit circa qualitates,
 nulla circa personam, puellæ cognitam, et in
 quam ipsa consensit, licet secluso dolo minime
 consensura. Huic prorsus contrariam casus
 similis resolutionem a Reutlingero datam refert
 Pl. Böckh, qui ex clericatus monet 1) bene
 expendendum esse sensum harum Propositionum:
Petrus vult contrahere cum hac femina præsentem,
quam putat esse primogenitam Pauli: et Petrus
vult contrahere cum primogenita Pauli, quam
putat esse feminam præsentem. In prima propo-
 sitione, inquit, cum persona non determinetur
 per qualitatem primogenituræ, sed per præsen-
 tiam, error qualitatis primogenituræ non afficit
 substantiam, nec dirimit matrimonium. At ve-
 ro in secunda. Unde si femina præsens non
 fuerit primogenita, nihil actum censetur. Ad-
 dit: 2) si *qualitas sit finis* matrimonii, ac istud
 mere loco medii ad illum consequendum eli-
 gatur; illa evadit substantialis. ubi error vi-
 tiat matrimonium. *Ita Böckh, loc. cit. n. 45.*

§. 629.

Ex eodem consensus defectu matrimonium dirimit II *conditio* *) scilicet, seu *status propriæ servilis* ab altero contrahente libero *ignoratus*: **) item 2) *conditio adjecta impossibilis*, cui consensus *vere* fuit alligatus: etenim quum ea impleri nunquam possit, consensus quoque perpetuo deerit: 3) *conditio fini, et substantiæ matrimonii* id est generationi prolis, fidei conjugali, perennitati matrimonii *repugnans*; hæc enim, quia cum matrimonio consistere nequit, *impossibilis* censetur. ***)

* 1) Jure Romano servorum matrimonium ignorante invitove domino plane invalidum habebatur. Quas leges secuta etiam est ecclesia: (f) At quum propter existimatam saltem legem seu apocryphum Lucii decretum indissolubilia pronuntiarentur servorum matrimonia: (g) Gratianus eas leges conciliaturus inter *scienter* et *ignoranter* cum servilis conditionis hominibus contrahentes distinxit: quo factum, ut deinceps *conditionis servilis* impedimentum ad casum erroris restringerentur. (h). Porro 2) dum de impedimento conditionis agunt, *conditionis* nomine heic plerique *solam* conditionem servilem intelligunt, alii conditionem servilem ad errorem reducentes, accipiunt conditionem, seu circumstantiam, a qua actus tanquam ab eventu incerto suspenditur. Nos utrumque sensum conjunximus.

**) Quadruplex servorum genus distinguunt a) *domesticos* seu famulos mercede conductos; b) *adscriptitios*,

S 4

(f) C. 8 caus. 29. q. 2.

(g) C. 1 ibid.

(h) C. 1. de conjug. serv. Cf. Van Espen. J. E. un. P. II. tit. 13. c. 3. et Paul Riegger instit. J. E. L. 4. §. 170 sqq.

titios, et, qui ex his nascuntur, *originarios*, certæ glebæ adscriptos, qui certos agros colere tenentur, sibi que vitæ necessaria duntaxat reservare possunt: c) *mancipia* stricte dicta, quæ a Domino seu res vendi, aliis locari etc. possunt: d) *servos pænæ*, qui ex judicis sententia ad pœnas, e. g. ad triremes, ad exilium perpetuum damnati sunt. Porro de servis domesticis et glebæ adscriptis heic non quæritur, neque de *servis pænæ ecclesiæ* quidquam statuit: unde *mancipia* proprie dicta hoc loco intelliguntur. Quod servitutis genus quoniam inter christianos fere est incognitum, *servilis conditionis impedimentum* itidem in terris nostris pene exolevisse plures existimant.

**) Aliæ *conditiones* 1) *turpes* in favorem matrimonii pro non adjectis habentur, vel potius non ferio adjectæ, aut consensum non exclusisse præsumuntur. Quocirca, usque dum contrarium in jure externo demonstratur, contractum cum illis matrimonium validum habetur, (i) 2) *conditiones honestæ de futuro*, consensum usque ad conditionis eventum suspendunt, impletæ absolutum faciunt: habentes deinceps copulam renunciare conditioni ipso facto præsumuntur, ita, ut in foro externo probatio contra hanc præsumptionem non admittatur: (k) 3) *conditiones honestæ de præterito vel præsentis* pro eo, atque actu veræ falsæque sunt, consensum, et contractum statim validum, vel invalidum reddunt. Porro ut quis in foro externo fidem inveniat, qui conditionatum contractum allegat, adjectam conditionem per testes omni exceptione majores probare debet.

§. 630.

Liberum itidem assensum tollit, atque adeo matrimonium dirimit III. *vis* seu *metus gravi*
vis

(i) C. final. de conditionibus apposis.

(k) C. 5 et 6 de conditionibus apposis.

vis a caussa libera ad extorquendum in nuptias assensum injuste incussus, *) quo aliqui importunas quoque preces, aut minas non vanas cum metu reverentiali conjunctas referunt.

(l) Validum tamen in foro externo præsumitur matrimonium, si pars metum passa et nullitatis conscia 1) per sesqui annum sponte cohabitet, aut 2) libere posthac copulam, quippe quæ adfectu maritali fieri creditur, admittat. (m)

*) Sunt, qui metu gravi etiam non directe ad matrimonium contrahendum, attamen *injuste* incusso dirimi matrimonium docent, dum quis matrimonium ceu medium ad sese ab injusto metu liberandum eligit: eoquod et hic consensus injuria haud facile repellenda obtineatur; et metum injuste incutiens juris sibi per vim acquirendi incapax sit.

**) Quamvis levis de se caussa perimere aliquando consensum liberum posset, ecclesia tamen, quæ de occultis non judicat, ex communiter contingentibus propter leviusculam metus causam consensum non defuisse merito judicat: præsertim, quum sponsi jam ante nuptias, num sua voluntate et non coacti contrahere velint, interrogari soleant. Ceterum, eoquod coactæ nuptiæ tristem plerumque habere exitum solent, tenebitur prudens Parochus, ubi alterutra ex parte metum subesse justa est suspicio, seorsim sponso examinare, et id genus nuptias pro viribus impedire, Coactis nuptiis benedicere sub poena suspensionis ab officio et beneficio vetuit synodus Mechliniensis P. I. de Sponsal. c. 2. Vid. Van Espen J. E. u. P. II. tit. 13. c. 9. n. 17.

S 5

S. 631.

(l) C. 14. 15. 28. de spons. et matrim. 4

(m) C. 11. et arg. c. 30. eod. tit.

§. 631.

Ex eodem liberi assensus defectu Matrimonium dirimit IV. *raptus* seu violenta abductio personæ invitæ contrahendi matrimonii causa, quamdiu rapta persona, etsi libere posthac consentiens, est in potestate raptoris. Valet matrimonium, si rapta, postquam loco tuto restituta est, libere in nuptias consenserit.

- * 1) *Crimen raptus* gravissimis poenis persequerentur leges Romanæ, (n) illudque unacum capitalibus Regum Francorum (o) voluerunt esse impedimentum matrimonii raptorem inter et raptam adeo perpetuum, ut nullo unquam tempore accedente etiam raptæ parentumque assensu aboleri posset: 2) videtur idem impedimentum pari modo per canones fuisse perpetuum: et seculis XI. et sequentibus primum relaxatum, ut matrimonium raptorem inter et raptam, si hæc consentiret, validum haberetur. (p) Verum 3) Tridentinum puellæ in potestate raptoris constitutæ assensui parum fidendum esse sciens, matrimonium ejusmodi tum solummodo validum esse posse declaravit, (q) siquidem femina extra raptoris potestatem constituta et loco tuto reddita eum maritum habere voluerit. Porro 4) tum leges, tum Synodus Tridentina solum de feminæ raptu seu violentia feminæ illata loqui videntur: unde impedimento huic, ubi vel abest violentia, vel quando femina virum violenter raperet, locus esse haud videtur. (r) 5) Equidem Galli quidam raptum alium *violentia*, de quo mox, alium *seductionis* dicunt, quando filia fami-

(n) Cod. Theodos. L. 9. tit. 24. de raptu virg. et viduar. et L. un. Cod. Justinian. eod. tit.

(o) L. 6 c. 69 et L. 7. c. 395 extat. apud Gratian. caus. 36 q. 2. c. 11. sub nomine concilii Aquisgran.

(p) C. 3. de Raptoribus.

(q) Trid. Sess. XXIV. de Reform. matrim. c. 6.

Familias minor blanditiis et promissis seducta consentit suæ abductioni, parentibus, sub quorum potestate est, non consentientibus. Atque isto raptu etiam, nisi filia potestati paternæ restituatur, dirimi matrimonium volunt: sed hæc Galliæ consuetudo ad alias regiones nil adtinet. *Vid. Van Espen J. E. P. II. tit. 13. c. 10. n. 12.*

§. 632.

Ob defectum *libertatis* matrimonium dirimit I. *votum solenne* per professionem validam religionis ab ecclesia adprobatae; quo etiam matrimonium jam contractum, sed nondum consummatum dirimi jam alias (§. 316 not. 3) monuimus: *) II. *Ordo sacer* libere susceptus, aut per liberum ejus exercitium posthac ratihabitus: III. *ligamen* seu vinculum prioris matrimonii sive consummati, sive rati tantum, sed validi. Proinde irritum nullumque est matrimonium, quod superstitute legitimo conjuge initur, etiamsi prius solum fuerit ratum, posterius etiam consummatum, (s) **)

*) Quamvis 1) tum canones, tum leges matrimonia post nuncupatum castitatis votum contracta semper damnariunt; ea tamen valida fuisse habita ex S. Leone. (t) S. Augustino (u) aliisque colligitur. 2) Neque illius votum *solenne* inter et *simplex* distinctionis ulla apud veteres sit mentio. Quare illa distinctio paulatim invecata, et sec. XII. demum

(r) Barthel Annot. in Engel J. C. L. 4. tit. 16.

(s) Trid. sess. XXIV. de reform. matr. c. 6. Item c. 2. et ult. de sponsa duorum.

(t) Epist. 2 apud Gratian. caus. 20. q. 3. c. 1.

(u) Lib. de bono viduitatis c. 10. apud Gratian. Diss. 27. c. 2.

num ubique recepta esse creditur. (x) Sed 3) quum deinceps varia de hac re exorta fuere dubia; tandem Bonifacius VIII. (y) declaravit, illoduntaxat castitatis voto, quod per professionem Religionis, aut susceptos sacros ordines esset solennizatum (v. §. 626. not. 2.) matrimonium dirimi. Ceterum 4) Synodus Tridentina (z) ubi eos damnat, qui Clericorum Regulariumque matrimonium validum asserunt, ideo di-junctivis his verbis: *non obstante lege ecclesiastica, vel voto; usa fuisse videtur; eoquod num sacer ordo ex voto, an ex lege ecclesiastica matrimonium dirimat, inter catholicos haud convenit. Van Espen J. E. un. P. II. tit. 13. c. 4. n. 14.*

**) Quocirca si quis bona fide mortuam conjugem existimans accedente etiam judicis ecclesiastici auctoritate ad alias transierit nuptias, errorem edocto relicta hac ad priorem conjugem redeundum erit; (a). Polygamiam enim jure divino saltem positivo prohibitam esse catholicorum nemo dubitat. (b)

§. 633.

Ob defectum *habilitatis* matrimonium dirimit I. *Impotentia* seu defectus corporis ad actum conjugii exercendum inepti. Qui quidem defectus, 1) si conjugium præcedat, *impotentia* a) antecedens, si sequatur, b) *consequens*; 2) si tolli potest, a) *temporaria*, sin, b) *perpetua* dicitur: Rursus 3) si defectus ille impedit actum conjugii cum omnibus, a) *absoluta*: si ob causas singulares cum aliqua tan-

(x) Vid. Van Espen J. E. un. P. II. tit. 13 c. 4.

(y) C. unic. de voto et voti redempt. in 6.

(z) Sess. XXIV. c. 9 de reform. matrim.

(a) C. 2. 3. 4. de spons. duorum.

(b) Trident. Sess. XXIV. de matrim. c. 2.

tantum, b) *respectiva* impotentia solet appellari. Porro sola impotentia *perpetua* *) *antecedens* **) matrimonium dirimit, et *absoluta* quidem respectu omnium, *respectiva* vero respectu illius tantum personæ, ad quam est.

*) Colliges: 1) impotentiam, quæ ante matrimonium non innotuit, perpetuam esse ubi constat, statim dissolventur nuptiæ: 2) dubio post contractum matrimonium orto, num impotentia vera, perpetuaque adsit, ecclesia permittit, ut per triennium experiantur conjuges, an matrimonium consummare valeant. Elapso triennio si inveniatur matrimonium non esse consummatum, id iudicio ecclesiæ, non sola partium auctoritate, dissolvitur, et pars copulæ idonea, aut si impotentia tantum respectiva adsit, pars utraque matrimonium cum alia persona contrahere potest. 3) Quodsi deinceps deprehendatur, impotentiam non fuisse perpetuam, priores nuptiæ, etsi novas conjugum alter deinceps iniisset, redintegrandæ sunt. (c)

**) 1) *Impotentia consequens* nec matrimonium rite initum dirimit: nec vivente legitimo conjugē impotente ad alias nuptias transeundi jus alteri parti tribuit. Multo minus 2) *morbi* quidam, licet graves, sive matrimonium præcedant, sive sequantur, matrimonii vinculum solvunt. (d) Neque Gregorius III. contrarium decrevit; nam vel Responsum illud (e) falso, quod Pagius docet, eidem adscribitur, (f) vel certe fatente ipso Boehmero (g) de muliere per infirmitatem antecedentem prorsus impotente intelligi commode potest, (§. 613. not. 2.) 3) *Senium* vero, et *sterilitas*, ut quæ conjugii actus

(c) C. 1 et 5 de frigidis et maleficiatis.

(d) C. 2 et ult. de conjug. lepros.

(e) C. 18. caus. 32. q. 7.

(f) In critic. ad An. 726.

(g) In not. ad eund. n. 48.

actus non impediunt, licet per accidens generatio non sequatur, matrimonii validitati non obstant.

§. 634.

Eadem ex ratione matrimonium dirimit II. *ætas immatura* inpuerum, id est, ætas in masculo minor quatuordecim, in femina duodecim annis, nisi fors, a) sint pubertati proximi, aut b) malitia subpleat ætatem. b) aut c) post pubertatem adepti cohabitare pergant, seu potius novo consensu matrimonium in facie ecclesiæ confirmant. (i) Matrimonium dirimit III. *cultus disparitas*, seu religionis disparis professio, dum pars una est, altera non est baptizata, *) secus si neutra sit baptizata.

*) Olim matrimonia inter cultu dispares valida habebantur. Tale sane fuit S. Monicæ cum Patricio viro ethnico; ut ipse Augustinus testatur, (k) item S. Clothildis cum Clodovæo Francorum Rege, aliorumque. 2) Ob gravia tamen ex iis matrimoniis oriri solita, quæ Tertullianus (l) graphice describit, incommoda, jure verosimilius consuetudinario deinceps impedimentum disparis cultus inductum est. Cf. Van Espen J. E. u P. II. tit. 15. c. 8.

§. 635.

Ad præcavenda adulteria homicidiaque, et in justissimam horum criminum pœnam provido ecclesiæ decreto matrimonium inter flagitii complices dirimit IV. *crimen*, seu *adulterium*, et *homicidium* jam a) *alterutrum*, jam

(h) C. 9 et 10 de desponsat. Impub.

(i) C. 12 eod. tit.

(k) Confession. L. 9. c. 9.

(l) L. 2 ad uxorem. c. 2.

jam b) *utrumque simul*. Videlicet dirimit matrimonium 1) *adulterium solum* cum promissione futuri matrimonii, aut *matrimonium attentatum et consummatum* vivente eodem legitimo conjuge: (m) 2) *cædes sola* conjugis sine adulterio, si illa communi duorum contrahere cupientium consensu eo fine, ut secum contrahere queant, sit procurata: 3) *cædes et adulterium simul*, si *cædes* conjugis ab alterutro adulterantium tantum, nesciente aut non consentiente altera parte adultera, attamen matrimonii cum alterutro contrahendi causa fuerit patrata, aut procurata. (n).

*) Ex hodierna (o) ecclesiæ disciplina 1) ad impedimentum criminis adulterii requiritur, a) ut *adulterium* 2) ex utraque parte *formale*, (p) id est, commissum ab utroque legitimum matrimonii vinculum non ignorante: b) ut *promissio* futurarum nuptiarum sit aliquo modo ab altera etiam parte *acceptata*, nec ante adulterium serio revocata. Haud refert autem an illa promissio præcesserit, an secuta sit adulterium; (q) modo c) *promissio et adulterium eodem vivente* legitimo conjuge contigerint. (r) Ceterum *machinatione* in conjugis mortem, quam mors secuta non sit, impedimentum haud videtur induci. 4) Impedimento criminis eos etiam, qui crimini eam matrimonii dirimendi vim inesse ignorant, obstringi et ad matrimonium

(m) C. 5. 6. de eo, qui duxit — quam poluit.

(n) C. 6. eod. tit.

(o) De antiqua disciplina vid. Van Espen J. E. u. P. II. tit. 13. c. 7.

(p) C. 1. de eo, qui duxit etc.

(q) C. ult. eod. tit.

(r) C. 6. et eod. tit.

monium reddi inhabiles verosimilius est. Cf. Neller Diss. de crimine matrimonii impedimento historice, canonice-practice exposito.

§. 636.

Matrimonium dirimit V. inter personas cognatas 1) *cognatio naturalis*, seu conjunctio personarum, quarum una ab altera vel ambæ a communi et propinquo stipite per generationem carnalem descendunt. Dirimit porro matrimonium *cognatio naturalis*, seu consanguinitas a) in quocunque gradu *lineæ rectæ*, et b) usque ad quartum *lineæ collateralis* gradum inclusive; * 2) *cognatio spiritualis*, seu ex baptismi, et confirmationis collatione et susceptione proveniens impedit, quo minus validum matrimonium esse queat a) inter susceptores in utroque sacramento et susceptum, susceptique parentes; item b) inter ministrum, et illa sacramenta susipientem hujusque patrem, et matrem: 3) *cognatio legalis ex adoptione* probabiliter solum perfecta consurgens **) matrimonium irritum reddit a) inter adoptantem, adoptatum; hujusque descendentes; item b) inter uxorem adoptantis, et adoptatum, et vicissim inter uxorem adoptati, et adoptantem; demum c) inter adoptatum, et liberos adoptantis, quamdiu in eadem patria constituti sunt potestate.

*) *Cognatio naturalis* seu consanguinitas ex *stipite gradibus* et *lineis* judicatur. Porro, 1) *stipes* dicitur persona, a qua aliæ, de quarum cognatione queritur, descendunt. 2) *Gradus* est distantia consanguineorum tum a se invicem, tum a communi stipite: 3) *Linea* est series seu ordo personarum,

narum ab eodem stipite descendendum; eaque vel a) *recta*, quæ genitos et genitores, vel b) *obliqua* seu *collateralis*, quæ a latere junctos, seu non quidam a se, sed a communi stipite descendentes complectitur: hæc rursus dicitur a) *aqualis*, si cognati eodem, vel b) *inæqualis*, si diverso gradu a communi stipite distent. Ceterum 4) jure quidem civili fit distinctio inter *cognitionem* et *agnationem*, seu consanguinitatem per lineam paternam vel maternam. At heic ratione impedi- menti matrimonii, unde demum illa propinquitas oriatur, perinde est.

- 1) Ad gradus consanguinitatis computandos hæc jure canonico statuuntur regulæ: I. In *linea recta*: tot sunt gradus, quot sunt generationes, vel quot sunt personæ non computato, a quo numerandi initium sumitur, stipite; e.g. Pater, filius, nepos tres personæ, sed duæ generationes, duo gradus. II. In *linea collateralis aquali*: tot gradibus duo distant inter se, quot ambo distant a communi stipite; frater et soror a patre ceu communi stipite uno gradu distant, uno quoque gradu distant inter se. III. In *linea collateralis inæquali*: tot gradibus duo distant inter se, quot gradibus distat ille, qui remotior est a communi stipite: sic soror, et fratris filius duobus inter se gradibus distant, quia filius fratris duobus gradibus a communi stipite distat. (s) 2) Notandum vero, quod in exprimendo gradu inæquali seu mixto semper incipiendum sit a gradu masculi, sive is propinquior fuerit, sive remotior: sic relatio materteræ ad filium sorossa secundo ad primum, relatio vero patruj ad filiam sororis vel fratris dicitur a primo ad secundum. 3) Dixi de- tas regulas obtinere jure canonico, cui haud consentit

(s) Vid. c. 15, caus. 35. q. 5. ubi hæc fusiùs explicantur.

sentit jus civile. Equidem jus utrumque in *linea recta*, non item in *obliqua* eandem sequitur regulam; jus enim civile etiam in *linea obliqua* eam, quam in *linea recta* retinet regulam; non item jus canonicum. Unde frater a sorore jure civili distat gradu secundo, jure canonico gradu primo. Consobrini jure civili distant gradu quarto, jure canonico gradu secundo. *De introducto hujus variae computationis usu vid. Van Espen J. E. u. P. II. tit. 13. c. 5.*

***) Impedimentum cognationis spiritualis ad exemplum cognationis carnalis vel legalis invecum jam Justinianus commemorat: (t) 2) quod quum paullatim esset nimis extensum, (u) synodus Trident. (w) illud in multis restrinxit, et deinceps summum duos tantum, unum et unam ad levandum infantem esse admittendos decrevit. 3) Si quis non suo sed alieno nomine levet infantem, verosimilius non mandatarius, sed qui eum mittit, cognationem contrahit. 4) Quodsi alter conjugum propriam sobolem levaret, aut *extra casum necessitatis* baptizaret, hanc quoque cum conjugē altero contrahit cognationem, quæ saltem, usque dum Episcopus dispensaret, usum impediret, conjugii. *(cf. c. 7. caus. 30. q. 1.)*

****) *Adoptio perfecta*, seu *arrogatio* fit, quando homo patria potestate exemptus Principis aut saltem judicis auctoritate ita recipitur in filium, ut transeat in familiam patriamque potestatem alterius, et fiat hæres illius necessarius. Contra per *adoptionem imperfectam* filiusfamilias alienus equidem quoad quartam partem bonorum patris adoptivi fit hæres ab intestato, non tamen hæres est necessarius; neque etiam in familiam et patriam potestatem adoptantis transit.

§. 637.

(t) L. 26 Cod. de Nuptiis.

(u) Vid. caus. 30. q. 3. et tit. de cognat. spiritu.

(w) Sess. XXIV. c. 2 de reform. matr.

§. 637.

Dirimit matrimonium VI. *affinitas*, id est, propinquitas personarum orta ex commercio carnis seu copula completa et perfecta, ut ajunt, sive legitima illa sit, sive illegitima. Cujus impedimenti principium quum sit carnale commercium; equidem 1) consanguinei uxoris, vel feminae cognitæ fiunt affines marito, vel cognoscenti: et vicissim: 2) consanguinei mariti vel cognoscentis affines efficiuntur uxori; 3) utriusque autem conjugis, seu commercium carnale habentium, consanguinei, utpote quos inter nullum carnale commercium intercessit, nullo modo inter se fiunt affines. *) 4) Dirimit autem matrimonium *affinitas* a) orta ex copula *illicita*, usque ad *secundum* b) orta ex copula *licita*, seu conjugali, usque ad *quartum* gradum inclusive, inter virum et consanguineos fœminæ ab eo cognitæ; et vicissim inter fœminam cognitam, et consanguineos cognoscentis. Porro in quo gradu quis consanguineus est viro seu copulam habenti, in eo est affinis uxori seu cognitæ et vicissim. Denique ceu species ac umbra quædam affinitatis matrimonium dirimit VII. *Publica honestas*, sive justitia, ut ajunt, publicæ honestatis, quæ oritur vel a) ex *sponsalibus validis* solum et *puris*, nempe quæ vel absolute contracta sunt, vel purificata conditione jam in absoluta transiere, (x) vel b) ex *matrimonio*

T 2

rato

(x) Olim per c. un. de sponsalibus in 6. oriebatur hoc impedimentum ex sponsalibus etiam *invalidis*,

rato nondum consummato, licet invalide contracto, modo non sit invalidum ex defectu consensus. Impedimentum hoc ortum 1) ex *sponsalibus*, etsi deinceps dissolvantur, hodie duntaxat usque ad *gradum primum*, 2) ex *matrimonio* autem usque ad *quartum gradum* inclusive inter sponsum et consanguineos sponsæ, et vicissim matrimonium impedit, invalidumque reddit. **)

*) Hinc quum consanguinei viri non sint affines consanguineis uxoris, et vicissim, duo fratres duas sorores alterius familiæ, item privignus novercæ suæ filiam ex priori matrimonio natam ducere possunt.

**) Impedimentum publicæ honestatis non agit retro uti affinitas: id est, sponsalia posteriora, aut matrimonium attentatum cum sorore, matre, aut filia sponsæ nil præjudicant prioribus sponsalibus validis. Unde 1) si e. g. Titius initis ante cum Cajæ sponsalibus validis aut nova sponsalia, aut matrimonium cum Cajæ sorore, matre, aut filia attentet, sed non consummet, Cajam deinceps nihilominus ducere potest. Pari ratione 2) Titius feminam sibi desponsatam, quam posthæc Titii frater duxit, sed non cognovit, ducere non prohibetur. Quodsi vero 3) utroque in casu copula secuta sit, tum quidem priori in casu Titio jam neutram ducere licebit; non Cajæ sororem matremve ob impedimentum publicæ honestatis, non Cajam ob affinitatem. Et altero casu feminam Titio desponsatam et posthæc a fratre Titii cognitam Titius ob affinitatem, Titii frater ob impedimentum publicæ honestatis ducere uxorem prohibentur. 4) Si vero Cajus post copulam cum Bertha habitam cum ejusdem sorore celebraret sponsalia, nihilominus
cuius

sed hodie ex *validis* solum vi Trident. Sess. XXIV. c. 3. de reform. mati.

cus Bertham, eoquod sponsalia hæc invalida fuerint, ducere uxorem poterit.

§. 638.

Denique ob defectum *solennitatis* matrimonium dirimit *clandestinitas*, *) ita ut matrimonii contractus clam, et sine Parochi proprii et duorum testium præsentia celebratus **) per decretum concilii Trid. sit plane invalidus. ***)

*) *Matrimonia clandestina* clam et sine ecclesiæ benedictione celebrata jam ab antiquissimis temporibus ecclesia semper vetuit (y): ea tamen prorsus invalida fuisse habita, haud constat. Ut igitur gravissimis, quæ ex clandestinis nuptiis evenire solent, incommodis occurreret Tridentina synodus, omnia, quæ non coram Parocho et testibus celebrata essent matrimonia, prorsus invalida declaravit sess. XXIV, c. 1 de Reform. matr.

**) Sufficit 1) sponsi vel sponsæ Parochus domicili vel quasi domicili: 2) yagi, qui neutrum domicilium habent, coram Parocho loci, ubi versantur, contrahere possunt, obtenta tamen prius, quod Tridentinum (z) statuit, Ordinarii venia. 3) Ut validum sit matrimonium, satis est Parochum excommunicatum, suspensum, aut etiam invitum adesse contractui matrimonii; modo tum ipse tum testes, quos ex multorum sententia heic sufficit testimonii ferendi per naturam esse capaces, ita sint præsentés, ut quid inter sponso agatur, percipiant.

*** 1) Decretum istud, utpote quod in singulis parochiis promulgari Tridentina synodus jussit, nec ante promulgationem ibidem factam vim obligandi habere voluit, nonnisi in iis, ubi reapse promulgatum est, locis obligat. 2) Nihilominus ii, qui

T 3

ad

(y) Tertullian. L. de pudicit. vid. caus. XXX. q. 5. c. 5. apud Gratian.

(z) Tridentin. ibid. c. 7.

ad contrahendas clandestine nuptias ad locum, ubi illud receptum non est, in fraudem legis se conferunt, contrahunt invalide. 3) Matrimonia Protestantium in Germania coram ministro a catholico contracta gravibus ex momentis, valida censi supra (§. 622) vidimus. Et vero præterquam, quod isti clam non contrahant, et sic quodam sensu jussis synodi Trid. satis fiat, eadem fere rationes, quæ motus Benedictus XIV. matrimonia Belgarum sub ditionibus ordinum fæderatorum valida voluit (a), hæc in Germania quoque pro Protestantium matrimoniis occurrunt. 4) In loco etiam Tridentini promulgati, siquidem ibidem universim et communiter haberi Parochus nequeat, matrimonium saltem coram testibus contractum fore validum existimat. *Pl. Beckhn comm. in Decret. L. 4. tit. 3. n. 30. Schmier L. 4. Tract. 3 c. 5 n. 185. citans Ill. Vinc. de Petra. com. ad constit. apost. tom. 4 pag. 80. n. 30. seqq.*

ARTICULUS V.

De Sponsalibus, aliisque Matrimonio præviis.

§. 639.

Matrimonio ceu rei gravissimæ apud gentes bene moratas præmitti semper consuevere sponsalia. *) Sponsalia hæc vi juris canonici a) *proprie* et simpliciter accepta sunt mutua futurarum nuptiarum promissio: b) *late sumpta* et nonnisi addito: *de præsentī*, matrimonium ratum denotant. Inde nota illa in
spon-

(a) Constit. matrimonia A. 1714.

sponsalia de futuro, et de præsenti divisio, Protestantibus quibusdam haud arridens. (a)

*) *Sponsalia a spondendo nomen habent: «nam moris » fuit veteribus stipulari, et spondere sibi uxores » futuras; unde et sponsi sponsaque adpellatio » nata est « (b) et qui uxorem viro stipulanti sponsabant, sponsores; actus ipse, quo hæc stipulatio, sponsioque peragebatur, sponsalia dicebantur.*

§. 640.

De *sponsalibus* propriis sed de futuro, ut vocant, de quibus hic solum agimus, hæc habeto *axiomata*: Quoniam *sponsalia* veri contractus rationem obtinent, et in plerisque ipsius, ad quod ordinantur, matrimonii naturam sequuntur, ipsa quoque legibus naturalibus, civilibus et ecclesiasticis subjecta sunt: (§. 607.) unde *sponsalia* I. ab iis, qui his legibus non impediuntur, *contrahi* possunt; II. *consensu* partium his legibus determinato coalescunt; III. *modus* ea contrahendi, IV *effectus* eorum et V. *dissolutio* ad earundem legum normam exigere debent. VI. A *sponsalibus* *justa de causa* *resilire* licet.

§. 641.

Sponsalia I. contrahere possunt omnes, qui lege naturali, divina, vel humana non prohibentur. *Sponsalia* autem per eas leges *contrahere* valide non possunt 1) impedimento matrimonii saltem perpetuo laborantes; 2)

T 4

ratio-

(a) Vid. Gallade de doctrina Catholicorum et errorib. Protestant. circa sponsalia de futuro et præsenti, Heidelb. 1766. Cf. Boehmer Jur. eccl. ad L. IV. tit. 1. §. 3.

(b) L. 2. et 3 ff. de sponsalib.

rationis usu destituti; 3) infantes septennio minores. (c) Impuberum septennio majorum sponsalia valida quidem, at eousque solum firma sunt, ut impuberi resilire non liceat; facto tamen puberi resilire sit liberum *) Quodsi vero pubes cum impubere iniit sponsalia, huic, non illi, resiliendi jus est. (d)

*) Nec obstat cap. 1. de despons. impub., ubi hæc sponsalia adimpleri jubentur; etenim id eo solum casu intelligendum, si sponsa in domum sponsi traducta puber facta cohabitare pergat, aut alio modo sponsalia prius claudicantia confirmet, ut notat. *Böhmer ad cit. capit. n. 6.*

§. 642.

Quum II. sponsalia nonnisi *consensu* partium legitimo coalescant; adsit necesse est *consensus* 1) certus inter personas certas, et determinatas, * 2) *deliberatus* pro negotii gravitate, 3) *verus* non fictus, ** 4) *manifestatus* sufficientibus indiciis, ore nempe, scriptis, signis aliis, quæ vel ex propria sua significatione, vel ex usu recepto, vel ex adjunctis et in dubio ex prudenti iudicis arbitrio veram matrimonii promissionem continent, 5) *liber*, ab omni metu, dolo, et errore immunis; unde si error circa ipsam personam, metus injustus gravisque, dolus dans causam contractui intercedat, nulla orietur obligatio; 6) *reciprocus*; nemo quippe se alio modo obligare velle censetur; nisi forte conceptis verbis aliud declaret: quo tamen casu obligatio quidem
lex

(c) C. 4 et 5 de sponsalib.

(d) C. 7 et 8. de spons. impub.

ex hujus unius parte, non tamen vera sponsalia exsurgent. Ceterum promissio reciproca ex ipsa promissionis acceptatione, accedentibus aliis signis, non autem ex sola taciturnitate colligi potest; 7) *solennis* non quidem de jure communi, attamen de jure particulari, vi cujus sæpe testibus, scriptura, certa verborum formula, aut etiam consensu parentum, vel tutorum, ad sponsalium etiam valorum opus. ***)

* 1) Igitur, si Petrus ex tribus sororibus unam se ducturum promittat, illæque omnes se offerant, haud quidem nascentur determinata sponsalia, aut saltem ex incertis illis sponsalibus nulla publicæ honestatis justitia orietur (e); attamen verosimilius 2) ex ea promissione Petrus tenebitur unam ducere, et electa eum maritum accipere. Quodsi vero electa una Petri uxor esse nolit, aliam ex iis ducere Petrus haud obligabitur. Petrus enim alternative tantum promisit, singulæ autem puellæ seorsim se obstrinxere. Aliud foret, si singulæ se non obligassent, aut Pater unam ex illis se daturum promississet. Tum quidem utriusque ex parte solum alternativa est obligatio. *Vid. Pl. Bæckhn. comment. in Decr. L. 4. tit. 1. n. 70. seqq.*

** 1) *Ficta promissio* verum contractum non efficit (f), 2) attamen habetur pro vero consensu in foro externo, nisi fictio argumentis certissimis comprobetur: 3) deceptor omne damnum ex fictione secutum resarcire tenebitur: Immo 4) præsertim si deceptor sub ficta matrimonii promissione puellam violaverit, eum ad ducendam puellam, non

T 5

qui-

(e) C. un. de sponsal. in 6.

(f) Non desunt tamen, qui contrarium asserunt. *Vid. Pl. Bæckhn. L. 4. tit. 1. n. 15 seqq.*

quidem vi contractus, sed ex juris dispositione (g) regulariter, nisi justæ causæ vel leges locorum excusent, obligari plures asserunt. *Vid. Pl. Bæckh. L. cit. n. 30 — 34.*

***) In *Bavaria* per ordinationem provisionalem (h) hæc constituta sunt: 1) *Sponsalia*, nisi coram *Párocho* loci, aut *Magistratu* civi*i* præsentem legitimum testem in scripturam sive redacta, aut 2) inter *Nobiles* contracta, nisi tum ab ipsis contrahentibus tum a duobus testibus nobilibus subsignata sint, pro foro in- et externo nulla habeantur. 3) *Sponsalia* filiorum vel minoremium sub patria, aut curatoria potestate constitutorum absque parentum consensu admittenda non sunt, et attentata poenis subjaceant etc. etc. Porro in *Concordatis* novissimis augustanis (i) *Ordinarius* se offert ad sponsalia occulta pro foro interno, et intuitu impediti publicæ honestatis pro invalidis declaranda. Et in subjuncta declaratione (k) ea invalida pronuntiat, et in ecclesiis promulgari jubet.

§. 643.

III. *Modus* contractus sponsaliti*i* legibus congruat: potest tamen esse varius. Nam sponsalia 1) jam ab ipsis sponsis, jam per procuratores, aut per parentes liberis puberibus præsentibus et non contradicentibus, 2) jam cum, jam sine conditione, * 3) sub modo, sub demonstratione, jam 4) additis pactis contrahuntur, aliquando 5) variis juris firmanentis

(g) C. 1. de adulter et stupr.

(h) Confecta quidem est A. 1776. 15. Nov. publicata per Decret. Elect. A. 1779. 5 Mart. et 25 April. Vid. Ignat. Hübner Sammlung Churb. General. pag. 174.

(i) De Anno 1785. 26 April. n. 11.

(k) Declarat. ad num 11.

tis vestiuntur, cujus generis sunt juramenta, donatio annuli pronubi, arrha, sponsalitia largitas, **) pœna conventionatis ab injuste resiliante solvenda, quam adjicere consuetudo saltem, immo expressa Baviaræ lex (l) contra jus romanorum (m) permittit.

*) De conditione sponsalibus adjecta hæc notes velim: 1) Conditio impossibilis turpisve contra, ac in matrimonio, probabilius vitiat sponsalia. 2) Honestæ, et possibilis conditionis eventus expectari debet. 3) Deficiente conditione concidunt sponsalia. 4) Secuta conditione sponsalia conditionata transeunt in absoluta. 5) Sponsalia contracta ea conditione: si Superior in impedimento dispensaverit, verosimilius obligant; si in eo impedimento dispensari soleat, dispensationemque petendi ratio adsit; eoquod hæc conditio nec inhonesti quidpiam, nec quod de jure sit impossibile, contineat, atque adeo impleri juste possit. 6) Aliquæ conditiones jam tacite insunt sponsalibus, e. g. nisi Religionem ingressus fuero, nisi magni momenti mutatio interim evenerit etc.; hæc tamen conditiones tacitæ contractum absolutum relinquunt. 7) Conditioni adpositæ renunciatum censetur, si non exspectato ejus eventu sponsi jam copulam exercent (n). Neque tamen hodie, uti ante Tridentinum, post habitam inter sponso copulam matrimonium præsumtum existit.

**) *Arrha* heic est res in signum et luculentio rem sponsalium probationem data. 2) *Sponsalitia largitas* est donatio inter sponso intuitu, et sub spe futuri matrimonii. Porro 3) sequuto matrimonio arrha saltem in Germania vi consuetudinis, et in Bavaria vi legis expressæ; sponsalitia vero largitas etiam jure communi accipientis est. 4) Si matrimonium

(l) Cod. civ. Cav. P. I. c. 6. §. 11. n. 10.

(m) L. 5. Cod. de sponsalib. et arrhis.

(n) C. 6 de conditionib. appositis.

monium non sequatur, et quidem, si ex culpa *dantis*, hic utramque perdet; si ex culpa *accipientis*, hic utramque, et arrham quidem *in duplum*, restituere debet, aut jure Bav. ea saltem, quæ et ipse ob nuptias donaverat, insuper amittet. (o).

§. 644.

IV. *Effectus sponsalium*, seu contractus onerosi, sunt 1) gravis *oblatio* justitiæ ad matrimonium cum hac persona contrahendum, et quidem, si justa causa non obstet, tempore præfixo, aut si nullum determinatum sit, quamprimum commode fieri potest, aut alterutra pars juste id exegerit; * 2) obligatio non contrahendi cum alia, et nihil faciendi; quod, adimplendæ promissioni adversetur; proin sponsalia priora sunt impedimentum prohibens matrimonium cum alia (§. 626) et dirimens novorum sponsalium, usque dum priora juste dissolvantur (q): immo intuitu personarum, qui sponsis primo in gradu sunt consanguineæ, sunt impedimentum matrimonii dirimens; quod vocatur 3) impedimentum *publicæ honestatis*, de quo paullo ante (§. 623.) dictum. 4) Jure veteri (r) sponsalia per carnis commercium, quod affectu maritali factum censebatur, transibant in matrimonium: at clandestinis matrimoniis per Tridentinum irritatis is effectus in locis, ubi Tridentinum receptum est, plane cessat. (§. præc. not. 1.)

*) Igitur

(o) Cod. civ. Bav. P. I. c. 6. §. 11. n. 10.

(q) C. 27. 50. et final. caus. XXVII. q. 2 et c. 2. et 10 de sponsalib. et matrim.

(r) C. 15 et 30 de sponsalib. et matrim.

*) Igitur 1) qui huic obligationi satis facere renuit, aut tardat, ad eam implendam a Superioribus cogi justis modis potest: attamen constanter reluctantes mediis nimium severis, aut violentis adigendi non sunt, præsertim si funesti exitus, et mala, quæ solent ex matrimoniis vi extortis subnasci, prævideantur. Attamen reus ad congruam parti læsæ satisfactionem præstandam, et impensas solvendas cogendas erit (s). 2) *Dies præfixus* a) aliquando *obligationem* contrahendi matrimonii *differt*, aliquando *finis*. Illo in casu non quidem ante, sed post lapsum diem contrahendi matrimonii obligatio urget; neque per temporis lapsum deinceps extinguitur: hoc in casu, si ante diem præfixum matrimonium junctum non est, eo lapso contrahendi cessat obligatio ex parte *utriusque*, si ea lege præfinitum tempus fuit, ut eo evoluta suam quisque redeat ad libertatem: cessat autem solum ex parte *innocentis* obligatio, si ad accelerandas nuptias fixus fuerat dies.

§. 645.

Sponsalia valida, ac juramento etiam, quod naturam actus sequitur, firmata (t) *dissolvuntur* 1) mutuo, quo et coaluerunt, consensu; * 2) per religiosam professionem, aut sacri ordinis susceptionem (u), 3) alio item superveniente matrimonii ineundi impedimento; **) quo stante aut licite aut omnino valide iniiri matrimonium nequeat; ad illicitum enim obligari nemo potest. 4) Si conditio sponsalibus adjecta evanuerit (x). Demum 5) per
matri-

(s) C. 1. de sponsal. et matrim.

(t) C. 22. de spons. et matrim.

(u) C. 1. de Cleric. conjug. c. 2. 7. de convers. conjug. concil. Trid. Sess. XXIV. c. 6.

(x) C. 3. de condit. apposit.

matrimonium cum altero contractum priora sponsalia aut omnino infirmantur, aut saltem suspenduntur. * 6) Sponsalia impuberum nec mutuo consensu dissolvuntur, nisi postquam annos pubertatis compleverint (§. 641.).

*) Quisque enim promissum, atque etiam iusjurandum sui gratia præstitum potest remittere (y): ut tamen dissolutio hæc honeste fiat, justa causa requiritur: nec erunt ab omni culpa alieni, qui temere, vel ira solum aut passione moti sponsalia solvant. (z)

***) Sponsalia per subsequens matrimonium cum alia initum solvi ex parte innocentis, apud omnes in confesso est: illa vero plane perimi etiam ex parte illius, qui matrimonium iniit, plures asserunt: eoquod 1) fides priorum sponsalium in jure irrita facta (a) dicatur, 2) quod firmiter eodem in ordine obligatio minus fortem perimat, et extinguat: 3) quod indecens sit; conjugem alteri præterquam conjugi simul esse devinctum: 4) quod remanens priorum sponsalium obligatio captandæ mortis voto occasionem præbeat, periculumque creet, ne vel prior sponsa uxori, vel hæc illi, vel vir propriæ uxori mortem aut inferat, aut saltem optet: 5) quod, sicut sponsalia stante matrimonio inita cum alia sunt irrita, ita etiam ante matrimonium facta omni carere robore debeant. Atvero sponsalia valida, per subsequens cum altero matrimonium haud prorsus infirmari, sed suspendi solum videntur; etenim 1) jus certum per sponsalia jam quæsitum innocenti, nisi ex urgentissima, et certa ratione auferri juste nequit; porro 2) jus istud certo sive natura, sive jure peremptum esse probari haud potest: nam licet jus dicat eum, qui non imple-

(y) C. 1. Reg. jur. c. 2. de spons.

(z) C. 2. de sponsalib.

(a) C. 22 de sponsal. et matrim.

impletis sponsaliis alteram sibi junxit, puniendum esse, quod primam fidem irritam fecerit, id est, se per nuptias inhabilem reddiderit ad fidem stante matrimonio exsolvendam; de peremta tamen in perpetuum sponsalium obligatione altum silet. Rursum 3) obligatio isthæc durante matrimonio ita quiescit, ac si abesset, proin nil parit incommodi: matrimonio autem soluto licite impleri potest. 4) Periculum captandæ aut exoptandæ mortis a) ex parte *ligati* in hoc casu minus est, quam si ad contrahendum cum quacunque liber esset; b) ex parte autem innocentis hoc periculum, cui ipsa ansam non dedit, mere per accidens et vulgo remotum est. Remotum porro hoc periculum non est justa ratio jure quæsito alterum privandi. Denum 5) aliud est, ubi de tollendo jure jam juste quæsito, quod priori sponsæ competit, agitur, aliud est, siquis stante matrimonio non sine magna conjugis injuria jus velit sibi quærere. . . .

Cf. Plac. Ræckh comment. in Decret. tom. III. Lib. IV. tit. 4. n. 14. seqq.

§. 616.

Justam uni parti, obligatione alterius perdurante, a sponsalibus resiliendi causam præbent 1) omnis notabilis mutatio corporis, animi, fortunarum post inita sponsalia in altero *) eveniens (b) at non prævisa, quæ personam ejusve statum deteriore, aut futurum matrimonium reddat difficilius multo, ac molestius: item 2) aliæ graves rationes antea incognitæ, etsi ipsa sponsalia præcesserint; quæ prius cognitæ passim retrahunt hujus conditionis

(b) C. 25 de jurejur.

(c) Vid. Zech. diss. de sponsalib. Academicorum absque consensu parentum contract. Art. V. Thesau. J. E. Tom. 6. pag. 564.

nis homines ab ineundis sponsalibus; et quibus stantibus prudenti judicis arbitrio non censetur quis se obligare voluisse. In dubio enim de justitia causæ legitimus judex pronuntiabit; **) Item 3) Judex ob justam parentum contradictionem sæpe sponsalia filiorum dissolvere, aut invalida poterit declarare (c).

*) Unde ex sponsis interim ditior, aut nobilis factus justam resiliendi causam regulariter non habet, quum pars altera deterior haud evaserit. Atvero pars altera, inquiunt, respective saltem vilior effecta est, et si iis divitiis aut eo dignitatis aut nobilitatis gradu antehac fuisset potitus e. g. sponsus, sponsalia profecto non contraxisset. Sed enim absolute data fides est; atque hic non, quid alia in hypothesi fecisset, sed quid reapse promiserit, quaeritur. Sane si hoc in casu passim recedere a promissis fas esset, consequens foret, quemque, quod nemo admiserit, semper, quandoque ditiores nobilioresve sponsam deinceps invenerit, a prioribus sponsalibus recedendi jus esse habiturum.

**) Inter justas resiliendi causas refertur 1) notabilis deformitas, superveniens paupertas etc. 2) ingressus in novitiatum, susceptio ordinum minorum, sponsalia subsequenter, quibus quis juri suo renunciare creditur: 3) discessus, longiorque absentia unius altera parte inscia, vel rationabiliter invita (d): 4) fornicatio saltem sponsæ, licet antecedens, sed ignorata, eoquod sponsa multo vilior addatur; 5) fornicatio alterutrius sponsalia subsequens: etenim sponso fidem violanti, immo in his adjunctis de fide in futurum violanda juste suspecto, merito fides negatur. Verosimiliter justam resiliendi causam præbet, 6) *dolus* quisvis a contrahente altero commissus, licet accidentalis; saltem

saltem si causam det contractui, si e. g. sponsa se divitem, nobilem, virginem sit mentita. Cf. Plac. Böckhn. comment. in Decret. tom. III. Lib. IV. tit. I. n. 127—157.

§. 647.

Matrimonium insuper præcedere debent publicæ matrimonii contrahendi *denuntiationes* (*Proclamationes*, *Banna nuptialia*) quas quidem in aliquibus ecclesiis jam receptas concilium Lateranense (e) ad omnes ecclesias extendit; Tridentina synodus (f) probavit, curatiusque determinavit. Porro ex synodi hujus decreto *Proclamationes* ejusmodi a propria contrahentium Parocho tribus continuis festivis diebus in ecclesia inter missarum solennia faciendæ sunt: quumque eo tendant, ut impedimenta matrimonii detegantur, intelligimus, 1) cur fieri denuntiationes debeant ante matrimonium contractum, 2) coram populo frequenti, 3) in utriusque contrahentis parochiis, seu locis domicilii, vel quasi domicilii, ubi scilicet verosimilius detegi impedimenta possint, et quidem 4) tribus diebus ita a se dissitis, ut tempus ad illa detegenda subpetet; 5) cur denuntiationes illæ, si iis factis matrimonium in longinquum tempus, quo nova oriri impedimenta possent, differatur, denuo repetendæ sint; 6) cur, ubi impedimenti suspicio abest, vel satis purgatur, ab
Epis-

(e) C. 3. de clandest. despons.

(f) Sess. XXIV. de reform. matri. c. 1.

Episcopo, ex justa tamen causa, remitti denunciationes queant.

- *) Quum finis harum denuntiationum sit: ut impedimentum occultum detegatur, et invalida matrimonia multaue peccata præpediantur: omnes fideles impedimentorum fors conscios ad ea, etsi fors judicialiter illa probare nequeant, detegenda esse obligatos, dubium non est. Cujus officii populum esse admonendum recte præcipit Espenius (g).
- **) Ceterum 1) modum et adjuncta populo denuntiandi futura matrimonia ex diocesum moribus, et statutis dimetiri oportet. 2) Denuntiationibus temere neglectis equidem valet matrimonium; attamen 3) hoc modo contrahentes et poena afficiendisunt, et detecto forte impedimento dispensationis spe carent; prolesque interim nata illegitima censetur. Parochus libere his matrimoniis assistens ad triennium suspendi jubetur. (h) Quod ad *Protestantes* adtinet: et ipsi 1) servant *clausa tempora*, et *Proclamationes* adhibent, saltem in ecclesia districtus illius, in quo nuptiale convivium paratur, instituiturque: 2) sufficit iis vulgo unica proclamatio: 3) jus in Proclamatione dispensandi vindicant Principi. Vid. *Rudolph. Engau elementa jur. canonic. L. II. §. 156.*

§. 648.

Demum contractum matrimonialem præcedat oportet 1) *consensus* parentum, tutorum, item Magistratus per locorum leges sæpe necessarius, 2) assensus Episcopi ad vagorum conjunctionem per concilium Trid. (i) requisitus. Atque parentum quidem tutorumve consensus, etsi ad matrimonii valorem haud per-

(g) Van Espen J. E. univ. P. II. tit. 12. c. 3, n. 11.

(h) C. 3. de clandest. despons.

(i) Sess. XXIV. de ref. matr. c. 7.

pertineat, *) negligi tamen absque peccato aut etiam impune nequit. **) Unde contradictio parentum sæpius resiliendi vel sponsalia rescindendi causam præbet (k).

*) Matrimonia liberorum sine parentum consensu absolute *valida* esse, tum ex Tridentino (l) tum ex legibus Imperii (m) certum est Catholicis. Ex Protestantibus autem plures consensum parentum etiam ad valorem matrimonii putant esse necessarium. Quod tamen eorum ex numero alii (n) rejiciunt, ac refutant. Cf. *Van Espen J. R. u. P. II. tit. XII. c. 4. n. 19. seqq.*

**) Qua ratione in Bavaria consensus 1) parentum, tutorum respectu minorennium, aut in potestate patria positorum etc. item 2) consensus Principis aut magistratus intuitu officialium electoralium, militum; item pauperum etc. necessarius sit, et quæ sint neglecti consensus poenæ, videre est in Cod. civili Bav. (o) et ordinatione provisionali (p): in qua, ne Parochi id genus sponsalia admittere, aut matrimonia jungere audeant, gravis aime interdicatur.

U 2

ARTI-

(k) Vid. Zech. Diss. de sponsalib. Academicorum absque consensu parentum contract. Thesau. J. Eccl. Tom. VI. pag. 551. seq.

(l) Sess. XXIV. de reform. matrim.

(m) Uti Recess. Imp. A. 1548. tit. 21 vom Sacrament der Ehe §. 9.

(n) Grotius de jur. Bell. et Pac. L. 2. c. 5. §. 10. Puffendorf de J. Nat. et Gent. L. 6 c. 2. §. 14. et Thomasius tractat. jurid. de valore conjugii invitis parentibus contracti.

(o) Part. I. c. 6. §. 4. Cf. Annot. B. de Kreittmayr in L. c.

(p) De A. 1779. n. 5. vid. Ignatz Häbners Sammlung fürbair. General-Verordnungen pag. 177.

ARTICULUS VI.

De Contractu Matrimoniali, ejus Adjunctis
et Effectibus.

§. 649.

Ad matrimonium *valide* contrahendum, ut ex dictis (§. 609. 611.) liquet, necessaria sunt 1) immunitas ab impedimento quovis dirimente, 2) consensus contrahentium, verus, inmutuus, liber a vi aut injusto metu, et sufficienter manifestatus, 3) Parochi proprii, aut alterius sacerdotis de ipsius Parochi, vel Ordinarii licentia, *) et duorum testium simultanea et moralis præsentia (§. 638. not.)

*) Nuptias neglecta ecclesiae benedictione contrahere semper Christianis vetitum erat (a): Tridentinum demum non benedictionem quidem, sed præsentiam saltem Parochi proprii aut alterius sacerdotis de ipsius Parochi aut Ordinarii licentia ad validitatem matrimonii (b) necessariam esse decrevit. Porro 1) Parochus *proprius* heic intelligitur non Parochus originis, sed *domicilii*, vel *quasi domicilii*, saltem unius ex contrahentibus. Quo utroque domicilio quum careant, 2) *vagi* nonnisi coram Parocho loci, ubi actu morantur, valide contrahunt: Quodsi unus solum ex contrahentibus *vagus* est, coram alterius Parocho proprio contrahere verosimilius obligantur; eoquod ita concilii Trid. mandato, quod præsentiam Parochi *proprii* requirit, queat satisfieri. 3) Parochus ex Tridentini decreto auctoritatem matrimonii adsiistendi sacerdoti alteri potest *delegare*: haud sufficit tamen vel

(a) S. Ignat. Mart. Epist. ad Polycarpum, Tertullian. L. de pudicit. Capitular. Reg. Franc. L. 7. c. 179.

(b) Sess. XXIV, c. 3, de reform. matr.

vel præsumta facultas, vel subsequens ratihabitio sed requiritur expressa delegatio. Quæ in generali facultate sacramenta administrandi alteri datum comprehendatur, dubium quum sit, necessarium, aut certe consultum erit, ut eam Parochus exprimat, dum alteri parochiæ curam committit. 4) Eandem facultatem *delegatus*, nisi ad universitatem causarum sit delegatus, nequit alteri subdelegare. 5) Nomine *Ordinariû*, cui delegandi jus vindicatur, Episcopus proprius, Capitulum sede vacante, Vicarius generalis, nisi hac in re restricta ejus potestas sit, heic intelligitur. Cf. *Van Espen J. E. n. P. II. tit. 12. c. 5.*

§. 650.

Ut *licite* contrahatur matrimonium, accedat oportet 1) *benedictio* Parochi, seu sacerdotis delegati solennis precatio, quam *hierologiam* vocant, item 2) consensus parentum vel aliorum lege præscriptus, demum 3) et sacri ritus, precesque, ac solennitas in cujusvis dioceseos rituali præceptæ adhibeantur, necessæ est.

*) Verba, quibus sacerdos nuptiis benedicens seu matrimonii contractum nomine ecclesiæ confirmans utitur, seu formam sacramentalem ad rationem *sacramenti* plane necessaria esse plures affirmant; qui iidem et sacerdotem hujus Sacramenti Ministrum esse agnoscunt. At *verso Benedictionem*, seu *hierologiam* a *præsentia* Parochi et testium, quo siue matrimonium etiam est invalidum, bene discernere oportet. Quod quidem dum Præstantes plures non faciunt, haud recte de Catholicorum sentiunt doctrina. Imo etiam ii, qui discrimen illud admittunt, alla a Catholicis opinantur. Ita Georg. Ludov. Boehmer (c) scribit quidem: » Hæc

U 3

» (con-

(c) Principia juris canonici L. III. sec. 2. tit. 2. §. 370. Göttingæ 1767.

jecta nequit haberi. Hæc pactio sane non magis quam reservatum ecclesiasticum (§. 183) libertati conscientiæ repugnat; quum alteri integrum sit jungere, aut recusare matrimonium. Neque item hac conditione ad eam, quam falsam credit, Religionem amplectendam quis cogitur: sed invitatur duntaxat, ut in catholicæ Religionis veritatem inquirat, eamque, postquam de ejusdem veritate fuerit persuasus, demum amplectatur.

*) Unde 1) « Si alter dicat alteri: a) contraho tecum, si generationem prolis evites, vel b) do- nec inveniam aliam honore vel facultatibus digniorem, aut c) si pro quæstu adulterandam tradas, matrimonialis contractus, quantumcunque sit favorabilis, caret effectu. » (i) 2) *Conditio*, seu pactum adjectum, ut proles, vel par- tim, vel omnes in aliena a catholica Religione educantur, ceu bono prolis adversa non illicita solum, sed et matrimonii valori obfutura a Catholicis aliis creditur (k): alii, qui *naturale prolis bonum* a *moralis* probe heic distinguendum moment, eam conditionem matrimonii valori quidem haud obstat; attamen pro foro conscientiæ: et secundum *jus canonicum* illicitam haberi debere existimant. Vid. Cl. Dürr. Diss. de potestate patria circa Religionem liberorum §. 26. seqq. Thesaur. J. Eccl. Tom. VI. pag. 694 seqq. item animadv. Edit. pag. 703.

§. 653.

Peracto matrimoniali contractu Parochus in libro ad id destinato conjugum et testium nomina, diemque, et locum contractus matrimonii describat, eumque librum apud se diligen-

(i) Cap. ult. de condit. adposit. in despons.

(k) Schmalzgruber ad Decret. Lib. IV. tit. 6. n. 150. Schuer L. 4. Tract. 3 c. 5. n. 57.

ligerenter custodiat. Quam æquum sit hoc concilii Trid. decretum, (1) quam gravis illud exsequendi obligatio, maxima, quæ eo neglecto in utramque rempublicam redundare possunt, incommoda satis superque loquuntur.

§. 654.

Effectus matrimonii valide contracti I. ratione ipsorum conjugum sunt 1) gratia sacramentalis, si rite contractum est, 2) vinculum matrimonii perpetuum; 3) jus mutuum in corpora ad actus procreandæ proli aptos; 4) obligatio ad fidem uni conjugi servandam; 5) obligatio ad individuan vitæ consuetudinem, et mutuum adjutorium ac officia omnia, quæ per finem, et essentiam matrimonii determinantur; 6) Potestas maritalis, vi cujus vir est caput uxoris; 7) communicatio status, dignitatis viri, quam uxor participat; 8) jus uxoris alimenta a marito aut ejus hæredibus petendi etc. *Effectus ejus II. ratione liberorum sunt* 1) Natales legitimi, si matrimonium saltem bona unius partis fide fuerit contractum in facie ecclesiæ, * 2) jus alimenta, et subsidia honestæ ac christianæ educationis exigendi a parentibus, 3) potestas patria ex parte viri in liberos etc. de cujus effectibus, **) item de conjugum circa varia bona juribus Jcti civiles potissimum videndi (m).

U 5.

*) Am-

(1) Sess. XXIV. c. 1. de reformat. matrim.

(m) Cf. Cod. civ. Bav. P. I. c. 5, et 6.

*) Amplissimus est hac in re pro bono prolium juris favor: etenim 1) *bona fides* contrahentium, modo matrimonium publice sit initum, in foro externo præsумitur: 2) matre licet adulterium faciente, tamen, si modo etiā marito cohabitaverit, proles nata pro legitima habetur: Item 3) ubi partus vivus aut festinatus, aut servus videtur, in favorem tamen prolis pronuntiatur. Unde censentur etiānum legitimi, et qui septimo post contractum matrimonium mense seu post 182dum diem a nuptiis; et qui decimo post mariti mortem mense seu ante 302dum diem a morte mariti sunt nati (p). Eandem maxime ob causam 4) a jure investiti sunt varii defectum natalium tollendi, et jura legitimorum consequendi, seu *legitimationis*, ut ajunt, modi: tales sunt: a) matrimonium inter parentes illegitimæ prolis etiā post multos annos et intermedia matrimonia celebratum: quocirca ante matrimonium nati ab iis, quos inter tempore conceptionis vel etiā natiuitatis prolis potuisset matrimonium legitimum esse (o), contracto inter parentes matrimonio legitimantur, et quoad omnes juris effectus legitime natis æquiparantur: atque ad omnes ecclesiasticas dignitates, cardinalitia una excepta (§. 224. *), apti habentur (p). Singularis hac in re olim Germanorum erat ritus: ut nempe liberi ita legitimandi inter solennia benedictionis nuptiarum parentum pallia adprehenderent; inde hi Germanis dicti *sint de Mantelfinder* (q). Legitimationis alius modus jure romano

(u) L. 12. Dig. de stat. hom. L. 5. §. 12. L. 29. Dig. de Liberis et Posthum. L. 3. de suis et legit. hered. §. 11.

(o) ex L. 11. Cod. de natural. liberis.

(p) C. 1. 2. 6. etc. qui filii sint legitimi.

(q) Vid. Shwarz diss. de antiquo ritu legitimandi liberos per pallium. Altorff. 1747.

mano erat b) *datio curiæ* (r), per quam legitimorum jura adipisciebantur, qui vel in numerum *Curialium* fuere relati, curiæve obnoxii, cui cum periculo suarum facultatum servire debebant, vel quæ *Curialibus* in matrimonium fuerunt collocatæ: at aboletus hic legitimationis modus est. Vigent autem modi alii, a) *Rescriptum summi Principis*, et quidem politici in suo territorio quoad civiles, summi *Pontificis*, in tota ecclesia quoad effectus ecclesiasticos (s); demum d) *Professio religiosa* intuitu SS. Ordinum, non tamen dignitatum ecclesiasticarum (t): (Cf. §. 411. not. n. 3.)

**) De potestate parentum circa Religionem liberorum vi *juris naturæ*; item de potestate patria circa Religionem liberorum vi *juris germanici* publici vid. cit. diss. Cl. Dürr de potestate patria circa Relig. Liberorum *Thesau. J. E. Tom. VI. pag. 674.*

ARTICULUS VII.

De iudice caussarum matrimonialium, de accusatione matrimonii, divortio et secundis nuptiis.

§. 655.

Circa matrimonium aut contrahendum aut contractum variæ suboriri solent lites et *caussæ*, Videndum igitur his in caussis, 1) quis sit iudex: 2) quæ actio: 3) quis procedendi modus: 4) qui testes adhibendi.

§. 656.

(r) L. 3 4. Cod. de natural. liberis et Instit. tit. de nuptiis, §. ult.

(s) C. 13 qui filii sint legitimi.

(t) C. 1 de filiis Presbyt. ordinandis vel non.

§. 656.

Atque ad caussarum matrimonialium judicem quidem quod adinet, quum 1) matrimonium et sponsalia quoad rationes et effectus civiles potestati legislativæ civili, quoad effectus ecclesiasticos vero potestati ecclesiasticæ sint subjecta (§. 607.), quum 2) auctoritas statuendi impedimenta dirimentia, in iisque dispensandi, quæ per se Principibus et ecclesiæ suo cuius in ordine, communis est, jam dudum uni ecclesiæ tota sit relicta (§. 621 et 624.), consequitur, causas matrimoniales tum quoad effectus spirituales, tum quoad valorem ab iudiciibus ecclesiasticis, quoad effectus civiles vero, aut quæstiones etiam nudi facti (§. 374.) ab iudiciibus laicis esse dijudicandas. Neque alio sensu interpretanda videtur gravissima synodi Tridentinæ (a) sententia: *Si quis dixerit, causas matrimoniales non spectare ad iudices ecclesiasticos, anathema sit.* **)

*) His principiis consentiunt expressæ Bavaricæ lex (b), consuetudo, ac novissima concordata cum Episcopis finitimis (c), ubi in causis sponsalium, et matrimonii controversis privativa cognitio eorum, quæ ad obligationem, ad Sacramentum, ad vinculum matrimonii, ad impedimenta, ad ius, ad existentiam, et valorem sponsalium, ad causas resiliæ, ad effectus canonicos, forum conscientie pertinent, relinquitur iudici ecclesiastico, qui et lata sententia partes ad litis æstimationem persolvendam

(a) Sess. XXIV. can. 12 de sacram. matrim.

(b) Cod. civil. Bav. P. I. c. 6. §. 49.

(c) Ordinatio Elect. provision. de A. 1779. 25. April. n. 6. seq.

vendam et reum ad damna resarcienda, et satisfactionem præstandam obligat, poenisque canonicis coercet: cetera ad judicem civilem remittit. Nam quod in id genus causis ad determinationem quanti, et qualis damni, et satisfactionis, et indemnisationis civilis, dotis, alimentorum etc. ad bona conjugum, successionem, alimentacionem, legitimacionem proli, aliosque effectus civiles pertinet, *judex laicus* decernit; cetera autem *judici ecclesiastico* definienda relinquit, et ad ejus forum remittit: neque sub obtentu connexionis ab alterutro *judice* causæ alterius fori tractari possunt (d).

1) Non eadem prorsus ubique his in causis dijudicandis consuetudo viget, sed alibi foro alterutri plus, minusve concedi: immo sponsalium cognitio alicubi penitus ad forum civile trahi solet. 2) Quia Domino territoriali catholico, et Cæsari in Protestantes subditos *jurisdictio ecclesiastica* etiam vi P. W. competat (§. 383.): dubium non est, causas matrimoniales Protestantium mediatorum a Domino territoriali; Protestantium autem proxime soli Cæsari subjectorum a Casare et S. R. I. Archidicasteriis esse definendas. Quamquam Protestantes hac in re haud sibi consentiant. Vid. Ludovici Diss. de *judice in causis Principum Protest. matrum*. Stryckius de *matrimonio ex ratione status* c. 4. n. 17.

§. 657.

In causis matrimonialibus, utpote, quæ ex gravioribus censentur, 1) non quemvis alium, qui *jurisdictionem ecclesiasticam* habet, sed regulariter solum *Episcopum* esse *judicem* voluit Tridentina synodus (e). 2) Procedendum

(d) Ibid. n. 7. seq. item Cod. civ. Bav. l. c.

(e) Sess. XXIV, c. 20. de reform.

dum autem illi erit *summarie* (f): 3) et quoniam nulla præscriptio impedimenta tollit, aut nullitatem matrimonii sanat, contra valorem matrimonii etiam post tempus longissimum suscipi potest actio (g). Porro

§. 638.

Actio adversus matrimonium jam contractum suscepta ut dirimatur, dicitur *accusatio matrimonii*; actio adversus matrimonium futurum, ne contrahatur, *denuntiatio* appellatur. Porro 1) ad *denuntiationem* impedimentorum, ut peccati pericula removeantur, admittuntur omnes, sufficitque etiam minus plena probatio, 2) ad *accusationem* vero matrimonii, a) si agatur de impedimentis, quæ per renunciationem partis læsæ et positum novum consensum sanari queunt, e. g. quæ ex capite doli, metus, erroris proveniunt; item ubi res est de *impotentia*, ut qua nil obstante conjuges seu frater, et soror cohabitare permittuntur, soli admittuntur (h) conjuges; b) in aliis autem impedimentis consanguinitatis, affinitatis etc. præter conjuges alii, quibus major eorum notitia esse potest, accusare permittuntur: modo non solum scripto, sed per se ipsos accusent, nec suspecti sint fraudis, nec ante matrimonium denunciare cognita impedimenta neglexerint. 3) Ab actione ad *divor-*

(f) C. 1 ut lite non contest Clem. 2, de judic.

(g) Ex cap. fin. de præscript.

(h) C. 4 qui matrim. accusare possunt c. 4. et 5. de frigid. et malefic. c. 21 de sponsalib.

divortium quoad *torum* et *cohabitationem* reli-
qui præter conjuges exceptione: tua non in-
terest: omnes excluduntur. 4) *Testes* heic
etiam domestici, propinqui, et omnes, qui
rei notitiam habere possunt, modo suspectæ
fidei non sint, admitti solent (i). 5) Ceterum
accusatio matrimonii lege prohibiti, etiam
post longissimum tempus, ut diximus (§. præc.)
locum habet.

§. 659.

Matrimonium, *accusari* coram iudice legiti-
mo solet maxime propter *divortium* (§. præc.).
Divortium autem generatim est legitima con-
jugum ab invicem separatio: quæ quum vel
a) quoad *torum* et *mensam* tantum, aut coha-
bitationem, vel b) ad tempus vel in perpe-
tuum; aut etiam c) quoad *vinculum* fieri pos-
sit; *divortium* aliud est 1) quoad *torum* et
mensam, aut *cohabitationem*, idque vel a)
temporaneum, vel b) *perpetuum*; 2) aliud
quoad *vinculum*.

§. 660.

De *divortio* sequentia notamus *axiomata*:

- I. Matrimonium jure divino indissolubile di-
vortium quoad *vinculum* vulgo respuit:
- II. Divortium quoad *torum* et *mensam*, ut sit
legitimum, non nisi gravibus ex causis, et
- III. Regulariter iudicis legitimi auctoritate fieri
debet:

IV. Variosque effectus sortitur: qui

V. Effectus restaurato matrimonio fere cessant.

§. 661.

(i) C. 2. 3. 4. 5. qui matrim. accusare possunt.

§. 661.

Quoniam I. matrimonium præsertim a fidelibus consummatum *jure divino*, id quod Theologi demonstrant, est *indissolubile*, 1) in eo divortium quoad vinculum nunquam habet locum; * 2) nullitas matrimonii saltem per duos testes omni exceptione majores debet probari; 3) in dubio semper pro validitate matrimonii, id quod minus periculi habet, pronuntiatur; ** 4) nec nisi post duas conformes sententias adhibitisque aliis solennitatibus ad alias transire nuptias conceditur. ***)

- 1 *) Dissentiunt heic a Catholicis Protestantes, qui non solum ob adulterium, sed et alias ob causas matrimonii vinculum solvi posse contendunt (k). 2) Græci catholicæ ecclesiæ uniti ex subobsuro scripturæ loco (l) matrimonii vinculum ob alterutrius conjugis adulterium solvi posse putant. At Tridentina synodus pronuntiavit: «Siquis dixerit, ecclesiam errare, cum docuit, et docet juxta evangelicam et apostolicam doctrinam propter adulterium alterius conjugum matrimonii vinculum non posse dissolvi, anathema sit.» (m) 3) Qua sententia, dicunt viri quidam docti (n), non voluisse S. Synodum ceu *fidei dogma* proponere, quod matrimonium etiam in casu adulterii sit insolubile, neque voluisse Græcos, aliosque, qui in hoc

(k) Pfaffius Diss. de divort. G. Adam Struvius de jure divortiorum. Stryck Diss. de divortio totali ob insidias vitæ structas.

(l) Matth. XIX. 9.

(m) Sess. XXIV. c. 7. de sacram. matrim.

(n) Natalis Alex. in H. E. ad sec. IV. c. 6. Art. 19. §. 4. Flenri H. E. L. 17. §. 15. Gazzaniga de virt. theol. c. 9. Casp. Juvenin Diss. 10. de Matr. q. 4. etc. etc.

hoc casu matrimonium dissolvi posse putant, perstringere, sed damnare A catholicos, qui ecclesiæ doctrinam ceu erroneam, tyrannicamque traducere, et suggillare non verebantur. Vid. J. Adam. Braun Diss. *utrum matrimonii vinculum in casu adulterii jure divino, an solum jure ecclesiastico insolubile sit.* Moguntiae 1787. c. 3. §. II. pag. 69. Vid. item Diss. *Meine Gedanken von der Unzertrennlichkeit einer gültig geschlossenen und vollbrachten Ehe von einem Rechtsgelahrten*, 1789.

**) Quodsi tamen pars alterutra vel utraque impedimenti, quod probare nequit, foret certa, cohabitare utpote conjugum non suo quoad totum nequit; potiusque censuras ecclesiasticas sustinere humiliter debet (o).

***) Huc pertinet Benedicti XIV. constitutio: *Dei misericordia*. 3. Nov. A. 1741., qua decernit ut 1) causæ super nullitate matrimonii non nisi Episcopo, aut, ubi is desit, iudicibus synodalibus, dignitate, personatu, aut canonicatu in ecclesiæ cathedrali ornatis committi, nec nisi post duas sententias conformes finiri queant. 2) In singulis diocesis vis jurisperitus, et probus eligatur *defensor matrimonii*, 3) qui in singulis, ubi de matrimonii valore vel nullitate agitur, iudicii actibus sub poena nullitatis adsit, 4) vi officii valorem matrimonii tueatur, et contra sententiam valori ejus adversam appellet, 5) Si qui pendente appellatione novas contrahant nuptias, ceu polygami separentur: 6) nec nisi post duas conformes de nullitate matrimonii sententias, aut desertam secundam appellationem nuptias novas inire partibus liceat; ceterum 7) causæ hæc in rem iudicatam nunquam transeant.

§. 662.

(o) C. 13. de restit. spoliat. c. 44. de sent. excomm.
Tom. II. X

§. 662.

Quod 1) ex singulari, et ob veræ Religionis favorem concesso privilegio (p) *vinculum matrimonii* ab infidelibus consummati per novas alterius conjugis ad fidem christianam conversi nuptias solvatur; siquidem pars altera in infidelitate persistens, licet requisita, fidei aut omnino non, aut non sine creatoris injuria cohabitare velit, *) dudum communis erat Doctorum sententia, quam haud ita pridem vir eruditus edita dissertatione (q) ceu publica lege canonica (r) confirmatam et diuturna praxi receptam strenue propugnavit contra plures viros catholicos, qui contrariam sententiam conquisitis undique argumentis fulciunt (s). 2) *Matrimonii rati* solum, nondum consummati, *vinculum per solennem Religionis professionem* alterius conjugum dissolvi, **) ex omnium Catholicorum confessione, et disciplina ecclesiæ universali per Tridentinam synodum (t) confirmata certum est. 3) Num matrimonii rati

vin-

(p) I. Cor. 15. c. 1. et 7. de divort. c. 2. caus. 28. q. 2. Vid. Benedicti XIV. de synod. dioces. L. 6. c. 4. et L. 13. c. 21.

(q) R. R. D. Martinus Pronath quondam Magister subin D. Abbas meus Diss. de eo, quod justum est in matrimonio Infidelium etc. Ratisb. 1780.

(r) C. 2. caus. 28. q. 2. et c. 7. de divortis.

(s) Prudent. Maran, Gervasio, de Riegger, Engelb. Klupfel, Hilar, Robeck etc. etc. Cf. *Neue Litteratur des katholischen Deutschlands*. III. B. III. St. pag. 404. et DD. Mart. Pronath. cit. diss. Præfat.

(t) *Trident. Sess. XXIV. c. 6. de Sacram. matrim.*

vinculum per dispensationem Pontificis solvi queat, nec inter Catholicos convenit.

- *) Unde conjugibus post celebratas nuptias bimestre spatium ad deliberandum conceditur, quo ingredi Religionem, nec interim ad matrimonii consummationem cogi possunt (u). Matrimonio autem libere consummato nulla pars Religionem profiteri potest, nisi conjux consentiat atque etiam vel Religionem profiteatur, vel saltem si id Episcopo satis visum fuerit, castitatis voto se obstringat (x).

§. 663.

H. Divortium quoad torum et mensam fieri nunquam nisi gravibus ex causis debet; et 1) perpetuum quidem fere ob solum alterius conjugis adulterium, (y) aut carnis consummatum crimen decernitur: * 2) temporaneum ob sævitiam mariti, hæresin conjugis, ob animæ, corporis, aut sanitatis periculum, aliis modis haud evitandum, pars altera petere a jure potest. (z)

- *) I. Adulterium justam divortio causam præbet 1) sive a viro, sive ab uxore sit admissum (a); sufficit 2) illud ex gravibus violentisque indiciis esse præsumtum (b), ut 3) pars innocens invita etiam parte nocente possit in perpetuum separari, Religionem ingredi, aut S. Ordinem suscipere (c). At-

X 2

tamen

(u) C. 7. de convers. conjug. c. 16. de spons.

(v) C. 19. 21. caus. 27. q. 2. c. 4. 6. 8. 18. de convers. conjug.

(y) Math. V. 32. c. 3. 7. 8. de adult.

(z) C. 2. 6. de divort. c. 1. et 2. de conjug. lepros.

(a) S. Innocent. Epist. 3. c. 4. ad Exuperium.

(b) C. 12. de præsumt. c. 27 de testib. L. 8.

§. 2. 3. Cod. de repud.

(c) C. 15. et 16. de convers. conjug.

324 Sect. II. De Jure Rerum ecclesiasticarum.

tamen 4) si adulterantem flagitii vere poeniteat; pars innocens potest, imo ex charitate tenetur quandoque eidem reconciliari (d). II. Divortium ob adulterium locum non habet 1) si istud ab utroque conjuge fuit admissum; 2) si pars altera causam culpabilem adulterio dederit; 3) si ob vim illatam aut probabilem ignorantiam excusari possit; 4) aut ab altero fuerit libere remissum (e).

§. 664.

III. Separatio conjugum vulgo per auctoritatem competentis judicis est decernenda. Unde intelligimus; 1) cur heic sententia Episcopi aut judicis ab eo delegati (§. 655. seq.) sit opus; 2) cur suo arbitrio recedens conjux ad cohabitandum compelli possit; 3) cur, nisi periculum sit in mora, causave notoria, publicam secessionem, privata auctoritate facere haud liceat; ob adulterium tamen a toro nocentis se separare conjugi innocenti integrum sit. (f).

§. 665.

IV. Effectus divortii varii sunt; et 1) siquidem id factum sit quoad *vinculum*, personae cetera habiles ad alias nuptias transire libere (Cf. §. 661.) possunt; 2) si quoad *torum et mensam*: separatim quidem vivere, ad alia vota autem transire nec innocenti fas est; (g) 3) si in *perpetuum* ob adulterium facta sit separatio, licebit alteri etiam invita parte nocente

(d) C. 1. 6. 7. caus. 32. q. 1. et c. 3. de adul.

(e) C. 6. 7. de adulteriis c. 5. de divortiis.

(f) C. 6. de divort. c. 8. 13 de restit. spol.

(g) C. 2. de divortia. etc.

te Religionem profiteri: 4) si *absque* utriusque *culpa* contingerit divortium, bona cuique sua, et bonorum communium pars debita reddantur: 5) si propter adulterium mulieris factum sit divortium; hæc *dotis* detrimento mulcatur; quocirca mariti hæredes uxori dotem repetenti exceptionem adulterii opponere possunt: 6) si ob viri adulterium aut sævitiam divortium fiat, vir mulieri factam injuriam *jactura donationis propter nuptios* farcire cogitur (h). *) Attamen, quod ad civiles hos effectus adinet, leges patriæ maxime attendendæ erunt.

*) Hæ poenæ in iis, quæ supra (§. 663. in not.) recensuimus, adjunctis locum non habent. Quid in Bavaria hac super re justum sit, dilucide definitum habetur Cod. civ. Bav. P. I. c. 6. §. 43. Cf. Annot. B. de Kreitmayer.

§. 666.

V. Divortii *effectus cessabunt* matrimonio inter conjuges denuo restaurato. *Restaurari* autem matrimonium I. *debet*, 1) si deinceps appareat causam illius dissolvendi falsam fuisse: e. g. si impotentiam non adfuisse constet, 2) elapso, ad quod decernebatur divortium, temporis spatio: modo causa sublata sit, aut cautio de securitate præstetur (i): 3) si charitas sibi, aut resipiscenti debita (§. 663. not.) id exigat (k). II. *Restaurari potest*, si conjuges,

X 3

quoad

(h) C. 1. 4. 7. 8. de donation. inter virum et uxorem.

(i) C. 8. de restit. spol.

(k) C. 3. de adulteriis.

quod mensam vel torum perpetuo etiam separati, libere velint.

§. 667.

Soluto per mortem aut aliis modis (§. 662.) prioris matrimonii vinculo, modo de prioris matrimonii nullitate, vel conjugis prioris morte moralis certitudo habeatur, 1) ad ultiores (*secundas* generali adpellatione vocant) *nuptias* transeundi libera cuique facultas est: 2) neque *annus luctus* a jure Rom. præfixus exspectari necessario debet; *) nec 3) poenæ secundo nubentibus eodem jure dictatæ vi juris canonici luendæ sunt (l); nisi quæ peculiaribus fors locorum legibus vigeant. ** 4) Attamen secundis nuptiis ceremonia sacerdotalis benedictionis negatur (m). Qua quidem in re diocesium consuetudo haud ubivis sibi consentit.

*) Tempus luctus olim jure Romano erat mensium decem: deinceps duocim mensibus lugere jussæ sunt viduæ: quod tempus *annus luctus* dici consuevit. Intra annum luctus nubens vidua Prætoris edicto infamia notabatur. *Annus luctus* in Germania quoque non incognitus alicubi ad novem, alibi ad sex, uspiam ad tres menses restringebatur. *Vid. Selchow, Elem. J. I. 2. c. 1, sect. 2. tit. 5.*

**) Jure Bav. non omnes quidem, aliquæ tamén, quas jus Rom. in secundas nuptias constituit, poenæ adhuc quibusdam in casibus obtinent; de quibus vid. Cod. civ. Bav. P. I. c. 6. §. 47. et 48. et Adnotat. L. B. de Kreittmayr.

CAPUT

(l) C. 19. de spons. c. 4. de secund. nupt.

(m) C. 1. 3. de secund. nupt.

CAPUT II.

De locis sacris, et religiosis.

ARTICULUS I.

De Ecclesiarum Exstructione, Reparatione, Consecratione.

§. 668.

Inter res, quas generali sensu vocant *ecclesiasticas*, (§. 600.) *loca* quoque ecclesiastica, seu divino cultui, et religionis pietatisque exercitio destinata numerant, hæcque dividunt in loca 1) *sacra*, quæ Deo, cultuique divino consecratione quadam, aut benedictione — 2) *religiosa*, quæ absque consecratione, per auctoritatem tamen ecclesiæ — 3) *pia*, quæ privata solum pietate et auctoritate religionis piisque usibus dicantur.

§. 669.

Inter loca *sacra* censentur potissimum SS. *ecclesiæ* seu ædes ad celebranda divina officia, et publicum sacræ liturgiæ exercitium destinatæ, et ad hos usus speciali, aut consecratione aut benedictione initiatæ. De quarum 1) *origine*, 2) *forma*, 3) *exstructione*, 4) *reparatione*, 5) *consecratione*, 6) *exsecratione* ac *pollutione* heic quam brevissime dicendum. Porro

§. 670.

Origo I. quidem *ecclesiarum* seu locorum, ad quæ fideles sacrorum causa conflunt, jam a ipsa christianæ Religionis incunabula jure refertur. 1) Licet enim *Sacra* primo in priva-

tis sæpe domibus, cryptisque etiam subterraneis haud raro celebrabantur; certa tamen, ad quæ fidelium multitudo sacrorum causa confluxerat, loca jam tunc fuisse destinata; *) immo Christianis diu ante Constantinum patentes etiam publicasque ecclesias non defuisse, ex primorum seculorum documentis monumentisque indubitatis constat. (§. 377. not 1.) 3) *Forma* splendidior exteriorque magnificentia maxime post pacem a Constantino redditam ecclesiis inducta. 3) *Ritus* etiam ecclesias solenniter *dedicandi*, consecrandique paullatim invectos esse verosimillimum est: quosdam autem illorum jam sec. IV. initium habuisse, documenta illius ævi minime dubia (a) commonstrant. Ceterum 4) sec. IV. et insequente tantus majores minoresque ecclesias ædificandi ardor homines incendit, ut, ne quis deinceps id sine venia Episcopi auderet, vetare (b) fuerit necesse. 6) Porro loca divino cultui dicata vario nomine *domus Dei*, *ecclesiæ*, *Dominica*, *Martyria*, *Oratoria*, *Capellæ* subin, et sacella etc. adpellabantur. *Templorum* autem compellatione, quod eo nomine Ethnicorum delubra vulgo intelligebantur, Christiani primis saltem seculis sollicitè abstinebant. **)

*) Fuisse

(a) Vid. Euseb. H. E. L. 10. c. 3. Athanasius in Apolog. 2 ad Constantinum. Cf. Rupprecht Not. in J. C. Lib. 3. tit. 40. n. 6.

(b) Can. 4. concil. Chalcedon, apud Gratian. c. 10. caus. 18. q. 2.

*) Fuisse jam inde a Religionis christianæ exordio singularia quædam loca celebrandis christianorum sacris destinata ex Medi dissertatione speciali prolatis tum SS. literarum, tum aliis primorum seculorum documentis monumentisque ostendit Bingham (c). Quare Origines, Minutius Felix, Arnobius, alique, qui Christianis fuisse *templa* inficiantur, solum de templis gentilium sensu acceptis, seu quæ idoli divinitatem includerent, intelligendi sunt; nisi eos secum ipsis, et aliis cum documentis genuinis pugnare velis. Ceterum de antiquis ecclesiis, de forma earum, de partibus; ornamentis, immunitate pererudite agit idem Bingham per librum 8. *Orig. eccl. integrum. Cf. Zech. de jur. rer. Sect. I. Tit. I. seq. Fleuri hist. eccl. L. 10. n. 3. L. 11. n. 45. seq. L. 12. n. 10.*

**) Jam prioribus ecclesiæ seculis varium erat locorum sacrorum genus. Quinque eorum genera distinguere videtur concilium Chalcedonense, dum Canone VI. vetat: » ne quisquam ordinetur, in » *ecclesia civitatis*, aut *pagi*, aut in *martyrio*, aut » in *monasterio*, « et subin c. VIII. Episcopo subjicit Clericos monasteriorum et *Ptochodochiorum* seu hospitalium. A sec. V domestica Magnatum, et Principum oratoria longe frequentissima evaserunt (d). Quæ inter celeberrimum erat illud Regum Francorum in ambitu palatii ædificatum, quod a capa breviori, seu capella S. Martini, quæ ibidem magno honore unacum aliis reliquiis asservabatur, *capellæ* compellationem adeptum est (e). Inde qui eas reliquias custodiebant, aut ibidem curabant sacra, *Capellani* sunt appellati. 4) Similes capellæ deinceps in omnibus palatiis, regiisque

X 5

(c) Bingham *Origiu. eccles. L. 8. c. 1. §. 13. seq.*

Zech de jur. rer. eccl. P. I. sect. 1. tit. 1. §. 4.

(d) Vid. Thomassin v. et n. disc. P. I. L. 2. c. 92. seq.

(e) Du Cange et du Fresne glossar. verb. *capella*.

que curiis erectæ itidem *capellæ palatina, regales, regia. dominica* dicebantur, præcipuisque præfulgebant prærogativis. Ceterum quum his in Oratoriis ceu locis maxime tutis Archivum, diplomata, et regni præcipua monumenta servarentur, *capellæ* nomine non raro Archiva et Cancellaria intelligebantur, et *Capellanorum* vocabulo etiam *Secretarii, Archivarii, Cancellarii* veniebant, imo *Archicapellani* et *Archicancellarii* munus arcte nexum sæpiusque ab uno eodemque gestum fuisse verosimillimum est. 5) Demum *capellæ* nomen ad omnis generis ecclesias minores inprimis, et non baptismales est translatum. Quare præter *capellas regias* occurrunt *regulares, rurales, annexæ* majoribus ecclesiis, *filiales, succursales, domesticæ* etc. Vid. du Fresne et du Cange glossar. v. *capella*. et Cf. Thomassin de v. et n. disc. P. I. L. 2. c. 92. 95.

§. 671.

Ecclesiarum *exstructio* I. nonnisi ex *justa causa* et ad *modum* lege determinatum, II. *auctoritate* legitimi *Superioris*, III. *congrua dote* eidem constituta fiat oportet.

§. 672.

Ut ecclesiæ *exstructio* I. ex *justa causa* et ad *modum* lege determinatum facta dici queat, 1) nec in ipsius religionis, *) nec 2) in aliarum ecclesiarum præjudicium (f) cedat, sed 3) ad promovendam pietatem, et ob gravem rationem e. g. ob distantiam aliarum ecclesiarum, populi frequentiam, insignium reliquiarum custodiam (g), 4) in loco congruo fiat necesse est (h).

*) Uti

(f) C. 43 44. caus. 16. q. 1. c. 2. de eccl. ædific.

(g) C. 3. de eccl. ædific. c. 50. 51. caus. 16. q. 1.

(h) C. 13. de consecr. dist. 1.

- *) Uti si forte solennitas sacrorum, populi instructio, Parochi congrua sustentatio hac ratione pateatur. Fac autem; hæc documenta abesse; tamen privatis, imo a milibus sæpe aliquorum devotionibus circa ædificandas ecclesias et capellas campestres haud erit deferendum, quod recte monet *Barthel Annot. in Engel Decret. L. III. tit. 48.*

§. 673.

Ecclesiæ exstructio II. auctoritatem *Superioris*, scilicet *Episcopi loci*, requirit: * qui 1) causam exstructionis cognoscat, 2) eos, de quorum præjudicio agitur, audiat, 3) an locus congruens sit, videat; 4) lapidem angularem benedicat, crucemque in loco figat (i). 5) Neque etiam hac in re Principis consensus negligendus est: ** 6) et ad pacta quoque ac leges locorum attendendum. ***)

- *) Auctoritas Episcopi ad ædificanda quoque oratoria privata, saltem ea, in quibus S. Missæ sacrificium sit celebrandum, necessaria censetur c. 4. concil. Chalced. et c. 33. et 34. distinct. 1. de consecrat.

- **) Consensus Principis, maxime ubi rationes politicæ quoque connexæ sunt, requirendus. In Bavaria per decretum Electorale (k), ne ecclesiæ haud necessariae deinceps exstrui permittantur, gravissime vetatur.

- ***) In Germania ad normam in P. W. præscriptam respiciendam; ne forte exstructio ecclesiæ novi operis nuntiatione inturbetur; quod quidem ex causis levibus, nec ulla modo in P. W. fundatis non raro esse factum experientia testatur. Ceterum Princeps catholicus eo ipso, quod in locis

(i) C. 9 de consecr. dist. 1. c. 10. caus. 18. q. 2.

(k) A. 1690. 10. April. ad Consil. eccl. aulicum datum et Decret. de A. 1770.

332 Sect. II. De Jure Rerum ecclesiasticarum.

cis, ubi vi anni normalis liberum Religionis exercitium Protestantes habent, *simultaneum innoxium* (§. 387.) inducere possit, ecclesias quoque extruendi libera pollet facultate.

§. 674.

Ecclesiæ recens exstructæ III. *Dos congruens assignanda*, 1) quæ ad clericos alendos, ad ejus ornamenta, et cultus divini celebrationem sufficiat: et 2) per se fit perpetua. Quocirca 3) ecclesiam dote destitutam consecrare vetant canones (l).

§. 675.

Ecclesiæ, parochiales inprimis, aliæque sacræ ædes deinceps *sartæ tectæ servandæ* sunt: quem in finem quarta reddituum ecclesiasticorum pars olim (m) assignabatur. Reficiuntur autem 1) ex patrimonio fabricæ dicato, aliisque bonis ecclesiasticis; 2) quodsi ecclesiæ non parochiali proventus desint, ut eæ reparari nequeant, Episcopus beneficia simplicia etiam juris patronatus, vocatis iis, quorum interest, ex iis ecclesiis collapsis in matrices aut alias ecclesias vicinas transferre poterit: 3) *Parochiales* vero ecclesiæ reficiendæ sunt ex fructibus et proventibus ad easdem ecclesias quomodo-cunque pertinentibus; qui si non sufficiant, patronus, aliive ex hac ecclesia fructus percipientes pro rata fructuum portione, *) aut his deficientibus parochiani ad parochialem quidem

(l) C. 9 distinct. 1. de consecrat. c. 8. de consecrat. eccles. conc. Trident. sess. XXI. c. 4. de reform.
(m) C. 30. caus. XII. q. 2. seqq.

dem, non ad alias haud necessarias ecclesias reparandas concurrere sumtibus, aut operis tenentur (n) ** 4) nisi lege speciali id onus aliis forte sit impositum (o).

*) Decimatores 1) ratione *decimarum*, quæ ex origine sua *laicales* sunt, non obligari, ut ad ecclesias reparandas quidpiam conferant, communis habet sententia. 2) At vero decimas alias origine quidem *ecclesiasticas*, sed deinceps in laicorum manus devolutas cum eo onere ad hos transiisse videtur verosimillimum: attamen 3) decimas laicis in feudum datas, quoniam vasallo alia servitia ex feudo jam incumbunt, ab onere fabricæ plane immunes esse adfirmat *Rudolph Will*, diss. de differentia decimarum eccles. et secular. quoad onus reparandi ecclesias. §. 6. *Thesaur. J. Eccl. Tom. VII. pag. 447. seqq.* Cf. *Bähmeri vindicia libertatis decimarum laicalium a contributione ad refectionem ecclesiarum paroch.*

**) • Cuicumque onus fabricæ incumbat, subditi tamen, seu Parochiani, inquit *Barthel* (p), operas • manuales et alias (*Hand- und Fuhrlohn*) prestare tenentur . . . ex fortissima præsumptione et • maxima æquitate, quia qui sentit commodum, • debet sentire et onus. •

***) Sic alicubi clerus chorum, populus navem (*das Langhaus*) turrimque reficere, alibi decimatores id totum, partemve prestare obligantur. In Bavaria 1) reparationes ecclesiarum majores non nisi cum Episcopi, et Principis consensu; communes notabiliores cum Consilii ecclesiastici electoralis adnutu,

(n) Cf. Trid. sess. 21. c. 7. de reform.

(o) Vid. *Barthel* diss. de decimis, et Annotat. in P. Engel Decret. L. III. tit. 48. Cf. L. B. de Kreittmayr Adnot. in Cod. civ. Bav. P. I. c. 7. §. 42. n. 7. •

(p) Annot. in Engel L. c. pag. m. 204.

tu, atque illis, quorum interest, prius auditis, per artifices peritos, præcipue indigenas, perfici jubentur etc. (q) 2) Ecclesiæ, quæ nec parochiales, nec ad divina celebranda necessariæ, si propriis ipsarum sumtibus instaurari nequeant, deinceps si magni sumtus faciendi, reparari non debent (r). 3) Modus et mensura, quæ decimateores tum ecclesiastici tum laici, item aliæ ecclesiæ locupletiores ad reparationem ecclesiarum parochialium maxime, quæ propriis proventibus refici nequeant, concurrere teneantur, speciali mandato electorali (s) determinatur. 5) Parochorum ædes tum propriis Parochi proventibus, salva semper congrua, tum fere ab iisdem, a quibus ecclesiæ, reparantur. 6) Domus ædituorum ex bonis ecclesiæ; 7) domus ludimagistri communitalis solius sumtibus extruenda, reparanda (t) Quodsi 8) eadem domus a ludimagistro ædituoque simul incolatur, exstructio, reparatioque communibus ecclesiæ et populi sumtibus curanda erit.

§. 676.

Ecclesiæ consecrandæ sunt aut saltem benedicendæ (u), id est, solemniter a legitimo Ministro adhibitis certis symbolis, verbis, et ritibus ad cultum divinum deputandæ, et dedicandæ (§. 670.) Actus hujus dedicationis consecratio dicitur, aut benedictio, *) de cujus utriusque I. ministro II. modo et adjunctis; III. effectibusque heic striotim facienda mentio.

*) Dif-

(q) Cf. L. B. de Kreitmayer. Annot. in Cod. civ. Bav. P. I. c. 7. §. 42. n. 6. et 7.

(r) De 1771. 26. Mart.

(s) De 1770. 4. Oct.

(t) Cf. regulas adjectas ordinationi Consil. eccles. elect. de 1783. 25. April.

(u) C. 10. de consecr. eccl.

- *) Differunt a se consecratio, et benedictio, quod in illa unctio adhibeatur, non in ista: b) alius illius, quam hujus sit ritus, et minister, c) alii effectus, etc. Cf. *Andr. Rüdel diss. Ecclesiarum et Altarium consecratio etc. Heidelb. 1754.*

§. 677.

Consecratio ecclesiæ est actus ordini episcopali ex jure solum ecclesiastico adnexus; et proin 1) per Episcopum diæceseos, in qua sita est ecclesia, jure communi peragi, et 2) ab eodem nonnisi alteri Episcopo (x) demandari; 3) a Pontifice tamen committi etiam Presbyteris poterit. 4) *Benedictio* etiam a simplici Presbytero ex Episcopi delegatione perficitur.

- *) Altaria quoque tum fixa, tum portatilia, patenas, calices, campanas item jure communi solus Episcopus, jure singulari, Prælati usu pontificalium præditi pro suis ecclesiis benedicunt, et consecrant. Paramenta altaris, sacrasque vestes Prælati regulares omnes, et ex delegatione Episcoporum alii Presbyteri, Decani præcipue rurales benedicere solent.

§. 678.

Consecratio 1) recte equidem omni die, decentius tamen dominicis, et festivis diebus peragitur (y). 2) Pridie consecrationis et a consecratore, et ab iis, qui ecclesiam sibi consecrari petunt, jejunium decenter præmittitur; 3) consecrandæ ecclesiæ Sanctorum inferuntur reliquiæ (z); 4) cruces in parietibus de-

(x) C. 4. dist. 68. c. 9. de consecr. eccl. Trid. sess. 6. c. 5. de reform.

(y) C. 2. de consecr. eccl.

(z) C. 26. 29. de consecr. dist. 1.

conciliationem divina officia, præsertim missarum solennia celebrare non liceat (h). » Is, qui in tali ecclesia scienter celebrare præsumit, licet temerarie agat, irregularitatis tamen, cum id non sit expressum in jure, læqueum non incurrit. « (i) ***) Ecclesia 1) consecrata, si polluitur, reconciliari nisi ab Episcopo jure communi nequit (k): solet tamen a Pontifice concedi Episcopis facultas eam reconciliationem simplici Presbytero delegandi. Fit autem reconciliatio hæc per aquam cum vino, cinere, sale ab Episcopo benedictam. 2) Si ecclesia dumtaxat fuerit benedicta, solum aqua exorcizata lavanda atque ita reconcilianda erit (l), idque etiam per simplicem Presbyterum fieri posse Doctorum auctoritas, et praxis communis confirmant. Ceterum 3) solennem reconciliationem, nisi pollutio sit publica, haud esse necessariam, et plerique Doctores asserunt, et synodus Coloniensis (m) monet. Cf. van Espen J. E. un. P. II. tit. 16. c. 4.

ARTICULUS II.

De Cœmeteriis, et Sepultura Ecclesiastica.

§. 680.

Inter loca sacra (§. 668.) censetur itidem cœmeterium, seu locus publicus sepeliendis Christianorum corporibus auctoritate ecclesiastica destinatus, et accedente benedictione dicatus.

Sepul-

(h) C. 10. de consecr. eccl. c. 11. de privileg.

(i) C. 18. de excomm. in 6.

(k) C. 9. de consecr. eccl.

(l) C. 10. eod. tit.

(m) A. 1536 part. 9. c. 18 apud van Espen J. E. un. P. II. tit. 16. n. 26.

Sepultura nunc 1) ritum sepeliendi defunctorum corpora (a), nunc 2) jus inferendi cadavera in sepulcrum (b), nunc 3) locum ad sepelienda mortuorum corpora destinatum (c) denotat.

* 1) Jam inde ab ecclesie incunabulis Christiani corpora fidelium ceu animarum domicilia, et Spiritus sancti templa adhibitis statim piisque ritibus sepelire consueverant (d). 2) Ritus paullatim inducti fere erant ejusmodi. Mortuis statim clauderantur oculi, cadavera lota, honesteque vestita sæpe publice fuerunt exposita, aliquando in ecclesiam etiam delata. Iis presentibus quandoque hymni et psalmi cantari solebant, et missa celebrari. Post hæc cum precibus aliisque ritibus, quos varios ecclesie variæ adhibuerant, loco ad humanda corpora destinato interebantur (e). Quem in finem quum 3) sævientibus persecutionibus locus publicus deligi ubivis non posset, in agris, speluncis, cryptis, quæ area, tumbæ, catacumbæ, cryptæ arenariæ dicebantur, fidelium cadavera sepeliebantur. 4) Etsi vero antea per leges Romanas prohibitum esset quorumcunque corpora in urbe sepelire; cessantibus tamen persecutionibus non modo Martyrum sepulcra in urbibus permissa; sed et corpora eorum e cryptis eruta in urbem translata perhonorifice condita fuere: sæpius supra Martyrum tumulos magnificæ ecclesie, quæ *martyria* vulgo dicebantur, excitabantur. 5) Quum autem

Y 2

fideles

(a) C. 105. caus. 1. q. 1.

(b) Clem. 2 de sepultur.

(c) C. 3. de sepultur.

(d) Origenes L. 8. contra Celsnm. S. Augustinus L. 1. de civitate Dei c. 13. et Lib. de cura pro mortuis.

(e) De his vid. van Espen J. ecol. un. P. II. tit. 38. c. 1.

fideles sua corpora post mortem corporibus Martyrum sociari cuperent, tum ruri, tum in urbibus prope eas ecclesias cœmeteria constitui cœperunt.

(f) 6) Quem morem cadavera in urbibus sepeliendi rursus Theodosii lex quidem sustulit (g): tandem vero 7) populi desideriis satisfactorius Leo Imperator edita constitutione (h), lege illa abrogata omnibus sive intra sive extra urbem sepulturam eligendi liberam facultatem dedit. Hanc facultatem per varias locorum leges esse hodie hinc inde restrictam nemo nescit. Neque Principum solum leges, sed et eruditorum calami contra antiquum cadavera in ecclesiis urbibusque sepeliendi morem pugnant. Hos inter Ernestus Platner habita oratione contendit, a) jus sepulturæ in ecclesiis, utpote quod juri naturali, et legi universali: *neminem laedit*, repugnet, esse per se nullum: nec b) iis, qui sepulturam pecunia redemere, datum pretium esse restituendum; quum eos, qui vitiosam aut ipso jure nullam susceperunt actionem, damnum ferre oporteat: aut certo c) id genus privatorum jura, ceu bono publico inimica, a Principe annullari posse. *Oratio advers. sepult. in adib. sac. habita. Lipsiæ 1788. d. 14 Martii.*

§. 681.

De sepultura sequentes notamus propositiones: I. ecclesiastica sepultura in loco religioso, et sacris ritibus peragitur: II. unde iis, qui vel membra ecclesiæ non sunt, aut ob crimina a sacris ecclesiæ vivi excluduntur, aut impœnitentes decedunt, ecclesiastica sepultura negatur: III. jus sepulturæ in regula
ad

(f) Cf. Rupperecht Not. in jus can. l. 3. tit. 28.

(g) L. 6. Cod. Theod. de sepulcr. violato Anno 381.

(h) Novella 53.

ad ecclesias parochiales restringitur; proin in cœmeterio ecclesiæ parochialis sepeliendus quivis est, nisi vel sepulturæ electio obstet, vel IV. privilegium.

§. 682.

I. *Humatio* fit 1) *in loco religioso*, qui a) auctoritate Episcopi erigitur, ab eoque, aut ex ejus delegatione a Presbytero benedicitur, * b) pollutusque reconciliatur; (§. 679) c) ceu locus vere religiosus Episcopi jurisdictioni est subjectus: fit 2) *sacris cum ritibus*, psalmis, precibus, thurificatione, aquæ benedictæ aspersione, missæ oblatione, (§. 680. not.) **) Proin qui a communione ecclesiæ et sacris generatim, iidem et a sepultura ecclesiastica excluduntur: nempe

* 1) Apud Romanos jam ipsa humani cadaveris humatio locum reddebat *religiosum*. Ecclesia christiana sepulturæ locum non tam ab humatione corporum, quam a benedictione *religiosum* æstimat, precibusque et S. ritu ad sepulturam fidelium destinat, sacratque. Porro 2) pervetustus quidem cœmeterii benedicendi mos est (i); inoertum tamen ejus moris initium. 3) Benedictionem cœmeterii olim a benedictione ecclesiæ non fuisse separatam, perquam est verosimile. Hodie speciali ritu et formula dedicari cœmeteria solent.

**) Preces in sepeliendis fidelium corporibus hodieque usitatæ fere eædem jam in quodam seculi X. Sacramentario occurrunt. In quo quum nec trinæ thurificationis nec aspersionis aquæ fiat mentio, hunc ritum vel recentioris esse institutionis, vel hunc ritum vel recentioris esse institutionis, vel saltem eo seculo nondum ubique fuisse receptum

Y 3

in

(i) Ejus meminit S. Gregorius Touronensis de gloria confessor. c. 106. vid. van Espen L. c. n. 20.

infert. *Van Espen J. eccl. un. P. II. tit. 38. c. 1. n. 46.*

§. 683.

II. Iis, qui aut in ecclesiæ communionem nunquam recepti, vel qui deinceps ab ejusdem communione fuere exclusi, aut notorie impœnitentes decedunt, negatur sepultura ecclesiastica. Idcirco ab ea arcentur, 1) qui non baptizati, aut in hæresi, vel excommunicatione majore irretiti obiere (k); 2) qui in duellis, torneamentis occiduntur, etsi pœnitentes obeant (l); 3) blasphemi, usurarii manifesti, et raptores, qui non satisfecerunt (m); 4) confessionem, et communionem annuam negligentes (n); 5) Religiosi ceu proprietarii decedentes (o); 6) mortem sibi ipsis consulto inferentes; 7) peccatores omnes notorii absque pœnitentiæ indiciiis mortui (p). Qui excommunicatos denunciatos ac nominatim interdictos vel usurarios manifestos sepelire in loco sacro præsumserit, excommunicationem ipso facto incurrit. (q)

* r)

(k) C. 8. de Hæret. c. 2 ibi in 6. c. 12 de sepult. Clement. 1. de sepult. de Protestantibus German. vid. Barthel. Annot. ad Engel L. III. tit. 28.

(l) Trid. Sess. XXV. c. 19. de reform. c. 1. de torneam. constit. Benedict. XIV. detestabilem A. 1752.

(m) C. 2. de maled. c. 3. de usur. c. 2. de Raptorib.

(n) C. 12. de pœnit. et remiss.

(o) C. 2. 4. de statu monach.

(p) C. 12 caus. 23. q. 5. et ritual. Roman.

(q) Clement. 1. de sepult.

★ 1) Honore sepulturæ carere Romanis gravissimæ poenæ erat genus: qua ceu maxime ignominiosa Christiani deinceps a persecutoribus sæpe sunt affecti. 2) Ecclesia nemini equidem humationem, sed quibusdam ecclesiasticam solum, quæ in sacro fit loco, sacrisque cum ritibus conjungitur, negat sepulturam. Porro 3) negatæ hujus sepulturæ poena non semper est latæ, sed aliquando ferendæ sententiæ poena: talis quidem illa creditur, quæ in eos, qui paschalem communionem negligunt, fertur (r): proin Parochus eam propria auctoritate aut ante sententiam Episcopi exequi nequit. Consulendus igitur, quandocunque dubium occurrit, semper est Episcopus. In *dubio* enim, an quis sepultura gaudeat ecclesiastica, Episcopus dicit sententiam. Cujus sententiæ si expectari nequit, in dubio favendum est defuncto. 4) Frequentius dubium occurrit circa, autochiros. Quo casu in Bavaria judex secularis in defuncti mores, aliaque adjuncta testibus ad iurjurandum adstrictis inquirat, atque de tota rei serie cum Parocho loci communicat, qui rem omnem Episcopo dijudicandam transmittit. Quodsi judici seculari de malo hominis proposito, et deliberata voluntate liquido constet, is nulla facta ad magistratum ecclesiasticum relatione cadaver asini sepulturæ tradi, id est, per carnificem loco famoso sepeliri jubet. L. B. de Kreittmayr Annot. in Cod. civ. Bavar. P. II. c. 1. §. 4. n. 30.

★★) Per humationem excommunicati in loco sacro, locus ipse pollui, seu profanari censetur; ut ante ejus reconciliationem eo in loco divina agi, et fideles ibidem sepeliri nequeant: ne per hoc cum excommunicato ibi sepulto, quocum in vivis communicare nequibant, post mortem communicare

Y 4

vide-

(r) Van Espen J. E. un. P. II. tit. 4. c. 3. n. 16 et 17.

videantur. (t) Igitur cadavera ejusmodi, si discerni possint, tumulo erui, et procul a sepultura ecclesiastica debent removeri. (u) Cf. Van Espen J. E. un. P. II. tit. 38. c. 6.

§. 684.

Jus sepulturæ III. regulariter ad parochias restringitur; *) unde 1) jure communi quivis in parochia domicilii sui, si commode illuc transferri queat, (x) hodie per consuetudinem in ea, in qua quis mortuus est, aut sacramenta percepit, parochia est sepeliendus; nisi aut majorum sepulcrum habeat, **) aut alibi sepulturam sibi elegerit. (y) 2) *Eligere* vero sepulturam uxori, atque etiam filios familias puberi (z) et cuivis integrum est, qui jure non prohibetur. 3) Prohibentur autem eligere sepulturam infantes, impuberes, aliique judicii maturitate destituti, religiosi item professi; nisi valde a monasterio remoti decedant. (a) 4) Electa tamen alibi sepultura portio canonica, seu quarta funeralis, item ubi consuetudo habet, *mortuarium* Parocho, cui de jure sepultura competeret, pendi debet. ***)

*) Ut ut tum jus sepulturæ seu cœmeterii, tum jus fontis baptismalis habeant pleræque ecclesiæ parochiales: illa tamen, utpote filiabus ecclesiis sæpius

com-

(t) C. 27. Dist. 1. de consecr.

(u) C. 12. de sepult.

(x) C. 1. 5. de sepult. c. 3. in 6. et Clement. 2. eod. tit.

(y) C. 3. 10. de sepult.

(z) C. 7. de sepult. et c. 4. eod. tit. in 6.

(a) C. 4 et 5 de sepult. in 6.

communis haud referenda sunt inter notas characteristics ecclesiae parochialis. Quocirca ecclesia etiam fonte baptismali et cæmeterio instructa, propriae parochialis non est, siquidem jure curae principalis independentem ab alio rectore exercendae destituatur.

***) Si diversa sint sepulcra, nec sepulturam quis elegerit; 1) filius reponitur in patris, aut avi seu eorum sepulcro, quibus est sanguine propinquior; 2) uxor mariti sepulturam sequitur, quando aliam non elegerit: quæ si plures habuerit maritos, luvanda est in sepulcro postremi, (e) cujus domicilium retinet et honorem. Maritus non in eo, quod uxor fors elegerit, sed in majorum suorum sepulcro conditur; 3) clericus, si majorum sepulturam non habeat, nec aliam elegerit, in loco beneficii sepelitur.

*** 1) Licet olim exactiones quæcunque pro exequis, et sepulturis per Sa. Canones severissime essent prohibitæ, tandemque solæ oblationes liberales permetterentur; tamen paulatim consuetudo occasione sepulturæ quidpiam ad congruam Parochi sustentationem dandi, exigendique inolevit. (d) Unde 2) ii, qui congrua sustentatione aflatim instructi cum pauperibus durius agunt, justissimam ferunt reprehensionem. 3) Simile turpis exactionis generis quoque videtur; quod quidam ob cadaverum per suæ parochiæ limites transvectionem quasi vectigal sibi nullo suffragante titulo petunt. 4) Siquis alibi sepulturam elegerit, a Parocho defuncti proprio portio canonica, id est, media, tertia, vel quarta, seu per consuetudinem locorum determinanda pars ex iis, quæ alteri ecclesiæ ratione

Y 5

(b) C. 10. de sepult. et c. 2. eod. tit. in 6. Trident. Sess. XXV. c. 13. de reform.

(c) C. 2. 3. Caus. XIII. q. 2.

(d) C. 12. sqq. Caus. XIII. q. 4. Cf. Thomassin P. III. L. 1. c. 65.

tione sepulturæ obveniunt, jûste exigitur. (e) In Bavaria vulgo Parocho satisfactum censetur, si pro defuncto in alia, quam parochiali ecclesia, sepulto divina quoque seu officium de requiem in parochiali ecclesia celebrari quis curet. (f) 5) *Mortuarium* duntaxat, ubi consuetudo jubet, penditur, nec ubivis ejusdemmet est generis: etenim heic lectus, alibi melior vestis, uspiam animal post optimum melius etc. aut eorum pretium dari solet. 6) Mortuarii Parochis pendendi originem inde quidam repetunt; quod mortuarium (Germanis *Bubtheil, Todtefall, Baulebungsrecht, Besthaupt, Hauptrecht* etc. etc. dictum) Domini quidam, atque etiam ecclesiarum, quæ homines proprios habebant, Rectores solum ab hominibus propriis exegerint, paulatim vero Parochi ad quosvis parochianos extenderint. De qua opinione non adtinet plura dicere. Cf. *Zech. de jur. rer. eccl. tit. 23. et van Espen J. E. u. P. II. tit. 38. c. 4.*

§. 685.

IV. Vi privilegii * 1) Regularibus pluribus jus competit, ut in eorum ecclesiis eligi a quovis sepultura possit; (g) attamen 2) tum Regulares, tum Clerici extranei sub pœna excommunicationis Papæ reservatæ ipso facto incurrendæ prohibentur; ne aliquos ad vendendum, jurandum, vel fidem interposita, seu alias promittendum inducant, ut sepulturam apud eorum ecclesias eligant, vel jam electam ulte-

(e) C. 9 de sepultur. Cf. van Espen J. Eccl. un. P. II. tit. 38. c. 5.

(f) L. B. de Kreittmayr Annot. Cod. civ. Bav. p. 2. c. 2. §. 4. n. 17.

(g) Clem. 2. et extrav. comm. 2. de sepult.

ulterius non immutent. (h) Ceterum Regulis omnes suos professos etiam alibi decedentes, item et domesticos famulosque suos intra monasterii septa obeuntes in suis ecclesiis ac cœmeteriis sepelire licet.

- *) In privilegii hujus usu 1) ad specialia pacta aut consuetudines respiciendum est. (i) Quæ si desint 2) servanda est constitutio Leonis X. (k) renovata per S. Congregationis decretum, (l) quo statuitur: » non licere vi hujus privilegii Regularibus Parochias, ad efferenda et levanda defunctorum funera intrare, vel illa levare, aut » efferre, nisi vocato et expectato proprio defuncti Parocho, eoque ibidem præsentem, vel nisi » requisitus dissentiat, aut venire expresse recuset.« 3) Ipsi tamen sepulturæ actui, qui a Regularibus peragendus erit, Parochus se immiscere haud poterit. (m) Nec hæredes, ut cadaver defuncti prius ad ecclesiam parochialem deferatur, (n) vel ibidem missæ pro defuncto celebrentur, cogi possunt. (o) Attamen servandas imprimis locorum justas consuetudines jam monuimus.

ARTI-

-
- (h) C. 1. de sepult. in 6. et Clem. 3. de pœnis in fine.
 (i) C. 1. et 3. de pactis in 6.
 (k) In concil. Lateran.
 (l) Editum A. 1604. 20 Jan.
 (m) Constit. Clementis X. *Nuper*. 1672. 18. Jan.
 (n) Ex constitut. Sixti IV. *Regimini* etc. 1474. 31. Aug.
 (o) Declarat. Congreg. Rituum A. 1675. 13. Jul'

ARTICULUS III.

De sacrorum, ac religiosorum locorum immunitate. speciatim de jure asyli.

§. 686.

Sacrorum atque plerorumque locorum religiosorum immunitas tum I. singulari inviolabilitate, ac sanctitate et reverentia: tum speciatim II. jure asyli continetur. Et primo quidem ex capite 1) præcipua iis locis habenda veneratio est, et excludendum foras, quidquid vim, irreverentiam, profanationem sapit; quare 2) ab ecclesiis maxime ac cæmeteriis non illiciti modo, sed et profani actus, negotiationes, hospitaliones, convivias, ludicra, judicia criminalia, placita secularia procul esse jubentur. (a) Altero ex capite loca religiosa maleficis quibusdam illuc confugientibus securitatem præstant, quo minus violenter extrahi, aut ad supplicia capitalia rapi possint. Igitur

§. 687.

Asylum locus est, qui maleficis confugientibus publicam securitatem, et a pœna capitis saltem aut mutilationis immunitatem præbet; idque vel *ecclesiasticum* dicitur vel *seculare*, prout privilegium hoc (jus asyli) loco ecclesiastico adnexum est, aut seculari. Nobis de asylo ecclesiastico heic sermo est.

* 1)

(a) C. 1. 2. 5, de immunit. eccl. et c. 2. eod: tit. in 6.

- * 1) Jus asyli, quod nec Gentiles Græci, et Romani suis templis negabant. quodque locis etiam aliis, montibus, campis, civitatibus, statuis, sæpe tributum est, (b) sacrosanctis Christianorum ecclesiis non nova Imperatoris lex, sed ipsa publicæ Religionis christianæ adprobatio, et observantia addixit. (c) Et vero 1) sacrosanctas Christianorum ecclesias statim post datam a Constantino Christianis pacem, confugis securitatem præstitisse, dilucide commonstrant tum a) plura ad eas confugientium exempla etiam ab ethnicis scriptoribus Amiano Marcellino, Cosimo, relata, tum b) Theodosii, atque Arcadii Honoriique Impp. leges (d), quæ publici debitores, et Judæi falso Religionis christianæ obtentu impunitatem debitorumque remissionem quærentes communi asyli privilegio excluduntur. 2) Equidem Eutropius, ut, quos ulciscendi animo persequeretur, ab ecclesiæ asylo extrahere posset, nefariis artibus extorsit Arcadio legem, qua asyllum penitus abrogatur. (e) At quum paulo post ipse Eutropius Arcadii gratia, qua in aliorum perniciem sæpe fuerat abusus, excidisset, et e palatio profugus ad ecclesiæ asyllum confugisset; abrogata hac lege sacrosanctis ecclesiis per aliam Honorii, et Theodosii junioris (f) legem asyli privilegium resti-

-
- (b) Cf. Zech. diss. de jure Asyli c. 1. Thesaur. J. Eccl. tom. V. pag. 284. Cf. des Mayländischen Ranzlers Christiani der Asyl oder Gutachten. Wamberg 1783. pag. 1 sqq.
- (c) Christiani Abhandlung l. c. pag. 22. seqq. Thomasin. Diss. de Asyl. §. 11.
- (d) L. 1. et 2. Cod. Theodos. de his, qui ad ecclesiam confugiunt, et L. 1. Cod. Justin. eod. tit. A. 392. et 397. Cf. Ammiani Marcellini L. 15. c. 5. et L. 26. c. 4.
- (e) Socrates H. E. L. 6. c. 5. Sozomenus H. E. L. 8. c. 7. Nicephorus L. 13. c. 4.
- (f) L. 2. Cod. de his, qui ad eccl. confug. A. 414.

cidissent, securitatem præbuere. Deuter. XIX. 11. Exod. XXI. 14. Cf. Van Espen de Asylis temporum tom. II. oper. c. 3.

§. 690.

Gaudent autem II. hoc asyli privilegio loca sacra et religiosa: nempe 1) ecclesia, et ædificia eidem conjuncta, et ad eam pertinentia; * 2) monasteria cum domibus, et habitationibus auctoritate Episcopi erectis; 3) loca religiosa alia Episcopi auctoritate ad charitatis, misericordiæ et pietatis opera destinata; **) 4) Palatium Episcopi (l); 5) cœmeterium fidei sepulturæ auctoritate ecclesiastica dictum. Propterea, inquit Zech, Germani cœmeterium *Grinthof* oder *Grertheithof* vocare solent. (m).

*) Talia censentur 1) Sacristia, turris, atrium, porticus, tectum, ambitus muro vel fixis terminis distinctus, (n) 2) extendebatur olim asyli privilegium etiam ad passus quadraginta in ambitu majoris, seu cathedralis ecclesiæ, et ad triginta in circuitu ecclesiæ minoris. Et vero hanc asyli extensionem, nisi forte spatium istud muro circumdatum pro atrio ecclesiæ serviat, plerisque in locis usu abrogatam videmus. Docent tamen Canonistæ, confugam, qui fores ecclesiæ clausas inveniens manu portas, aut ansam, vectesque adprehenderit, abstrahi violenter salvo asyli privilegio non posse. 3) Ceterum loca sacra fors pullata, aut interdicta hoc privilegio excidisse haud censentur.

**) Quin

(l) C. 56 c. XVII. q. 4.

(m) C. 10. de immunit. eccl. et cœmet Zech. l. c. §. 152.

(n) L. 3. Cod. de his, qui ad eccl. confug.

***) Quin cœmeteria, et monastera, inquit Zech. quæque horum septis continentur, uti horti, atria, officinæ etc. confugientes ab omni violentia immunes prestant, dubitandum non est. Sed alia pia, et religiosa loca e. g. Xenodochia, Nosocomia, hospitalia, si sacella publica in iis aperta excipias, in nostris provinciis communi hominum opinione jus asyli non habent; uti nec alia loca pia, oratoria privata, ædiculæ passim in campis Sanctorum honoribus, et itinerantium devotioni constructæ. Zech. cit. Diss. §. 151.

§. 691.

Jus asyli III. non ad omnes prorsus maleficos se exporrigit. Nam etsi regulariter eo privilegio perfruantur ad dicta loca confugientes rei omnes tam clerici, quam laici, tamen ne confugii spes impunitatem, licentiam, et frequentiam pariat gravium delictorum; ne publicæ justitiæ vigorem frangat, aut securitati reipublicæ officiat, asyli privilegio excluduntur 1) latrones publici; 2) grassatores viarum; 3) depopulatores agrorum; (p) 4) per prodicionem, aut animo deliberato et præmeditato quemquam occidentes; (q) 5) committentes homicidium vel mutilationem in ecclesiis, vel cœmeteriis; (r) 6) rei assassinii; (s) 7) rei læsæ majestatis; 8) qui ad asylum confugientibus

(o) Cf. P. Zech. l. cit. 7. §. 149. sqq.

(p) C. 6. de immunit. eccl. et cœmet. Novell. 17. c. 1. L. 4. Cod. de iis, qui ad eccl. confug.

(q) C. 1. de homicid.

(r) C. 10. de immunit. eccl. et cœmeter.

(s) C. 1. de homicid. in 6.

bus vim inferunt; 9) falsificantes literas apostolicas; 10) defraudantes montes pietatis, telonia, aut banca, ut vocant, publica; 11) conflantes, adulterantes, tondentes quascunque monetas aureas, vel argenteas; 12) qui sub nomine curiæ se in domos alienas intrudunt, ibique rapinas cum homicidio, vel mutilatione perpetrant; 13) rei hæreseos et ob eam accusati (t).

*) Modum in recipiendo, protegendo, extrahendo aut male extracto denuo restituendo servandum, poenas item asyli violataribus decretas explicat Zech. cit. diss. c. 9. seqq. et Barthel Annot. ad Engel. L. III. tit. 49. pag. 306. Alium nonnihil cum his procedendi modum describit Paul. de Riegger Instit. J. E. Lib. III. §. 875. seqq. Baviaræ praxin vide Cod. Bav. Crim. P. 2. c. 6. §. 15. Cf. annotationes.

§. 692.

IV. In Privilegio asyli tum *tuendo*, tum *restringendo* ad Religionis et ecclesiæ reverentiam, ad leges justitiæ, ad boni publici rationem, rerumque adjuncta respiciendum est. -Némpe 1) Privilegium SS. ecclesiis tum ob earum reverentiam, tum ob spiritualem reorum salutem (§. 687. not.) a piissimis Imperatoribus tributum, a sanctissimis ecclesiæ Præsulibus defensum, ceu jus ecclesiis quæsitum equidem, quousque gravissimæ rationes haud obstant, aboleri non posse videtur. (u) Si-

(t) Vid. Zech. Diss. cit. c. 8. §. 175. seqq. item Paul de Riegger Inst. J. E. L. III. §. 870. sqq.

(u) Siquidem tamen 2) rerum adjuncta sint ejusmodi, ut jus asyli aut in ipsius ecclesiæ, aut in reipublicæ grave publicumque damnum cederet; eo in casu tum ab ecclesia, tum etiam a principibus, qui ad hos casus sua privilegia nec voluisse, immo nec potuisse extendere credendi sunt, jus istud variis modis *restringi*, immo si alio modo ecclesiæ, ac reipublicæ bono consuli non posset, *tolli* etiam posse, æquus nemo inficias iverit. (x)

*) Et vero sublata pœnitentiæ publicæ severitate, et processu criminali in ordinem curatorem redacto, quum a) minor in reis affulgeat satisfactionis et emendationis spes, minus iniquæ oppressionis sit periculum, jus asyli non tantum; ac olim, favorem videtur mereri. Unde male faciunt, inquit Cl. Barthel, (y) illi Theologi, qui hoc jus volunt nimium extendere, et in dubio semper pro favore asyli concludere; quum potius pro favore boni publici standum, et hoc jus strictius esset interpretandum. Et sanè tam honori ecclesiarum, et utriusque reipublicæ commodo, quam reorum salutis male consulunt, immoderatoque feruntur Zelo, qui flagitiosos quosque ad ecclesiam confugas, etiam jure asyli non gaudentes, sine discrimine recipiunt, sollicite occultant, aut variis artibus justitiæ publicæ subducunt, atque pessimos homines nulla de pœnitentia, aut emendatione eorum habita cura veluti feroces lupos in perniciem reipublicæ dimittunt. Quam præposteram, et ab anti-

Z. 2

quæ

(u) Vid. J. Phil. Hahn Diss. de ancipiti in terris vel civit. mixte Religionis Asylorum Jure P. I. c. 2. §. 9. Thesaur. J. E. tom. V. pag. 438. sqq.

(x) Hahn cit. Dis. L. cit. §. 12.

(y) Annot. in J. can. P. Engel L. 3. tit. 49. pag. 305.

quæ ecclesiæ Consiliis praxique alienissimam agendi rationem verbis gravissimis reprobat Josephus R. R. Episcopus Augustanus in literis encyclicis ad clerum suum datis (z). Cf. Zech. Diss. cit. §. 127. seqq. et §. 142. et 187. Item Paul de Rieger Instit. J. E. P. III. §. 866.

§. 693.

Demum V. *Caussæ de jure asyli ad forum utrumque* diversa ratione pertinent. *) Scilicet jus asyli a) una parte *sanctitatem* locorum, et jus ecclesiæ *quæsitum* respicit, quorum cura, et tuitio ad Rectores ecclesiæ pertinet; contra b) altera ex parte hoc jus a Principibus est profectum, et jus aggratiandi involvit, publicamque reorum vindictam, quæ ad Principem spectat, impedit: (§. 687. seqq.) patet igitur hanc de jure asyli materiem *causis mixtis* accensendam, ac proinde diversa sub ratione tum ad ecclesiasticum, tum ad civile forum pertinere. Attamen hac in re ad varias locorum consuetudines et observantiam respiciendum erit.

*) *Caussæ frequentium circa asyli usum dubiorum, dissidorumque a laudato sæpius P. Zech. recensentur*: a) quædam clericos, laicosque inter diffidentia, b) affectus privati, c) inferiorum administratorum ignorantia, d) immoderatus hac in re quorundam ecclesiasticorum zelus, e) arbitraria legum interpretatio, et f) nimium favorabilis lataque asyli explicatio, g) longa Episcoporum a loco quæstionis distantia, h) varia et inæqualis locorum praxis et observantia. Zech. cit. Diss. §. 139. seq. Thesau. J. E. Tom. V. pag. 373. seqq.

CAPUT

(z) An. 1748. III. Nonas May. Extat in concord. noviss. Augustan. A. 1785. sub finem.

C A P U T III.

De Rēbus Ecclesiæ Temporalibus, seu Bonis Ecclesiasticis.

ARTICULUS I.

De Bonis Ecclesiasticis, speciatim de Oblationibus, Decimis, Primitiis,

§. 694.

Ecclesia bonis quibusdam temporalibus indiget; quæ proinde exigendi jus strictum habet, id quod ex supra (§. 353. seq.) dictis liquidum est. Porro horum bonorum (§. 357 n.) præcipui seu fontes, seu partes sunt oblationes et decimæ, olim fuerant etiam primitiæ. Igitur heic I. de *oblationibus* tum olim frequentatis, tum hodieque vigentibus: dein II. de *Primitiis* fere jam abolitis: demum III. de *Decimis* breviter exponendum.

§. 695.

Ad *Oblationes* liberales quod adtinet, prioribus ecclesiæ seculis non unum eorum genus deprehendimus. Occurrunt jam tum *oblationes* 1) *maiores*, quæ pingua patrimonia, agrorum pretia, pecuniarum aut frumenti insignis portio; deinceps fundi, villæ, prædia, mancipia, census perpetui etc. Deo in usus ecclesiæ consecrabantur; 2) *hebdomadales oblationes*, aut *quotidianæ*; scilicet non modo panis, et vinum, ex quo et epulum eucharisticum conficiebatur, eulogiæque, seu oblatus et benedicti panis particulae populo post mis-

sam distribui solebant; (a) sed a divitibus in missæ sacrificio res etiam aliæ, et non nunquam pecuniæ in ecclesiæ et pauperum usus offerebantur; 3) *menstruales* oblationes, quas singulis mensibus homines, pro qua quisque facultate et pietate, in arcam seu ærarium ecclesiæ tanquam stipem pro lubitu inferre consueverant. 4) oblationes *extraordinariæ* tunc fieri solitæ, ubi pro singularibus ecclesiarum necessitatibus collecta præter ordinem instituebatur. (b) At id genus oblationes a notæ improbitatis hominibus haud sunt receptæ.

*) Quocirca S. Carolus Borom. antiquæ disciplinæ restaurator in concilio Mediolan. IV. decrevit:
 » Ab iis oblationes ne recipiantur, ut antiquo
 » Canone vetitum est, qui scilicet inter se iniquo
 » animo dissidentes inimicitias exercent, qui usu-
 » rarii, meretrices, sacrilegi raptores, quive alio
 » nomine publice notorieque criminosi sunt.
 Quam disciplinam in usum quidem revocari optat; magna tamen discretione ac circumspectione heic perbpus fore monet. *Van Espen J. E. un. P. 2. tit. 5. c. 4. n. 19. seqq.*

§. 696.

Quæ hodieque usu vigent *oblationes*, quoniam vel mere liberaliter, vel necessario præstantur, in *voluntarias* et *necessarias* dispescere licet. In voluntariis fere censentur 1) oblationes sub missæ Sacrificio altari imponi solitæ;

(a) Vid. van Espen J. eccl. un. P. 2. tit. 5. c. 4. u. 4 seqq.

(b) Cf. Thomassin de V. et N. disc. p. 3. l. 1 c. 1. seq. Bingham Orig. eccl. L. 5. c. 4.

tæ; *) ex quæis subin orta 2) *stipendia* seu honoraria missarum celebranti, ut ad certam intentionem offerat missam, dari solita (c); 3) oblationes pecuniarum, quæ in arcis (truncos vocant) reponuntur, aut quæ sacculo sonante per ecclesiam circumferri solito colliguntur; 4) oblationes butyri, ovorum, frumenti etc. in ecclesiis, sacellis, ad imagines positæ etc. Ad *necessarias* præter decimas hodie pertinent sportulæ, seu honoraria, post sacras functiones solvi consuetæ, quas exigendi jus *jus stolæ* vocant; eoquod tum, quum Parochus in cujusdam favorem *stola* utitur, pendi consueverint.

*) Perantiquus isthic oblationum mos, deinceps pluribus in locis neglectus, synodorum quarundam decretis urgebatur. S. Carolus Episcopus hortatur, ut eum morem in solennitatibus Domini, et festis dominicisque diebus servari curent (d). Alibi, ut præcipuis saltem anni festis hæ oblationes fiant, statuta diocesana jubent (e). Vid. *Van Espen J. eccl. un. P. II. tit. 5, c. 4. n. 17. seq.*

§. 697.

De oblationibus generatim sequentia notabis: 1) Ad oblationes voluntarias nullus vulgo nisi forte alicubi in necessarias lege, vel consuetudine transierint, cogi potest. 2) Oblationes secundum intentionem expressam, vel

Z 4

taci-

(c) De honorario missæ videndus, van Espen J. E. un. P. II. tit. 5. c. 5 et 6.

(d) Synod. Mediolan. IV. P. 2. c. 15. - Conf. synod. Colon. A. 1549. c. 10.

(e) Cod. statut. Dioces. Colon. pag. 462.

tacitam adplicari debent; 3) si de speciali offerentis intentione non constet, nec loci consuetudo aliud ferat, oblationes in ecclesiis parochialibus factae Parocho obveniunt; * 4) in ecclesiis Regularium factae Regularibus cedunt (f). 5) In necessariis etiam oblationibus exigendis omnis turpis nundinationis, avaritiae, inhumanitatis species procul absit. (Cf. §. 310.)

*) Equidem 1) ad percipiendas, quæ intra parochiæ limites fiunt, oblationes fundatam in jure intentionem habet Parochus (g): nisi aut voluntas offerentium, aut consuetudo aliud determinarint. At vero 2) receptior hodie consuetudo vix aliud genus oblationum, quam quæ in altari reponuntur, aut occasione sacri ministerii præbentur, Parocho permittit. Hinc 3) quæ in arcubus truncisve, ut vocant, reponuntur, aut quæ per fabricæ magistros, aliosque colliguntur, fabricæ, et alijs ecclesiæ usibus impendi solent. Cf. *Van Espen J. E. un. P. II tit. 33. c. 10.*

**) In Bavaria consuetæ in exequiis oblationes, a quibus nobiles se exemptos volebant, a primariis saltem funeris comitibus fieri jubentur per Decret. Elect. A. 1728, 3. Julii.

§. 698.

¶ Primi cujusvis anni fructus primique pendum foetus *Primitivæ* vocantur. 1) Primitias offerre lex quidem vetus (h) præcepit; 2) easque itidem ecclesiæ ministris Christiani hortantur—

(f) Arg. c. 13, caus. 19. q. 1. — c. 1. de statu Monach.

(g) C. 3 de his, quæ fiunt a Prælat.

(h) Exod. XXIII. 11.

tantibus Patribus (i) pendere olim consueverant. sed paullatim 3) primitiæ per non usum abolitæ hodie vix uspiam solvuntur. Decimarum contra ex pluribus fructibus solutio plerisque in locis usu recepta est. Itaque heic de I. Notione, II. Divisione, III. Origine et Progressu decimarum, IV. de jure decimas exigendi, modoque easdem solvendi hodie recepto dispiciendum. Porro

§. 699.

I. *Decimarum* nomine intelligitur vulgo decima (sæpe major, minorve per legem, pactum, aut consuetudinem determinata) pars fructuum aut lueri portio, ut plurimum quotannis præstantia illi qui eam partem exigendi jus (*jus decimandi*) habet, quique *Decimator* audit, vel a) *universalis*, si per universum fere loci tractum, vel b) *particularis*, qui per aliquot solum prædia agrosve jure decimandi gaudet.

§. 700.

II. *Decimæ* varie *dividuntur*, suntque vel 1) *ecclesiasticæ*, quæ ecclesiæ ejusque ministris ex titulo spirituali penduntur; vel 2) *minus strictæ ecclesiasticæ*, ut ajunt, seu *laicales secundum quid*, quæ origine quidem ecclesiasticæ, posthæc a spirituali titulo separatæ sunt, aut saltem, quoad dominium utile ad laicos transiere: *) vel 3) *laicæ simpliciter tales*, profanæ, regales, *dominicales*, *indominicatæ*, salicæ, fiscalinæ, id est, titulo pro-

Z 5

fano-

(i) C. 23. 65. cause, 16. q. 1 et c. 1 ibid. q. 7.

362 Sect. II. De Jure Rerum ecclesiasticarum.

fano debitæ, aut a Dominis secularibus tributum in morem suis subditis imperatæ; quo item referuntur *allodiales*, aut *feudales* pro eo, ac jure *allodii*, vel *feudi* possidentur. Alia ratione decimas distinguunt in 4) *reales*, quæ ex prædiis, agris etc., 5) *personales*, quæ ex industria personali, labore, lucro solvuntur, 6) *mixta*, quæ partim ex naturæ fecunditate, partim ex industria proveniunt; quo carnaticæ (*Wutzehend*) referuntur, quas alii realibus rectius accensent. Decimæ item vocantur 7) *maiores* et *minores* (*der große und kleine Zehend*) prout ex majoribus minoribusve fructibus, ** 8) *veteres*, et *novales*, prout ex prædiis antiquitus cultis, vel recens colitæ præstantur. Rursus pro vario, quo solvuntur, modo alias dicunt 9) decimas *mergitum*, alias *grdnorum* (*Barben- und Sackzehend*). Denique 10) *decimæ*, ut vel præcise congruam cleri sustentationem, vel *decimam*, aut aliam determinatam fructuum portionem conficiunt, *materialiter*, vel *formaliter spectari* in scholis dicuntur. Heic de *decimis ecclesiasticis* maxime nobis sermo; de quarum III. origine, progressu notanda quædam historiae capita. ***)

*) Decimas in Germania alii omnes origine *ecclesiasticas*, alii omnes esse origine *laicales*, alii viam mediam ingressi eas origine partim *ecclesiasticas*, partim *laicas* adstruunt. Cf. *Horix medit.* 1. 2. 3. de different. *decim. eccl. et secul.* Item *Dürr diss. de Parocho a præcept. decim. nov. in Germ. excluso* §. 5, seq. *Thesau. J. Eccl.* Tom. VII. pag.

Cap. III. De Rebus eccl. temporalib. seu bonis etc. 363

pag. 10 sqq. ubi Boehmeri rationes refutat. Vid. Rudolph. Will diss. de differentia decimarum ecclesiasticarum, et secularium etc. § 2. et 3. Thesau. J. Eccl. Tom. VII. pag. 439. seqq.

***) *Majores* plerumque habentur decimæ fructuum, quos fert vitis et stipula; ceteræ *minores* dicuntur. At quæ *majoribus*, quæ *minoribus* decimis accensendæ sint fruges, non tam lege quam consuetudine determinatur. Jure Bav. regulariter pertinent ad decimas *maiores* 1) vinum et una cum culmo frumenti varium genus (*Weizen, Korn, Kesen, Dunkel, Gerste, Haber, Erbsen, Heidebrey, Linsen, Bohnen und Mischling*) 2) ad *minores* fruges hortorum, et similes (*Obst, Kraut, Rüben, Flachs, Hanf, Hopfen, Brey, Heu, Grummet, Erdäpfel, Taback*;) nisi forte usus et consuetudo loci, quæ heic maxime adtendenda, aliud ferat. *Carnaticas* decimas alii ad *maiores*, alii, ut et Jus Bav., ad *minores* referunt. (l) Notatu digna sunt synodi Raceburgensis verba: (m) Decimam majorem in agro de manipulis et minutam de jumentis dare teneantur, et pullos de areis, quod Rohon, vel ut alii rectius legunt, Rokhon, id est *Stauchhuhn* (n) dicitur.

*** 1) Decimæ jam ante legem mosaicam usu vigeant: quandoque Deo fuere ex voto promissæ: aliquando, ut ajunt, Regibus etiam tributi loco solutæ. (o). In republica judaica Decimas sibi reservavit Deus, *Levitisque* in sustentationem adsignavit. (p) Quod veteris legis præceptum a Christo

(l) Cod. civ. Bav. P. II. c. 10. §. 3. Cf. Annotat. L. B. de Kreittmayr in l. c.

(m) Apud Pistorium in *Amoenitat. historic. jurid.* P. 8. p. 2242.

(n) De quo vid. Selchow §. 359.

(o) Genes. XIV. 20 Hebr. VII. 1. Gen. XXVIII. 22.

(p) Levitic. XXVII. 30. seqq.

to in L. N. non scimus instauratum, neque item, quandoam illud populo christiano fuerit impositum, certo constat. a) Decimas primis tribus ecclesiæ seculis nondum præceptas, immo incognitas fuisse plures colligunt ex illo Cypriani (q) scribentis. *At nunc de patrimonio nec Decimas damus.* Legimus tamen quosdam seculi II. et III. Patres, e. g. Irenæum Originemque (r) ad Decimas ecclesiæ ejusque Ministris pendendas populum christianum fuisse cohortatos. 3) Cujus generis exhortationes multo frequentiores a seculo IV. occurrunt. (s) Ita factum, ut paullatim Decimarum usus invalesceret. 4) Seculo VI. Decimarum solutionem jam legibus ecclesiasticis hinc inde fuisse imperatam intelligimus tum ex synodi Matisconensis canone (t); qui id conceptis verbis jubet, tum ex Justiniani constitutione (u), qua homines ad offerendos fructus per excommunicationem, aut Sacramentorum denegationem, *quamvis usus ita obtinuerit*, cogi vetat. 5) Quæ quidem constitutio videtur occasionem præbuisse, ut in ecclesia græca Decimæ, alia pensione clericis constituta, deinceps ex usu recesserint. 6) In ecclesia autem latina antiquus Decimarum usus synodorum Decretis, Regum Francorum, Imperatorumque edictis, et Rom. Pontificum constitutionibus

(y)

(q) L. de unitat. Eccles.

(r) Irenæus L. 4. c. 34. Origines homil. in XI. Numer.

(s) Vid. Rupprecht Not. hist. in J. c. L. 3. tit. 30. pag. 185. Van Espen J. E. un. P. II, tit. 33. c. 1.

(t) A. 585. concil. II. c. 5. Apud Harduin. concil. Tom. III. pag. 461.

(u) L. 39. Cod. de Episcop. et Cleric.

(x) In Capitul. A. 779 et 794. item A. 801. c. 6 et 7. Vid. van Espen L. c. et Durr. cit. dist. §. 3.

(y) præceptus confirmatusque est. Atque 7) quod ad *Germaniam* speciatim adinet, in *cisrhenana* quidem, disciplinam ecclesiæ gallicanæ sequuta, Decimarum usus jam dudum fuerat receptus: in *Germaniam* vero *magnam* demum, uti sec. VIII. Christi fides, ita et Decimæ, vel cum ipsa Religione christiana, vel paulatim sunt invectæ: extantque speciales de solvendis Decimis leges pro Saxonia-Thuringia, terrisque Slavorum (z). Ceterum 8) Decimæ sec. IX. in tres, aut quatuor partes erant distribuendæ: ita in Capitularibus Caroli M. (a) decernitur: » ut, si sacerdotes populi suscipiant decimas, et nomina eorum, quicunque dederint, scripta habeant, et secundum auctoritatem canonicam coram testibus dividant, et ad ornamentum ecclesiæ primam eligant partem; secundam autem ad usum pauperum vel peregrinorum per eorum manus misericorditer cum omni humilitate dispensent; tertiam vero partem sibi ipsi soli sacerdotes reservent. » In alio Capitulari (b) statuitur: *ut decima populi dividantur in quatuor partes, una pars Episcopo, alia Clericis, tertia pauperibus, quarta ecclesiarum fabricis applicetur, sicut in Decreto Gelasii continetur.* Concilium autem Turonense (c) decimas a Presbyteris ad usum ecclesiæ, et pauperum summa diligentia dispensari jubet. 9) Sequentibus seculis Decimæ solis Parochis relinqui cœptæ, seu potestas iis facta decimas in congruam sustentationem, et, quod superat, in pias eausas impendendi: (§. 578,) invaluitque axioma juris, quod Parochi fundatam in jure ad percipiendas decimas.

(y) Vid. Decretales tit. de Decimis.

(z) Vid. Dürr cit. Diss. §. 4. Thesau. J. E. Tom. VII. pag. 8, seqq.

(a) Capitul. Caroli M. An. 801. c. 7.

(b) Capitul. Caroli M. An. 805, c. 23.

(c) An. 813. can. 16.

decimas intencionem habeant; quæ disciplina per Decretales firmata usque nunc perseverat. 10) Decimæ ecclesiasticæ variis titulis et modis in manus laicas devenere, de qua re vid. *Rupprecht Not. hist. in J. C. L. III. tit. 30. n. 12. seqq. Van Espen J. Eccl. un. P. II. tit. 33 c. 4.*

§. 701.

His igitur præmissis III. amplissimam de decimaram jure modoque materiam sequentiæbus complectimur punctis sive *regulis*. I. Decimæ *formaliter* suntæ uti ex jure descendunt humano, ita jure eodem determinantur. II. *Onus decimarum* non tam fundo, quam fructibus, et quidem vulgo omnibus adhaeret. III. *Jus decimas ecclesiasticas percipiendi* solis Ministris ecclesiae, hodie communiter Parochis competit. Attamen IV. *immunitas* a solvendis decimis variis acquiri potest modis. V. *Modus et adjuncta colligendi*, et præstandi decimas consuetudine inprimis determinatur. VI. *Causæ de decimis controversæ* jam civile, jam ecclesiasticum forum sequuntur.

§. 702.

Decimæ I. *formaliter* acceptæ, quatenus sunt decima, aut alia determinata pars fructuum, et ad necessariam, atque congruam Ministrorum ecclesiae sustentationem non requiruntur, in ecclesia christiana non esse *juris divini* sed *humani*, patet 1) ex silentio N. T., quod sæpe quidem congruæ Ministrorum sustentationis (d) sed decimæ partis nunquam meminit; * 2) ex praxi primorum ecclesiae
secu-

(d) E. g. Matth. 10 L. Cor. IX. 7. 13.

seculorum, in quibus vel nullae, vel solum liberalis oblationis in modum praestitae sunt decimae (§. 700. not. 3): 3) ex disciplina ecclesiae Orientalis, in qua decimarum solutio rursum ex usu abiit: denique 4) ex mira, quae in iis praestandis obtinet, varietate, quam jus divinum haud admitteret. Quare quemadmodum decimarum solutio tum quoad rem ipsam, tum quoad quantitatem et modum variis in locis et legibus et consuetudine varie determinata hucusque est, ita quin ea deinceps immutari posset, dubitari nequit.

*) Unde qui praeceptum divinum heic adstruere videntur, aut a) de praecepto *divino* *V. T.* ceremoniali judicialive, quod dudum obligandi vi excidit, (§. 67) aut b) de praecepto *ecclesiastico*, quod nonnunquam divinum, seu potestate divinitus concessa profectum dici solet; aut denique c) de decimis *materialiter* sumtis, i. e. de congrua sustentatione Ministris ecclesiae jure divino subministranda intelligendi sunt.

§. 703.

Quum II. *onus decimarum* non tam fundo, quam *fructibus*, et communiter quidem omnibus inhaereat; intelligimus, cur 1) decimae ex agro eodem per annum plus una vice frugifero saepius etiam sint solvendae; (e) 2) cur agri quiescentes nullas solvant decimas; 3) cur decimas; non dominus directus, sed utilis, non locator, sed conductor fundi solvere debeat,

(e) C. 6 et 21 de decimis. Cf. Behlen diss. de defraudat. decim. §. 8. Thesau. J. Eccl. Tom. VII. pag. 421.

beat, si modo conductor omnes percipiat fructus: etenim si partem duntaxat habeat fructuum; pro mensura fructuum regulariter et decimarum onus dividendum erit (f); 4) cur *novus* possessor prædii, nisi ceu successor universalis, in omnia jura et onera prædecessoris succedat) decimas ab ejus antecessore non solutas solvere non teneatur; (g) 5) cur quicumque demum siue clericus, siue laicus, siue etiam infidelis, (h) qui ex agro juri decimandi subjecto hos fructus percipit, ad decimas ex iis solvendas sit obligatus; **) 6) cur de omnibus omnino fructibus, quos consuetudo, aut alius titulus non excipit, decimæ sint pendendæ ***).

*) Siquis tamen studiosè aut malitiosè potissimum ad decimatorem defraudandum quosdam agros incultos relinqueret, jure Bavarico (i) ad eos excolendos, et ad damnum resarciendum cogi jubetur.

**) Id Porro de decimis solum realibus intelligendum, personales enim ab iis tantum penduntur Parocho, quibus hic sacramenta administrat. At vero decimæ personales hodie propemodum ubique locorum ab usu recessere.

***). In Bavaria 1) decimæ reales fere de supra (§. 700 not. 2) enumeratis duntaxat fructibus, et 2) decimæ minores in iis solum locis, et eo modo, ubi et quomodo consuetudo eas solvendi obtinent, præstandæ sunt: 3) *carnaticarum* decimarum nomine foetus solum, non alii pecorum fructus,

(f) C. 24 et 26 de decimis.

(g) Cf. Böeckhn com. in J. C. L. III. tit. 30. n. 45 seq.

(h) C. 16 de decimis et primit.

(i) Cod. civ. Bav. P. 2, c. 10, §. 9.

ctus, lac, butyrum, lana etc. veniunt. *Cod. Bav. civ. P. II. c. 10. §. 2. seq. Cf. Amor. in L. c.*

§. 704.

*Jus decimas ecclesiasticas percipiendi III. solis ecclesiis et ecclesiae Ministris, et olim quidem maxime Episcopis, qui eas in ecclesiae, et Ministrorum ejus usus impenderent, compete-
bat; (Cf. §. 448.) hodie jus idem praecipue Parochi obtinent (k), nisi singularis exemptio demonstretur. Unde 1) omnes laici a jure decimandi ecclesiastico, utpote quod officio clericali conjunctum, exclusi sunt; 2) neque illud jus quocumque tempore a laicis praescribitur, (l) nisi tempore immemoriali a laicis possessum a titulo spirituali separatum praesumi possit. 3) Decimae Personales, ubi obtinent, ab omnibus parochianis, (§. praec. n.) et quidem ibi solvendae, ubi quis sacramenta percipit; 4) reales Parocho solvuntur, in cujus territorio praedia sita sunt: etenim 5) Paro-
chus in omnibus suae parochiae fundis jus fundatum, praesumptionem juris pro se habet; idcirco 6) novalium quoque decimae ad eum pertinere videntur, 7) isque ab onere probandi (in Bavaria quoad solas majores) liber, et in jure decimandi eousque tutus est, quousque alius se immunem ab onere decimarum probarit. Immo 8) qui jure decimarum*

a

(k) C. 29. et 30. de decimis etc. c. 2. de Restitut. spoliator. in 6.

(l) C. 19. de decimis c. 7. de praescript.

a Parocho spoliatos se asserunt, non sunt restituendi, nisi jus illud ad se pertinere *evidenter* docuerint. C. 2. de Restit. spoliat. in 6.

* Decimas *novalium* seu fundorum, quos excultos fuisse nec hominum viventium testimonia, nec ulla fundi indicia produnt, alii Parochis, aut Episcopis, alii decimatori universali, alii dominis territorialibus vindicare nituntur. Porro 1) jus canonicum solis decimatoribus clericis et Parochis maxime favet: unde statuit: quod quum de *jure communi* perceptio decimarum ad ecclesias parochiales pertineat, procul dubio et decimæ *novalium* ad ipsas pertinere noscantur, nisi ab his, qui alias percipiunt decimas, rationabilis causa ostendatur, per quam adpareat *novalium* ad eos decimas pertinere. (m) Id genus causæ videtur esse, e. g. Si decimatori consuetudo particularis faveat, si fundus recens cultus foret pars fundi illius, ex quo universalis decimator fructus capit; Si ex eo jam olim emolumenta percepit. Quodsi Parochiæ sint incorporatæ canonicorum collegiis, vel monasteriis; tunc, inquit Straus, (n) collegia et monasteria habentur pro Parochis. Quare his nequaquam obstat capitulum, (o) quo Abbati decimatori universali *novalium* decimæ addicuntur, quum ibi de decimis parochiarum ejus monasterio incorporatarum statuatur. At 2) decimas *novalium* in *Germania* non Parochis sed Episcopis deberi edita dissertatione contendit Cl. Dürr. (p) 3) Dominis territorialibus decimas *novalium*

(m) C. 19. de decimis. Cf. c. 13. 25. 30. eod. tit. Cf. Van Espen J. E. un. P. II. tit. 33.

(n) J. Valent. Straus diss. de decimis §. 9. Thes. J. Eccl. Tom. VII. pag. 453.

(o) C. 27. de decimis Cf. Pl. Boeckhn comm. in Decret. L. 3 tit. 30 n. 20. seqq.

(p) Cit. diss. de Parocho a perceptione decim. *Noval.* excluso. Thesau. J. Eccl. Tom. VII. p. 1.

novalium nec lex, nec consuetudo *universalis* addicit. Quod idem Pax Westphalica clare indicat: » Inter ceteros autem Status Imperii et
 „ subditos id juris esto, quod jus commune vel
 „ cujusque loci consuetudo et observantia de de-
 „ cimis ex bonis novalibus constituunt, aut per
 „ pactiones voluntarias conventum est.“ *Inst. P. W. Art. V. §. 47.*

** In Bavaria 1) decimæ novalium primo triennio Parocho, deinceps illi, qui in eo terræ tractu decimator universalis est, debentur; nisi singularis loci consuetudo aliud habeat. 2) Terra proxime agro adjacens ad culturam redacta non novalium, sed agri, cui adjicitur, indolem sequitur. 3) Quoad novalia impropria, ubi insitorum fructuum genus mutatur, decimator ad certos fructus adstrictum jus habens jam lucratur, jam perdit, et inter condecimatores sæpe conflictus oriri solet. Quid hoc casu jure Bav. obtineat, definitum habetur *Cod. Bav. civ. p. 2. c. 10. §. 11. De fraudibus circa hæc committi solitis. Cf. Lud. Behlen diss. de defraudationibus decimarum §. 10. seqq. Thesau. J. E. Tom. VII. 423. seqq.*

§. 705.

Immunitas a solvendis decimis IV. obtineri potest 1) *privilegio* legitime impetrato; * 2) *consuetudine* legitima, quoad ecclesiasticas quadraginta, quoad alias laicales triginta annorum in Bavaria; 3) *Præscriptione*, in Bavaria etiam (q) quoad decimas mere, ei ex origine *laicales* tem-
 is ordinarium sufficit, id est triginta anni
 ne titulo, decem aut viginti anni cum titulo;
 quoad *ecclesiasticas* contra Parochum quadra-
 nta annos cum titulo, immemorabile tempus

A a 2

sine

(q) *Cod. civ. Bav. p. 2. c. 10. §. 19. seqq.*

sine titulo omnes adsignant: contra privatos alios præsentés decem, contra absentes viginti cum titulo, et sine titulo quadraginta in Bavaria, (r) alibi saltem triginta anni (s) ex communi opinione requiruntur. ** 4) *Pacto*, quo tamen solus decimator paciscens, non item, nisi Superioris consensus accesserit, ejus successores ligantur. Quomocunque autem immunitas a solvendis decimis obtineatur, id nisi salva Parochi congrua fieri nequit.

* Ita privilegio in corpore J. C. clauso gaudent omnes Regulares, ut de novalibus, quæ pro-
priis manibus vel sumtibus excolunt, et de nu-
trimenti animalium suorum, et de hortis suis
decimas non persolvant. c. 10. de decimis.

** Ex communi, inquam, opinione; nam ad præscriptionem extinctivam decimarum ecclesiasticarum, etiamsi nunc a laicis teneantur, non sufficere brevius tempus, quam si contra ecclesiam parochialem esset præscribendum, allatis gravibus rationibus contendit Cl. Endres *Diss. de Decimatore nobili favoris ecclesiarum parochialium quoad præscriptionem extinctivam particeps*, §. 28. seqq. *Thesau. J. eccles. Tom. VII. pag. 373. seqq.*

§. 706.

Modus et adjuncta V. decimas exigendi, et præstandi potissimum consuetudine determinatur. Unde ad locorum usum heic maxime respiciendum. Attamen jure communi vulgo 1) solvi debent, et pars decima, et ipsi fructus, nec pretium æquivalens invito obtrudi

(r) Cod. Bav. L. cit. §. 22.

(s) C. 1. de Præscript. in 6. Arg. ex L. 3. Cod. de Præscriptione 30. vel 40. Ann.

trudi potest, ** 2) et decimæ prædiales quidem solvendæ sunt statim, ubi fructus a fundo separati, et in manipulos sunt collecti: nec nisi præmonito decimatore reliquos fructus auferre, aut avehere oportet. Decimæ carnaticæ tunc demum solvi debent, ubi foetus sine matre vivere possunt, aut usui jam sunt apti: personales anno quovis exacto solvendæ. ***

3) Ceterum decimæ reales et carnaticæ ex fructibus integris nulla facta impensarum, aut tributorum deductione, personales contra de lucro, atque adeo deductis expensis solvuntur. 4) Num. decimæ eorum, qui eas pendere debent, an decimatoris sumtibus sint ad hunc adferendæ, ejusve horreo invehendæ, lege definitum non est, neque etiam inter Jurisperitos convenit; (t) proin consuetudo et observantia locorum consulenda erit.

* Jure Bavarico 1) decimator ipsos fructus in natura, ut ajunt, exigere, nec ulla quidem præscriptione ad æquivalens eorum pretium recipiendum quoad majores, attamen quoad minores, restringi potest. 2) Si residuæ mergites ad decem haud ascendunt, ex iis vulgo nil porro licebit exigere; nec residuus mergitum numerus hujus anni numero anni futuri adjici poterit; attamen residuum hujus agri numero alterius, iisdem frugibus consiti, addere fas est. 3) Decimator numerandi, a qua velit mergitum, initium facere, et decimas vel in agro, vel in horreo capere potest. 4) denique suis sumtibus decimas horreo infert; cetera a quibuscumque aliis oneribus eximius est: 5) separatis jamjam decimis decimator earum dominium

A a 3

acqui-

(t) Vid. Böckhn. l. c. n. 6a. seqq.

acquirat (u). 6) In decimis carnaticis foetus anno præterito residui futuri anni foetibus accensentur.

** Atque hinc decimatori pro decimis per longissimum tempus triginta et quadraginta annorum, pecuniam aut rem certam pacto definitam accipienti nil obstat, quominus eas rursus in natura, ut ajunt, exigere, aut pretium augere valeat. *Vid. de Grasmansdorff Diss. de Decimis per longissimum tempus in æstimatione præstitis. Thesaur. J. eccles. Tom. VII. pag. 458.*

*** Decima pars curate, quantum determinari potest, solvenda est, quod quia in decimis carnaticis semper discerni aut determinari nequit, non foetus quidem optimus, nec deterior etiam, sed de mediocribus ad arbitrium boni viri solvendus erit. Notant autem viri docti, quod, etsi rustici Parocho etiam longo tempore per astutiam dolumve animalia minutiora deterioraque præbuisent hæc agendi ratio legitimæ consuetudinis vim obtinere nequeat. Insignes, quæ in solvendis decimis circa quantitatem qualitatem, modumque admitti solent, abusus, astutias, fraudes castigat, et quædam contra ea suggerit remedia. *Vid. Lud. Beblen Diss. de defraudat. decimarum, Thesaur. J. Eccl. Tom. VII. pag. 418. Cf. van Espen. J. E. u. P. II. tit. 33. c. 10. seq.*

§. 707.

VI. *Causæ controversæ* 1) de decimis laicalibus ad tribunalia civilia spectant, 2) de decimis ecclesiasticis quoad petitorium, seu jus proprietatis, et possessorium mixtum (præsertim in Bavaria *) ad ecclesiasticum (x), quoad possessorium nudum, ceu rem facti, ad seculare forum

(u) Cod. civ. Bav. P. 2. c. 10. §. 12. seq.

(x) C. 7. de Præscript. vid. Barthel Diss. de Decimis sect. 8. §. 2.

forum pertinent (§. 374.) 3.) Lata sententia de solvendis decimis, *appellatio* quoad effectum suspensivum non conceditur y). **

* Per concordata Bavariae generalia causae controversae decimarum ad secularem quoque magistratum spectant » ubi uterque, vel reus tantum laicus est: item in contractibus decimalibus temporaneis, scilicet ubi fructus tantum decimarum » ad tempus venditi, locative sunt, atque etiam » in causa soluti vel non soluti; et in possessionariis, ubi nuda facti quaestio est, nihilque proprietatis admixtum continetur, et similibus casibus. “ *Concord. c. 5.*

** In Germania inter utriusque Religionis catholicae et protestanticae consortes jus decimas exigendi in alienis territoriis maxime secundum possessionem anni normalis exercetur. Ut scilicet decimae solvi debeant S. R. I. Statibus, qui calendis Jan. anno 1624. et subditis, qui toto anno 1624. in perceptionis earundem possessione, vel quasi possessione fuerunt (§. 397.) Quod idem de novallibus valet. Quid inter reliquos status obtineat, supra (§. 704. not. 1.) dictum. De modo cogendi ad solvendas decimas jam alias (§. 260.) meminimus.

*** Ab his, de quibus haecenus exposuimus, [decimis prorsus differunt *decimae*, ut vocant, pontificiae, sive pars proventuum ecclesiasticorum pendenda Pontifici. Quae quidem 1) pro sumtibus in bellum contra Saracenos sustentandis olim invectae, 2) in Germania nunquam sine decumanis obstaculis fuerant exactae (z): 3) ab earum praestatione post concordata immunem esse Germaniam, tum ex concordatis, tum ex Imperii legibus deducit

A a 4

Hahn

(y) C. 26 in fin. de decim.

(z) Vid. Thomassin P. III. L. 1. c. 43. et Harzheim concil. Germ. Tom. 4. pag. 510.

Hahn. Diss. de insigni libertate. Cleri Germanici circa impositionem decimar. Mogunt. 1766.

ARTICULUS II.

De Bonorum Ecclesiasticorum Acquisitione.

§. 708.

Ecclesiae, et *Collegia ecclesiastica* 1) bonis seu subsidiis indigent temporalibus (§. 353.); 2) ea possidere nullo jure vetantur; et reapse 3) varii generis bona (§. 357.) possident; atque aliorum quidem dominium *plenum*, aliorum aut *directum*, aut *utile* duntaxat dominium habent: (§. 358. seq.) 4) simile jus in alias deinceps res possunt nancisci, seu alia porro bona temporalia *adquirere*, * de qua bonorum acquisitione hæc nota axiomata: I. Ecclesiae, personæ, corpora ecclesiastica, omnis generis bona regulariter *adquirere* possunt: et II. Circa acquisitionem bonorum utuntur jure communi etiam civili, ubi iis singulare jus expresse datum non est: III. Plura tamen hæc in re ecclesiis tributa sunt privilegia.

* Etenim quum *Dominus* quisque de rei suæ substantia, ejusque consecrariis disponendi jus habeat, poterit rei suæ Dominium in alios transferre vel *totum*, vel *partem* tantum, scilicet aut jus in solam substantiam Dominium *directum*, (das *Grundeigenthum*, *Oberigenthum* &c.) aut jus in sola rei consecraria, Dominium *utile*, (*Nutzeigenthum*, *Niedereigenthum* &c.) aut jus, vi cujus Dominus aliquid in re sua pati vel non facere *teneatur*, uti est *servitus*, seu *usus*, *usufructus* etc.

Cap. III. De Rebus eccl., temporalib., seu bonis etc. 377

etc. (a) Simile jus qui consequitur; *acquirere* jus reale dicitur etc., idque fieri potest per dispositionem vel *mortis causa*, vel *inter vivos*, seu cujus perfectio a morte transferentis pendet, aut non pendet.

§. 709.

I. Ecclesiae, personae, et collegia ecclesiastica omnis generis bona regulariter *acquirere* possunt. Quum enim personae ecclesiasticae in numero sint civium; (§. 346.) et ecclesiae ac corpora ecclesiastica sine bonis ecclesiasticis nequeant subsistere (§. 353.) neque deterioris, quam alia in civitate collegia, conditionis censi possint; nihil sane obstat, quo minus quaecumque bona temporalia sive per actum inter vivos, sive mortis causa possint *acquirere*; nisi fors 1) singulari (uti amortizationis §. 356.) lege justa; 2) aut pacto, aut 3) voto, uti quidam mendicantium ordines, prohibeantur.

* Simili amortizationis lege in Bavaria 1) *noya bonorum immobilium adquisitio*, sive per actum inter vivos, sive mortis causa, immo 2) ejusmodi bonorum *conductio* ecclesiis, corporibus ecclesiasticis, clericorum seminariis, hospitalibus etc. citra specialem principis consensum interdicitur, irritaque declaratur. 3) Per eandem tamen legem corporibus ecclesiasticis fas erit, capitalia, ut vocant, perpetua, terrasque incultas, modo iis cultura subactis coloni imponantur, *acquirere*, atque etiam in bonis immobilibus hypothecam generalem pro debiti securitate consequi (b). 4) *Vir-*

A a 5

tute

(a) Cf. L. B. de Kreittmayr Annot. in Cod. civ. Bav. P. II. c. 2. §. 2.

(b) Decret. Elect. de A. 1701. 1. Aug. Vid. Annot. in Cod. civ. Bav. P. II. c. 2. §. 4. n. 3.

tute alterius legis (c) corpora ecclesiastica (excipe ecclesias parochiales, seminaria, hospitalia) consolidare dominium utile cum directo nequeunt, sed id genus bona forte ad se redeuntia intra semestre eodem, vel alio modo rursus in feudum, aut emphytheusin etc. concedere tenentur. Demum 5) titulo *lucrativo*, seu etiam in modum dotis, legitimæ, stipendii, legali etc. ultra bis mille, et piæ confraternitates ultra quinquaginta florenos *simul*ter acquirere prohibentur. Cf. *L. B. de Kreittmayr Annot. in Cod. civ. Bav. P. II. c. 2. §. 4. n. 3. seqq. et P. V. c. 19. §. 39. n. 10. seqq.*

§. 710.

Ecclesiæ et collegia ecclesiastica II. in *acquirendis bonis* regulariter *jure utuntur communi*, etiam civili. Nempe quoniam bona temporalia Principum potestati subjiciuntur, ad *Principum* quoque *leges* adquisitio horum bonorum adtemperata sit oportet. Unde illa 1) regitur legibus non solum ecclesiasticis, sed præcipue civilibus; 2) maxime patriis, 3) quibus standum quousque exceptio probetur.

§. 171.

III. Plura tamen hac in re ecclesiis tributa sunt privilegia: scilicet præter privilegia minorum, ecclesiæ singularibus, et ubivis fere per Germaniam receptis gaudent juribus in *acquisitione*, quæ fit tum 1) *per donationem* inter vivos, * tum 2) mortis causa, seu per *ultimam voluntatem*. **

* 1) *Donatio* contractus est beneficis, quo quis rem, vel jus suum gratuito, et libere in alium transfert. Atque 2) ante traditionem quidem a con-

ven-

(c) Pragmatica A. 1764. 13. Oct. Annot. ibid. P. 5. c. 19. §. 39. n. 11.

ventionalis, facta rei traditione b) *realis donatio* dici potest. 3) Quum ad pacti essentiam mutuus consensus, seu promissio, et acceptatio requiratur: patet, quod *liberalitas* nondum *acceptata* proprie donatio dici nequeat: atque etiam revocari absque alterius læsione possit: contra quum pacta servari debeant, 4) donatione acceptata tradi res donata debet, nec jure saltem naturali etiam ob quamcunque donatarii ingratitude revocari potest. At 5) jure Romano donatio rescinditur, a) quatenus *inofficiosa* est, seu liberorum legitimæ detrahit: b) quatenus summam quingentorum solidorum (jure Bav. mille florenorum) excedit, si insinuata judici haud fuit: c) ob insignem donatarii ingratitude a donante: d) ob supervenientiam liberorum a patrono revocari potest. 6) Donatio equidem vulgo dividitur in donationem inter vivos, et mortis gratia. (§. 708.) At hæc proprie non est donatio, et pactum, sed pactum inter et ultimam voluntatem fluctuat. 7) Differunt autem *inter vivos*, et *mortis causa donatio*, quod a) illa sine arbitris, hæc nonnisi coram testibus valeat: b) quod illa, si quingentos solidos excedat, judici insinuanda sit, hæc non item: c) quod illa sit sua natura irrevocabilis, hæc revocabilis: d) quod illa facta traditione demum, hæc etiam sine traditione transferat Dominium; modo morte donantis firmetur: e) quod in illa beneficio *competentiæ*, in hac quartæ *Falcidiæ*, de qua paullo post, sit locus. Vid. *Heineccii Elem. Jur. civ. Instit. L. II. tit. 7. §. 454.*

- ** 1) Legitima dispositio, seu declaratio de eo, quod quis cum suo post mortem fieri velit, *ultima voluntas* dicitur: 2) rerum a defuncto relictarum universitas *hæreditas*; et qui hæreditatis fit Dominus, *hæres*; hæredem vero instituens *testator* nominatur. 3) Ultimæ voluntatis species sunt a) *Testamentum*: b) *Codicillus*: c) *Legatum*: d) *Fideicommissum*. Porro 4) *Testamentum* est ultima voluntas, qua hæres

in ipso jure canonico (k) videtur rejec-
tum.

* In L. 23. Cod. de SS. Ecclesiis donatæ rei con-
ceditur *vindicatio*, quæ non nisi dominium haben-
ti competit. Quodsi igitur res donata ecclesiæ,
sed nondum tradita; donetur alteri, hic quidem
rei ejus dominium haud nanciscitur, etsi is, cui
res tradita est, præferri aliqui soleat. L. 15. de
Rei vindicat.

§. 713.

Ultimæ quoque voluntates ad causas pias
pluribus gaudent privilegiis. 1) *Testamenta*
pia sine ullis solennitatibus, modo de volun-
tate testatoris satis constiterit, vi juris canoni-
ci, (l) Bavarici civilis, (m) et Germanici
consuetudinarii valida sunt. Neque duo tes-
tes solennitatis, sed unius probationis causa
adesse jubentur. In illa enim Christi sententia:
In ore duorum aut trium testium stat omne
verbum: (n) quam Pontifex ceu decidendi ra-
tionem laudat, duos testes non solennitatis,
sed probationis causa exigi expeditum vide-
tur. Quare satis est, si testamentum propria
testatoris manuscriptum esse noscatur. (*) 2)
Legata pia debentur, quandocunque de perfecta
legantis voluntate, etsi non solenniter, con-
stat: quocirca siquidem de testatoris volunta-
te dubium non sit, legata pia etiam in testa-
mento.

(k) C. 43. caus. XVII. q. 4. Cf. Boehmer in No-
tis ad h. Can.

(l) C. 4. et 11. de testament.

(m) Cod. civ. P. 31. c. 4. §. 5.

(n) Matth. XVIII. 16.

testibus facta valida declaravit. (f) Sed Germania, saltem quantum ad testamenta profana, jus Romanum fere retinuit. Item 10) legatum *rei alienae* a jure Romano agnitum, in jure canonico (g) reprobatur. De Clericorum testamentis supra (§. 579.) jam dictum.

§. 712.

Atque *Donationes* quidem *inter vivos* ad causas pias factae plura habent singularia: 1) quod acceptationem haud requirant, sed sola pollicitatione valorem nanciscantur: 2) quod dominium rei donatae per solam donationem ipso jure, et absque traditione in ecclesiam transeat. (h) * Addunt alii, 3) quod donatio ultra *quingentos solidos* etiam absque insinuatione in ecclesiam facta subsistat. Atvero hoc privilegium legis civilis auctoritate destituitur: quae enim in rem praesentem allegari lex (i) solet, non ad omnes causas pias, sed ad *piissimas* duntaxat, scilicet, ubi singularis miseratio intercedit, e. g. in redemptione captivorum, restringitur. Docent item alii, 4) quod donatio in ecclesiam facta ob supervenientes liberos, nisi usque ad legitimam, nequeat revocari. Sed enim nec isthoc privilegium ullius legis nititur auctoritate; imo in

(f) C. 10 de Testament. Cf. Boeckhn L. c. n. 12.

(g) C. 5. de Testament. Cf. Thomassin P. 3. L. 1. c. 20.

(h) L. 4. ff. de pollicitat. et l. 23. Cod. de S§. ecclesiis.

(i) L. 34. Cod. de donation. Cf. Boeckhn comment. in J. C. L. III. tit. 24. n. 19.

tulo lucrativo acquisitis quarta pauperum detrahitur, nisi 1) jam pars legatorum piorum quarta pauperibus esset destituta. 2) Nec quarta pauperum locum habet in stipendiis studiosorum, nec in iis legatis, quæ hospitalibus, orphanotrophiis, foundationibus beneficiorum, quod ad congruam pertinet, cedunt; (u) 5) ea quoque, quæ monasteriis ceu Religiosi legitima, item quæ PP. Franciscanis, (x) et Capucinis (y) tanquam speciali modo paupertatem professis donantur, quarta pauperum non carpit. *Cf. Annot. in Cod. Bav. p. 3. c. 4. §. 5. n. 9.*

§. 714.

Denique 1) ubi testamentum deficit, in bonis ecclesiasticis, vel intuitu ecclesiæ acquisitis, jure communi succedit clerico ea, cui vivens ministraverat, ecclesia; (z) quodsi in pluribus ministraverit, pro rata inter eas ecclesias hæreditas dividenda erit. (a) 2) Monasteria successionis capacia omnem professi hæreditatem, et bona capiunt, (b) si nec de illis ante professionem disposuit, *) nec etiam lex singularis obstet. 3) Novitiis autem ab intestato monasteria haud succedunt. (c)

*) Novi-

(u) Decret. Elect. 1756. 3. Jan. et 1760. 16. Jan. Vid. B. de Kreittmayr Annot. in Cod. civ. Bav. P. III. c. 4. §. 5. n. 9.

(x) Resolut. ex Intim. 1766. 12. Dec.

(y) Resol. 1767. 11. May.

(z) L. 20. Cod. de Episc. et Cleric. c. fin. c. XII. q. 5.

(a) C. 12. de Testament.

(b) Authent. ingressi. Cod. de SS. Eccl. Nov. 123. c. 38. c. 9. caus. 19. q. 3.

(c) Nov. 118. Nov. Justin. 5. c. 5.

- *) Novitii de bonis suis ante vota religiosa nuncupata disponere possunt, nec sua bona monasterio conferre tenentur. Ceterum vi Decreti Tridentini (d) omnis gratuita bonorum alienatio a Novitio ante duos menses professioni proximos, vel ante ingressum in monasterium, quamquam ad causas etiam pias facta, et juramento sit vestita, prorsus nulla est. Quæ autem proximis duobus ante professionem mensibus sit, nonnisi secuta professione effectum sortitur. Attamen liberis Religiosi, si quos ante Religionis professionem suscepit, legitima statim post professionem tradenda erit. De Religiosorum vel ordine sublato, vel monasterio subpresso, vel post vota per dispensationem soluta in paternam hæreditatem successione vid. Godefrid. Wurschmitt Diss. inaug. Can. jurid. De Successione Monialis in hæreditatem paternam monasterio subpresso 1788. Erfordia.

ARTICULUS III.

De Bonorum Ecclesiasticorum Administratione, Alienatione etc.

§. 715.

Penes quos bonorum ecclesiasticorum cura, et administratio tum superior, tum subordinata diversis temporibus fuerit, aut etiam unum resideat, supra (§. 366. sqq.) monuimus. (a) Porro quod ad ecclesiarum parochialium bona adinet, supra dictis administratoribus fere duo alii inferiores curatores, (vitrici Kirchenproßte, Heiligen- oder Kirchenmeister, Pfleger,

(d) Sess. XXIV. c. 16.

(a) Vid. Van Espen J. Eccl. un. P. II. tit. 36. c. 1.
Tom. II. Bb

ger, Bögte) et alicubi etiam in ratiociniis ecclesiarum examinandis Assessores (Juraten, Beisitzer) e plebe cujusvis parochiæ, non indiligentes, nec dubiæ fidei patresfamilias adjungi solent. *)

- *) Hi ecclesiæ, quasi Patresfamilias in Bavaria 1) communi Parochi, et Prætoris politici consensu constituuntur: 2) etiam inviti, ubi ex causa non adeo gravi reluctantur, ad id officium ceu publicum suscipiendum compelli possunt: 3) licet vero iisdem annuum stipendium vulgo constitutum non sit, culpam tamen levem præstare obligantur, (b) 4) et solum, siquidem sui officii causa iis subeunda jactura est, ex ecclesiæ bonis indemnes sunt servandi.

§. 716.

Curatorum, et administratorum munus generatim eo redit, ut pro sua quisque officii parte bonis ecclesiasticis tuendis, servandis, adaugendis, et in fines, in quos destinata sunt, rite impendendis, curam, operamque sedulam navent. (Cf. §. 367.)

§. 717.

*Subordinati autem administratores et curatores inprimis debent 1) inventarium summa cura conficere, 2) ærarium, seu armarium (Zechschreine, Heiligenkasse Kasten,) fideliter custodire, * 3) bona ipsorum administrationi credita adaugere, fundos, pecunias recte collocare, ** 4) nomina censusque justo tempore exigere; 5) negotia ecclesiæ tum extra tum*
intra

(b) Arg. ex l. 7. Cod. arbitr. tut.

(c) Cod. civ. Bav. P. I. c. 7. §. 14 et 15.

tra iudicium curare, tuerique; 6) ædificia ecclesiastica sarta tecta servare, reparare; 7) impensarum et proventuum calculos curate subducere, librumque rationum justo ordine conficere; 8) quotannis rationes iis, quibus debent, reddere; *** 9) in quibusvis majoris momenti rebus Superiorum ecclesiasticorum, et aliorum pro lege, vel more consensum exquirere. (d)

*) Armaria ecclesiæ vulgo sub duabus tribusve diversis clavibus, quarum una in Parochi, altera in Prætoris, tertia in Vitrici manu sit, solent custodiri. Cf. *Concord. Bav. General. c. 1. ad fin.*

**) Ut omnis privatæ utilitatæ quærendæ, et damni ecclesiæ inferendi præscindatur occasio, ipsi curatores cum ecclesia contrahere; aut bona ejus conducere regulariter prohibentur.

***) Rationes in Bavaria primum a Prætore politico et Parocho, cui quatuordecim diebus antea eum in finem inspiciendæ traduntur, examinantur, deum superioris magistratus civilis iudicio subjici debent. De hucusque dictis Cf. maxime *Annot. L. B. de Kreittmayr in Cod. civ. Bav. P. I. §. 42. Decret. Elect. de administrat. bon. eccl. 1777. 29. Martii, item ordinat. Consil. eccl. elect. d. A. 1779. n. 24. seqq. etc.*

§. 718.

Ne porro bona ecclesiastica administratorum sive incuria, sive malitia dissipentur, iisdem tum per SS. canones, tum Principum constitutiones bonorum ecclesiastico um, plerorumque alienatio vulgo prohibita, et variis conditionibus circumscripta est.

Bb 2

* Pri.

(d) Cf. *L. B. de Kreittmayr Annot. in Cod. Bav. civ. P. I. c. 7. §. 42. n. 3. sqq.*

*) Primis ecclesiæ seculis libera, et plena rerum ecclesiasticarum potestas penes Episcopos erat. At quum Episcopi quidam bona ecclesiæ quandoque dissiparent, aut in propriam verterent distraherentque utilitatem: 1) jam Seculo IV. bona ecclesiastica alienandi potestas comprimi, aut certis legibus circumscribi per canones (e) cœpit: 2) quos sec. V. Leo Imp. pro ecclesia Cplana, (f) Anastasius pro ecclesiis eidem Patriarchatui subjectis: (g) Justinianus vero pro ecclesiis Orientis et Occidentis (h) datis legibus firmarunt. 3) Horum exemplum secuti Reges Carolingici latis ea de re pluribus, quæ in Capitularibus referuntur, legibus alienationem rerum ecclesiasticarum severè inhibebant: 4) iisdem accesserunt Constitutiones consonæ Imperatorum Rom. Germanicorum, e. g. Conradi, Friderici I. et II. aliorum. Vid. apud Goldast Constit. imp. Tom. 3. p. 12.

§. 719.

Ex istis porro conciliorum, et principum hac de re constitutionibus hæc eruimus *axiomata*: I. *Alienatio* quarundam rerum ecclesiasticarum *) per se prohibita, II. nec nisi gravibus ex causis, et III. adhibitis debitis solemnitatibus permissa est. IV. *Alienatio* heic sensu largiori intelligitur, et V. illegitima facta pro utroque foro nulla, VI. variisque pœnis

(e) E. g. Concil. Antioch. A. 341. Can. 24. Conc. Carthag. V. c. 4. vid. Gratian. c. 39. Caus. XVII. q. 4. et Caus. XII. q. 1.

(f) L. 14. Cod. de Ss. Ecclesiis.

(g) L. 17. Cod. eod. rit.

(h) Novell. 7. et 120. referuntur fere integræ post L. 14. Cod. de Ss. Eccles. et apud Gratian. c. 2. Caus. X. q. 2.

pœnis obnoxia est; unde VII. diversis modis revocari potest et reparari.

- *) Bonorum ecclesiasticorum nomine hic veniunt bona ac jura omnia, quæ ad quævis loca pia, et venerabilia auctoritate Episcopi constituta pertinent. Nov. 7. princ. c. 1. 2. L. 24. Cod. cum auth. et L. 19. de Ss. eccles.

§. 720.

I. Alienatio quarundam rerum ecclesiasticarum regulariter prohibita est. Licet res 1) mobiles non pretiosæ, et quæ servando servari nequeunt, seu quas incorruptas diu servare difficile aut impossibile est; atque immobiles exigui pretii alienari in bonum ecclesiæ possint; tamen 2) sacræ, pretiosæ, mobiles, immobiles magni momenti, et quæ his æquiparantur, * alienari regulariter vetantur.

- *) Nempe rebus immobilibus heic æquiparantur jura incorporalia, decimæ, usufructus, servitutes rebus immobilibus adhærentes, census annui, pecuniæ ad rem immobilem comparandam destinatæ.

§. 721.

Attamen dictarum (§. præc.) etiam rerum alienatio II. urgentibus justis gravibusque causis permissa est: scilicet, 1) res sacræ nonnisi ob majorem ecclesiæ et pauperum, cui alio modo subveniri nequit, necessitatem, (i) 2) res immobiles magni pretii et ecclesiæ utiles, aut mobiles pretiosæ duntaxat vel necessitatis, vel saltem pietatis aut evidentis utilitatis causa (k) alienari possunt, 3) judicium vero de

B b 3

caussæ

(i) C. 13. 14. 70. Causs. XII. q. 2.

(k) C. 8. de rebus eccl. non alienand. et c. 1. eod. tit. in 6. clem. 1. eod.

caussæ gravitate hand cuivis ecclesiæ Rectori, aut Administratori permittitur: Sed

§. 722.

III. Aliæ præterea *solennitates* requiruntur; videlicet 1) in ecclesia, quæ Capitulum habet, requiritur *consensus Capituli*, per actum capitularem præstitus, subscriptione Prælati et quorundam saltem de Capitulo firmatus; (l) 2) *consensus Superioris ecclesiastici*, Episcopi vel intuitu exemtorum alterius Superioris proprii, immo ipsius Pontificis; *) (m) 3) *annus Principis* **) saltem jure consuetudinario et Bavarico; (n) 4) *consensus Domini directi* in rebus, quas ecclesiæ in feudum dedit, atque adeo Imperatoris quoad feuda Imperii; 5) *consensus aliorum*, lege, pacto, observantia necessarius. ***)

*) Consensum Pontificis ad bonorum ecclesiasticorum in germania alienationem requiri plures generatim negant, affirmant alii: alii eundem saltem ad bona mensæ episcopalis præsertim in consanguineos Episcopi alienanda necessarium adserunt, tum 1) quod Episcopi in propria causa sint judices, tum 2) quod Episcopi, ad hæc bona absque Pontificis venia non alienanda, in consecratione jurisjuramenti fide sese obligare soleant. Cf. Philip. Steinhausen Diss. de feudis ecclesiast. c. 3. §. 85. seq. et 104. seqq.

(l) C. 1. de reb. eccl. non alien. in 6. clement. eod. tit. c. 1. de his quæ a Prælato.

(m) Extrav. comm. un. de rebus eccl. non alienand.

(n) Vid. Annot. in Cod. civ. Bav. P. I. c. 7. §. 4. n. 11. Cf. van Espen J. E. un. P. II. tit. 36. c. 4. n. 35. Barthel Diss. de reb. eccl. non alienand. Art. 1. §. 10. tom. 2. opusc. 8.

ap. III. De Rebus eccl. temporalib. seu bonis etc. 391

seqq. Thesau. J. Eccl. Tom. V. pag. 759. seqq. 766. Barthel. Diss. de reb. eccl. non alienand. Tom. 2. opuse. 8. Art. 3. §. 9. seqq. Schrodt Inst. L. 3. tit. 13 §. 315.

**) Princeps et qua providus reipublicæ Rector, et qua ecclesiæ Advocatus tenetur curare, a) ut ad congruentem ecclesiæ ministrorum sustentationem et ad externæ Religionis adparatum bona a civibus liberaliter conferantur: ut b) eum in finem collata recte impendantur, atque servantur. (§. 355. 367.) Proinde c) eidem et jus est, et officium incumbit invigilandi, ne ea bona improvide, et alios in usus alienentur: talis alienatio siquidem nec sine detrimento ecclesiæ, nec plerumque sine novo reipublicæ, quæ deinceps in usus ecclesiæ bona alia conscrre deberet, onere fieret. Ex quo itidem liquet, in bonorum ecclesiasticorum alienatione Principis consensum haud esse negligendum.

***) Solennitates fuisse rite adhibitas, ceu rem facti, assertor probare debet; nisi tempus hominum memoriam excedens hac in re probationis vicem subpleat.

§. 723.

Quum alienatio heic IIII. sensu largiori (o) ebeat intelligi: *) alienationis nomine hic veniunt non solum actus, vel contractus tum *ratuiti*, tum *onerosi*, **) per quos a) *dominium plenum*, sed et quibus b) *dominium minus plenum* (Cf. §. 359.) aut c) *jus quodvis in e*, immo d) *jus ad rem* ad alium transfertur, ut per quos ecclesia in bonis suis *gravamen* atitur, resque ecclesiæ deteriores in statum etruduntur.

B b 4

*) *Alie-*

(o) C. 5. de rebus eccles. non alienand. Cf. Annot. in Cod. civ. Bavar. P. 2 c. 2 §. 6. n. 4.

*) *Alienatio* sensu strictiori accepta illos denotat actus, quibus dominium rei ab alio in alium transfertur: sensu autem latiori eos etiam comprehendit actus, quibus dominium directum vel utile restringitur, aut minuitur, » ita, ut non solum emptio, venditio, permutatio, donatio, transactio, divisio, mutuum, solutio, dotis datio, » præscriptio, successio, sed etiam feudi, vel emphyteuseos constitutio, oppignoratio, servitutis, » ususfructus, vel cujuscunque oneris impositio, » imo etiam quandoque promissio intelligatur etc. » etc. » *Calvin. Lexic. voce Alienatio. Cf. Shwader de Alienat. ad manus mort. c. 1. §. 2. Fahr. Diss. quid sit alienare.*

**) Amplissimam, quæ juris naturalis, civilis romani, et germanici Interpretum ingenia operamque exercet, de *pactis contractibusve* materiem more antiquorum Decretalistarum fusius persequi, nec, quem propositum habeo, scopus, nec, quem ætas nostra scientiis posuit, limes finit. Sufficiat hic monere, 1) quod jus canonicum, licet, ceteroqui ad simplicitatem juris naturalis proprius accedere soleat, a jure tamen romani, hac, siqua in re alia, tritis, subtilitatibus obsiti, placitis haud omnino (p) recedat: 2) quod pacta quædam, de quibus suo loco monemus, rejiciat: 3) quod præcipua quædam, de pactis singillatim, de quibus paullo post dicturi sumus, præcipiat. Probe itaque notandæ hæc propositiones: I. Pacta jure naturali illicita, invalidave jure positivo valida reddi nequeunt. II. Pacta naturaliter valida, seu quibus nil deest, quod jus naturæ ad pacti perfectionem exigit, pro foro ecclesiastico valida sunt habenda, quousque iis jure positivo vim ademptam esse *luculenter* constet. III. Pacta per leges romanas patriasque valida, nisi jus ecclesiasticum, quod

(p) Vid. Paul de Riegger Instit. J. Eccl. P. II. §. 421. seqq. Cf. Martini Positiones Jur. Nat. c. 15.

legum scita imitari non dedignatur, aliud statuatur, in foro itidem ecclesiastico robur suum obtinebunt: IV. Pacta non solum ad juris communis, sed maxime ad patrii ecclesiastici, et in mixti fori rebus etiam ad juris civilis patrii normam exigenda erunt. Igitur V. probe distinguendi contractus 1) natura sua validi, 2) naturaliter quidem *validi*, queis tamen exteriori in foro actio negatur; 3) *irriti* ipso jure, seu a jure positivo jam in irritum missi; 4) *infirmi*, atque per sententiam judicis demum irritandi. Demum VI. ob oculos habendæ, quas de dolo, de culpa lata, levi, levissima circa contractus admissis tum jus, tum naturalis æquitas dictat, *Regulæ*: (*dolus* est improba alterum lædendi voluntas, *culpa lata*, *levis*, *levissima* dicitur omissio *diligentiæ* infimæ, mediæ, summæ, seu quam omnes vulgo non indiligentes, quam diligentiores, quam diligentissimi adhibere solent. *Casus* adpellantur inopinatus eventus, qui cujusdam hominis quidem consilio, diligentiave prævideri, aut averti non potuit.) Nempe regulariter 1) *damnum per dolum culpamque latam* datum in omni negotio et a quovis ejus culpæ reo præstandum est: 2) ab iis, qui ex contractu nullum ferunt commodum, solum *culpa lata* luitur: 3) *culpa levis* ab utroque contrahentium in iis præstanda est contractibus, quæ in utriusque commodum vergunt: 4) *levissima* etiam *culpa* præstatetur ab eo, cujus solius utilitatem contractus respicit: 5) *casus fortuitus* regulariter a nullo præstatetur, nisi quis eundem speciali conventionione in se receperit; proin' uni Domino rei, cui res utique perit, nocet. Cf. Pl. Bäckhn comment. in J. Can. L. I. Tit. 35. n. 60. seqq. Davies Instit. Jurispr. privat. Romanogerm. P. I. § 58. seqq. Heineccii Element. Jur. civ. secund. ordinem Pandect. P. III, §. 113. seq.

§. 724.

Alienationi itaque, quæ non nisi ex gravibus causis adhibitisque solennitatibus permittitur, accensendi *contractus gratuiti*: I. *Donatio* (§. 711.) quæ ecclesiæ nocumentum adferre possit (q): quo referenda donatio rerum etiam mobilium, et pecuniæ, saltem si nimia fuerit. II. *Mutuum*, quo rei fungibilis, seu quæ usu consumitur, dominium gratis transfertur in alium ea lege, ut post certum tempus in eodem genere tandundem restituatur. Per mutuum enim et dominio et usu rei suæ saltem ad tempus ecclesia privaretur, sæpeque rem mutuam datam haud recuperandi periculo fieret obnoxia. *) III. *Commodatum*, quo res non fungibilis, seu quæ usu non consumitur, alteri ad certum tempus et usum gratis et ea lege traditur, ut post definitum tempus res eadem in specie reddatur. Quum etenim plurimum intersit ecclesiæ, ne rei suæ usu saltem per longius tempus destituatur, concessove aliis usu res ipsa fiat deterior; patet ratio, cur res ecclesiasticas ad longius tempus commodare absque solennitatibus Prælato haud liceat. Contra quoniam, si id ad tempus breve fiat, dicta ratio solet abesse, Prælati res etiam sacras ad usus sacros ad brevius tempus commodare non prohibetur. (r) **) IV. *Fidei jussio*, qua vulgo gratis recipitur obligatio ad aliquid pro altero, qui obligatus est,

præ.

(q) C. 2. de Donation.

(r) Arg. Extrav. comm. de reb. eccl. non alienand.

præstandum, si ille satisfactorius non est. Prælati ita obligans ecclesiam magno hanc onere esset gravaturus: proinde eandem absque solennitatibus hac in re obstringi haud posse, (s) ex dictis (§. præc.) consequitur.

*) Quocirca, si Administratores neglectis solennitatibus pecuniam ecclesiae dederint mutuam, eorum periculo erit erogata, debetque, si debitores solvendo non sint, ab ipsis Administratoribus restitui.

***) Jure Bavarico *Commodatarius* præter regulam (J. præc. not. 2.) damnum etiam fortuito casu secutum partim ad iudicis arbitrium ferre jubetur. Et *Depositarius* depositum etiam gratis recipiens culpam levem luit (t). Quodsi vero ecclesiae Prælati *commodatum*, aut *depositum* sine Capituli consensu recipiat, ecclesia ultra, quam inde locupletior evasit, non obligabitur (u).

§. 725.

Prohibitæ absque solennitatibus *alienationis* nomine itidem veniunt *contractus onerosi*:

I. *Permutatio*, qua res ea lege datur, ut pro ea alter rem aliam reddat. Etenim res majoris momenti permutando ecclesia lædi facile et insigniter posset (x) *). Nihilominus quum pecunia majori, quam res aliæ, dissipationis periculo obnoxia esse soleat, facilius vulgo permutatio rerum ecclesiasticarum concedi solet, quam II. *Venditio*, seu contractus de re pro certo pretio (pecunia) tradenda. Quodsi nihilominus res ecclesiastica illicite sit vendita: pos-

(s) Arg. ex c. 2. de solut.

(t) Cod. civ. Bav. P. 4. c. 2. §. 5. et 7.

(u) C. 1. 2. de Deposit.

(x) C. 1. de rerum permutat.

possessor ad restitutionem tenetur, nec repetere pretium potest, nisi in bona fide fuerit, et pretium in ecclesiæ utilitatem versum fuisse probaverit: III. *Locatio*, seu contractus, quo certus usus fructusve rei, aut opera pro pretio ad tempus definitum conceditur. Ventantur autem Rectores ecclesiarum sine solennitatibus *locare* ad longum tempus, id est, jure communi ultra triennium. (y). At more jureque Germanico Bavaricoque ad longius nonnihil tempus id permissum creditur (z). Ceterum locatio legitime et nomine ecclesiæ a Prælato facta etiam successores obligat. Quodsi Rector ecclesiæ nomine tantum suo prædia, mensæ et sustentationi suæ destinata locarit: ea locatio ultra beneficiati vitam, seu ultra tempus possessionis beneficii haud porrigitur. IV. *Concessio novi feudi*, (§. 364. not.) sive *infeudatio* rei ab antiquo infeudari non solitæ, qua rei immobilis dominium utile sub onere fidelitatis, et personalis obsequii conceditur. Item V. *Concessio novæ emphyteuseos*, **) qua res immobilis ita alteri ad tempus non modicum, vel in perpetuum utenda fruenda datur, ut in recognitionem domini directi et pro fructibus canonem annuum solvat, nisi fors res sterilis ad culturam

con-

(y) Extrav. commun. un. de rebus eccles. non alienand.

(z) Bœhmer de Administrat. honor. eccles. c. 2 §. 6. B. de Kreittmayr Annot. in Cod. civ. Bav. P. I. c. 7. §. 42. n. 10.

concedatur. Item VI. *Impositio servitutis vel cujusvis oneris realis* qua e. g. ecclesia aliquid pati vel non facere *in suo*, seu re sua teneretur ad alterius utilitatem: atque adeo VII. *Concessio ususfructus*, qua res fructifera alteri utifruī salva ejus substantia conceditur finito usufructu in specie restituenda. VIII. *Concessio precariarum*, seu concessio usus rei immobilis ad preces sub certis conditionibus facta: (a) quæ varie a precario differunt. ***) Item IX. *Constitutio pignoris aut hypothecæ saltem specialis*. ****) demum X. *Transactio*, discessio a lite dubia non gratuito, sed aliquo dato, aut promisso, aliquo retento facta.

*) Jus canonicum 1) mancipia ecclesiastica, nisi ad libertatem commutare vetat (b), 2) De permutationibus beneficiorum jam antehac (§. 522.) dictum, 3) De vetita permutatione rerum sacrarum cum profanis posthæc erit dicendi locus.

**) At res ab antiquo in feudum, aut emphyteusin tradi solitæ, nisi specialia statuta obstant, absque solennitatibus denuo in feudum, aut emphyteusin, modo conditione non deteriori id fiat, concedi queunt (c): immo in Bavaria intra semestre debent (d).. Ceterum emphyteusi ecclesiastica excidit emphyteuta, qui per biennium solutionem canonis neglexerit; ea tamen, dummodo celeri satisfactione culpam purgaverit, non expellitur *c. ultim de locat.*

***) Usus

(a) Extrav. comm. unic. de reb. eccl. non alienand. vid. c. 1. et seq. de Precariis. Cf. Schrodt Instit. J. eccl. P. 3. tit. 13.

(b) C. 3. de rerum permut.

(c) C. 20. de feudis.

(d) Pragmatica A. 1764. n. 14.

398 Sect. II. De Jure Rerum ecclesiasticarum.

***) Usus precariarum, quæ in datas, oblatasque dividuntur, hodie fere exolevit. Differunt autem *Precariæ* a precario, quod a) illæ contra, ac istud, non sint ad nutum revocabiles: quod b) per mortem accipientis non cessent, sed ad successores transeant; quod c) fere in solis rebus immobilibus locum habeant etc. Vid. Schrodt Instit. Jur. Can. P. III, tit. 14. §. 328. seqq.

****) *Oppignorari* res dicitur, quæ creditori a debitore in securitatem debiti obligatur, ut nisi suo tempore solvatur debitum, ex eadem satisfiat. Res ita obligata, si reapse tradatur creditori, *pignus*; sin, *hypotheca*, appellatur, *specialis*, si res certa in specie: *generalis*, si generatim bona debitoris obligentur. *Hypotheca generalis*, si aliòquin debitum sit legitime contractum, a Prælato sine solennitatibus constitui posse videtur. Sane 1) unica prohibitæ alienationis ratio est imminens ecclesiæ damni, aut oneris novi periculum: atqui si debitum aliòqui sit rite contractum per adjectam hypothecam generalem, nec damni nec faciendæ vetitæ alienationis periculum subit ecclesia, alias ad debitum eodem modo exsolvendum obstricta (e). Nam etsi absit hypotheca generalis, ex bonis ecclesiæ debet satisfieri, ita, ut primo, si desit pecunia, res mobiles minus pretiosæ, tum etiam pretiosæ, et his non sufficientibus immobiles quoque ad expungendum debitum distrahere necesse sit. (f) Idem autem, nec aliud faciendum, si hypotheca generalis sit constituta. Contra hypotheca specialis plus præjudicii continet. Unde 2) in jure inter prohibitæ alienationis species refertur (g) nominatim una *hypotheca specialis*, ex quo ipso *generalis* tacite permessa esse recte creditur. 3) Consonat jus civile:

(h)

(e) C. 2. caus. X. q. 2.

(f) C. r. de solut. c. 2. caus. X. q. 2.

(g) C. 5. de reb. eccl. non alienand.

(h) *Licebit Præpositis earum (ecclesiarum) usque ad generalem hypothecam stare, nullum tamen speciale pignus creditoribus præbere.* 4) Nec obstat, quod in celebri Extravagantè: *Ambitiosa* etc. constitutio hypothecæ generatim inter veritas alienationes referatur. Etenim a) dum Paulus II. vetita hypotheca subdat: *præterquam in casibus in jure permissis*, generalem permissam esse recte inferitur: dein b) ex clarioribus ac magis determinatis locis heic minus determinatus exponendus: c) vere adhuc dici potest, hypothecam vetitam esse, etsi *specialis* una inhibita esse concedatur. Vid. c. 34. de reg. jur. in 6. Cf. Pl. Bækn comment. in Jus Can. L. III. tit. 13. n. 4. seqq. ubi rationes opponi solitas dissolvit.

§. 726.

Demum ad alienationes regulariter prohibitas itidem verosimilius referuntur I. *Reputatio* hæreditatis, legati, donationis ecclesiis latae iisque non inutilis: *) atque II. *Cessio* tionis, ceu juris, quod ex causa habet ecclesia; actio enim pretio æstimabilis est, et, nemadmodum hæreditas, vendi etiam potest (i).

*) Asserti hujus rationes sunt: 1) heic alienatio latiori sensu accipitur, proinde ad alienationem quoque referenda erit dimissio juris, tanquam rei incorporalis: præsertim quum 2) ecclesia Dominium rei sibi donatæ absque speciali acceptatione jam verosimilius (§. 712.) acquirat; 3) repudiatio legati pupillo relictæ absque Prætoris decreto non valet
cum

(h) Novell. VII. cap. 6. §. 1.

(i) L. 23. Digest. de acquir. vel omittend. hæred. et Arg. ex L. 7. Cod. de Arbitr. Tut. Vid. Annot. in Cod. civ. Bavar. P. 1. c. 7. §. 42. n. 9. Cl. L. 18. tit. IV. de hæreditate vel actione vendita.

*cum res sit pupilli (k); proin ea nec intuitu ecclesiæ valida esse poterit, quæ itidem jure minorum, et pupillorum gaudet. 4) Neque vero repudiatio hæc mere in acquirendo negligentia est; sed reapse abdicatio juris jam quasiti, e. g. hæreditatem adeundi, quod est pretio æstimabile. 5) Quum jus hoc non Prælato, sed ecclesiæ delatum sit, nec ab illo repudiari, ceu *jus haud suum*, potest. 6) Textus juris in speciem contrarii loquuntur de alienatione *strictè sumpta*; aut in materia odiosa, ubi alienatio sensu arctiore accipienda est; sed hæc vero de favore ecclesiæ, de alienatione in sensu largiori agitur. Cf. Böckh. l. cit. n. 7. et Heineccium Element. Juris civil. secund. ord. Pandectæ. P. III. §. 282, seqq. ad Pandect. L. XVIII. ut 4. de hæreditate vel actione vendita.*

§. 727.

Porro V. *alienatio* quæcumque illegitime facta, id est ubi et causa gravis, et solennitates, vel alterutrum duntaxat defecerint, non modo pro foro externo, sed et pro interno *nulla* esse cognoscitur. *) Etenim 1) illa in jure canonico prorsus *non valere*, *non tenere*, *nullius omnino roboris*, et *momenti* esse; nec jus recipiendi tribuere, nec præscribendi etiam causam parere, conceptis verbis (l) dicitur. Bein 2) male alienata sub anathematis pœna restitui jubentur (m). Licet vero ecclesia id
genus

(k) L. magis 5. §. fundum 8. ff. de reb. eor. qui sub tutela.

(l) C. 12. de rebus eccl. non aliénand. c. 2. eod. tit. in 6. Clem. 1. ibid. Extrav. comm. unic. eod. tit.

(m) C. 6. de reb. eccl. non alien. Extrav. comm. *ambitosæ*. eod. tit.

genus contractu haud obligetur; illum tamen, qui cum ipsa contrahit, si Superior talem contractum deinceps ratihabere velit, a contractu resilire non posse, tum ex utroque jure (n), tum ex eo multi colligunt, quod ea, quæ in favorem ecclesiæ statuta sunt, in ejus odium detorqueri haud debeant.

*) Ceterum id etiam obtinet, si alienatio fiat ab alia ecclesia ad aliam. Nec obstat axioma istud: quod *privilegiatus non utatur suo privilegio contra æque privilegiatum*. Nam in pari privilegio ex æquitate naturali melior est conditio ejus, qui de damno vitando, quam qui de lucro captando agit. Porro alienantem ecclesiam agere de damno vitando, acquirentem de lucro captando, patet. Dein nostra sententia colligitur ex c. 1. de rebus eccl. alien. vel non.

§. 728.

Porro ut a prohibita alienatione administratores eo fortius absterreantur. VI. *male alienantes gravibus mulctantur pœnis*: et 1) *Episcopus* quidem vel *Abbas* ingressu ecclesiæ interdicuntur, atque per semestre haud emendati, a regimine suæ ecclesiæ suspenduntur: 2) inferioris gradus *Clerici* excommunicationem ipso facto incurrunt, simulque beneficiis, quorum bona alienarunt, privantur (o): ceterum 3) omnes ad restitutionem obligantur.

*) Has

(n) Princip. Instit. de auctor. Tutor. c. 42. caus. 12. q. 2. c. 3. de his, quæ ad Prælat.

(o) Extrav. un. de reb. eccl. non alienand.

*) Has tamen poenas haud ubivis receptas esse, easque, ubi receptae sunt, non per ipsum contractum, sed per rei ecclesiasticae illicitam traditionem incursum iri, monet *Engel J. Can. L. III. tit. 13. n. 18.*

§. 729.

Male facta alienatio VII. variis reparatur modis. I. Jus est ecclesiae bona sua indebite alienata a quovis possessore *vindicandi* una cum fructibus, nec refuso etiam pretio, si sit *malae fidei* possessor, sed restituta ea solum pretii parte, in qua ecclesia facta est ditior. Porro bona haec sic *vindicare* denuo possunt a) ipsemet male alienans Praelatus, b) ejus successores, c) Capitulum; immo d) persona quaelibet ecclesiastica, aut etiam e) patronus ecclesiae (p). II. Datur *actio* ecclesiae adversus alienantem, ejusque haeredes (q) ad damnum ecclesiae ex stilo patrimonio reparandum. III. Praelatus aut Capitulum in *possessorio* munitur *Interdicto recuperandae possessionis*, seu *unde vi*. Quin imo, quum ex stilo curiae per injustam alienationem non tantum jus non transferatur, sed etiam *possessio civilis* maneat penes ecclesiam; heic quoque locum habere dicitur IV. *Interdictum retinendae possessionis* (r), ita, ut is qui modico etiam tempore possessionem habuisset, hacque esset spoliatus, non deberet ante omnia

(p) C. 4. 6. et 9. de reb. eccl. non alien.

(q) C. 18. caus. XII. q. 2. c. 3. de pignor.

(r) C. 3. caus. III. q. 1. c. 2. de Restit. spolit.
in 6.

nia restitui, nisi postquam in continenti evidentem justitiam tituli (s) probasset. V. Faciā etiam cum solennitatibus alienatione ecclesia forte læsa juvatur *beneficio restitutionis in integrum*, *) quod per quadriennium a tempore factæ, vel cognitæ læsionis peti potest. **)

*) In integrum restitutio generatim est beneficium juris, vi cujus negotium ob læsionem intervenientem auctoritate judiciali ob justam causam rescinditur. 1) Hoc beneficio potissimum minores utuntur, et ecclesiæ, seu corpora ecclesiastica: modo 2) læsio probetur: et restitutio petatur intra quadriennium a die factæ læsionis, nisi fors dolus, vis, metus ab agendo impedivisset, numerandum. (t) 3) Restitutio hæc fit etiam contra aliam ecclesiam lædentem. (u) Porro 4) *petita restitutione* a) omnia in suo statu reliqui debent: b) executioque sententiæ latæ suspenditur. (x) 5) *Impetrata restitutione* omnia in statum pristinum sunt revocanda, resque tradita unacum fructibus restituenda, exceptis iis, qui bona fide sunt consumti, atque refusus expensis in rem factis. (y)

**) Huc usque dicta non solum de ecclesiarum, sed et de aliorum religiosorum, piorumque, si modo Episcopi auctoritate sint erecta, locorum bonis intel-

C c 2

tel-

(s) Cf. Barthel Annot. in Engel. J. C. ad L. III. tit. 13 n. 17.

(t) C. 1. 2. de integr. Restit. in 6. et Clem. un. eod. tit.

(u) C. 2. eod. tit.

(x) C. 6. eod. tit.

(y) C. 1. de integr. Restit. c. 11. de rebus eccles. non alienand.

404 Sect. II. De Jure Rerum ecclesiasticarum.

tellige. Ceterum horum bonorum integritati et alia consulunt privilegia. Ita 1) *mutuo* ecclesiarum exceptione a) *non numerata pecunia*, et b) *non facta in rem versionis* contra creditorem tumentur, donec hic pecuniam numeratam et reapse in utilitatem ecclesiarum fuisse versam, aut nomina saltem consensu Prælati Capitulique facta probaverit. Porro 2) ecclesiis, et collegiis piis *re alieno oppressis succurritur* a) *remissione usurarum* vel in totum, vel ex parte, ne in futurum currant: aut b) *datione in solutum*; quod beneficium nec aliis debitoribus negatur: attamen in debito ecclesiastico contra, ac in aliis fit, creditori electio haud conceditur (2). Item 3) *Præscriptio* contra ecclesiam quoad res sacras vulgo nulla, quoad bona immobilia non nisi ea, quæ sit longissimi temporis, scilicet 40 annorum valet. Attamen præscriptio talis contra ecclesiam vivente Prælato alienante dormit. Cf. *Schrodt Inst. Jur. eccl. P. 3. §. 325.*

JURIS

(2) *Novell. 120 c. 6. §. 3. Auth. Hoc jus porrectum etc. Cod. de Ss. eccles. c. 4. de fidel. jura. c. 1.*

JURIS ECCLESIASTICI PRIVATI.

SECTIO III.

DE JUDICIIS, DELICTIS, PŒNIS ECCLESIASTICIS.

CAPUT I.

De Judiciis Ecclesiasticis.

ARTICULUS I.

De Judicio Ecclesiastico generatim.

§. 730.

Quum in ecclesia christiana sacrum detur Imperium, atque adeo potestas *judiciaria*: (§. 24. — 27. seqq.) caussæque aliæ ex natura sua ad forum ecclesiæ pertineant: (§. 370. seqq.) aliæ etiam civiles per observantiam privilegiaque vel olim (§. 377.) a iudicibus ecclesiasticis definiri consueverint (a): vel hodieque, uti caussæ personales clericorum (§. 351. et 441. seq.) in foris ecclesiasticis disceptentur; indubium est, quod semper fuerint, et etiamnum in ecclesia existant *jurisdictio*, *judices*, *judicia*, *tribunalia* etc. Porro 1)

Cc 3

Ju-

(a) Cf. Thomassin V. et N. Disc. P. II. L. 3. c. 107. seqq. Rupprecht Not. in J. Can. L. II. c. 1. n. 15. seqq.

Jurisdictio generatim heic (Cf. §. 36. not. 2) intelligitur publica juris dicendi, seu causas controversas discutiendi definiendique potestas: 2) *Judex* vir est *jurisdictione*, seu publica juris dicendi potestate ornatus. 3) *Judicium* est curata causæ controversæ discussio, et a competente iudice facta decisio. 4) *Processus* est ordo actuum judicialium lege præscriptus, seu ratio legitima, qua causæ in iudicium deducuntur, et definiuntur. 5) *Forum* locus seu tribunal est, in quo contentiosa jurisdictio exercetur, judiciave habentur.

*) *Jurisdictio* vel est *contentiosa* vel *voluntaria*. Hæc est, quæ in volentes, illa, quæ in invitos exercetur. *Voluntaria* iterum dicitur vel *simplex*, quæ sine causæ cognitione exercetur; vel *mixta*, cuius exercitium causæ cognitionem requirit. *Contentiosa* vel est *ordinaria* vel *extraordinaria*: *ordinaria* etiam vel *propria* esse potest, aut *vicaria*, (§. 36 not. 2 et §. 284. not. 1.)

§. 731.

Judicium dividitur ratione iudicis 1) in *seculare* et *ecclesiasticum*, prout coram iudice laico, aut ecclesiastico qua tali agitur: *) ex genere causæ 2) in *criminale*, ubi de pœna in delinquentes, et facinorosos decernenda, et de satisfactione universitati præstanda, et *non criminale*, *civile*, ubi de aliis rebus, juri-
busve disceptatur, et de satisfactione ad privatum interesse agitur: item 3) in *petitorium*, ubi de rei proprietate, et in *possessorium*, ubi de possessione actio instituitur: **) quoad formam et ordinem procedendi 4) in *ordinarium*,

in

in quo omnes juris, et curiæ solennitates; et *extraordinarium, summarium*, in quo omnibus vel plerisque juris positivi solennitatibus omissis ea solum, quæ natura ipsa judicii requirit, adhibentur (istud jure Bavarico *summarissimum* audit.) ***)

*) Judicium insuper *ecclesiasticum* aut *seculare* ex objecto et indole causæ appellatur. Quoniam vero causæ aliæ ex natura sua, (§. 344 et 370.) aliæ ex consuetudine vel Principum privilegio ad forum ecclesiasticum pertinuerunt olim, (§. 351. 377. seq.) aut hodieque pertinent: quo se ex jure *primigenio*, quo ex *adventitio* judicio ecclesiastica porrigant, probe dispiciendum.

**) Aliquando non de sola possessione aut de proprietate rei, sed de utraque simul in judicio agitur; quod *cumulare possessorium cum petitorio* vocant.

*** 1) *Judicia* ecclesiastica omnia erant quondam *summaria*, 2) *forma* enim judiciorum ecclesiasticorum, ut jus ipsum, olim simplex admodum fuit, et omnium ambagum tricarumque experts. 3) Quem *simplicem* procedendi modum per decem priora ecclesiæ secula perdurasse vel ex eo conjicimus, quod de alio processus ordine, aut de solennitatibus per Decretales subin stabilitis omnes ante Burchardum et Ivonem canonum collectores altum sileant. 4) At vero a seculo XI. et imprimis a seculo XII. judiciorum ecclesiasticorum forma prorsus a nativa simplicitate degeneravit, ubi occasionem præbente legum civilium studio etiam a clericis frequentato Pontifices plura *peculiariora* de *judiciis* juri canonico inserebant, formulæ juris civilis Romani, et subtilitates in veneranda ecclesiæ tribunalia velut agmine facto immigrabant; variaque etiam in iis *causarum, processuum et actionum* genera exoriebantur. (§. 115.) Cf. Thomasia de V. et N. Disc. P. 2. L. 3. c. 101. seqq.

408 *Sect. III. De judiciis, delictis, penis ecclesiasticis.*
et Rupprecht Not. in J. C. L. II. tit. I. n. 46.
seqq.

§. 732.

I. *Partes* iudicii sunt 1) *caussæ disceptatio*, sive cognitio, et discussio, 2) *decisio*, seu sententia iudicis, quam, si opus, sequitur 3) *latae sententiæ exequutio*. II. *Gradus* iudicii, seu *instantia* prima, aut ulterior vocatur prima vel repetita coram eodem, aut superiore iudice *caussæ disceptatio* et *decisio*.

§. 733.

Tribunalia, in quibus iudicia ecclesiastica exercentur, 1) olim præcipue erant loca *synodorum*, aut domus episcopales, in quibus *caussæ controversæ* decidebantur. *) 2) hodie summum, quo *caussæ contentiosæ* disceptantur, Romæ constitutum tribunal est *Rota Romana*; 3) in aliis regionibus sunt *Nuntiaturæ apostolicæ* (§. 230.), **) 4) in Episcoporum diocesisibus ad *caussas*, vel omnes, vel quasdam definiendas unum plurave *tribunalia* erecta sunt, quæ diversis locis *Consistoria*, *Visariatibus*, *Regimina ecclesiastica* etc. (§. 284. n. 2.) dicuntur.

*) in Germania iudiciorum, ac tribunalium ecclesiasticorum varia olim habebantur genera, 1) *Judicia synodalia*, (das *Sendgericht*) in synodis tum episcopalibus, sive diocesanis, tum archidiaconalibus, (b) tum archipresbyterialibus constituta: 2) *Judicium Chori*, (das *Chorgericht*) seu synodale ab Episcopo, Archidiacono vel Decano Capituli

(b) Vid. Pertsch Abhandlung vom Ursprung der Archidiaconie, und Archidiaconal-Gerichte c. 7.

tuli in Choro templi habitum: 3) *Judicium parochiale*; (das Kirchengesicht) item 4) *Judicium Dei*, (das Gottesgericht) maxime in tribunalibus olim usurpatum. Cf. *Haltaus Gloss. med. æv. ad has voces*. Cf. Ant. Schmidt diss. de synodis archidiaconalibus, et archipresbyteralibus. *Thesaur. J. Eccl. Tom. III. pag. 314.*

*) Addidit hic Corrector ac editor meus Colonien-
sis: *Sed hæc (Rota Romana) nonnisi territorium romanum adfcit*. . . At nonne ab aliis quoque nationibus ad id tribunal deferri causæ quædam solent? cur non una ex natione Auditores in eo tribunali assident? dein qui hæc consonant cum D. Hedderich, (qui editionis illius Coloniensis Censorem episcopalem se subsignavit) sententia scribentis: (c) *Rota Romana, quæ est supremum Pontificis tribunal, quod cognoscit causas utriusque fori, ecclesiasticas, et civiles. Sed has solum pro territorio Pontificis*. Ergo ecclesiasticas pro aliis etiam ecclesiis cognoscit? Atqui nec ego de aliis sermonem habui; causas enim profanas aliarum regionum illuc deferri posse, ne somniavi quidem: et id in Germania severe inhibutum esse, jam (§. 235. et 373.) monui. Ceterum 1) Rotæ Romanæ assessores numero sunt duodecim, ex diversis nationibus assumti: *Germanus* unus, qui ab Imperatore designatur: *Gallus* itidem unus, *Hispani* duo ab eorum Regibus nominandi: reliqui ita sunt; *Romani* tres, *Venetus*, *Bononiensis*, *Mediolanus*, *Florentinus*, *Ferrariensis*. 2) Auditores isti in tres dividuntur classes; unus eorum dicitur *Popens*, vel *proponens*, reliqui *Correspondentes*. 3) A prima ad alteram, ab hac ad tertiam licet provocare. 4) In eo tribunali accuratissimus procedendi modus servari dicitur. (d) 5) Decisiones Ro-

Cc 5

1æ

(c) *Element. Jur. Can. Tom. I. pag. 120. §. 106.*

(d) *Vid. Vetsch kurze Historie von dem Kanonischen, und Kirchenrecht fünfte Abtheilung. §. 19. seq.*

competens, id est, auctoritate, et jurisdictione tum a) in *causam* controversam, tum b) in *reum* conventum præditus, seu ut reus ratione talis causæ forum apud ipsum sortiatur (a). Sufficit tamen in rebus, in quibus ecclesia subire valorem potest, quod communi, et probabili errore habilis legitimusque habeatur b).

*) *Inhabiles* porro censentur mente capti, surdi, muti, annis viginti aut saltem octodecim minores, hæretici item. schismatici, suspensi, excommunicati saltem publice denuntiati, et non tolerati etc. Vid. c. 42. de offic. et potest. Judic. deleg.

**) Subinde partes litigantes iudicis, ceu suspecti, cognitionem sententiamque respuunt. Attamen ista *judicis recusatio*, absque *juramento perhorrescentia*, ut vocant, quo quis a tali iudice justitiam sibi haud fore administrandam se credere jurat, simulque timoris rationes exponit, non admittitur (c); nec contra Ordinarios, qui per dicasteria jus dicere solent, quibusque jus primæ instantiæ toties firmatum est, facile locum habet.

§. 737.

Competentia porro iudicis vel a) ex lege, b) *delegatione*, aut c) *voluntate litigantium* manat. Ex lege *competens* est 1) ratione *domicilii*, vel quasi *domicilii*, seu loci, in quo quis habitat cum animo vel perpetuo, vel ad longum tempus ibidem commorandi. Unde quis a) coram *iudice domicilii* in actionibus tum
rea-

(a) C. 18 de foro compet.

(b) Ex L. Barbarius 3 ff. de offic. Præt. —

(c) C. 61. de appell. Cf. Lauterbach diss. de jurament. perhorrescentiæ.

ne, si a jure, d) *delegatus a jure* adpellatur. Is, cui ab altero delegato jurisdictio committitur, *Subdelegatus* dicitur. Delegatio generalis et specialis rursus si fiat intuitu certæ personæ, dicitur e) *personalis*, si fiat intuitu dignitatis, f) *realis* vocatur. *) Hic de judiciis I. *qualitatibus*; II. *officio*; III. *potestate* dispiciendum.

*) Censetur autem delegatio *personalis*, si nomen legati exprimitur, et nomini dignitatis præponitur: *realis*, si vel dignitatis vel locorum nomen unum exprimitur: e. g. Episcopo Ratisbonensi: vel nomen quidem exprimitur, sed nomini dignitatis et loci postponitur: e. g. Episcopo Ratisbonensi Christophoro.

§. 736.

Judex ceu vir publica causas controversas discutiendi, et recte definiendi potestate instructus; *qualitatibus* quoque huic potestati rite exercendæ aptis præditus sit oportet. Igitur sit 1) *vir habilis et bonus*, tum ex parte *intellectus*, tum ex parte *voluntatis* dotibus ad æquum, justumque discernendum, et constanter exequendum necessariis instructus; a defectibus, et vitiis contrariis immunis, et expeditus. Judici nempè *maturitate*, scientia juris non mediocri, immoto æqui rectique studio ornatys; a pravis animi affectibus, partium studio, avaritiæque alienus, in id intentus, ut, lites non necessarias amputet, partes patienter audiat, ad normam legum judicet, probabiliora sequatur, stanteque dubio æquali, in nullius favorem pronuntiet. Sit 2) com-

- *) Nempe complures hanc officii judicis in nobile, et mercenarium distinctionem ad veteris juris formularii reliquias referunt: officium judicis utrumque ex natura caussarum statuunt, et mercenarium in caussis privatis civilibus obtinere dicunt. Hanc tamen regulam quibusdam limitant exceptionibus: I. ex officio iudex supplere debet, quæ sunt *juris communis*, in illo foro recepti, non item quæ juris sunt *specialis*, cui partes, quum ejus beneficio non utantur, renuntiassent censentur: II. quæ sunt *facti*, supplere non potest iudex, nisi quatenus ex actis constat: attamen et heic supplenda esse monent, 1) quæ ad auctoritatem, dignitatemque judicis, et judicii integritatem spectant: uti juramentum calumniæ tam generale, quam speciale exigere, punire advocatos calumniantes, mendacia, fraudes, contumaciam compescere: 2) quæ omissa iudicium reddunt nullum, uti est legitimatio ad causam: quæ ad publicam quietem, 4) et ad lites breviores reddendas pertinent. Item 5) plura in caussis piis, privilegiatis, aut personarum miserabilium, et eorum, qui iudicium officium implorare nesciunt, aut nequeunt, a iudice suppleri debent.

§. 740.

Potestas judicis ordinarii his fere absolvi-
tur: potest 1) in quocunque territorii sui loco judicia exercere; personas, si merita exposcant, punire, omniaque ad officium judicis pertinentia (§. 739) exequi; 2) caussis discutiendis, quos velit, modo capaces sint, iudices præficere, seu jurisdictionem delegare, * 3) sibi, licet superiorem agnoscat, jus primæ instantiæ vindicare.

- *) Pontifex nisi in dignitate ecclesiastica constitutus, vel Canonicos cathedrales (§. 297.) delegare non
con-

Consuevit (m); neque causæ ecclesiasticæ nisi clericis rite committuntur (n). Ceterum aut integræ causæ cognitio etiam cum facultate exequendi, aut pars causæ, sive sola ejus executio delegari potest (o).

§. 741.

*Potestas judicis delegati generatim ex natura causæ delegatæ, et rescripto delegatorio æstimanda est; unde 1) delegatus hoc rescripto exhibito delegationis suæ fidem facere (p) debet. 2) Delegati a Pontifice potestas, quam ceterorum, est amplior; quare is velut ordinarius, immo in causa delegata ordinario censetur major: potest quippe partes citare, contumaces compescere, ordinarium ad sententiam suam exequendam obligare, et eo renuente ipse eam effectui mancipare; (q) jurisdictionem suam aliis subdelegare (r) etc. 3) Delegatus ad universitatem causarum haud quidem causas universas, aliquas tamen ex iis ex recepta praxi potest subdelegare, *) nisi speciatim prohibeatur, aut personæ industria singulariter esset delecta. 4) Delegatus ad certam causam subdelegandi facultate, nisi hæc ipsi expresse, taciteve sit concessa, non gaudet. 5) Si pluribus indefinite delegata sit causa,*

(m) C. 11. de rescript. in 6, Cf. Trid. sess. 25. c. 10. de reform.

(n) C. 2. de judic. et c. 12 et 18 de foro compet.

(o) C. 24 de rescript. c. 7 26 de offic. jud. deleg.

(p) C. 31 de offic. jud. deleg. c. 24. de rescript.

(q) C. 5. 7. 28. de offic. jud. delegat.

(r) C. 27 et 28. de offic. judic. deleg.

sa, iis conjunctim sumentis commissa censetur, ideoque alter sine altero in causa procedere nequit: sin: processus est nullus, neque etiam, si alii deinceps approbent, convalescit. (s) Unde si causa *duobus* committitur, sententia unius non tenet, (t) et si causa simpliciter delegetur *tribus*, duo sine subdelegatione tertii procedere vetantur: (u) et uno delegato rebus humanis forte exempto eorum expirat officium: (x) 6) quodsi causa pluribus commissa sit *in solidum* vel per clausulam alternativam vel conditionalem e. g, *isti vel illi; aut si non omnes, duo, unusve* (samt, und sonderſ) *procedant*; in casu primo alterum præveniens, in secundo, si aliqui nolint, nequeantve, unus, aut ceteri causam agitant; et hos inter vota majora in regula rem conficient (y).

- *) Neque *Cooperatores* Parochorum vices suas, neque *Religiosos* facultates suas a Pontifice sibi concessas subdelegare posse, Doctores monent; eoquod illis solum potestas delegata competat; his vero privilegia non sint concessa ratione officii, aut dignitatis; sed præcise ceu certi ordinis membris. *Wolg. Schmidt Inst. J. E. L. 4. tit. 3. §. 13. Pirrhing j. e. tit. de off judic. deleg. n. 25. Layman Theol. moral, L. 5. Tract. 6. c. 10. n. 14.*

§. 742.

-
- (s) C. 16. et 21. eod. tit. et L. 39. Digest, de re jud. et Reg. juris, c. 18. in 6.
 (t) C. 26. de offic. jud. deleg.
 (u) C. 6. 22. 30. eod. tit.
 (x) C. 42. eod. tit.
 (y) C. 84. eod. tit. et c. 8. eod. tit. in 6.

§. 742.

Denique potestas judicis delegati varia ratione exspirat, 1) morte delegantis re adhuc integra (§. 735. not. 2.): * 2) morte delegati, nisi delegatio sit realis, seu intuitu dignitatis, non personæ facta; (z) (§ 735. n.) 3) revocatione mandati: ** 4) negotio finito vel causa perfecta, si sit delegatio specialis: item 5) elapso, ad quod erat restricta, tempore (a) etc.

*) Gesta a delegato mortem delegantis ignorante adhuc valida fore, etsi mors illius re adhuc integra evenierit, sunt, qui affirmant. At vero quum jus aperte pronuntiet, jurisdictionem delegati per mortem delegantis exspirare (b), nec mortis ignorantia jurisdictionem, quæ jam cesserat, possit tribuere, nec, quæ nulla sunt confirmare; ejus generis gesta invalida habenda esse, vero est similis.

**) Revocatio mandati in arbitrio est delegantis, non autem subdelegantis, nisi a) res adhuc sit integra, aut nisi b) sibi jus revocandi reservaverit, vel partem tantum jurisdictionis delegaverit (c).

§. 743.

Judex discutit causam inter *Actorem*, qui jus vocat, seu agit, et *Reum*, qui in judicio convenitur. (§. 734.) Possunt autem I. agere vulgo omnes, qui natura aut lege speciali non prohibentur, etiam 2) *minores*, modo decimum quartum ætatis annum egressi, in

D d 2

caus-

(z) C. 14. 30. 42. de offic. judic. deleg.

(a) C. 4. 24 de offic. jud. deleg.

(b) C. 30. de offic. et pot. judic. deleg. c. 36. de Præbend.

(c) C. 28. §. 2. et c. 37. de officio jud. delegat. et c. 6. et 7. eod. tit. in 6.

420 Sect. III. De judiciis, delictis, penis ecclesiasticis.

caussis ecclesiasticis, e. g. in caussis matrimonium, beneficia etc. concernentibus: (d) item 3) Prælati etiam sine consensu Capituli, nisi forte causa valde ardua, et magnarum sit expensarum; aut jus singulare obstet (e). Jure tamen canonico *ab agendo* removentur per judicem *excommunicati* a) non tolerati; ope saltem exceptionis etiam *tolerati*, præterquam in causa excommunicationis suæ et appellationis in eadem (f). II. *Conveniri* possunt communiter 1) omnes etiam excommunicati, ne ex peccato commodum reportare videantur: 2) *minores* quoque sicut agere in caussis ecclesiasticis, ita et conventi se defendere possunt; g) 3) *fæminæ*, nisi in caussis jure expressis, ut invitæ per se ipsas in judicio stent, jure canonico compelli nequeunt. (h).

§. 744.

Præter Actorem et Reum in judicio sæpe adesse solent *Advocati*, qui pro aliis in judicio *postulant*, seu jura aliis suggerunt, et a controversæ causæ disceptationem pertinentia exponunt. *) I, Ad Advocatorum *autem* *dotes et officia* quod attinet: *Advocati* 1) viri sint jurium periti, 2) probique et diligentes: 3) causas, nisi saltem probabiles et me-
ni-

(d) C. ult. de judic. in 6. et c. 14. de restitut. spoliat.

(e) C. 21 de rescript.

(f) C. 5. de excepti.

(g) C. 7. de judiciis.

(h) C. 2. ac ult. de judic. in 6.

nitis prius de causæ probabilitate clientibus, non suscipiant, 4) diligenter, sincere, absque dolo, tricis, collusionibus, machinis causas defendant, ambages præcidant, honorarium laborem et operam excedens non exigant: ne aliis rabularum malis artibus munus suum de-honestent. (i). II. *Advocati munere* perfungi seu postulare jure canonico vetantur 1) hæ-retici, ** 2) excommunicati, 3) infames, 4) aliique ad id officium inepti (k). 5) *Clerici* coram iudice laico, et in negotiis secularibus (l) non nisi pro se, ecclesia sua, et personis mi-serabilibus, 6) *Monachi* item et *Canonici regu-lares* vulgo duntaxat pro monasterio suo et ex speciali Superioris mandato postulare possunt (m). 7) *Clericus* pro extraneis postulans con-tra ecclesiam suam, beneficio, quod in illa possidet, est spoliandus (n).

*) Quidquid Advocatus cliente vel præsentem, vel ea, quæ scripto exhibentur, subscribente in iudicio proponit, perinde, ac si ab ipso cliente proferatur, haberi solet. Permittitur tamen admissum fors errorem eodem die revocare (o). Ceterum etsi causam suam quilibet per Advocatum proponere regulariter queat; immo quandoque partibus Ad-

D.d. 3.

voca-

(i) Vid. van Espen J. eccl. univ. P. III. tit. 6. c. 2.

(k) C. 13. §. 5 de hæreticis c. 8. sentent. excom-mun. in 6.

(l) C. 1. et 3. de postulando.

(m) C. 2. hoc tit.

(n) C. 3. eod. tit. Neller diss. de Postulando §. 2. n. 2.

(o) C. 26. de Appellat. et c. 20. de censib.

vocati ex officio sint dandi (p): partes tamen per se ipsas comparere tenentur 1) in caussis criminalibus, quoad responsionem ad articulos, ad confrontationem, nisi civiliter agantur (q): 2) in matrimonialibus saltem in primo termino: 3) alicubi in juramento calumniæ (r) præstando: vel 4) ubi alias id necessitas exegerit. Cf. *Neller diss. de Postulando. Trevir. 1757.*

**) Quod ipsum tamen in Germania nec ad toleratæ in Imperio Religionis consortes, nec ad alios, qui publice tolerantur, applicari posse, patet ex *Art. V. Pacis Westph. §. 35.*

§. 745.

Procurator (Anwalt, Gemalthaber, Bevollmächtigter) dicitur, qui aliena negotia mandato domini intra vel extra judicium, administrat. Inde *Procurator* alius est judicialis, alius extrajudicialis, atque pro eo, ac genus quoddam aut certa species negotiorum ei demandatur, *generalis* vel *specialis* dicitur: (s) solet item *Procurator* quandoque constitui per mandatum munitum clausula: *cum libera*, sive faciendi ea omnia, quæ ipse Dominus potest. Nos heic de *Procuratore* maxime *judiciali* loquimur. Porro I. generatim *Procurator* 1) omnia ea et sola jure agit, quæ ei mandatum, observantia, aut justa præsumptio tribuit, 2) hacque ratione ab ipso gesta in judicio rata sunt; (t) 3) lite contestata alium substituere pro se *Procuratorem*,

(p) C. 1. de judic. et c. 5. de Procuratorib. c. 40.
Caus. 2. q. 6. c. 15. de accusat.

(r) C. 3. de jurament. calumn.

(s) C. 1. de Procuratorib.

(t) C. 1. et 14. eod. tit.

rem, (u) et 4) si instructus sit mandato munito clausula: *cum libera*, fere ea omnia, quæ ipse dominus, agere potest. 5) Si plures sint designati, idem quod de pluribus delegatis (§. 741. n. 5.) diximus, tenendum. II. *Cessat vero Procuratoris munus* 1) morte domini, si lis nondum est contestata: 2) mandati revocatione expressa, vel tacita: uti si alius Procurator constituatur, vel ipse Principalis causam in judicio tractet: 3) Procuratoris renuntiatione ob justam causam facta (x). Unde factum Procuratoris *revocati*, aut *falsi*, i. e. mandato vero aut præsumpto destituti, noxæ haud erit domino. (z)

*) Procuratores I. *constituere* possunt 1) omnes, qui et proprio nomine litigare seu agere (§. 743.) queunt, 2) excommunicati ad se defendendum, non vero ad agendum (a); II. *constitui* Procuratores possunt omnes, qui speciali ratione non prohibentur. Jure canonico a Procuratoris officio repelluntur 1) minorennis, seu viginti quinque annis minor (b), 2) infamis (c), 3) excommunicatus (d), 4) Clericus, et 5) Religiosus, nisi in causis mox (§. præced.) recitatis (e).

D d 4

§. 746.

(u) C. 1. eod. tit. in 6.

(x) C. 2. 3. 8. hoc tit. in 6. et clem. 4. eod. tit. c. 33. de Rescriptis.

(z) C. 3. 4. 14. de Procurat. c. 1. 2. ibid. in 6.

(a) C. ult. de Procurat.

(b) C. 5. 2. §. de Procurat. in 6.

(c) C. 1. caus. 3. q. 7.

(d) C. 7. de Probat.

(e) Clement. 3. de Procurat.

§. 746.

Procurator ad causas universitatis agendas constitutus *Syndicus* audit 1) *perpetuus*, *publicus universalis*, qui ad omnes omnino causas constitutus officium publicum gerit; 2) *temporalis privatusque*, qui ad unam alteramve causam speciali mandato, quod *syndicatum* dicunt, constituitur. 3) Potest vero a probata quavis universitate vel extraneus, vel ex gremio ad causas agendas (etiam ad spirituales *laicus*) immo debet (f) constitui ad causas judiciales, nisi sint tales, quas ecclesiae Prælati vi beneficii aut prælaturæ administrare integrum est. 4) Constituitur autem a Prælato cum consensu majoris partis Capituli: 5) atamen ita constitutus nullum actum majoris momenti, nisi speciali mandato instructus, peragere poterit; cetera cum Procuratoribus aliis fere communia habet. (g) *

*) Discrimina tamen Procuratorem inter et Syndicum hæc proferuntur: 1) quod Procurator *libere*, Syndicus *necessario* constituatur; 2) et ille quidem per solam *nominationem*, hic per *electionem* et suffragia majora Capituli: 3) quod Syndici officium vulgo sit *publicum*, Procuratoris *privatum* etc. 4) quod Syndici officium nec a) morte constituentium expiret; quia communitas nunquam moritur; nec b) *finita instantia* cesset; eoquod generaliter ad omnes lites, adeoque ad appellationem quoque sit constitutus etc. Cf. *Schrad Inst. J. E. P.* 2. tit. 39. §. 23. seq.

**) *Ad-*

(f) C. un. de Syndico.

(g) C. 7. et 9. de Procurat.

***) *Adsessores, Notarii, Tabelliones* etc. sint viri idonei, honesti, probi, officique sui, quod ex cujusvis Dicasterii ordine maxime determinatur, partes curate, fideliterque exequantur.

ARTICULUS III.

De his, quæ fiunt ante Contestationem, seu ingressum litis, de Libello, Citatione, Contumacia, de Exceptionibus, et de ipsa Contestatione litis.

§. 747.

Ante omnia Auctor judici exponere debet facti speciem, fundamentum agendi, suumque desiderium. Imploratio judicis, quæ facti species, fundamentum agendi, petitio Actoris continetur, I. *Libellus* audit, a) scriptus, et sollemnis, si scripto; b) *nuncupativus* et minus sollemnis, si viva voce hæc exponantur; c) *conventionalis*, quem primo Actor, d) *reconventionalis*, quem reus Actorem reconveniens offert. II. *Libellus* sit *brevis, clarus, aptus, certus, contineatque* 1) nomen judicis, Actoris, rei, 2) *causam* petendi, et quidem, si actio est *realis*, seu proxime rem ipsam insequitur, saltem causam *proximam*, id est, dominium sibi competens, si actio sit *personalis*, quæ proxime in personam Actoris obligatam tendit, causam exprimat *remotam*, seu titulum, ex quo nata est obligatio; * 3) *narrationem facti* brevem et perspicuam; 4) *petitum ex facto*, et *caussa* descendens. III. *Declarari libellus* potest quovis judicii tem-

pore usque ad sententiam; IV. *mutari* libellus quoad substantiam ante litis quidem contestationem, non deinceps potest, nisi reus indemnus servetur. (a)

*) In actione *personali*, eoquod res ex pluribus titulis debita esse possit, *caussa etiam remota* exprimenda est, ut sciat reus, num litigare expediat, necne. Atvero in Germania in actione etiam *reali* *causam remotam* esse exprimendam, jurisconsulti monent.

**) Libello ex stylo passim recepto adjici plures solent *clausulae*: e. g. a) *clausula salutaris*, ut vocant, qua *nobile* iudicis *officium* imploratur: b) qua *refusio expensarum* litis petitur: c) res cum *pertinentiis* omnibus exigitur: d) calumniandi suspicio removetur etc. Has tamen plerasque ceu inutiles, aut supervacaneas tuto omitti posse Jurisconsulti asserunt.

§. 748.

Libello oblato sequitur *Citatio*, quæ est denuntiatio jussu vel decreto iudicis facta, ut quis actus in iudicio expediendi *caussa* in foro compareat. I. *Citatio* est vel 1) *realis* vel *verbalis*, prout vel per personæ, vel rerum ejus apprehensionem, quam arrestum vocant, *) vel viva voce tantum aut scripto fit. 2) *Verbalis* vel est *privata* v. g. per nuntium, apparitorem, litteras, vel *publica et edictalis* per præconem, aut edictum publicum facta. 3) *Citatio* erit vel *simplex* vel peremptoria, pro eo, ac ulteriorem dilationem patitur, aut sub pæna contumaciæ et præclusi dilationem non patitur.

(a) L. 23. Digest. de judic. arg. ex c. 15. de iudic. et c. 3. de sentent. et re judic. in 6.

titur. Citatio 4) vel *generalis* est vel *specialis*, tum a) ratione *judicii*, quatenus vel ad *totam* causam, vel ad *specialem* *judicii* actum fit, tum b) ratione *personarum*, quatenus aut *generatim* omnes, quorum interest, aut *determinatæ* solum personæ in jus vocantur: 5) *directa* seu *immediata*, qua *judex* vi suæ *jurisdictionis* quemquam in jus vocat: *mediata* et *subsidiaria*, qua ab alio *judice* reum sibi *sisti* petit. II. Citatio, ut sit legitima, *contineat*, 1) *Nomina* *judicis*, *actoris*, *rei*, 2) *causam* *citationis*, (b) ** 3) *locum* *judicii* *tutum*, et *honestum*, 4) *diem* *termini* *justum*, eumque non *feriatum*. III. Citatio debet *insinuari* 1) *intra* *citantis* *territorium*, 2) *die* *non* *feriato*, 3) *in* *faciem* *rei*, vel *si* *absit*, ad *ædes*. 4) *Edictalis* *citatio* *tunc* *demum* *fieri* *debet*, (c) *siquis* *alia* *ratione* *citari* *nequit*: et *quidem* *in* *locis* *vicinis*, aut *ex* *quibus* *verosimiliter* *ad* *notitiam* *citandi* *pervenire* *possit*. IV. *Effectus* *citationis* est 1) *quod* *citatum* *ad* *comparendum* *obliget*; 2) *quod* *insinuata* *præventionem* *inducat*; 3) *quod* *per* *eam* *lis* *pendere* *incipiat*; *** 4) *quod* *per* *eam* *judicis* *delegati* *jurisdictio* *fiat* *firma*, (§. 738. n. 2) et 5) *interrumpatur* *præscriptio*.

*) Quum

(b) Clem. 2. ut lite pendente c. 2. de dilationib.
Cf. Ordinat. Camer. P. 3. tit. 13.

(c) C. 3. de dolo et contumacia. Clem. un de foro compet.

(d) C. 19. de foro competent. et clement. ut lite pendente.

- *) Quum arresto non quadret definitio citationis eaque in criminalibus, vel adversus suspectos et fugam, vel contra contumaces duntaxat locum habeat, plures putant, illam non tam citationem esse, quam remedium, quo utendum, ne citationis effectum careat. Cf. *Heineccii Elem. Jur. civ. secund. ord. Pandect. P. 1. §. 283.*
- **) In Bavaria laici, a) *litis consortes*, ad iudicium ecclesiasticum expressa citationis causa immediata alii vero b) *litis non participes* e. g. testes, per requisitorias tantum litteras seu compassus, non vocant, expressa citationis causa duntaxat generalis, sunt citandi. Legitime autem citati non solum a iudice laico adesse non prohibeantur, sed etiam ad comparandum compellantur (e).
- ***) Lite pendente, seu durante, nil ab una litigantium parte in alterius praedictum circa rem litigiosam fieri valide potest (f). Unde salva debet esse possessio, nisi forte *sequestratio rei necessaria* aut *voluntaria* fiat, id est, res durante lite aut per iudicis sententiam ex gravi et probata iure causa (g) aut ex libero partium consensu alteri custodienda committatur. Solet autem non rerum solum, sed iurium quoque, immo et personarum, ut earum securitati consulatur sequestratio decerni. C. 14. de sponsal.
- ****) Citationi affinis est *novi operis Nunciatio*, qua quum jus canonicum itidem agat, quædam heic admonuisse non erit inopportunitas. Est autem *Nunciatio novi operis* legitima prohibitio, qui contra pristinam formam opus novum facere conatur, facta, eum in finem, ut non pergat, donec nec vel causa plene cognita, vel satisfactum sit. Po

ro

(e) Elect. rescriptum circulare. 1756. 30. Aug. conformiter concordatis præviis A. 1583. c. 3.

(f) C. 1. et fin. Ne lite pendente.

(g) C. 1. et 3. de sequestrat. possess. c. 14 de sponsal. c. 8. et 13. de Restit. spoliat.

ro 1) Nuntiatio hæc fit vel a) *privatim*, sive olim aversa manu, aut injecto lapillo, quæ *realis* dicitur vel b) *publice* per decretum judicis, qui unus opus novum nuntiandi modus in Bavaria obtinet: 2) fieri debet, antequam opus sit perfectum. 3) Possunt vero novum opus nunciare, quorum ex jure in re interest e. g. Domini, bonæ fidei possessores, Emphyteutæ etc. 4) Sufficit eam nunciationem fieri sive ædificanti, sive, qui ejus nomine adsunt, fabris et opificibus. 5) Facta nunciatione tenetur ædificans ab opere inchoato abstinere, atque, si nihilominus perrexerit, debet novum opus demoliri, antequam a judice audiat. 6) Immo nuncians potest propria auctoritate destruere, quod in suo fundo post nunciationem ædificatum est. Attamen, nisi jus ipsius liquidum sit, cautionem legitimam admittere tenetur. Ceterum a Protestantibus novum opus nunciari non posse, si Princeps in territorio suo protestanticæ Religionis addicto, templum Catholicis ædificare velit, ex alibi (§. 387 et 673. not. 2) dictis liquidum est. Cf. Heineccii *Element. Jur. civ. secund. ord. Pandect. P. VI. L. 59. §. 93. seqq. Beckh. comm. in J. can. L. V. tit. 32. Cod. civ. Bav. P. 4. c. 16. §. 9.*

§. 749.

Qui legitimæ citationi aut aliis justis judicis mandatis præfracte non obedit, *Contumaciam* committere dicitur, *dolosam*, si dolus, *culposam*, si culpa, *veram*, si reapse culpa dolusve intercessit, *præsumtam*, si intercessisse præsumitur. *) Porro I. *contumacia*, quæ demonstratis impedimentis plane purgatur, nil pænæ habet; qui dolum quidem, non tamen culpam justa excusatione removerit, expensas saltem feret. II. *Reus contumax*; 1) *ante litem con-*
testa-

testatam variis modis multatur, et intentatis gravioribus pœnis, censurisque ecclesiasticis (h) comparere compellitur, decreta etiam quandoque inmissione (h) actoris in rei bona. Hæc tamen inmissio in camera imperiali (i) et jure patrio (k) abrogata est, nec, ubi de beneficio obtinendo agitur, (l) locum habet. 2) *Post litem contestatam* in actoris erit arbitrio aut iisdem remediis uti, aut suscepta probatione iudicis expectare sententiam. III. *Actor contumax* 1) *ante litem contestatam* reo petente, nisi refuis expensis, et præstita cautione de lite prosequenda, ad agendum rursus non admittitur; (m) 2) *post litem contestatam* præfixo peremptorio termino reus negativæ probationem potest in se suscipere, quo facto iudex, aut pro hoc ferat sententiam, aut eum, si in ea minus felix fuerit, actore in expensas condemnato (n) instantia absolvat.

*) Si in *contumacem* procedere velit iudex, regulariter facienda est citatio *tribus edictis*, vel *uno peremptorio*, tantum fere temporis, quantum alias ad tria edicta requiritur, continente. (o)

§. 750.

(h) C. 1. et 2. de ep, qui mittitur in possessionem etc. c. 1. ut lite non contestata non procedatur etc.

(i) Recess. Imp. de An. 1654. §. 36.

(k) Cod. Jur. Bav. c. 5. §. 10.

(l) C. un. de eo, qui mittitur in possess. in 6.

(m) C. 1. de dolo et contumac.

(n) C. 3. eod. tit. in 6.

(o) C. 5. de in integr. Restit. c. 6. de dolo et contum. c. 1. de dol. et contum.

§. 750.

Reus conventus, si quas habet, *Exceptiones* allegationes rationum, quibus se adversus actionem motam defendat, eamque vel excludat, et differat proponere potest. I. *Exceptiones* ero 1) *dilatoriae* sunt, quibus solum impugnatur iudicium, quo actio proponitur, atque deo jus actoris non perimitur, sed ad tempus suspenditur; *peremptoriae*, quibus impugnatur is ipsum in iudicium deductum, et ipsa actio perimitur. 2) *Dilatoriae* rursus sunt aut fori *declinatoriae*, quibus iudicium ratione ri (e. g. ratione iudicis incompetentis, inhabilis, suspecti, praeventionis, primae instantiae, causae connexae, non dividendae etc.) aut *dilatoriae simpliciter*, quibus illud ex alia tione (e. g. ratione litigantium, modi processus, libelli, procuratoris etc.) impugnatur. 3) *Peremptoriae* vel sunt a) *litis ingressum impediennes*, vel b) *peremptoriae* stricte dictae, pro eo, ac litis contestationem praediunt, vel non praediunt. *) Porro II. *exceptiones* 1) *dilatoriae*, et *peremptoriae* litis gressum *impediennes* ante litem contestatam, die intra terminum a iudice praefixum, proponendae sunt, et probandae: (p) imo 1) *peremptoriae* etiam stricte sic dictae jure germanico (q) eventuali litis contestationi debent an-

(p) C. 20. de sentent. et re judic. c. 4. de exceptionib.

(q) Per Recess. Imp. A. 1570. §. 89. et Rec. J. A. 1654. §. 37. 40. Item c. 4. de Except.

annecti, alioqui omissæ in progressu jud non admittuntur. Quod quidem quum ad tes decurtandas faciat, in foris etiam ecclesiasticis germanicis servari oportet. **) III. exceptione rei peremptoria simplici nec confessio intentionis actoris recte inferitur, (r) litis contestatio, (s) seu litis susceptæ propositio, de qua paullo post. III. Reus a) *probata exceptione litis ingressum impedi-* actione erit absolvendus: b) *eadem vero continenti non probata* ad litem contestand obligatus manet: poterit nihilominus exceptiones nondum satis probatas litis contestationi annectere. Magno enim litigantium commodo jus germanicum (t) decernit, ut *ris salvis exceptionibus omnibus* litem in primo termino eventualiter contestetur, sub pœna expensarum termini restituendarum, si ad litem contestandam deinceps obstrictus fuerit judicatus.

*) Ad exceptiones peremptorias *litis ingressum impedi-* dentes pertinent exceptiones e. g. *rei judicatae transactionis*, litis per *jusjurandum finita*. ut quibus litem jam sublatam esse demonstratur. (u)

**) Exceptiones tamen *fori declinatorias* seorsim re proponere potest. Item post litis contestationem proponi possunt exceptiones a), post litem contestatam

(r) Regul. Jur. 63. in 6. et c. 6. de Exceptionibus Objectiones solvit Schrodts Inst. J. C. P. II. 448. sqq.

(s) C. 2. de litis contestat. in 6. vid. Schrodts I. §. 134.

(t) Cit. Recess. Imp. de A. 1654. §. 37. 40.

(u) C. 1. et 2. de litis contestat. in 6.

statam natæ, aut cognitæ b), nullitatem insanabilem processui adferentes, (x) c) exceptio loci non tuti. (y) Denum d) exceptio excommunicationis in ipsius odium omni tempore poterit opponi. (z).

§. 751.

Inter exceptiones peremptorias memoranda præcipue *præscriptio*, quæ est modus rem, aut us acquirendi, vel obligationem, aut onus tollendi per possessionem legitimam tempore ægibus definito continuatam. Est porro præscriptio alia 1) *acquisitiva*, qua res vel jus ante non habitum præscribenti acquiritur; alia *privativa* vel *extinctiva*, qua jus alterius perimitur; 2) *immemorialis*, cujus initium hominum viventium memoriam excedit; * 3) *ordinaria*, seu *longi temporis*, quæ possessione triennali in rebus mobilibus, in ceteris decenniali inter præsentem, vicenniali inter absentes possessione completur; 4) *extraordinaria* seu *longissimi temporis*, quæ triginta aut quadraginta, aliquando et centum annorum possessione firmatur. Equidem de præscriptionis speciebus per decursum jam sæpius facta est mentio; at heic generatim de præscriptionis *requisitis*. II. *effectibus*. III. *contrariis* quædam principia subnectimus.

*) Præscriptionis immemorialis probandæ testes jure Bavarico quinquaginta quatuor annos sint nati, qui se per quadraginta annos nec de possessionis initio

(x) C. 4. 12. de except. c. 31. de testib.

(y) C. 47. de Appellat.

(z) C. 1. de exceptionib. in 6. et Clem. un. cod. tit.

34 Sect. III. De iudiciis, delictis, penis ecclesiasticis.

initio quidpiam nosse, neque ab aliis audivisse testentur. (a) Concilium Trident. (b) immemorialem probationem non agnoscit, nisi præservationes non minori saltem quam quinquaginta annorum spatio fuerint cum effectu continuatæ.

Præscriptionis I. *Requisita* fere sunt 1) res apta præscribi, * 2) bona fides, (c) seu conscientia ab injustitiæ peccato illæsa, toto possessionis tempore nullo pratico, quod prudenti ratione sublatum non sit, dubio interrupta; ** (d) 3) *justus titulus* (factum ad acquirendum dominium vulgo sufficiens) vel a) *coloratus*, qui licet defectu occulto laboret; idoneus tamen creditur, vel b) *existimatus*, qui censeatur intervenisse, licet reapse haud intervenierit, vel c) *præsumtus*, quem jura ex longissima possessione intervenisse præsumunt; *** 4) *Possessio* a) vere talis in corporalibus, in reliquis b) *quasi talis*, eaque haud interrupta, nec a) *naturaliter* amissione possessionis, nec b) *civiliter* interpellatione intra vel extrajudiciali, quæ pro interruptione per leges habetur: (c) 5) *tempus legibus* definitum, de quo mox (§ præc. n. 3.) et per decursum sæpius diximus. ****)

*) Sci-

(a) Cod. civ. Bav. P. II. c. 4 §. 9.

(b) Sess. XXV. de Reform. c. 9.

(c) C. ult. Præscriptionib.

(d) Vid. Boeckhn appendic. ad J. Can. Diss. III. Art. I n. 2 — 7. et Art. II. n. 1. — 8.

(e) Cod. civ. Bav. P. 2. c. 4. §. 11. vid. Annot. in h. l.

- *) Scilicet 1) tum res a) *in se*, tum ab hac persona debent posse *præscribi*. Possunt vero 2) *præscribere* omnes, qui jus in certas res acquirere vel ab obligatione liberari queunt. 3) *Præscribi* seu *acquisitiva* *præscriptione* obtineri possunt res omnes, nisi speciatim exceptæ; excipiuntur autem a) quæ sunt *extra commercium*, velut homo liber, res juris divini, res sacræ, sanctæ, religiosæ, quamdiu tales manent, nisi ad communitates ecclesiasticas transeant: rursus *præscribi* nequeunt b) res *vitiosæ*, (f) uti *furtivæ*, vi aut mala fide possessæ. Atque hæc quidem a malæ fidei possessore nunquam, a bonæ fidei possessore autem tempore tantum *extraordinario* *præscribi* queunt. Item c) a *Laiicis*, qui horum jurium capaces non sunt, *acquisitiva* *præscriptione* nunquam obtineri poterunt *jurisdictio ecclesiastica*, *jura spiritualia*: (g) 4) *Extinctiva* *præscriptione* nequit *præscribi* obedientiæ, Reverentiæ, visitationi canonicæ etc. (h) Demum 5) jure canonico a *præscriptione* immunes censentur limites diocesium, parochiarum, si scilicet de iis liquet; secus si incerti sint. C. 4 *seqq. caus.* 16. q. 3. c. 2. *ibi* q. 4.
- **) Jure civili romano *bona fides* initio duntaxat usucapionis erat necessaria, nec secuta mala fides, licet fructuum acquisitionem impediverit, usucapionem interruptit. (i) Id tamen correctum voluit Jus canonicum, quod tam in principio, quam in progressu bonam fidem necessariam esse decrevit. (k)

E e 2

Quæ

-
- (f) C. 17. de judic. c. 29. de Deoimis.
 (g) C. 6 et 7. de Præscript. c. 2. et 6. de Judic.
 Cf. Pl. Boeckhn Diss. de Præscript. P. II. de jurib. Episcop præscribendis.
 (h) C. 4. 11. 12. 16. de Præscript.
 (i) L. 48. §. 1. Dig. de acquir. rer. Domin. L. 44. §. 2. de usucap. L. un. cod. de usucap. transformanda.
 (k) C. ult. de Præscriptionib.

Quæ constitutio, etsi a quodam (l) vehementer impetita, in utroque tamen foro hodie recepta est. Ceterum 1) *bona fides* heic est dictamen conscientiae, quo quis persuasus est, se nihil agere contra justitiam. 2) An in præscriptione extinctiva *scientia alieni juris*, seu debiti, quod ab altero non exigitur, inducat malam fidem, an potius jure alterius per temporis lapsum extincto, debitum ipsum extinguatur: inter Ictos non convenit (m). 3) *Bona fides in dubio* præsumitur, ac proin *mala fides* ab allegante probari (n) debet: 4) *mala fides* præscriptioni jam completæ superveniens eam validam relinquit. 5) *Mala fides compossessoris*, bonæ fidei possessori nil nocet; 5) *bona fides antecessoris* bonæ itidem fidei successoris seu universali, seu particulari prodest, ut tempus antecessoris sui ad complendam præscriptionem computare possit: 7) *mala fides antecessoris* equidem impedit, quo minus sive universalis sive particularis bonæ fidei possessor illius tempus computare sibi queat; non tamen obstat, quo minus præscriptionem tempore consueto complere possit. Licet enim jus Romanum de successore universali qui eadem persona cum antecessore esse *fictione juris* existimatur, aliud statuatur, (o) imo et a particulari successore rem immobilem ab antecessore mala fide possessam nonnisi triginta annis Domine-
nes-

(l) Coccenii in Exercit. curios. disput. 91. et 92. De finibus bonæ fidei in præscript. Jur. can. vid. P. Boeckhn. L. cit. Art. 1. n. 9. qui ejus argumenta refutat.

(m) Vid. Barthel Annot. ad J. C. P. Engel L. II. tit. 26. n. 10. Pl. Boeckhn L. c. Art. 2. n. 9. seqq. Schrodt Inst. J. C. P. II. tit. 26. §. 46. seqq.

(n) Arg. ex c. ult. de Præscript. Reg. Jur. 47. in 6.

(o) §. 12. Inst. de usucapi L. 11. Digest. de divers. temporalib. Præscriptionib.

nesciente præscribi posse decernat: (p) nihilominus et juri certe Bavarico et verosimilius juri etiam Canonico. Quod *fictam malam fidem* bonæ fidei successoris universalis ceu haud *peccaminosam* non adtendit, prior opinio magis consentanea est: *Cod. civ. Bav. P. 2. c. 14. n. 10.*

***) Ceterum 1) ad præscriptionem *ordinariam* sufficit titulus *coloratus*, aut *existimatus*, qui excusabili facti alieni errore nititur: 2) ad *extraordinariam*, ubi ipsum temporis spatium tituli loco est, sufficit *præsumtus*, donec titulus vitiosus probetur: nisi præscribere volenti jus commune, aut præsumptio adversetur, (q) quo in casu titulus erit probandus. 3) Ad præscriptionem *immemorialem* nullo opus est titulo, quin allegare quemdam sæpe consultum quidem erit.

****) Tempus præscriptionis uti supra (§. 751.) dictum 1) ratione *mobiliū* est *triennium*, 2) ratione *immobiliū* a) inter præsentēs est *decennium*, b) inter absentes *vicennium*; contra *ecclesias* anni *quadraginta* (r) et contra *ecclesiam romanam* anni *centum* requiruntur. (s) Quod tempus aliqui ad mobilia etiam *ecclesiarum* præscribenda requirunt; eoquod Jus canonicum generatim non nisi tanti temporis præscriptionem adversus *ecclesiam* admittat, imo id de rebus etiam *mobilibus* expresse jus civile (t) statuatur. 4) Ad res *incorporales* præscribendas Jure Bavarico absque titulo *triginta*, cum titulo *decem* inter præsentēs, *vinginti* inter absentes anni requiruntur. *Cod. civ. Bav. P. 2. c. 4. §. 8. Cf. Pl. Bäckhn Diss. VI. Præscript. de tempore Præscript.*

E e 3

S. 753.

(p) Novell. 119. c. 7.

(q) C. 1. de Præscript. in 6.

(r) C. 4. 6. 8. de Præscript.

(s) C. 13. de Præscript. Novel. 131. c. 6.

(t) L. 23. Cod. de SS. Ecclesia.

§. 753.

Præscriptionis II. effectus præcipuus est, quod præscribentem pro foro utroque in dominio rei præscriptæ securum reddat; quam vim 1) ob bonum publicum (acuendam dominorum diligentiam, dominiorum certitudinem etc.) eidem potestas publica virtute alti domini potuit; et, ut satis declarat, etiam voluit tribuere; 2) neque vero hunc finem, nisi pro foro utroque præscriptio valeret, efficaciter obtentura erat. *) *Effectus* singulares *præscriptionis immemorialis* sunt, quod 1) vim præsumti privilegii habeat, atque 2) ad eas quoque res se extendat, quæ nulla alia præscriptione, aut nonnisi speciali privilegio, et urgentissimis ex causis adquiri alioqui queunt; 3) quod præscriptione generatim exclusa immemorialis haud exclusa censeatur.

*) Unde per perscriptionem obtenta ceu publica justaque potestate in se translata qui retinet, jure facit. Id enim, quod Novella IX. præscriptio *impium præsidium* dici videatur, nonnisi de præscriptione leg timis requisitis destituta, intelligi posse novellam illam perlegenti dubium esse nequit.

§. 754.

Præscriptionis III. contraria sunt, quæ 1) vel initio eam *impediunt*, ubi scilicet requisita (§. 572.) ad eam necessaria deficiunt, vel 2) *ad tempus suspendunt*, uti e. g. tempus belli, (u) pestis etc. * 3) *cœptam interrumpunt* e. g. superveniens mala fides, possessionis amissio, vel 4) *completam rescindunt*, uti in
singul-

singularibus casibus restitutio in integrum; quæ tamen vulgo, nec ex titulo ignorantiae, nec jure Bavarico intuitu minorum, neque in præscriptione longissimi temporis, id est, quadraginta annorum intuitu ecclesiarum (x) et vix unquam in immemoriali locum habet:

- *) Præscriptio itidem suspenditur 1) contra minores minorennitatis tempore, 2) contra ecclesias tempore, aut quo Rectoribus viduatæ sunt, aut, ut plures statuunt, quo Prælati excommunicatus, vel suspensus est, vel idem qui ecclesiæ damna intulit, vivit. C. 4. et 15. de Præscript. vid. Pl. Beckhn Diss. VII. De iis, quæ impediunt præscriptionem.

§. 755.

Reus exceptionibus litis ingressum impediens destitutus, dum intentioni actoris declaratæ contradicens animum litigandi prodit, *litem contestari* dicitur. Est itaque *litis contestatio* responsio rei ad petitionem actoris, animo cum actore litigandi facta, eaque vel 1) *vera*, si vere fiat a reo, vel *ficta*, quando ob contumaciam rei lis pro contestata habetur; 2) *generalis*, si reus narratis ab actore generatim contradicit, *specialis*, si quidem ad singula capita singillatim respondet; 3) *pura*, vel *eventualis*, prout vel simpliciter, vel adjecta conditione fit.

E e 4

*) Spe-

(x) Arg. ex c. 4. 8. eod. tit. et c. 6. 2. *Causa*. 16. q. 4.

- *) Specialem equidem jus Germanicum (y) non item canonicum (z) requirit.

§. 756.

Litis contestatio ut sit legitima I. *requiritur* 1) ut animus litigandi per verba non ambigua nec obscura significetur; 2) fiat coram iudice competente; 3) vel a reo ipso, vel ejus nomine a procuratore etc. II. ea non est *necessaria* 1) in caussis adpellationis, si in prima instantia jam facta sit; 2) in caussis notoriis; 3) in caussis, ubi iudex *ex officio nobili* procedit. III. *Effectus* litis contestatæ præcipui sunt 1) *ex parte judicis* a) ut proroget jurisdictionem iudicis, modo non plane ad iudicandam causam incapacis: (§. 738.) b) ut, quum per litis contestationem partes in causam ab hoc iudice decidendam consenserint, post eam recusatio iudicis, (§. 736. n. 2) nisi ex nova causa locum non habeat: (a) *Ex parte actoris* a) ut mutationem libelli impediatur, (§. 747.) b) ut actio redatur perpetua et in hæredes transeat: 3) *Ex parte Rei*, a) ut regulariter occludat viam exceptionibus dilatoriis, et fori declinatoriis, (§. 750.) b) possessionem bonæ fidei interrumpat (§. 752. 4) *Ex parte utriusque litigantis*, ut litigantes ad proseguendam hanc instantiam, et comparandum in iudicio obliget. etc.

*) *Litis*

(y) Recess. J. N. de 1654. §. 37. Cf. Hahn Diss. de Necessitate et utilitate litis contestationis specialis ejusque prærogativis. Mogun. 1747.

(z) C. 6. de juram. calum.

(a) L. 16. Cod. de judic.

- *) Litis contestatio ita necessaria habetur, ut antequam *eventualis* saltem fiat, 1) nec testis recipi, nec 2) alia probatio admitti queat, (b) nisi aut a) natura causæ, e. g. ob pericula animarum in causis matrimonialibus, aut provisionis Prælaturæ etc. aut b) periculum amittendæ probationis aliud exigat, quo casu examini testium *ad perpetuam rei memoriam* (c) locus erit. 3) Attamen ejusmodi examen testium extraordinarium actori difficilius longe, quam Reo conceditur. Cf. *Schrodt Inst. Jur. Can. P. II. tit. 6. §. 143. seqq.*

ARTICULUS IV.

De his, quæ post litis contestationem fiunt, de Probationibus per Confessionem, instrumenta Testes, Juramenta, de Dilationibus etc.

§. 757.

Lite contestata descenditur ad probationem. Probatio autem est actus, quo iudici per argumenta idonea de re aut facto dubio vel controverso fit fides. *Substantialia probationis* sunt, quæ ex natura, et ex essentia probationis intelliguntur, *solemnia* ejus sunt, quæ a lege addita sunt ad efficiendam probationem exactiorem. Est igitur probatio 1) alia a) *ordinaria* et *solemnis*, in qua tam substantialia, quam Solemnia servantur: alia b) *summaria*, in qua substantialia servare sufficit. * 2) Probatio est vel c) *plena*, quæ fit per ea argumenta, quæ secundum

E e 5

cundum

(b) C. 5. ut lite non contestata.

(c) Vid. Diss. 'de examine testium ad perpetuam rei memoriam. Heidelb. 1776.

cundum leges ad facti veritatem evincendam sufficiunt: sin! erit b) *non plena*. Hæc que rursus vel *semplena*, vel *major*, vel *minor*, quam *semplena* esse poterit. (a) **)

*) Probatio *ordinaria* in iudicio ordinario exigitur, *summaria* admittitur tum in iudicio *summario*, tum in caussis in ordinario iudicio *incidentibus*, quæ caussæ principali præjudicium non inferunt.

**) Ita e. g. Probationem a) *semplena majorem*, si priori accedat testis alter, sed non omni exceptione major: c) *semplena minorem unus testis* vel plures etiam haud omni exceptione majores efficere censentur. Cf. Stryck Diss. de *semplena probat. exist.*

§. 758.

De Probationibus hæc tenenda axiomata:

I. Probatio ceu actus judicialis nonnisi in iudicio fieri potest:

II. Probandum autem est factum *dubium* et controversum, et

III. Quivis quidem factum, cui suam intentionem superstruit, probare tenetur:

IV. Finis probationis est, ut fides fiat iudici.

Ex I. consequitur, quod probatio fieri debeat 1) *lite contestata*, et *ante sententiam*, nisi a) forte probationi *ad perpetuam rei memoriam* (§. 756. not.) locus sit, et b) in criminalibus, ubi probatio innocentiae etiam post sententiam admittenda: 2) *coram iudice caussæ*: 3) *intra tempus*, quod lex, aut iudex pro qualitate caussæ locorumque distantia statuerit: idque sub pœna *desertionis* aut *præclusi* nisi *dilationis*

(a) C. 2. de probat.

lationis prorogatio fuerit impetrata. *) II. quum *factum dubium* sit probandum, intelligimus, non probanda esse 1) quæ sunt juris communis, quæ alioqui judici nota esse censentur: nec 2) quæ juris *præsumptione* sunt munita: (b) nec 3) notoria: nec 4) ab adversario admissa. At probanda sunt 1) ab adversario *negata*, modo litis decisioni directe, vel indirecte inserviant: item 2) jura partium, et 2) consuetudines (c) quarum vigor in facto constitit. (§. 153. n.) Inde consequitur III. quod onus probandi ei incumbat, qui allegat factum, ex quo jus sibi competere *intendit*: nisi pro eo *præsumtio* juris militet, vel possessio. (d) Quare 1) *actor* actionis et replicationis, reus autem exceptionis, et duplicationis fundamentum probare debet. (e) 2) Idem etiam obtinet, sive *fundamentum* agendi, et excipiendi in facto *affirmativo*, sive *negativo* consistat. Atque adeo et propositio negativa probanda est, nisi pro ea *præsumtio* juris pugnet. (f) 3) *Neganti* vero factum ab altero allegatum per se probatio haud incumbit, nisi in negatione virtualiter novi facti assertio contineatur, quod ad exceptiones pertineat.

(b) C. 2. de restit. spol. in 6. et c. un. ut Eccl. Benef. sine diminut. confer.

(c) L. 1. Cod. de probat.

(d) L. 11. Dig. de probat. c. 2. de Restit. spoliat. in 6.

(e) C. 1. 2. 3. Caus. 6. q. 5. c. 3. de probat.

(f) C. 14. de fide instrum.

tineat. (g) **) Quæ etiam Ratio est, cur Reus exceptionem suam, et negans etiam negata probare plerumque debet. Tandem IV. ex *sine probationis* intelligitur, 1) quod probatio quævis debeat directe, vel indirecte pertinere ad merita causæ: 2) quod clara, et quantum causæ ratio sinit, perspicua certaque esse debeat; 3) quod actore plene probante reus condemnari: eo non probante reus debeat absolvi: 4) quod probatio semiplena major per juramentum suppletorium, aut etiam semiplenam adjunctam compleri, semiplena minor per juramentum purgatorium elidi possit.

*) Nempe actori et reo certa temporis intervalla, intra quæ ad actum judiciale se commode disponere possunt, indulgeri solent; quæ 1) quidem generatim *dilationes* dicuntur. 2) Dies autem ad actum judiciale peragendum destinati *termini* vocari solent. Alii 3) *Dilationum* nomine intelligunt termini prolongationes, seu induciarum illarum, quæ litigantibus ad certum actum in judicio peragendum dantur, prorogationes. Porro sensu priori, quo heic utimur, 4) *Dilationes* sunt vel a) *conventuales*, quæ a partibus sibi invicem conceduntur, vel b) *Legales* quæ ab ipsa lege, vel c) *judiciales*, quæ a judice constituuntur. Quum 5) jure canonico certæ dilationes definitæ non sint, eæ judicis arbitrio determinandæ relinquuntur. 6) Est autem *Dilatio* judicialis, quæ congruum pro rerum adjunctis tempus continere debet; (h) vel a) *peremptoria*, qua neglecta præjudicium

(g) C. 11. de probat. et c. 5. de renunciat.

(h) C. 1. seqq. de Dilat. e. 24. de offic. judic. de leg. c. 5. de appellat.

judicium intuitu actus in judicio expediendū decerni potest, vel b) *non peremptoria*, si tale præjudicium decerni nequeat. (i). Ceterum 7) non prima, aut secunda, sed tertia demum dilatio, aut una pro omnibus tribus data, quemadmodum de citatione diximus (§. 748.) peremptoria esse solet. (k) In Bavaria vero, ubi dilatio ad excipiendum, replicandum, et duplicandum regulariter unius mensis, seu triginta dierum a die insinuationis numerandorum spatio concludi consuevit, dilatio quævis peremptoria est, (l) nisi dilationis, prorogatio seu termini prolongatio petatur. 8) Prolongationem hanc judex quidem concedere, imò urgente justa causa ne petenti quidem negare potest. (m) Ea tamen 9) siquidem secunda, tertiave etiam vice petatur, nisi ob impedimentum manifestum, aut nisi præstito, si judici videatur, calumniæ juramento præsertim vi juris germanici, bavaricique (n) concedenda haud erit.

***) Ex heic dictis sensus triti illius axiomatis: *Actori, non reo, affirmanti non neganti incumbit probatio*: rite est determinandus. Addendum et illud: *Reus excipiendo fit actor*. Cetera Cf. §. 749. item Schrodts Instit. Jur. Eccl. P. 2. tit. 19. §. 326. seqq.

§. 759.

Probationum variæ sunt species: I. Rei *evinctia* aut *notorium*, idque vel a) *Notorium cti*, quod ita hominum sensibus patet, ut illa tergiversatione celari queat, vel b) *notorium juris*, quod ex certo jure vel in judicio

(i) C. 3. et 4. de dolo et contumac.

(k) L. 6. 8. seq. dig. de judiciis.

(l) Cod. Bav. Jud. Bav. c. 6. §. 16. et c. 9. §. 11.

(m) L. 36. dig. de jud. L. 4. cod. de dilat.

(n) Recess. Imp. A. 1654. §. 50. et Cod. Jud. Bav. c. 16. §. 16.

§ 761.

V. *Confessio* (asseveratio ejus, quod adversarius intendit, aut facti proprii ab alio nobis imputati affirmatio) alia est 1) *vera*, quæ reapse, conceptis verbis, vel signis æquivalentibus fit, alia *ficta*, quæ a jure fingitur intervenisse, dum factum e. g. fuga, contumacia etc. pro confessione habetur: 2) *judicialis* in judicio, *extrajudicialis* extra hoc facta, 3) *discreta*, in quo obligatio et causa obligationis specifica, *indiscreta*, in quo illa solum, non ista exprimitur; 4) *simplex*, quæ pure *qualificata*, quæ fit adjecta conditione, restrictione. De confessione hæc notanda axiomata: I. ut *Confessio* ad evincendam facti veritatem idonea sit, certis *requisitis* vestita sit oportet: atque, si sit II. *judicialis*, habet vim plenissimæ probationis: si III. *extrajudicialis*, vim probandi pro varietate causarum variam obtinet: IV. *Confessio* regulariter *nocet* soli confitenti Porro I. *Requisita* legitimæ confessionis sunt, ut sit 1) libera, sponte, et scienter facta, (u) 2) clara, certaue, 3) seria, non erronea: error tamen statim quidem, seu in continente, ut ajunt, etiam absque probatione: adjecta vero probatione semper revocari utiliter potest; (x) 5) *judicialis* debet *coram* *judice* competente, et præsentem adversario, vel ejus procuratore saltem de jure civili (y) fieri. Quum

II.

(u) C. 16. de offic. et potest. jud. deleg.

(x) C. 7. de Testib. cogend. c. 3. de confessio.

(y) L. 6. §. 3. dig. de confess.

II. Confessio judicialis simplex *) *vim plenæ probationis* habeat: 1) actorem ab onere probandi liberat; immo 2) vim sententiæ, et rei judicatæ in civilibus obtinet ita ut sententia proprie dicta porro ferrenda haud sit, sed solum declaratio (z) super confessione facta accedere debeat: 3) notorium juris inducit, 4) appellationem etiam excludit. (a) Impugnari tamen potest, vel probato errore, vel restitutione in integrum adversus confessionem nocivam impetrata. (b) **) **III. Confessio extrajudicialis**, 1) si sit legitima, seria, deliberata, præsertim si fuerit diversis locis, et temporibus, aut coram adversario facta, et per duos testes probetur, in caussa civili plenæ probationis vim habet: 2) in *criminalibus*, ubi probationes luce meridiana clariore requiruntur, plerumque solum semiplenæ probat. ***) Attamen **IV. Confessio per se nocet soli confitenti** non tertio: quare 1) confessio adulteræ nec plane convincit adulterum designatum: c) neo gravat liberos, quos illa illegitimos asserit; alliganti enim propriam turpitudinem in præjudicium tertii non creditur: (d) neo 2) confessio unius nocet ceteris litis consortibus, præsertim si caussa sit dividua. At vero 3) procuratoris

(z) C. 10. de Transact.

(a) C. 7. de cohabit. Cleric. et mul. c. 2. de confess. c. 5. de appell. in 6.

(b) C. 3. de confess. et c. 2. de Restit. in integr. in 6.

(c) C. 5. de adulterio.

(d) L. fin. ff. de Probat. et præsumt.

curatoris specialis aut mandato *cum libera* muniti, item tutoris, et Prælati confessio nocet etiam mandanti, pupillo, ecclesiæ, si illi *necessitate officii*, et in iudicio, non vero, si *sponte* aut extra officium et iudicium respondeant (§. 745). Hac tamen in re ecclesia beneficio restitutionis in integrum juvatur. (§. 729.)

*) Confessio *qualificata* vulgo nequit *dividi*, seu partim recipi, partim onere probandi in confitentem translato rejici. Sic, qui e. g. sponsalia, pecuniam etc. sed adjecta conditione se promississe fatetur, non potest simpliciter ad solvendum obligari, nisi actor, qui debet plene probare, aut conditionem adimpletam, aut obligationem fuisse puram demonstraverit. Aliud est 1) si fortis contra qualitatem adjectam militet præsumptio: e. g. verba contumeliosa protuli, sed non injuriandi animo, occidi; sed necessariæ defensionis ergo: item 2) si confitens alleget factum dictinctum e. g. si fateatur mutuum, sed simul solvisse affirmet, ubi primum admittitur, alterum probari debet. Vid. *Barthel Annot. ad J. C. P. Engel L. II. tit. 18. pag. 174.*

**) Porro 1) ad eliciendam partis adversæ confessionem introductus est usus *positionum seu articulorum*, id est, propositionum, in quas factum litigiosum dissolvitur, quasque pars altera veras esse asserit, alterique parti ad respondendum proponit. Porro 2) iisdem, actor non minus, quam reus (e), ad faciliorem reddendam actionis et exceptionis probationem uti potest; 3) Ut vero in dandis positionibus, et in responsione ad easdem fraudibus et calumniæ via præcludatur, adhiberi solet
jura-

(e) C. 2. de confessis in 6. et clement. un. de verb. sign.

juramentum dandorum, et respondendorum, quo alter se nihil per calumniam posuisse, alter se nil per eandem responsurum jurat (f). 4) Ad positiones, modo obscuræ, captiosæ, aut a re præsentī alienæ haud sint, respondere a giudice jussus qui recusat, pro confesso habetur (g). 5) Per Recessum Imp. abrogati quidem sunt articuli et positiones olim occasione Libelli fieri soliti (h): ii contra, qui in vim probationis adhiberi solent, ibidem (i) confirmati potius inveniuntur.

***) In criminalibus confessio etiam a) *judicialis* ad condemnationem rei una semper haud sufficit, sed insuper de corpore delicti, siquid post se vestigii reliquit, constet, necesse est: b) *extrajudicialis* sæpius repetita ad levio-rem pœnam infligendam sufficere a quibusdam creditur. Cf. Barthell. cit.

§. 762.

VI. *Attestatio*, seu probatio per testes. *Testium* nomine veniunt generatim personæ ad facti veritatem suo testimonio evincendam idoneæ; heic autem intelliguntur personæ fide dignæ ad iudicium evocatæ, et auditæ, ut in caussa controversa testimonium ferant. De testibus notandæ hæ regulæ: I. Testes debent esse *fide digni*: II. ad tēstimonium dicendum legitime *evocentur*: III. rite *examinentur*: IV. eorum testimonia *publicentur*: V. fides et auctoritas testium a numero, conditione, adjunctis per judicem recte æstimetur. Igitur 1)

F f 2

habi-

(f) C. 2. de confess. in 6. c. 2. de Testib. in 6. c. 3. de juram. calum. in 6.

(g) C. 2. de testib. in 6. et c. 2. de confess. in 6.

(h) Recess. Imp. de A. 1654. §. 34. 37. et Ord. Camer. P. III. tit. 15.

(i) Recess. eod. §. 41. Pütter in Rpitom. §. 161.

habilitas et dotes, 2) *productio*: 3) *examen* testium: 4) *publicatio* testimoniorum, et 5) *auctoritas* eorum expendenda. *Testium* I. *Habilitas*: habiles generatim censentur, qui veritatem dicere, et *possunt*, et *velle* praesumuntur; seu qui nec scientiae defectu laborant, nec de falso dicendo quodammodo suspecti sunt; nec, dum ferunt testimonium, reverentiam, officiumve laedere videntur: nec per leges aut Canones a testimonio ferendo arcentur: quocirca quidam vel 1) *absolute*, vel 2) *respectu* certarum personarum aut caussarum censentur inhabiles. *) II. *Productio* testium: 1) regulariter nemo se ultro, ni suspectus esse velit, (k) testimonio dicendo, ingerat. 2) Producendi autem sunt testes a partibus, harumque sumtibus; (l) 3) Producturus testes a) articulos probatoriales judici exhibeat, adnexa testium denominatione, et directorio seu designatione articulorum, super quibus singuli sint interrogandi: b) petatque, ut testes citentur, et quisque ad certos articulos rogetur. Quo facto 4) iudex praestituto productionis termino testes vel immediata, vel subsidiaria (§. 748.) citatione vocat, simulque productum, seu eum contra quem producti sunt testes, communicatis articulis probatorialibus citat ad *videndum recipi, et jurare testes* (m); et ad *dandum interrogatoria*. Porro 5) testis legitime vocatus

(k) C. 2. de Testib. et Attestat.

(l) C. 11. §. 8 de Rescript. in 6.

(m) C. 2. de Testib. et Attest.

tus a testimonio dicendo se, nisi arctiori secreti, aut necessitudinis naturalis, obligatione excusetur, subtrahere nequit. Immo testimonium dare jussus qui recusat, variis ad id dicendum modis cogi, atque censuris etiam compelli a iudice competente potest: nec obstat, quod quis se testimonium haud dicturum esse juraverit (n). 6) Productus, adversus quem testes producti sunt, a) contra testes, aut articulos excipit, vel b) dubias exceptiones post testium productionem sibi reservat: simulque c) exhibet interrogatoria tam generalia, quam specialia ad causam, personasque testium spectantia; quæ tamen si injuriosa, si ad rem haud pertinentia, si captiosa fuerint, a iudice rejiciuntur. Subin 7) testes plerumque præsentem partem adversam recipiendi, et iurisjurandi religionem ad dicendum verum obstringendi sunt, nec excipiuntur etiam Clerici; aut religiosi, nisi partes litigantes in causa privati arbitrii, aut consuetudo **) id eis remiserint (o). Sequitur III. *Examen testium*: 1) testes *in judicio*, nisi sint personæ impeditæ (e. g. ægroti, senes, etc.) aut privilegiatæ (p), 2) seorsim, et *secreto* remotis partibus interrogati ad articulos, tum a partibus oblatos, tum a iudice ex officio additos singillatim respondeant; 3) responsa in scripturam fideliter redacta respondentem iterato prælegantur; 4)

Ff 3

con-

(n) C. 18. 33. seq. de Test. c. 5. 6. 9. de Testib. cogend.

(o) C. 17. 29. 39. de Test.

confectus inde *rotulus* (instrumentum publicum, in quo testium depositiones singulis articulis et interrogatoriis subjectæ exhibentur) ad petitionem ejus, qui testes producit, partibus præsentibus *publicatur*. Atque hæc est IV. rotuli seu attestationum *publicatio*, qua facta quidem i. mutua impugnatio, defensioque attestationum, an sufficienter probent, locum habet (q): attamen deinceps nec iidem, nec alii testes communiter, super articulis iisdem; aut his directe contrariis admittuntur; nisi specialis ratio, aut qualitas causæ, e. g. matrimonialis, aut criminis (r) id exigat: 3) attestationes *publicatæ* in alia instantia fidem faciunt (s); nisi sint coram iudice incompetente receptæ: neque 4) porro exceptiones contra personas testium admittuntur; nisi quis jus excipiendi sibi reservarit, aut excipiendi causam post ea primum cognoverit simulque se malitiose non excipere juret. (t) V. *Auctoritas et fides testium* ex numero, conditione testium, aliisque adjunctis dijudicanda. Porro 1) *duo testes* consentientes omni exceptione majores nisi ubi jus expresse plures requirit, ***) *plene* probant: 2) *unus* ad plenam probationem non sufficit, nisi aut Princeps aut persona publica de actibus vi officii gestis

(p) C. 8. de Testib. et Attest.

(q) C. 15. eod. tit.

(r) C. 26. eod. tit.

(s) C. 11. eod. tit. et cap. fin. de probat.

(t) C. 31. 36. de Testib. et Attest.

gestis testetur; aut de peccato impediendo agatur (u): 3) testes *singulares*, seu de diversis facti adjunctis testimonium ferentes, ceteris paribus. (x) si a) sibi in testimonio adlato plane adversentur, sese mutuo elidunt, nihilque probant: si b) sibi adminiculo sunt v. g. si deponant de pluribus actibus ad idem factum successivum vel continuum pertinentibus) in civilibus plerumque *plene* probant; si c) de eodem facto specifico (e. g. unus, quod viderit Titium mutuum dantem, alter, quod id ab aliis audierit) plus quam semiplene probant. 4) Testis *vacillans* seu sibi *contradicens* in iudicio, nisi in continenti errorem revocet, aut posthæc se errasse argumentis doceat, nil probat; si alia extra iudicium, alia in iudicio loquatur, his potius habenda fides. 5) *Variantis* testimonium non illico enervatur, sed an fraus nulla subsit, videndum etc. (y)

- *) Quare *inhabiles* aut certe non omni exceptione majores censentur I. *absolute* 1) rationis impotes, aut rei, de qua agitur, cognitione destituti, 2) perjurii aut falsi convicti, 3) pretio corrupti, aut facile corrumpendi, ut sæpe pauperes, vilesque personæ; 4) infames, hæretici, excommuni-

F f 4

cati.

(u) C. 4. 22. et 28. de Testib. et Attest. c. 6. de Renunt.

(x) De concursu, et collisione testium vide Cod. Bavar. Judic. c. 19. §. 20.

(y) C. 23. de testib. c. 23. et 32. de elect. c. 9. de Probat. Hammer diss. de probatione gener. et in specie per testes. Bamberg. 1741.

cati. (z) etc. II. Removentur a testimonio intuitu *certarum personarum* e. g. 1) Judæi pro Judæo contra Christianum, 2) inimici contra inimicum, 3) sanguinis, subjectionis, et simili nexum cum iis, pro quibus vel contra quos testentur, juncti, nisi in casibus jure exceptis; (§. 658.) et iis, in quibus veritas aliter haberi nequit. Reji-
ciuntur vulgo 4) laici contra Clericos in causis criminis, nisi in delictis notoriis, scandalosis, et ubi haberi testes Clerici nequeunt (z) III. Intuitu *certarum causarum* 1) Clerici in causa sanguinis contra reum, 2) in causa propria, 3) in causis universitatis, beneficii, aliisque, ex quibus speciale in testem commodum, vel incommodum redundat. (a)

***) Ita 1) Religiosi ordinum, et monasteriorum, quæ in Bavaria statibus provincialibus adnumerantur, ad iurjurandam adstringendi haud sunt, sed fidem sacerdotalem vel religiosam ab iis interponi sufficit. (b) Item 2) in iudicio summarissimo multa ex hucusque dictis omitti, aut arctius constringi solent. (c)

***) Plures testes expresse requiruntur 1) in purificatione canonica; (d) 2) in causa de impotentia conjugum ad dissolvendum matrimonium; (e) 3) in condemnatione personarum ecclesiasticarum et quidem contra episcopum 72. contra Cardinalem Presbyterum 44. contra Cardinalem Diaconum 27. contra Subdiaconum, aut contra alium Clericum

7.

(z) C. 1. q. 47. 54. de testib. et c. 10. de Præsumt. c. 1. de hæret. c. 8. de sent. excomm. in 6.

(z) C. 21. §. 22. 24. 14. de testib. et attest.

(a) C. 12. 20 eod. tit. C. 3. §. 2. Causs. 4. q. 2.

(b) Vi Resolut. Elector. ex Intimo A. 1765. 29. Mart.

(c) Vid. Cod. Bav. Judicial. c. 10. §. 3.

(d) C. 10. 12. de purg. can.

(e) C. 5. 7. de frigid. et malefic.

7. testes requiruntur. (f) Hoc tamen usu receptum haud est.

§. 763.

VII. *Instrūmentorum fides. Instrumenta* heic sunt scripturæ ad fidem de veritate facti iudici faciendam idoneæ: 1) vel a) *privata*, quæ a personis privatis scripta sunt; vel b) *publica*, quæ a persona publica qua tali sunt confecta: his æquivalent *authentica*, id est, *sigillo publico* munita, aut *ex archivo publico* depromta, aut subscriptione trium testium ad huc superstitum et manus suas agnoscentium firmata, aut quæ ex consuetudine fidem publicam faciunt (g). Instrumenta rursus sunt 2) vel a) *originalia*, seu scriptura primigenia, aut primitus condita; vel b) *transsumta*, seu exempla inde desumta (*copiæ*, quæ si a persona publica cum originali sint collatæ, a *vidimus vidimatæ* dicuntur). Heic notanda I. instrumentorum vis et *auctoritas*: 1) *publica*, et *authentica* in originali, ut ajunt, producta, aut adhibitis solennitatibus *) *vidimata*, plenam fidem faciunt (h): 2) *privata* a) pro scribente, nisi alia adminicula accedant, nihil probant; sed b) contra ipsum, modo ab eo agnita, vel aliunde ejus esse constet, pene probant. 3) Scripturam suam neganti *difessionis*, quo eam non esse suam juret, juramen-

Ff 5

tum

(f) C. 2. et 3. Causs. 2. q. 4.

(g) C. 2. 9. de fide inst. c. 13. de Præscript.

(h) C. 2. de fid. instr. C. 13. de Præscript. C. 11. de Præsumpt.

458 Sect. III. De judiciis, delictis, penis ecclesiasticis.

tum injungitur: **) II. *Productio instrumentorum*: 1) Jure germanico (i) instrumenta cum libello possunt judici offerri: 1) id tamen post litem contestatam fieri consuevit: 2) jure autem canonico (k) id usque ad conclusionem in causa licebit. Et 3) primum quidem vulgo exempla transumpta (copiæ) probationibus adjici solent, post etiam ipsa originalia præsentare adversario, intra terminum a judice præfixum, aut saltem ante conclusionem in causa in judicio sunt producenda: 4) post hæc instrumenta dissentiente adversario produci nequeunt: nisi a) in causis matrimonialibus, aut b) criminalibus, ut in quibus sententia in rem judicatam non transit; aut c) ubi instrumenta noviter reperta esse juramento calumniæ quis probavit. Ceterum 5) ne occasione exhibiti instrumenti plures suscitantur lites, instrumentum parti adversæ duntaxat quoad articulum, qui ad præsentem litem pertinet, judici autem integrum debet exhiberi. 6) Producta autem instrumenta adversarius recognoscere, vel diffieri debet; aut falsâ probare (l). Siquis ipse instrumenta non possideat. III. *Editio instrumentorum* requirenda ab iis, qui illa tenent. Porro 1) Actor reo, et hic illi edere debet instrumenta a) communia, b) petentis propria, item c) ea, sine quibus veritas haberi nequit. 2) Actor Rei

(i) Recess. Imp. Nov. §. 35. et 45.

(k) C. 9. de fide instrum.

(l) C. 4. de Except. c. 8. de Elect. in 6. c. 5 de fid. instrum.

Reo instrumenta omnia, quibus ad probandam defensionem et exceptionem: *Reus* vero Actori nonnisi ea, quibus ad probandam replicationem fuerit opus, (m) edere compellitur. 3) *Tertius* etiam, modo inde nil damni censurus ad edendum instrumentum, uti ad testimonium ferendum, siquidem exigens id ad causam suam tuendam necessarium fore ostenderit, jure quidem Romano, non itidem Barbarico (n) cogi posse videtur. Editionem recusans juramento *manifestationis* quo se nec possidere instrumentum: nec dolo possidere lesiisse juret, justam occultationis suspicionem surgare cogitur. IV. *Impugnatio instrumentorum* fit 1) ostenso vitio suppositionis, rasuræ in loco suspecto, non congrui sigilli etc. 2) per instrumentum reapse contrarium, quod sit æqualis, vel majoris auctoritatis: 3) per testes seu *inscriptos*, qui suas manus adpositas legant; seu *extraneos*, qui de instrumenti falsitate testantur; quorum in conflictu ex eorum numero, auctoritate, rerum adjunctis judicandum (o).

*) *Diplomata*, seu instrumenta 1) a *forma*, *objecto*, *modo*, et *tempore*, quæ confecta sunt, variis distinguuntur nominibus: a) a *forma* dicuntur *tabulæ*, *codicilli*, *chartæ*: b) ab *objecto* acta, quæ de factis, *documenta* stricte dicta, quæ de juribus, obligationibusque testantur: c) a *modo* et *tempore* *auto-*

(m) C. 12. de fid. instrum. L. 2. 5. et 7. Cod. de fid. instrum.

(n) C. 1. de probat. L. 22. Cod. de fid. instrum. Cod. Bav. civil. c. 11. §. 6 n. 3.

(o) C. 3. 6. 11. 13. de fid. instrum. c. 1. de Probat.

autographa, apographa, singularia etc. 2) Notae etc. da in instrumentis a) *scriptum*, b) *signa*, c) *firmatula*, d) *sigilla* etc. (p) 3) De solennitatibus inquisitis sive ad exaranda publica instrumenta, sive ad vidimanda, ut plenam fidem faciant. Vid. *Cod. Jud. Bav. c. 11. §. 2. et 4.*

**) In casu diffessionis 1) comparatio litterarum sigillorumque concurrentibus aliis adminiculis maximum semiplene probat. 1) Publica documenta nemo; et instrumenta privata ille, qui jam se illa esse sua confessus est, diffiteri nequit. 3) Siquis instrumentum sibi praesto fuisse, autem casu deperditum asserat, dum quidem id per testes eidem inscriptos demonstrat, plenam faciet fidem, non item si per extraneos id ostendere. 4) Ceterum uti examen testium, productio instrumentorum ad perpetuam rememoriam locum habet. (§. 756.)

§. 764.

VIII. *Jusjurandum*, per quod nunc fit, nunc completur, nunc diluitur probatio, est actus religiosus, quo quis Deo in veritatis testes et perjurii vindicem vocato quidpiam serio adfirmat. *Jusjurandum* 1) *promissorium* dicitur, quod de futuris, de veritate promissorum, servandisque pactis: *assertorium*, quod de praeteritis praestatur; hocque vel *veritatis* vel *juramentum* appellatur *credulitatis*, propter aut facti *veritas* ex certa cognitione, aut *credulitas* ex probabilibus rationibus asseritur. *solenne* vel *minus solenne* erit, si aut publice ad reliquias sanctorum, ad sancta Evangelia etc.

(p) Cf. mea Synopsis Proleg. et Period. I. H. eccl. §. 34. seq. Ratisb. A. 1787.

(q) *Cod. Jud. Bav. c. 11. §. 7. et 8.*

*) aut absque speciali solennitate interponitur; 3) *judiciale* aut *extrajudiciale*, siquidem ra aut extra iudicium præstetur. Judiciale vero est 4) vel *litis decisorium*, quod litis iendæ caussa datur, vel *litis æstimatorium*, quæ aut *veritatis* aut *affectiois*, quo rei li- iosæ æstimatio vel ex vero pretio, vel ex pe- liari in illam affectu asseritur. *Litis deciso- um* rursus est 5) vel *voluntarium* vel *necessa- um*, prout id aut pars parti *defert*, seu alte- ab altera præstari exigit, aut iudex ipse o sua auctoritate ad complendam probatio- m imperat. 6) Si istud Actori ad complem- m probationem ingungatur, *suppletorium*: reo ad elidendas præsumsiones contra se olatas, *purgatorium* adpellatur. Hæc I. neralia quædam tum de *jure jurando gene- tim* II. tum de quibusdam *juramenti speci- us* subnectemus.

*) Quum juris jurandi vis in Dei tanquam testis, et vindicis, si jurans sciens fefellerit, invocatione con- tineatur: varia adhibita sunt solennia symbolaque ad injiciendam jurantibus Religionem metumque sacrum comparata. Ita 1) apud Germanos, qui- bus juramenti Religio inprimis sanctissima fuit, ju- ratum est a) tactis Evangeliiis: b) cum tactu reli- quiarum: c) super corpora sanctorum: d) appre- hensa manu, vel armis iudicis: e) ad arma sacra- ta, ad spatham, ad capulum ensis: f) ad tumu- los mortuorum: g) ense in terram fixo: h) super candelam. Demum viri manu erecta; foeminæ duobus digitis ad pectus positis jurarunt: qui etiam- num solennis jurandi mos est (i). 2) Episcopi
juran-

(r) Ant. Schmidt diss. de eo, quod justum est circa Juramenta Religionem concern. §. 1. et cit. ibid. auctores Thesau. Jur. eccl. Tom. VI. pag. 65. seq.

jurantes tangere Evangelium haud tenentur; sed eo in conspectu ipsorum posito jurare solent; quod ritum jure utroque (s) probatum Carolus VI. etiam a S. R. I. Electoribus ecclesiasticis retinendum esse in Bulla A. constituit. 3) *Clausula verisjurandi* olim in Germania recepta, atque in Bulla A. iidem probata: *Itu me Deus adjuvet, omnes sancti*; quum Protestantes eam adhibere recusarent, hæc substituta est: *ita me Deus adjuvet et S. ejus-Evangelium*. 4) De Juramentis Religionem præsertim in Germania concernentibus v. Ant. Schmidt diss. Thesau. J. eccle. Tom. VI. p. 61.

§. 765.

De Juramento generatim hæc nota axiomata

I. Juramentum consistit in Invocatione Dei testis, et vindicis: II. tres comites, *veritatem, judicium, et justitiam* habeat, necessarii sunt. III. Jusjurandum vovam obligationem actibus validis adjicit, infirmos quosdam actus, modo licitos, confirmat. IV. Cetera naturam actus, cui accedit sequitur. Ex I. colligimus: jusjurandum 1) Dei nomine invocato, ac per verba vim juramenti exprimentia et animo jurandi prolata *) fieri: 2) nec interesse, num hæc a) ore, vel scripto, b) num ab ipso jurante, an ejus speciali mandato proferrantur ab alio; quod *juramentum in alterius animam* dicunt. Sæpe tamen juramentum in propria persona præstandum in jure (t) existitur. — Quum II. jusjurandum *veritatem, judicium, ac justitiam* habere comites debeat, patet

(s) C. fin. de jurament. calumn. Novell. 123. c. 7.

(t) C. 4. de sent. excomm. C. 47. de test. c. 4. de Elect. in 6.

tet cur 1) ad iusjurandum is solum admittendus sit, qui vim ejus et *intelligere*, et *re-reri* creditur: inde 2) non solum mente pti, ebrii, infantes, sed etiam vulgo imberes, seu quatuordecim annis minores); item ii, quorum fides vacillat, repelluntur. Impuberum tamen loco tutores de re tis instructi admitti solent: cur 3) iusjurandum omnes dolos, cavillationes, mentalesque servationes excludat, 4) cur nec temere, nec nimis frequenter, nec absque necessitate ci queat: 5) cur contra bonos mores, pietatem, religionem, vel in præjudicium interpretari nequeat; aut, licet præstitum, non obliget, nec executioni dari possit (x). III. *Effectus jurisjurandi promissorii rite præstiti* 1) quod exsurgat nova obligatio religionis ex novo, et distincto omniscientiæ, veritatis et justitiæ Dei titulo orta ad præstandum id, quod juratum est; 2) quod actus quicumque bonis moribus adversos vel lege prohibitis, aut in præjudicium boni publici, **) vel patrii aut in salutis æternæ dispendium vertentes invalidos relinquat; 3) eos tamen, quibus solum jus non adsisit; item 4) actus non solum jurantis favorem, cui is renunciare censetur, invalidos confirmat (y), ***) licet retro foro *externo* actibus aliqui invalidis aut mutata-

(u) C. 14. 15. caus. 22. q. 5.

(x) C. 2. caus. 22. q. 2. c. 2. 26. 28. 33. de jurejur. c. 58. de Reg. Jur. in 6.

(y) C. 9. 26. 28. de jurejur.

mutabilibus novum robur jure saltem Bavarico (z) haud adjiciat. Quum IV. Jusjurandum ejus, cui adjicitur, actus naturam sequatur: patet, 1) omnia, quæ consensum et justitiam excludunt, obligationem quoque juramenti excludere; proinde jusjurandum, cui dolus malus, error substantialis, imo verosimiliter cui metus injustus causam dedit, nullam parere obligationem: 2) juramento tacite inesse omnes conditiones, quæ actui, cui accedit, insunt: 3) obligatione ex pacto, e. g. ob fidem ab altero violatam, aut remissionem voluntariam, sublata, sublata itidem censendam esse obligationem ex juramento ortam (a).

*) Quare 1) formulæ; *Deus scit, videt, ita esse; etram Deo dico*, item imprecationes et execrationes jusjurandum per se necdum constituunt: 2) minus affirmationes sub fide nobili, sacerdotali, per animam etc. jurisjurandi rationem habere videntur.

**) Boni publici ratio itidem requirere videtur, ut juramenta metu gravi injusto extorta (exceptis pactis publicis, §. 186. not.) nullam pariant obligationem; 1) siquidem enim juramentis per violentiam extortis sua constaret vis, et obligatio: profecto homines mali iis ad piorum vexationem, ad reipublicæ quietem turbendam, ad propriæ malitiæ incitamentum abuterentur. Sane 2) qui rem ei, qui vi injusta juramentum extorserat, promissam tradit, injustæ alterius acceptioni manum porrigit, aut certe, si donare etiam velit, bono officit publico. 3) Quis vero juramenti Religionem dicat eo valere, ut iniquitatem foveat?

Quis

(z) Cod. Judic. Bav. c. 13. §. 7.

(a) C. 2. 8. 15. de jurejurand.

Quis credat male extorta juramenta a Deo acceptari, aut iis Religionis virtutem contineri? Neque 4) obstat, quod Pontifices extorta juramenta relaxari voluerint (b): id quippe solum propterea decrevisse censendi sunt; ne fraudibus, et perfidiæ locus detur, si quis in propria causa sit iudex, et se injuste coactum, et ab obligatione liberum pronuntiet. Certe relaxationem talium juramentorum non tam *absolutionis*, quam *declarationis* vim habere, ipsi Pontifices haud obscure significarunt (c). Cf. *Zech. de Jud. eccl. Sect. I. Tit. 28. §. 369.*

***) Porro alii per juramentum actibus de se infirmis neque tamen illicitis non *Religionis* solum, sed *justitiæ* etiam obligationem accedere affirmant; alii contra *justitiæ* obligationem oriri verosimilius negant; eoquod juramento neque jus naturale, neque civile, neque etiam canonicum, eam vim tribuit, ut actus per se *invalidos* quoad *justitiam* firmet. Inde colligimus: 1) ex juramento actibus invalidis appposito personalem solum, quæ ad hæredes haud transeat, nasci obligationem: 2) eamque facta juramenti relaxatione cessare, nec ullam *justitiæ* remanere obligationem: 3) actum, vel tractatum tali juramento extrinsece firmatum actionem in foro externo non parere. Cf. *Schroder Inst. J. C. P. II. §. 415. sqq.*

§. 766.

Juramenti *species* quod attinet, juramentum *litis decisorium* I. *voluntarium* et *extrajudiciale* quod pars parti extra iudicium per modum conventionis defert, speciem *transactionis* habet. Atque eo ipso, quod per modum *conventionis* deferatur, patet: 1) illud non ultro, sed

(b) C. 2. 8. 15. de jurejurand. c. 6. de his, quæ vi metusve causa.

sed altero deferente esse præstandum : 2) idem invalidum fore, si non ea forma, et lege, qua defertur, fuerit præstitum : 3) contra pro præstito haberi, si alteri, ad jurandum parato, remittatur. (d) Quum juramentum isthoc speciem contineat *Transactionis* 1) illud non nisi ab eo et in iis rebus, qui, et de quibus *transigere* potest, deferri valet ; proin nec in caussis publicis, nec contra matrimonium contractum, nec a procuratore, qui speciali mandato instructus non sit, poterit deferri (e) 2) invitus nec ad illud deferendum nec ad acceptandum obstringitur. 3) Semel tamen acceptatum nisi in causa privati arbitrii ab altera parte remittatur, abs mora præstandum erit : 4) sic delatum qui præstat, adversus deferentem habet *actionem*, siquid sibi deberi juravit, habet *exceptionem*, quæ litis ingressum impedit, si se haud debere juraverit. II. *Voluntarium judiciale* 1) consentiente iudice alterutra pars in rebus duntaxat sui arbitrii deferre, et juramento calumniæ prius præstito exigere a parte adversa potest ; 2) delatum acceptari et præstari, vel referri alteri parti debet, nisi fors quis neglecto juramento per probationes ordinarias antea rem demonstrare præoptet : (f) 3) semel vero accepto-

(d) L. 3. 4. 5. 9 et 11. etc. Dig. de Jurejur. sive volunt. sive necess.

(e) L. 17. 18. 31. 34. Dig. eod. tit. et §. 11. Instit. de Act. §. 4. Inst. de except.

(f) C. fin. de jurej. c. 2. de probat. L. 37. 38. Pandect. de jurejur.

ceptatum in regula recusari nequit; eoquod illo acceptato parti alteri jus litem juramento definiendi quæsitum jam sit: 4) deferens juramentum acceptatum, sed nondum præstitum, revocare potest, si probationes de novo invenerit, vel metum perjurii committendi in continenti probarit. Semel relatum absolute præstandum est: nec a referente, sed potius a deferente juramentum calumniæ exigi debet. (g) 5) Actu præstitum id operatur, ut judex jurante ferre sententiam debeat, quæ vim rei *judicatæ* habeat, et *adpellationem* deinceps excludat. (h) III. *Necessarium judiciæ* sola auctoritate judicis decernitur ob inopiam, et in supplementum probationum: igitur 1) *ex officio* partibus etiam non petentibus a iudice deferendum est, vel a) parti *semiplene* probanti ad *supplendam* probationem suam; vel b) *parti*, contra quam præsumptiones, aut probatio semiplena minor adest, ad se ab iis *purgandum*; illud *suppletorium*, istud *purgatorium* adpellatur. (§. 764.) Id porro 2) a parte, cui injunctum est, nec sine gravi caussa recusari potest, nec referri. Ceterum 3) *purgatorio* in omni caussa locus est. 4) Juramentum *suppletorium* a) in caussis *civilibus* admodum arduis nonnisi circumspecte, b) in criminalibus contra reum, vel c) in matrimonialibus ad dissolvendum matrimonium, ubi probationes dun-

G g 2

taxat

(g) C. 5. seqq. causs. 22. q. 5. et L. 34. §. 7. Pandect. de jurejur.

(h) L. 12. §. 1. 2, 3. Cod. de rebus creditis.

taxat perspicuae admittuntur, nullatenus est deferendum. (i) 5) Jurare nolens pro confesso habetur: contra 6) pro jurante pronuncianda sententia est: 7) sententia tamen ex tali juramento necessario lata, tum rescissioni ob re-
perta nova instrumenta, tum querelae de pe-
riculo et remedio appellationis obnoxia est. (k)

*) Quum utrumque hoc jusjurandum solum ob de-
fectum plenae probationis obtineat; colligimus il-
lud haud posse imperari, 1) si pars utraque *semi-*
plene solum probet; eoquod his probationibus sese
elidentibus nil reapse sit probatum. 2) aut si alte-
rutra pars *plene* probat; quum facta plena proba-
tione superflue atque hoc ipso temere, et illicita
juramentum exigeretur. 3) Aliud videtur, si ple-
na alioqui actoris probatio, per quaedam Rei argu-
menta aliqua parte infirmetur, C. 2. de Probat.

§. 767.

Superest *juramentum calumniae*, quo partes
bona fide se litigaturas, et ab omni fraude, *)
alienas esse adseverant: 1) *generale*, quod post
litem contestatam intuitu totius judicii, *spe-*
ciale, juramentum *malitiae* dictum, quod in-
tuitu certi articuli, aut actus judicialis praesta-
tur. I. *Generale* 1) tam ab actore, quam a reo
per se ipsos, jure tamen canonico (l) etiam per
procuratorem in omnibus caussis praestandum
est 2) et a judice toto litis pendente tempore
(m) exigí potest: 3) nec illud partes sibi ex-
presse,

(i) C. 34. de Jurejur. c. 1. 4. 8. 16. de purg. can.

(k) L. 31. ff. de jurejur. L. ult. §. 1. de appell.

(l) C. 1. de juram. calum. in 6.

(m) C. ult. ibid.

presse, (n) verosimilius tamen *tacite* remittere possunt: etenim si nec a iudice nec a partibus exigatur, iudicium haud invalidum censetur. (o) Immo vero usus hujus juramenti particulari locorum lege varie determinatur, atque multis in locis etiam cessavit. (p) 4) Juramentum istud sibi imperatum *recusans reus* pro confesso habetur, *actor* causa cadit. II. Juramentum calumniæ *speciale*, seu malitiæ 1) exigere pars altera ab altera potest in omnibus iudicii actibus, quoties ex iudicis arbitrio iusta fraudis vel calumniæ suspicio adest: 2) exactum, et a iudice probatum præstare recusans commodo illius actus, propter quem jurandum est, excidit. (q)

*) Juramentum calumniæ his fere capitibus continetur: nempe jurandum, 1) quod partes se iustam habere causam credant: 2) quod in ea agenda velint bona fide versari: 3) quod iudici nil dederint, promiserint, aut deinceps daturi sint: 4) quod iuste quæsitum verum inficiari nolint etc.

ARTICULUS V.

De Sententia, et Remediis contra eandem.

§. 768.

Causæ disceptioni et probationibus finem imponit, et ferendæ sententiæ viam aperit *conclusio in causa*, qua partes ulterioribus pro-

G g 3

batio-

(n) L. 2. §. 4. Cod. de juram. calumn.

(o) Arg. ex c. 1. de juram. calum. in 6.

(p) Van Espen Jur. Eccl. univ. P. III. tit. 7. c. 4. n. 4. — 7.

(q) C. 7. de juram. calum. et c. 2. §. 2. ibid. in 6.

bationibus renuntiant, et causam controversam judicis decisioni submitunt. Est vero *conclusio in causam* vel 1) *generalis*, quæ totam causam, vel *specialis*, quæ aliquem causæ articulum respicit: *expressa*, *tacita*, vel *ficta*, prout partes vel expressis verbis sententiam petunt, vel sine reservatione ulterioris probationis causam judicis arbitrio relinquunt, vel elapso termino peremptorio pro *facta* habetur: 3) *facta conclusio in causa* novam quidem probationem partium vulgo *) excludit, nec tamen 4) judicem impedit, quo minus, quæcunque ad causæ decisionem decernenda videbuntur, decernere queat.

*) Probationes post conclusionem in causa admittuntur 1) in causis criminalibus pro reo; 2) in causis, ubi peccati subest periculum e. g. circa matrimonium. 3) in causis pupillorum, minorum, ecclesiæ; item 4) novis instrumentis repertis; 5) per confessionem partis alterius; 6) per facti evidentiam. (a)

§. 769.

Conclusionem in causa sequitur *sententia*, quæ est causæ controversæ rite disceptatæ facta a iudice decisio: 1) *definitiva* vel *interlocutoria*, prout causam principalem, aut articulum quemdam incidentem, qui in decursu causæ emergit, definit. *Interlocutoria* erit 2) *mixta*, si cum causæ principalis decisione nexum habeat, aut præjudicium eidem inferat, sin, *simplex*. Dicitur autem 3) *sententia inter-*

(a) C. 9. 10. de fide instr. c. 7. 11. de sent. c. 4 de except.

interlocutoria vim definitive habere, si ab illius decisione causæ principalis eventus pendeat, ut in causa incidente vincens in principali vincere debeat. Porro *sententia* I. *ferenda* est 1) a iudice competente (§. 737. seqq.) et 2) per vota majora, si plures sint iudices; (iis paribus reus absolvitur,) 3) conformiter legibus in hoc foro et causa receptis, *) secundum allegata et probata 4) *certa* et præ ratione materiæ sat *determinata*, *pura* et ad nullam conditionem, nisi quæ in continenti impleri possit, nec ulteriore cognitione indigeat, adstricta: 5) *debitis solemnitatibus* adhibitis: (b) II. *publicanda* 1) ex scripto, 2) partibus ad id citatis, 3) a iudice ipso (nisi sit Episcopus aut persona illustis) pro tribunali sedente, 4) die non feriata. (c) III. *Effectus sententiæ* latæ, et publicatæ est, ut, si vel partes eidem expresso consensu acquiescant, vel intra decem dierum spatium adpellationem haud interponant, vim *rei judicatæ* consequatur; cuius tanta vis est, ut 2) pro veritate habeatur, 3) probationem oppositam, et actionem nisi in casibus exceptis **) excludat, atque adeo 4) inter partes, non item inter alios litis plane exsortes, jus perpetuum constituat. (d) Atque

*) Quodsi ergo sententia iuribus receptis in *thesi*, ut ajunt, repugnet, nulla est: sin solum allegatis et probatis, et juri litigantis, seu *iuribus receptis in*

G g 4

. hypo-

(b) C. 1. 24. de sent. c. 4. de jud.

(c) Clem. 2. de sent. c. fin. ibid. in 6. c. 1. de fer.

(d) C. 13. 15. 25. de sent. et re jud.

hypothesi sit contraria, remediis juris infirmari debet. C. 1. 13. de sent. et re.

***) *Excipiuntur sententiæ 1) interlocutoriæ, 2) definitivæ in caussa criminali contra reum, item 3) circa matrimonii valorem latæ, nisi etiam in his caussis res a consensu, et arbitrio partium pendeat, 4) nullitate insanabili laborantes, (e) uti a iudice incompetente, contra rem judicatam, (f) in præjudicium absentis non contumacis, non servatis processus substantialibus pronuntiatae; 5) latæ ex falsis instrumentis, (g) aut cum falso procuratore, aut contra jus in thesi, 6) si sententia pretio emta, et a corrupto iudice fuerit lata. (h)*

§. 770.

Non dubitandum quidem, quin rei judicatæ ea vis insit, ut 1) pro foro *externo* omnem probationem et actionem in contrarium excludat, 2) justum rei possidendae, et praescriptionis titulum tribuat, 3) et bonæ fidei litigatorem in rei sibi adjudicatae nossessione, quamdiu certo alienam non compererit, securum reddat. Atvero, quod etiam bonæ fidei litigator statim rei sibi adjudicatae dominium firmum nanciscatur, atque, etsi paullo post rem alienam cognoverit, ab omni restituendi obligatione pro foro etiam *interno* excusetur, id adeo non certum est, ut contraria sentientium opinio propius a verò abesse videatur. *)

*) Enimvero 1) jus naturæ victorem in his adjunctis a restituendo non excusat; juri ergo naturæ eoque inherendum, dum jure positivo eam vim rei

(e) L. res judicata 2. Cod. de re jud.

(f) Recess. Imp. Nov. §. 12. seqq.

(g) C. 20. de sent. et re jud.

(h) C. 6. de Except. c. 22. 24. de sent. et re jud.

rei judicatæ esse tributam certo comprobetur: at enim id ex ratione legis positivæ contra, ac in præscriptione fit, haud elucet; nam 2) rei judicatæ ea vis tributa est, ut ne *nullus esset litium finis*: (i) id autem obtinetur, si manente obligatione pro foro interno actio in foro externo denegatur. Unde 3) etiam jus canonicum, licet alioqui forum internum ab externo separare haud soleat, urgente tamen necessitate, ne litēs essent perpetuæ, aut sub obtentu rei male judicatæ majora mala, et peccata orirentur, eandem vim rei judicatæ pro foro externo tribuere voluit. 4) Neque vero quis ex eo, quod actio negetur in foro externo, pro foro interno securus est; secus etiam, qui infra dimidium læsit, aliique, contra quos actio negatur, a restituendo excusarentur. 5) Dominiorum incertitudini, ceterisque incommodis, quæ ex hac sententia consequi videntur, satis medetur præscriptio, sufficitque, quod res judicata possidendi et præscribendi titulum tribuat. Demum 6) vis rei judicatæ præsumptione nititur, quam licet nulla exigente necessitate, veritati etiam in foro interno esse præferendam, quis æquum putet? Sane *Præsumptio juris et de jure* tantum ad forum externum pertinet: quod patet ex ejus definitione: et natura, in eo sita, quod oppositam probationem non admittat. 7) Res judicata igitur pro veritate habetur ex præsumptione, et in foro externo, non absolute. 8) Lex in foro externo justa in foro quidem interno itidem est justa, sed non nisi eo modo, quo in foro externo justa est. Scilicet Legislator post rem judicatam actionem esse negandam decernit, proinde hanc *recte* itidem *negat* iudex. Postremo nec argumenta, quæ adversæ sententiæ patroni in medium adferunt, sunt ejusmodi, ut solvi æqua interpretatione nequeant. Cf. *Plac. Böskhn l. 2. tit. 27. n. 13. seqq.*

G g 5

S. 771.

(i) L. 7. Cod. quando provoc. non est necesse.

§. 771.

Sententia quae in rem judicatam transit, *executioni* danda est. *Executio* porro est actus, quo res judicata, cui parere condemnatus non vult, iudicis auctoritate per remedia coactiva in actum deducitur, estque vel a) *principalis*, quam iudex vi propriae potestatis peragit, vel b) *subsidiaria*, quae fit ad iudicis implorationem ab altero, cui victus, vel ejus bona subsunt. *) *Executio* igitur I. fit 1) postquam sententia in rem judicatam transiit, et pars victrix executionem postulavit: 2) et a) *Principalis* executio quidem peragenda est a *judice* vel *ordinario* vi jurisdictionis ordinariae, vel a *delegato*; siquidem sit delegatus summi Principis, aut Pontificis, aut si ei executio etiam sit commissa; b) *subsidiaria* executio fit *ab alio*, qui a iudice competente est imploratus, et potestatem in bona vel personam victi habet: 3) In causa *reali*, ubi res certa per sententiam evicta est, *statim* sit executio, nisi restitutio impossibilis probetur; (k) aut tertius, cui haec praejudicio est, interveniat: in *personali* quadrimestre condemnato conceditur: attamen 4) terminum hac in re vel coarctare, vel extendere, iudicis fere arbitrio hodie relictum est. (l)

*) Huc maxime spectat *invocatio brachii secularis*, qua iudex ecclesiasticus iudicis secularis auxilium petit: item imploratio potestatis ecclesiasticae, qua et magistratus politicus ecclesiasticum pro sententiae executione requirit. Id subsidii genus altera potestas

(k) L. 1. Cod. de Execut. rei jud. c. 15, de sent. et re jud.

testas alteri denegare juste nequit, præsertim in Germania, vi Recess- Imp. 1654. §. 160. Ramm-
mer: Ger. Ord. p. 3. tit. 9.

§. 772.

Executio sententiæ impeditur 1) exceptioni-
bus, quæ sententiam retro nullam reddunt:
2) interventione tertii, cui executio præjudi-
cio est; (m) 3) privilegio competentiae saltem
quoad modum; 4) in integrum restitutione;
5) appellatione etc.

§. 773.

Est autem *appellatio* remedium juris, quo
iudex superior imploratur, ut gravamen a
iudice inferiore illatum tollat: a) *judicialis*, quæ
ob gravamen per sententiam definitivam, aut
interlocutoriam; b) *extrajudicialis*, quæ ob
gravamen alio modo e. g. per decretum, man-
datum a iudice illatum interponitur. Porro
appellatio I. in regula a quovis per iudicem
gravato, II. in caussis, si quasdam excipias,
omnibus fieri potest: et III. ad iudicis inferio-
ris in ea causa superiorem deferenda: IV. rite
interponenda, introducenda, et proseguenda est.
V. Recepta varios effectus habet.

§. 774.

Appellatio n̄titur *gravamine*; unde I. ap-
pellare potest quivis *gravatus* per iudicem,
etiam tertius, cuius interest, nisi 1) quis aut
ob

(l) L. 2. 3. Cod. de usuris rei jud. c. 15. de sent.
et re jud.

(m) L. 8. Cod. de re jud. L. 29. Cod. de jure
dotium.

ob veram contumaciam sit condemnatus, aut in iudicio sponte confessus, aut 3) evidenter convictus, aut 4) expresse vel tacite appellationi renuntiaverit, aut 5) ubi gravamen jam sublatum est: (u) ceterum appellatio admittitur 6) tum ob gravamen *præsens*, tum ob *futurum* in certa caussa probabiliter imminens.

(o) Appellatio locum habet II. in *omnibus* causis, exceptis illis, in quibus appellandi facultas specialiter restricta, et sublata est, vel 2) in caussa possessionis momentaneæ 2) post tres conformes sententias; 3) in causis moram non ferentibus, ubi saltem executio non suspenditur: (p) 4) in causis per iuramentum iudiciale voluntarium decisis; 5) in re evidenter 6) ubi summa legibus requisita deficit: etc.

a sententia *interlocutoria* simplici: (q) aliter dicendum, si hæc vim definitivæ habeat.

III. *Appellari* potest 1) ab *omnibus* iudicibus superiorem habentibus, tum ordinariis, tum delegatis, nisi quis forte privilegio de non appellando gaudeat, 2) *ad superiorem*, cui iudex in caussa *proxime* subjectus est: unde *appellatio* in causis ecclesiasticis ad superiorem ecclesiasticum fieri debet ordine et instantiis servatis: quodsi 4) appellatio sit forte per actum facta, ad intermedium remittenda erit. (r)

*) Appel-

(n) C. 14. 28. 60. 61. 65. et c. 21. de Appellat.

(o) C. 18. de Appellat.

(p) C. 15. de Restitut. spoliat.

(q) Trident. sess. XXIV. c. 20. de reform.

(r) C. 7. de appellat.

Tandem Appellatio III. est *prosequenda*, vel, ut ajunt, *justificanda*, quæ justificatio fit tum 1) quoad *formalia*, si appellans solennia appellationum rite servata, id est, eam recte interpositam, et introductam esse doceat, tum 2) quoad *materialia*, si gravamina sua singillatim vera justaque esse demonstret. Demum 3) appellatio finienda intra annum, ex causa tamen gravi conceditur biennium. (z)

*) Ex diversa judicis declaratione apostoli a se differunt, suntque vel 1) *dimissoriales* in quibus judex dicit, se appellationi tanquam probabili deferre; vel 2) *refutatorii*; quibus nullam adesse appellationis causam significat, adeoque frivolum appellationem arbitrat: vel 3) *reverentiales*, quibus declarat, se appellationem solum ob reverentiam judicis superioris admittere. Hodie loco apostolorum acta primæ instantiæ a judice a quo, ut diximus, sunt requirenda. In Bavaria nec declarata apud judicem inferiorem appellatione, nec petitis apostolis, nec actis requisitis, statim ad superiorem judicem recurritur. *Cod. jud. Bav. c. 15. §. 1. et 6.*

**) Si fatalia, seu tempus ad appellandum determinatum, negligantur, appellatio dicitur *deserta*, et sententia judicis a quo transit in rem judicatam (a). Jure germanico (b) ad introducendam appellationem quatuor menses, et duo insuper pro reproducenda appellatione conceduntur: jure bavarico pro appellatione contra sententiam *definitivam* regulariter dies sexaginta, contra sententiam *interlocutoriam*, quæ probationem injungit, triginta tantum dies per omnes instantias præscribuntur. Neque horum fatalium prolongatio, sed
sola

(z) C. 5. 33. 44. de appell. c. 12. de rescript.

(a) Clem. 6. de appellat.

(b) R. J. N. §. 67.

in integrum restitutio contra lapsum eorum iustus ex causis indulgetur. Cod. jud. Bay. c. 15. §. 6. Cf. Annotat. Lit. a. et f.

§. 776.

V. *Effectus receptæ appellationis* fere sunt hujusmodi: 1) facta appellatione, nisi in causis speciatim exceptis, sententiæ executio omnis suspenditur, et 2) causæ totius cognitio, et decisio ad superiorem *devolvitur*: unde effectus prius *suspensivus*, hic *devolutivus* dicitur. *) 3) Tota causa ad eum, in quo antehac tempore *litis contestatæ* fuerat, statum reducitur, proinde in priore iudicio nondum probata probari, nondum deducta deduci queunt (c): nova tamen per testes probatio super iisdem, vel contrariis articulis, nisi ex gravi urgenteque ratione, non admittitur (d). 4) Appellatio utrique parti omnibusque litis consortibus proderit, si modo adversus *totam* sententiam sit interposita, et causa omnium sit communis (e): sin adversus certa solum capita est appellatum, is, contra quem appellatur, quoad reliqua capita non fruetur beneficio appellationis, nisi eidem intra decem dies adhæreat. 5) Finito appellationis iudicio prioris instantiæ sententia vel confirmatur, vel reformatur. a) Si *confirmetur*, tum temere appellante in expensas condemnato, acta ad iudicem primæ instan-

(c) L. 4. Cod. de temp. appell. Item Jure germ. rec. deput. 1600. §. 114. et rec. J. Nov. §. 73. clem. 5. de appellat.

(d) C. 2. de testib.

(e) C. 72. de appellat.

instantiæ (f) remittuntur causa vel *executionis*, si a sententia *definitiva*, vel *ulterioris cognitionis*, si a causa *incidente* fuit appellatum.

b) Si sententia *reformatur*, pars utraque solvet expensas, et iudex, ad quem appellatum est, executionem decernere; vel, si a causa *incidente* tantum appellatum est, vi juris canonici cognitionem et totius causæ principalis decisionem sibi sumere potest (g).

*) Unde 1) quidquid post interpositam appellationem in litis jam ad superioris iudicis cognitionem pertinentis præjudicium suscipitur, attentatum audit, quod ad preces appellantis mox per iudicem appellationis revocandum est et corrigendum (h), 2) atque hi effectus jure canonico statim obtinent, quamprimum nuntius appellationis causa ad summum Pontificem est missus, aut quis iter Romam arripuit (i). 3) Ne vero appellatio disciplinæ ecclesiasticæ officiat, effectu *suspensivo* destituitur in causis correctionis paternæ, et disciplinaris, visitationis episcopalis, censurarum, quæ ante appellationem sunt iactæ etc (k)

**) Hoc loco Syntagmatis mei editor Coloniensis hæc verba addidit: » Sed appellationes ad curiam Romanam utpote correctionem paternam eludentes » ex antiqua, et probata ecclesiæ disciplina hodie » amplius locum non habent. « Oraculum ex tripode!

(f) C. 59. de appellat.

(g) C. 59. 61.

(h) C. 56 62. de appell. c. 19. de iudic.

(i) C. 22. de offic. iud. deleg. c. un. de cleric. peregrinant.

(k) Trident. sess. XXI. c. 1. de reform. et sess. XXIV. c. 10 de ref. c. 8. de off. iud. ord. c. 53. de appellat.

Tom. II.

Hh

pode! Ergo omnes appellationes ad summam sedem eludunt paternam correctionem? exolvere omnes? Qui hæc cum legibus etiam imperii (Cf. §. 774. **) ac canonicis consonant? Alia certe olim tradidit D. Hedderich episcopalis Censor illius editionis, qui in elementis Jur. Can. (l) ita scribit: » Cum jus appellandi notione sua generaliori non sit nisi jus provocandi ad iudicem » superiorem, dum quis a iudice inferiori segregatum sentit, jus recipiendarum appellationum » eo sensu rite inter essentialia primatus pertinere » consequitur. « (Cf. §. 210. **)

§. 777.

Remedium extraordinarium contra sententiam iudicis præterea est *restitutio in integrum*, (§. 729. *) Restitutio in integrum I. in defectu remedii ordinarii, et 1) majoribus quidem viginti quinque annis raro, nec nisi ex speciali causa in iure probata, et ubi læsio aliorum dolo, aut violentia accidit, conceditur: (m) 2) minoribus contra, et quæ horum iure utuntur, ecclesiis, corporibus ecclesiasticis ob læsionem quamcunque etiam ex eorum facilitate, aut incuria evenientem facilius dari solet (n). 3) Hoc beneficio utitur ecclesia non modo contra laicos, et privatos; sed et contra aliam ecclesiam (o): quum enim illa de damno vitando, ista de lucro captando agat, satis

(l) P. I. §. 29.

(m) C. 2. 4. 6. de his, quæ vi metusve causæ fiunt.

(n) C. 1. 3. 8. de in integr. restitut.

(o) C. 3. 5. de in integr. restit. c. 1. 2. eod. tit. in 6.

satis dispar utriusque est conditio (§. 729. *)

II. Restitutio in integrum *petenda* est 1) a iudice competente illius, contra quem quis restitui cupit, 2) intra spatium quadriennii a tempore *factæ*, vel si probabilis ignorantiae excusatio adsit, *cognitæ* læsionis, aut sublati impedimenti. III. *Effectus* restitutionis in integrum est 1) ut per eam omnia in priorem statum restituantur; proin 2) ea pendente nihil innovari, nec 3) sententia executioni dari queat: nisi restitutionem moræ tantum nectendæ causa per fraudem postulari appareat: quo casu victor præstita cautione sententiæ executionem petere potest (p): * 4) si per illam sententia vel negotium gestum rescinditur, res cum fructibus, nisi bona fide consumtis aut præscriptis, restitui debet, refusis tamen impensis in rem factis. (q) Ceterum hoc restitutionis beneficium, ecclesiæ, aut minorenni concessum, nisi caussa sit individua, laico aut maiorenni etiam consorci haud prodest.

*) *Effectus suspensivus* restitutionis in integrum in Bavaria per decretum Elect. de A. 1766. 24. Sept. sublatus.

§. 778.

Huc pertinet quoque *Revisio* seu remedium extraordinarium, quo a singularibus ad hoc deputatis acta prioris iudicii, lataque sententia ad examen revocatur, et si æqua inveniantur,

H h 2

tur,

(p) C. 6 de in integr. restit.

(q) C. 1. eod. tit. c. 11. de rebus eccles. non alienand.

confirmatur, si iniqua, corrigitur. Porro revisio 1) vel in continenti vel ex intervallo peti potest in rebus, ubi appellationi propria locus non est. 2) In Bavaria revisio fere appellationis tum quoad fatalia, tum quoad alia naturam sequitur (r).

ARTICULUS VI.

De Reconventione, de Processu summario et possessorio, de Compositione litum extra judiciali per Transactionem et Arbitrium.

§. 779.

Non inopportunum erit heic de *Reconventione*, de qua antehac (§. 442. *) injecta mentio est, seu de mutua petitione breviter dicere. Sunt autem *mutuæ petitiones* generatim actiones inter litigantes erga se invicem apud eundem judicem motæ, quarum altera, quam actor adversus reum suscipit, *conventio*, altera, quam reus adversus actorem durante conventionis judicio instituit, *reconventio* appellatur. 1) *Reconventio* a multis in *propriam impropriamque* dividitur. a) *Propria* dicitur, quæ ante litem contestatam instituta effectu *simultanei processus* gaudet, (a) et eodem cum conventionis judicio terminari debet: b) *impropria*, quæ post litem contestatam opponitur, et non processum quidem simultaneum; pro-

(r) Cod. Bav. Jud. c. 15. §. 13.

(a) C. 1. de mutuis petit.

prorogationem tamen jurisdictionis necessariam operatur. (b) Est ergo 1) reconventio utraque species *actionis*, et fundatur in *regula æqualitatis naturalis*: (c) » ut cujus in agendo quis observavit arbitrium, eum habere » etiam contra se judicem in eodem judicio » non dedignetur, « Porro ex eo, quod reconventio sit species *actionis*, inferrimus, 1) quod omnes reconvenire possint, qui possunt agere: 2) quod reconventio locum habeat in omni caussa, sive connexa, sive diversa, tum seculari, tum ecclesiastica; (d) si modo 3) judex causæ reconveniendæ sit capax: *) et judicium conventionis adhuc duret. Nam usque ad sententiam reconventio jure canonico (e) admittenda videtur. **) Ex altera regula colligimus, 1) quod conventio institui possit coram eodem iudice sive ordinario, sive delegato, etsi actor foro privilegiato gaudeat: (§. 442. *) item 2) coram iudice sive competente, sive incompetente; eoquod reconventio vim prorogationis (§. 738.) habeat. Attamen 3) coram arbitro ex compromisso assumpto ob defectum jurisdictionis, et ob arctos compromissi limites institui reconventio nequit: nec 4) reconventio, eoquod primæ instantiæ beneficium arctori eripi nequeat, (f)

H h 3

in

(b) C. 3. de rescript. in 6. c. 2. de ordin. cognit.

(c) C. 1. caus. 3. q. 8. L. 14. Cod. de sent. et interloc.

(d) C. 5. de except. c. 12. de fid. instrum.

(e) C. 3. de rescript. in 6.

(f) Arg. ex Clement. 5. de appellat.

in appellationis instantia locum habet. Aliud foret, si tantum extrajudicialis appellatio mota fuisset. (g)

*) Quocirca reconventio 1) in causis *spirituali*, coram iudice laico jurisdictionis spiritualis prorsus incapace institui nequit. (h) Item nec 2) *causa feudalis* in foro, ubi mere de allodiis agitur, agitari per reconventionem potest; neque 3) reconventio in *causa spoli*, ubi spoliatus restituenda omnia debet, admittenda. (i)

**) Nempe *reconventio propria*, ut diximus, initio litis proponenda, et eodem iudicio terminanda est. Quæ serius proponitur, non quidem, ne conventio retardetur, actorisque conditio deterior fiat, eodem, et simultaneo processu debet finire, attamen finito conventionis iudicio in foro eodem potest disceptari.

§. 780.

Quum in *Processu summario* omissis solennitatibus substantialia solum iudicii observentur; (§. 731.) patet, illum absolvi 1) narratione facti, 2) citatione rei, 3) responsione hujus et defensione, 4) probatione necessaria, 5) simplici causæ cognitione et 6) sententia.

§. 781.

Causæ *summarie* sunt vel *per se*, et ex legis dispositione, vel *per accidens* tales. Jur canonico *summarie* I. *per se* tales sunt 1) causæ spirituales, 2) matrimoniales, 3) beneficiales, 4) causæ decimarum, 5) usurarum, 6) causæ pauperum, viduarum, (k) II. causæ
per

(g) C. 1. de elect. in 6.

(h) C. 2. de judic.

(i) Arg. ex c. ult. de ordine cognit.

(k) Clement. 2. de judic.

per accidens summariae fiunt 1) per rescriptum Principis, 2) per consensum litigantium, si processum fieri summarium præoptent.

§. 782.

Processibus summariis fere accensetur itidem *possessorius*, (Cf. §. 731.) in quo de adipiscenda, retinenda, recuperanda possessione agitur. Possessorium dividant in *ordinarium*, et *summarissimum*, seu momentaneum. I. In *ordinario* antiquior possessio, ejusque qualitas et justitia, examinatur, quod frequenter per processum etiam ordinarium fit: 2) in *momentaneo* autem possessio novissima, nulla temporis, aut modi, quibus ea obtenta est, ratione habita, summarie investigatur, et possessio velut ad momentum adjudicatur. 3) Is, qui in *summarissimo* succubuit, agere potest de *possessorio ordinario*, et qui *possessorium ordinarium* per sententiam amisit, de proprietate adhuc in *petitorio* coram eodem iudice agere potest, modo sententiæ priori satisfecerit, et *spoliatus*, id est, rei, vel juris possessione dejectus, in possessionem sit restitutus, *) quod ante omnia, nisi in casibus exceptis, **) fieri debet. 4) Per jus canonicum fas est in eodem iudicio simul de *præsenti*, vel *momentanea*, et antiqua possessione agere, seu *possessorium summarissimum*, et *ordinarium cumulare*: 5) item eodem jure probabilius licet rei possessionem, et proprietatem simul prosequi, seu *cum possessorio cumulare petitorium*; aut etiam

suspensio interim petitorio solum possessorium continuare. (l)

*) Nam quis possessione spoliatus contra spoliante[m], immo contra tertium malæ fidei possessorem agere potest, ut ante omnia in possessionem restitatur (m); quod nisi fiat, efficaciter conveniri nequit. Quare 1) si actor restitutionem spoli petat, ante factam restitutionem nulla exceptio rei, nulla Reconventio attenditur: 2) si reus actori spoli exceptionem objicit, actor nisi facta possessionis restitutione non auditur, nec reus respondere actori tenetur, priusquam restitutus sit: dummodo reus exceptionem suam intra quindecim dies probaverit (n). 3) Si actor et reus mutuo sibi spoliū obijciunt, si a) de re eadem, tum ultimo spoliatus restituere tenetur, si velit audiri: si b) de re diversa: tum quidem, si reus objecerit spoliū per modum exceptionis, reus non tenetur respondere, nisi antea restitutus: quia major in jure est favor rei, quam actoris, aliud est, si reus actorem de spolio solum reconveniat; tunc quippe, qui in conventionē reus erat, in causa reconventionis actor est: nec proin eodem juris favore fruitur (o). 4) Denique jus utrumque violentiæ, et spolio adeo resistit, ut jure Rom. (p) is, qui rem suam ab altero possessam violentia adhibita occupat, non modo possessionem, sed et rei dominium amittat, jure

(l) C. 3. 4. 5. 6. de caus. poss. Clem. un. ibi. Cf. Schrod. Inst. Jur. C. P. II. §. 217. seqq.

(m) C. 4. redintegranda, caus. 3. q. 1. c. 1. 18. de restit. spol.

(n) C. 1. de restit. spoliat. et c. 1. eod. in 6. c. 2. de ord. cognit. Clement. unic. de caus. poss.

(o) C. 2. et 4. de ordine cognit. Cf. Boeckhn Decr. L. II. tit. 13. n. 17. seqq.

(p) L. 7. si quis in tantam. Cod. unde vi.

jure autem canonico (q) is, qui beneficium per vim occupavit, omni, quod in illud habere potuit, jure excidat. Attamen

***) Restitutio haud facienda 1) si absque animæ, aut corporis periculo fieri nequeat (r); 2) si spoliatus rei possidendæ sit plane incapax, aut 3) eidem jus commune resistat (s): nisi forte spoliatio longioris temporis possessio (t) suffragetur: 4) si spoliatus, vel tertius liquido, et in contenti rei dominium demonstrare possit. c. 2. de restit. spoliat. in 6.

****) *Possessio* insignes habet in jure effectus. 1) Possessori in jure certa dantur remedia, seu interdicta suam in judicio possessionem defendendi. 2) Possessor etiam privata auctoritate se sua in possessione potest tueri, et ereptam sibi possessionem in continenti sibi vindicare (u). 3) Possessor regulariter liber est ab onere probandi. (§. 758.) 4) In pari causa melior est conditio possidentis (x). 5) Possessio cum justo titulo ac bona fide tribuit jus percipiendi fructus, hosque faciendi suos: paritque 6) conditionem usucapiendi (y). Ceterum si duo possessorium ordinarium sibi competere contendunt: 1) ei possessio adjudicatur, qui possessionis jus a) aut unus, aut b) fortius, aut c) qui antiquiorem probaverit possessionem: nam hoc casu recentioris possessoris actus eo usque pro turbativis et vitiosis habentur, donec justum suæ possessionis titulum ostenderit. 2) Si

H h 5

ambo

(q) C. 18. de præb. in 6.

(r) C. 8. de restit. spoliat.

(s) C. 2. eod. tit. in 6.

(t) C. 3. de caus. poss. et propriet.

(u) C. 12. de restit. spoliat. L. 17. Dig. de vi et vi armant.

(x) L. 3. § 9. Dig. uti possidetis.

(y) Cf. Boeckh comm. in Decr. L. II. tit. 12. n. 28. sqq.

ambo *æqualiter* probent possessionem; secundum normam interdicti: *uti possidetis, ita possideatis*: utrique adjudicatur possessio pro indiviso: ut quisque tantum obtineat, quantum probavit, aut ambo concurrant in exercendis actibus, aut de loco, tempore, modo inter se conveniant. Quod si concordie spes non sit, potest decerni sequestratio: donec transegerint, aut unus in petitorio victor evaserit. Cf. *Pl. Böckhn comm. Decr. L. II. tit. 12. n. 64.*

§. 783.

Superest, ut pauca dicamus de *extrajudiciali litium compositione*, quæ fit *conventionale* litigantium, vel per assumptos *arbitros*. Est autem *conventionalis* compositio litigantium vel 1) *gratuita*, seu gratis, et deliberato animo facta remissio juris ad evitandum litigium, quæ item amicabile compositio appellatur; vel 2) *onerosa*, quæ et *transactio* dicitur, seu conventio, qua res dubia dato aliquo, aliquo retento, vel promisso deciditur. De his jam notanda:

§. 784.

Conventionalis litis decisio I. *tum gratuita, tum onerosa* solum valet, ubi nec lex, nec boni mores, nec alia pactio obstat. Unde non valet 1) in rebus, quæ non sunt privati arbitrii, 2) quando in damnum tertii, ecclesie præsertim cedit, 3) ubi peccandi periculum subest; 4) aut aliorum consensus necessario requisitus deficit (2): 5) nec valet, si partes libere non consentiant: nam licet iudex ad partes

(2) C. 4. 5. 7. de pactis c. 8. de transact.

tes componendas impendere operam possit debeatque (a); eas tamen invitas, nisi quum publica fors utilitas hoc efflagitaverit; ad id cogere nequit; II. *Effectus* compositionis onerosæ aut gratuitæ, modo nec vi, nec dolo, nec alio illicito modo extorta, sed rite sit facta, ferre sunt, 1) quod *jus* et *obligatio* inter paciscentes, non vero inter alios inde exurgat, quod 2) rei judicatæ vim habeat (b), 3) exceptionem peremptoriam ingressum litis impediens pariat, 4) actionemque intuitu causæ transactæ tollat (c), nisi beneficio restitutionis in integrum concessio agendi facultas reddatur (d).

*) Quæ semel per transactionem partium decisa, ex capite quidem doli, et minorennitatis; non vero ex capite læsionis, erroris, instrumentorum noviter repertorum, vel inspectorum, nec alia ratione impugnari possunt. *Cod. Jud. Bav. c. 17. §. 1.*

§. 785.

Alter extraordinarius litis decidendi modus est *arbitrium*, seu sententia *arbitrorum*. *Arbiter* autem est, cui a partibus litigantibus litis decisio defertur; *arbitrator*, cui ab his, qui in ineundo negotio dissentiunt, rei compositio committitur. *) Sunt porro *arbitri* alii, quibus ex dispositione juris, alii, quibus ex com-

(a) C. ult. de transact. c. 1. de mutuis petitionib.

(b) C. 5. 8. de transact.

(c) C. 1. de litis contest. in 6. c. 1. de transact. c. 20 de sent. et re jud.

(d) C. 3. de in integr. restit. L. 1. 2. Cod. si advers. transact.

compromisso seu partium conventionē causæ decisio committitur, illi a) *arbitri juris*, *legales*, aut *necessarii*, isti b) *arbitri voluntarii*, et *compromissarii* appellantur. I. *Arbitri juris* vocabantur 1) *jure romano* a) *judices a Prælore in bonæ fidei*, et *arbitrariis judiciis dati*: b) *qui conciliandis partibus sine compromisso dabant operam*: c) *qui in contractibus aliquid definebant* (e): demum d) *qui ad fidejussorum sufficientiam probandam constituebantur*, a quibus appellari poterat (f): 2) *Jure canonico* *arbitri juris* constituendi sunt a) *in causa suspicionis judici objectæ* (g): item b) *si diversi judices de revocatione litterarum apostolicarum dissentiant* (h): c) *si Episcopus cum clero sibi subjecto controversiam habeat* (i). II. De *arbitris voluntariis*, qui per compromissum partium assumuntur, rem omnem his absolvimus quæstionibus: 1) *qui*, et 2) *a quibus eligi arbitri queunt?* 3) *quanta arbitrorum est potestas*: et *quibus modis cessat?* Porro I. *arbitri eligi queunt* 1) *judices etiam ordinarii* k), et 2) *omnes*, qui et *judices esse possunt*; 3) *in causis ecclesiasticis non-*

(e) L. 15. pr. Dig. de re jud. L. 13. §. 3. Dig. de recept. et qui arbitrium receperunt. L. 76. Dig. pro socio.

(f) L. 9. Dig. qui satisfacere cogantur.

(g) C. 39. de offic. jud. deleg. c. 4. et 11. cod. tit. in 5.

(h) C. 14. de rescript.

(i) C. 46. caus. 11. q. 1.

(k) C. 10. de arbitr.

nonnisi clerici, aut consentiente ecclesiastico Superiore una cum illis etiam laici (l), 4) feminæ etiam, modo jurisdictione ordinaria (m) gaudeant: 5) unus aut plures, si consentiant; cogi enim ad suscipiendum arbitrium nemo potest: semel autem receptum abjicere fas non est. II. Arbitros *eligere* seu in eos *compromittere* possunt, 1) qui liberam rerum administrationem habent, 2) in caussis privati arbitrii, 3) non in caussis matrimonialibus, criminalibus, aut spiritualibus, nisi quatenus de iis transigi potest (n). III. Arbitrorum *potestas* 1) tum ad *caussam*, ad quam eliguntur, tum 2) ad *formulam* compromissi, quo eliguntur, est restricta: 3) unde pluribus electis pauci, nisi id compromittentes concesserint, dicere sententiam nequeunt (o). Aliud tamen statuitur in jure canonico, vi cujus tribus arbitris electis uno interesse nolente reliqui duo dicere sententiam poterunt (p). 4) Vota arbitrorum *majora* valebunt, aut 5) si sint *paria*, ad superarbitrum (*Obermann, Obirmann*) eligendum cogi (q) possunt. 6) Sententia arbitrorum (*laudum*) si intra decem dies impugnata non sit, *laudum homologatum* adpellatur, adversus quod equidem appellatio opponi nequit; verosimilius tamen contra *laudum*, ut quod

(l) C. 8. et 9. eod. tit.

(m) C. 4. eod. tit.

(n) C. 9. de in integr. restit.

(o) L. 17. §. fin. Dig. de Recept. et qui arbitrium receperunt. L. 27 §. 3. Dig. eod. tit.

(p) C. 2. de arbitr. in 6.

(q) C. 61. de appellat. c. 39. de offic. jud. deleg.

494 Sect. III. De judiciis, delictis, pœnis ecclesiasticis.
 quod iudicis sententia firmitus censi nequit,
 intra decendium sive provocatio ad iudicem
 ordinarium, sive reductio boni viri locum ha-
 bere videtur. 7) Pœnam in eum, qui laudo
 non steterit, statutam solvendi a laudo recede-
 re licebit, nisi fors clausula: *salvo manente*
compromisso, fuisset adjecta. IV. *Finitur ar-*
bitrium vel arbitrorum potestas 1) morte ar-
 bitrorum, vel compromittentium, nisi hære-
 dum quoque nomine sit compromissum, 2)
 lapsu temporis præfixi, 3) sententia ab arbi-
 tris pronuntiata, 4) mutua remissione, 5) adi-
 to iudice, 6) inita transactione (r).

C A P U T II.

De Delictis, Pœnis, ac Iudicio ecclesi-
astico criminali.

ARTICULUS I.

De Iudicio ecclesiastico criminali.

§. 786.

Quum in ecclesia sacrum veri nominis exi-
 stat Imperium; (§. 24. seqq.) in eadem quo-
 que non solum leges pro bono ecclesiæ *feren-*
di, et de actionibus fidelium, an his legibus
 consentiant, *judicandi*, sed legum etiam ob-
 servantiam *pœnalibus sanctionibus* urgendi, et
 legum prævaricatores *puniendi* potestatem, at-
 que adeo *jurisdictionem criminalem* existere
 nemi-

(r) L. 27. §. 1. L. 21. §. 8. L. 32. §. 3. L. 9.
 §. ult. Dig. de receptis, et qui arbitrium rece-
 perunt.

nemini dubium esse potest. (§. 5. seqq. et §. 28. 29.) (a)

*) Generatim 1) *pœna* est justa coercitio delicti per inflictionem mali; 1) *delictum* est libera legis prævaricatio pœnis digna. 3) *Jurisdictio criminalis* est publica potestas delictorum reos pœnis adficiendi. 4) Pœnæ rursus sunt a) *spirituales*, quæ versantur circa bonum quoddam spirituale reo adimendum; vel b) *temporales*, quæ reus jure, aut re temporali privatur, excluditurve; vel *corporales*, quæ ipsum rei corpus affligunt, torquent.

§. 787.

Prioribus ecclesiæ seculis 1) gravia quævis delicta sive a laicis sive a clericis commissa pœnis ecclesiasticis jam privatis jam publicis subdebantur: *) atque 2) hac coercitio in *laicos* et *clericos* ab Episcopis præsertim, accedente presbyterii consilio, in *Episcopos* autem a conciliis provincialibus potissimum fuerat exercitata; subinde Episcoporum causæ criminales sensim ad Pontificem Rom. devolvebantur. (b) 3) *Forma* autem judicii criminalis ecclesiastici admodum simplex erat et tricarum forensium expers; nec forum internum ab externo fuit secretum.

*) Pœnæ a iudicibus ecclesiasticis infligi solitæ, inquit Fleurius (c) » vel mere spirituales sunt, » ut depositio vel excommunicatio, vel aliquid » seculare involvunt, ut condemnatio ad eleemo-
» synas

(a) Vid. Ultheimer Diss. de potestate punitiva ecclesiast. et sec. Bamb. 1772. Van Espen J. Eccl. univ. P. III. tit. XI. c. 1.

(b) Cf. Trid. sess. 13. c. 6.

(c) Instit. jur. eccl. p. 3. c. 18.

»synas, fustigatio, carcer. Prioris generis poenae
 »ita sunt propriae ecclesiae, ut eas semper exer-
 »cuerit etiam in maximo persecutionum aestu;
 »posterioris generis poenae, quae coactionem
 »quandam involvunt, pariter antiquis auctorita-
 »tibus nituntur. Nam ab omni tempore eccle-
 »sia peccatoribus poenitentibus eleemosinas, je-
 »junia, aliasque afflictiones corporis imperavit,
 »impenitentibus absolutionem denegavit, eosque
 »si diu haerere in vitio, neque ad poenitentiam
 »vel satisfactionem proni essent, excommunicavit,
 »Augustinus fustigationis per Episcopos exercitae,
 »ad exemplum dominorum, qui servos, paren-
 »tum, qui liberos, magistrorum, qui discipulos
 »castigarent, meminit etc. in epist. ad Marcell.
 »c. 1. caus. 23. q. 5. Cf. Annot. in Cod. civ.
 Bav p. 5. c. 19. §. 41. n. 1. Cf. Thomassin
P. II. L. 3. c. 79.

§. 788.

Verum seculis posterioribus, praesertim
 quum facta esset fori exterioris ab interno et
 poenitentiali separatio; Presbyteris in foro in-
 terno poenitentiali delicta occulta, aut leviora
 fuere relicta; publica majora foro externo seu
 judicio ecclesiastico reservata sunt, quibus
 tum poenitentiae illae, quae pridem ad correc-
 tionem delictorum fuere dictatae, tum aliae
 pecuniariae corporalesque etiam in modum ju-
 dicii forensis per sententiam judicis impositae,
 per publicos justitiae ministros inflictae, et ex-
 ecutioni mandatae. (d) Atque exinde adop-
 tatis juris civilis formulis, et ambagibus, in
 foro exteriori modus judicii criminalis eccle-
 siastici

(d) Vid. Van Espen J. Eccl. univ. P. III. tit. 11.
 c. 1, n. 3. seqq.

siastici a seculari tam quoad processum *inquisitorium*, quam *lenunciatorium* et *accusatorium* parum jam differt. *)

*) De *inquisitionum tribunalibus*, quæ a plus quam quingentis annis paullatim hæresum aliorumque criminum extirpandorum caussa per Italiam, Hispanianique et alias quasdam regiones constituta fuere; de *processu inquisitionis* in his tribunalibus recepto strictim agit. *Fleury instit. Juris eccles. P. III. c. 9. et 10.*

§. 789.

Mutata igitur judiciorum ecclesiasticorum forma in processu criminali ecclesiastico delicta ecclesiastica in iudicium deducuntur 1) per *accusationem*, 2) *denuntiationem*, 3) *inquisitionem*. Inde triplex genus processus *accusatorii*, *denuntiatorii*, *inquisitorii*.

*) *Processus criminalis* vel est a) *ordinarius*, qui instituitur ad *accusationem præcedentem*, vel b) *extraordinarius*, qui per viam *inquisitionis* peragitur. *Inquisitio* autem fit vel ad *denuntiationem* antea factam, vel quandoque etiam *denuntiatione* non præcedente.

§. 790.

Accusatio heic est delatio delicti et personæ delinquentis facta apud iudicem ecclesiasticum publicæ vindictæ, et pœnæ caussa. Videndum heic I. a quo *accusatio* fieri possit? II. quis *Modus accusationis*? III. qui *Effectus*? I. *Accusare* vulgo *nequeunt* 1) clerici laicos in iudicis criminali seculari; (e) attamen ob suam suorum-

(e) C. 9. ne Clerici vel Monachi.

suorumque injuriam civiliter judicem implorare possunt, tantum non ad vindictam sanguinis; 2) laici non admittuntur vulgo ad accusandos solenniter clericos: (f) repelluntur item 3) excommunicatione majori irretiti: (g) 4) inimici, eorumque familiares, 5) alii, qui jure quoque civili prohibentur, aut fidem non merentur. (h) II. *Accusationis modus* est, ut 1) accusator fit præsens, 2) se ad talionis pœnam, si crimen non probaverit, in scriptis obliget, (i) quod tamen usu receptum haud est; 3) nec solet procurator vice seu actoris seu rei admitti; nisi forte, ut hujus absentiam excuset. III. *Effectus* accusationis est, quod 1) accusatus pendente accusatione a muneribus publicis suspendatur; 2) ad novas dignitates admitti, aut 3) accusatorem, quod ajunt, recriminare, nisi forte de graviore crimine, nequeat. (k)

§. 791.

Denuntiatio est simplex criminis occulti facta Superiori revelatio: 1) *evangelica*, quæ ad Superiorem ceu Patrem rei emendandi causa, 2) *judicialis*, quæ fit ad eundem ceu judicem damni privati reparandi gratia. Illa fit
1)

(f) C. 10. de accusat.

(g) C. 7 de judic.

(h) C. 13. 19. de judic. c. 6. seq. caus. 3. q. 5.

(i) C. 4. Caus. II. q. 1. et c. 4. Caus. II. q. 8. c. 16. de Accusat.

(k) Arg. c. 2. de purg. can. c. 4. de accusat. c. 1. 2. 4. caus. 3. q. 11.

1) præmissa fraterna correctione, (l) 2) secreto, 3) absque obligatione crimen probandi; attamen accusans sæpe tenetur suggerere testes, indicia, probationes, ut procedi possit ad inquisitionem. Porro

§. 792.

Inquisitio est actus, quo iudex, an, et a quo commissum sit crimen, ex officio inquit: a) *generalis* est, qua generatim in delictum, ejusque auctorem, b) *specialis*, qua in certam personam, an delicti sit rea, inquiritur. I. Ad *generalem* sufficit 1) delictum esse patratum, 2) rumorem de eo commissio volitare, aut 3) aliquam adesse de crimine commissio justam suspicandi rationem; II. ad *specialem* requiritur, 1) ut de corpore delicti constet, 2) isque in quem inquiratur, merito de crimine suspectus, aut infamis sit. (m). Ceterum generalis inquisitio sæpe præmittitur, ut hac ratione ad specialem veniri possit.

*) *Torturæ* usum reprobant, et ex foris christianis eliminari exoptant quidam ex eo, 1) quod, ubi de crimine plane constat, etiam sine confessione ad pœnam ordinariam procedi queat, proindeque tortura porro inutilis sit: 2) quod, si confessi soli damnentur, *nocentes* torturæ exantlandæ spe inducti ad peccandum proniores sint futuri: 3) quod ea uti in homines, de quorum scelere nondum liquet, ab humanitate et æquitate alienum videatur: 4) quod tortura anceps ac incertum explorandæ veritatis sit medium etc. Alii contra usum ejus circumspecte adhibitum defendunt. Om-

I i 2

nes

(l) Math. XVIII. 15.

(m) C. 19. 21. 24. de Accusat. et c. 2. eod. in 6.

nes eam nonnisi tunc, ubi alia explorandæ veritatis, ac tuendæ administrandæque justitiæ publicæ remedia deficiunt, recte adhiberi posse facile concedunt. Cf. *Van Espen Jur. eccl. univ. P. III. tit. 8. c. 3. n. 28. seqq.*

§. 793.

Quæsi facta inquisitione persona indicii gravata invenitur; 1) ea pro ratione criminis et personæ, custodiæ vel carceri potest mancipari; 2) inde ad particulos positos respondere cogitur; 3) testes audiuntur; 4) aliquando satis gravatus, attamen crimen confiteri nollens, torturæ subjici solet; *) 5) aut si sola infamia, vel suspicionibus laboret, deficientibus aliis probationibus ad purgationem canonicam per jusjurandum, tactis SS. Evangeliiis nuncupandum, (n) admittitur: **) 6) Demum lata sententia aut *absolvitur*, aut convictus vel confessus, vel aliquando etiam præsumtionibus violentis (o) gravatus ad pœnam ordinariam; aliquando ob varias rationes ad extraordinariam condemnatur.

*) Modus purgationis canonicæ olim varius obtinuit. Ea peragebatur 1) jam per sumtionem, 2) aut consecrationem eucharistiæ, (p) jam per jusjurandum tum ab accusato, tum a compurgatoribus (consacramentales appellabantur) dictum. (q) 4) Episcopi delicta minora per assertionem seriam sufficienter purgasse sæpe credebantur. *Vulgares pur-*

(n) C. ult. de purgat. can.

(o) Arg. c. 12. de Præsumtionib.

(p) C. 4. 8. 23. caus. 2. q. 4.

(q) C. 1. de purgat. can. Germanis in processu criminali sufficiebant consacramentales septem; unde fors ortæ voces: *Befibnen, überfibnen.*

purgationes, sub *Ordaliæ*, *Ordalii*, *judicii Dei* nomine notæ, quæ non sine superstitionibus, et tentatione Dei per duellum, ignem, ferrum candens, per aquam ferventem, aut frigidam, per provocationem ad iudicium Dei, per cruceem (durch Wasser, Feuers Kreuzprobe etc.) sese purgare homines rudes et superstitiosi volebant, non modo SS. canonibus, (r) sed et Principum legibus prohibentur; unde adhibitæ non modo non excusant, sed et nova pœna castigari merentur. De purgationis vulgaris speciebus, usu, ritibus, reprobatione vid. Van Espen J. Eccl. univ. P. III. tit. 8. c. 4.

ARTICULUS II

De Pœnis Ecclesiasticis.

S. 794.

Detectis per processum criminalem delictis determinatæ legibus, aut arbitrio iudicis dicantur, infligunturque pœnæ, quæ 1) sunt vel *spirituales*, si jus aut bonum quoddam spirituale adimunt, vel 2) *temporales*, si inflictione mali aut privatione boni temporalis absolvantur, quæ, si ad affligendum corpus pertinent, *corporales* dici solent *) (§. 786.) Utræque sunt vel 3) *positivæ* vel *privativæ*, prout earum executio vel inflictione mali positivi, vel, subtractione boni peragitur; item 4) sunt aut *ferendæ*, aut *latæ* sententiæ; prout ad eas incurrendas sententia condemnante est, vel non est opus;.* 5) *medicinales*, quæ in-

li 3

pri-

(r) C. 7. et 20. Causs. II. q. 4. c. 9. ne Cleric. vel Monachi c. 1. 2. 3. de purgat. vulgar. c. 8. de purgat. can. c. 10. de excess. Prælat.

502 Sect. III. De judiciis, delictis, pœnis ecclesiasticis.
primis emendationem delinquentis, vindicativæ, quæ vindictam criminis proxime respiciunt. ***)

*) Pœnas etiam corporales ab ecclesia inflictas, siquidem ex parte causæ efficientis et finalis considerentur, posse magis spirituales, quam temporales dici, non desunt, qui autument. Cf Boehmer tit. de pœnis §. 3.

) Pœna scilicet *latæ sententiæ* dicitur, quam lex aut iudex actu constituit, quæ proin ipso facto, et criminis admissione incurritur, ita, ut ad eam incurrendam nunquam *sententia condemnante*, sed summum quandoque *sententia declaratoria* sit opus: *pœna ferendæ sententiæ*, quæ etiam *comminatoria* appellatur, est illa, quam lex aut iudex minatur tantum infligendam, aut jubet infligi; quæ propterea non ipso facto vel delicto incurritur, sed per sententiam condemnatoriam infligitur. Ceterum pœnam esse 1) *latæ sententiæ*, colligunt a) ex formulis his vel similibus: *ipso jure, eo ipso, ipso facto, statim, mox sit suspensus, excommunicatus*: b) ex verbis *præsentis* aut *præteriti* temporis: *suspendimus, excommunicamus, noverit se suspensum*: item c) ex *imperativi* temporis verbis: *excommunicationi subiaceat*: nisi hæc verba ad iudicem dirigantur, ei que officium, censuram infligendi, committatur. Demum d) ea verba: *anathema sit, vulgo latæ sententiæ pœnam* dicuntur innuere. 2) *Ferendæ sententiæ* pœnas exprimunt a) verba *futurum* indicantia: *excommunicabitur*, item b) sub *interminatione anathematis*: demum c) quum alicui præcipitur, ut pœnam dictet, censuram ferat; *jubemus, volumus suspendi, excommunicari*. In dubio, eo quod in *pœnis benignior interpretatio facienda est* (a), pœna, aut censura *ferendæ* potius, quam *latæ sententiæ* est credenda, *) Cir-

(a) Reg. jur. 49. in 6.

***) Circa poenas ecclesiasticas has tenemus regulas:

I. quoad quasvis poenas *positivas* semper sententia saltem *declarante* est opus, nam ante illam in seipsum poenam exequi ab humana imbecillitate alienum videtur. Ex eadem ratione II. quoad poenas *privativas*, siquidem 1) jure jam *quæsito* privent, regulariter, nisi jus speciatim aliud constituat (b), reus ante sententiam saltem declaratoriam jus suum ipsemet abdicare debere non videtur; excipe tamen censuras, irregularitates, jus petendi debitum conjugale etc., ubi lex conceptis verbis aliud decernit. Quodsi 2) de jure primum quærendo agatur, poenæ latæ sententiæ ante omnem judicis sententiam obligant, quum inhabilitatem ad acquirendum inducant. III. Ubi sententia *condemnans* ad poenas incurrendas requiritur, a die *latæ sententiæ*, ubi *sententia tantum declarante* opus est, a die *commissi* criminis poena effectum sortitur.

§. 795.

Inter poenas ecclesiasticas *medicinales* præcipientie habentur *censuræ*. Est autem censura cœna *spiritualis*, qua homini baptizato delinquenti et contumaci, donec resipiscat, quorumdam spiritualium, quorum dispensatio ecclesiæ concredita est, bonorum usus aufertur. Censuras varie dividunt: alia enim est 1) *aure*, quæ per legem statutumve perpetuum in omnes legis certæ prævaricatores fertur: alia ab *homine* per singularem sententiam vulgo in certam ac determinatam personam lata: 2) utraque est *latæ* vel *ferendæ* sententiæ.

Ii 4

(§.

(b) E. g. C. 14. da Elect. in 6. dimittenda parochia ab eo, qui intra annum ad sacerdotium non est promotus.

(§. præc.) 3) *Species censurarum sunt excommunicatio, interdictum, suspensio.* (c) Heic quædam I. de censuris *generatim*, tum II. de earum *speciebus* monenda.

§. 796.

De *censuris generatim* hæc notanda: I. *censuras ferendi potestas* nonnisi Superioribus ecclesiasticis competit, qui sacram jurisdictionem, quæ nec appellatione prævia, nec voluntate Superioris, nec excommunicatione majore impedita est, in foro externo habent. Tales sunt 1) Papa, 2) Episcopi, eorumque Vicarii, 3) Concilia 4) Capitula sede vacante, 5) Prælati, qui jura episcopalia tenent, etc. *) Potest item censuras ferendi potestas consuetudine, privilegio, aut præscriptione obtineri. II. *Causa ferendæ censuræ* est 1) culpa gravis, saltem intuitu censuræ gravioris, 2) verosimilius solum externa, et 3) cum contumacia conjuncta. (d) Unde III. *causæ a censura excusantes* sunt 1) quidquid a peccato vel omni vel gravi excusat: nempe 2) impotentia moralis, qua stante lex ecclesiastica vulgo non obligat, 3) ignorantia invincibilis facti, et juris ecclesiastici præcipientis; immo quum requiratur contumacia, excusat verosimilius 4) sola censuræ ignorantia, saltem quæ crassa aut affectata non fuerit (e). IV. *Forma ferendi*

(c) C. 20. de V. sign. c. 1. 13. de sent. Excom. in 6.

(d) C. 23. de verb. sign. c. 48. de sent. excomm.

(e) C. 48. de sent. excomm. c. 5. q. eod. tit. in 6.

di censuras est hujusmodi: 1) quodsi censura per modum sententiæ judicialis infligenda sit, trina, vel una peremptoria præcedat (f) necesse est admonitio, et sententia, si videbitur, publicanda; 2) si censura a *canone* constituta et simul sit *sententiæ latæ*, tum quidem ipsam legem *monitionis* vice fungi vulgo adserunt: at enim, num hoc asserto difficultas sit sublata viri multi gravesque merito dubitant (g). V. *Absolutio a censuris* his generatim regulis dirigitur: censura 1) lata ab *homine* nonnisi ab eodem, vel ejus delegato, successore, aut superiore relaxari potest: 2) lata *a lege*, nisi reservata sit speciatim summo Pontifici aut Legislatori, ab Episcopo; immo pro foro interno cujusvis confessarii absolutione tollitur. 3) In articulo et periculo mortis a quovis sacerdote quæcunque censura relaxari potest. Hoc tamen casu si censura sit reservata, absolvens juramento præstito se obligare debet: quod cessante impedimento Superiori se sistere velit; id facere si neglexerit, in eandem recidet censuram (h).

*) Quum censuras ii solum, quibus jurisdictio in foro externo competit, et in sibi subjectos tantum

I i 5

ferre

(f) Arg. ex c. 2. de constit. in 6.

(g) Cf. Pistoriens. Synod. act. sess. XXI. *Mannzer Monatschrift von geistl. Sachen* 1790. mense Jul. pag. 541. Vid. item *Grundsätze zur Herfstellung der Eintracht politisch und kirchl. Macht.* §. 25. pag. 45. et pag. 88. Cf. van Espen J. eccl. un. P. III. tit. 11. c. 6.

(h) Trid. sess. XIV. c. 7. de pœnit. c. 29. de sent. excomm. et c. 22. eod. tit. in 6.

ferre queant, colligimus: 1) censuris Ordinarii vulgo nec ligari ab ejus jurisdictione exemptos; nec 2) subditos, qui extra Episcopi sui territorium delinquent, censuris per ejus statuta latis subjacere. (i) At vero 3) subditos in propria sua Diocesi delinquentes, etsi deinceps in alienum territorium fugerint, Episcopi sui censuris ligari; item 4) extraneos etiam in aliena diocesi delinquentes, eoquod ratione delicti forum fortiantur, (k) in hac posse censuris castigari.

§. 797.

Inter censurarum species primo loco occurrit *excommunicatio*; *) seu pœna medicinalis ecclesiastica, quæ hominem baptizatum communione ecclesiæ vel omni prorsus, vel ex parte privat: scilicet alia est 1) *excommunicatio major*, quæ privat omnibus ecclesiæ bonis spiritualibus communibus; imò convictu, consortio, salutatione, colloquio fidelium; alia 2) *minor*, qua quis excluditur jure recipiendi sacramenta, et electionis passivæ ad dignitates, ac beneficia ecclesiastica. Hæc, uti et excommunicatio latæ sententiæ recentioris disciplinæ est. **) *Excommunicatio major* ceu summum coercitionis ecclesiasticæ genus I. *infligenda* 1) solum propter grave et ecclesiæ noxium crimen cum contumacia junctum, non propter res mere temporales, pecuniarias, aut privatas injurias, 2) maturo consilio, et caute; 3) aliis remediis frustra adhibitis, 4) raro. (l) II. *Effectus* ejus 1) *ecclesiastici* quidem
contra

(i) C. 2. de constitut. in 6.

(k) C. ult. de foro compet.

(l) Trident. sess. XXV. c. 3. de reform.

ontra quæcunque ecclesiæ membra, atque deo etiam contra Principes valent; 2) *temporales* nunquam contra Principes, neque contra alios invito Principe obtinent. ***)

*) Receptum quoddam apud Germanos gentiles excommunicationis genus Julius Cæsar memorat his verbis: » Illi (Druides, sacrificuli) præmia pœnasque constituunt. Siquis aut privatus aut populus eorum decreto non stetit, sacrificiis interdunt. Hæc pœna apud eos est gravissima. quibus ita est interdictum, ii numero impiorum ac sceleratorum habentur; iis omnes decedunt, aditum eorum et sermonem defugiunt, nequid ex contagione incommodi accipiant. Neque illis petentibus jus redditur, neque honos ullus communicatur. His autem omnibus Druidibus præest unus, qui summam inter eos habet auctoritatem. Hoc mortuo, siquis ex reliquis excellit dignitate, succedit; aut, si sunt plures pares, suffragio Druidum adlegitur. » Julius Cæsar de Bello Gallico L. 6.

**) *Excommunicatio minor* seculo primum XIII. cognita fuisse videtur. (m) Excommunicationis item *latæ sententiæ* certum in Gratiano vestigium haud deprehenditur: illam enim in percussores clericorum (n) constitutam potius ex Doctorum interpretatione et consuetudine, quam ex Legislatoris mente latæ sententiæ censi jam supra (§. 438.

**) innuimus. Excommunicationis non unam in ecclesia speciem antiquitatis monumenta produnt: sic 1) Episcopus, qui adire concilium neglexit, aut alterius diocesis clericum ordinavit, communionem aliarum ecclesiarum privatus, et ad propriæ

(m) C. ult. de cler. excomm. ministrante, et c. 59. de sentent. excomm.

(n) C. 29. caus. 17. p. 4. Cf. Van Espen J. eccl. un. P. III. tit. 11. c. 6.

priæ ecclesiæ communionem restrictus *excommunicari* dicebatur: 2) alia excommunicationis species erat, quod literas delinquentis Episcopi formatas aliæ ecclesiæ non acceptarent: 3) excommunicationis item naturam imitabantur publicæ pœnitentiæ gradus, in quibus constituti peccatores variis bonis spiritualibus erant exclusi. (o) Ceterum vox *excommunicatio* olim, contra ac hodie, non majorem, sed quamdam minoris seu particularis excommunicationis speciem denotabat illa enim, qua quis ab omni ecclesiæ communionem removebatur, *mortalis*, aut *anathema*, ejus vero gravissima species *Maranatha* (p) appellabatur (q).

***) Censuræ ecclesiasticæ per se quidem sola sacrorum privatione continentur. Aliquos tamen excommunicationis effectus civiles vel ab apostolico ævo obtinuisse, vero non est absimile. Ita S. Joannes (r) vetat *ave* dici ei, qui perversam tradit doctrinam; S. Paulus (s) jubet, ut ab omni fratre *inordinate*, et non secundum doctrinam apostoli *ambulante* fideles se subtrahant. Alios civiles effectus serius cum excommunicatione fuisse conexos, in confesso est. Porro ex hodierna disciplina effectus excommunicationis majoris sunt, quod privet 1) suffragiis ecclesiæ, 2) facultate sacramenta tum suscipiendi, tum administrandi, 3) potestate divina celebrandi, frequentandi, adipiscendi beneficia ecclesiastica, jurisdictionem ecclesiasticam exercendi, 4) communionem forensi, seu facultate judicem, actorem vel testem agendi in judicio, 5) sepultura ecclesiastica, 6) communionem ecclesiasticam, tum etiam civili aliorum, cujus

va-

(o) Vid. Van Espen Jur. eccl. u. P. III. tit. 11. c. 3. n. 1 — 18.

(p) Vid. c. 12. caus. 33. q. 2.

(q) Cf. Van Espen loc. cit. c. 3. n. 27. seqq.

(r) II. Epistol. 10. 11.

(s) II. Thess. III. 6.

varii prohibentur actus hoc versu expressi: *os, orare, vale, communiō, mensa negatur* Hoc commercium non solum interdicitur excommunicato, sed et aliis, et his quidem sub pœna excommunicationis minoris.

§. 798.

Excommunicatio minor I. hodie solum incurritur ab eo, qui caussa *excusante* legitima * destitutus, communionem habet vel 1) cum excommunicatis vitandis, in quos censura a iudice publicata, et denunciata specialiter et expresse est; vel 2) cum notorio et injusto clerici perussore (§. 438.), cujus factum non possit alia tergiversatione celari, neque alio juris fragio excusari (t). Ceterum excommunicationis minoris effectus ex ejus descriptione (§. æc.) patent.

*) Scilicet ne excommunicatio in odium fidelium innocentum detorqueatur: his commercium cum excommunicato cetera etiam vitando permittitur, ubi illud suadent 1) insignis propria, vel alterius spiritualis corporalisve utilitas; 2) vinculum matrimonii, aut 3) subjectionis; 4) necessitas excommunicati, vel alterius. Demum pœnam minoris excommunicationis non incurrit, qui alium esse vitandum ignorat: quæ rationes excusantes noto comprehenduntur versu: *Utile, lex, humile, res ignorata, necesse.*

§. 799.

Excommunicatio major, ut quidem ex fuestis, et tristissimis effectibus ejus palam fit, *) cœna est gravissima: proin nonnisi in graviora

(t) Martinus V. extrav. ad evitanda. Vid. Harzheim Concil. german. Tom. V. f. 133.

510 *Sect. III. De judiciis, delictis, penis ecclesiasticis.*
 ra delicta, adhibita summa providentia et cautione, raroque admodum vibrari eam, ipsa æquitas jubet: quod ipsum et Patrum, Consiliorumque inculcat auctoritas (u), et antiquitatis exempla confirmant. Nihilominus seculis posterioribus in bullis, et decretis Pontificum, tum quæ corpore J. C. continentur, tum aliis magnus earum numerus et obviis in causis occurrit atque earum excommunicationum pleræque etiam latæ sententiæ, et ipsis Pontificibus sunt reservatæ, *) de quarum vi, et receptione si casuistas, decretalistasque pervolveras omnes, nil nisi opinationes reperiēs. **) Unde, ne conscientis injiciantur laquei, nil quidem optandum magis, quam ut saltem in quavis diœcesi de earum, immo aliorum quoque decretorum receptione authentica, quod alicubi factum egregie, ederetur declaratio, imo vel receptorum, quorum usus ecclesiis incommodus, expressa fieret revocatio.

*) Tristissimos effectus et pericula animarum, quæ inde oriri pronum est, deplorat Rosemundus in suo confessionali (x). Cf. *Gerson de vita-spirit.* lect. 4.

**) Excommunicationum integros catalogos multum texunt, quos inter Cl. Amort (y) ita habet:

» Exactius illas enumerat Pisellus in summa Theol.

(u) C. 41. 42. caus. 11. q. 3. Trid. sess. 25. c. 3. de refor. etc. Cf. Van Espen l. cit. c. 7.

(x) Apud Espen J. E. un. P. III, tit. 11. c. 6. n. 22.

(y) Theol. Elect. de poenit. disp. 9. de Cas. reserv. q. 45.

Cap. II. De delict. pœn. ac iudicio eccles. criminali. 511

» logiæ moralis, qui Papæ reservatas recenset
» 269; non reservatas autem 150. Cum igitur
» omnes posteriores in nostra diœcesi Augustana
» *directe* vi statutorum synodaliū sint reservatæ
» Episcopo; priores vero eidem sint reservatæ
» saltem *indirecte* respectu eorum. qui Papam ac-
» cedere nequeunt; omnes hoc loco enumerandas
» censui, ne clerici semetipsos decipiant, existi-
» mantes, se excusari per ignorantiam a reserva-
» tione incurrenda, aut pœnitentibus denuntian-
» da. etc.

***) Ita in Instructionali Bambergensi addita ratione, ne censuræ et reservationes ad destructionem, sed ædificationem serviant, statuitur; ut ad octo solum casus Pontifici reservatos, qui adcurate explicantur, Curati attendere debeant. *Inst. Romano-Bambergense pag. 262.*

§. 800.

Interdictum est censura, qua usus rerum quarundam sacrarum vel quibusdam ecclesiæ membris, vel per certum ecclesiæ tractum prohibetur. Unde aliud est 1) *personale*, *locale* aliud; utrumque 2) *generale* est vel *speciale*; a) *generale personæ* dicitur, quod in personam moralem, seu corpus ex pluribus personis compositum, b) *generale locale*, quod in locum generalem, plura particularia in se complectentem fertur; c) *speciale* est, quod aut aliquas determinatas personas, aut unam duntaxat ecclesiam tangit. *) Porro interdictum I. *prohibet* 1) *administrationem sacramentorum*, non tamen omnium, nam sacramenta baptismi, confirmationis, pœnitentiæ, sacrum morientium viaticum administrari (2) possunt om-

(2) C. 43. de sent. excomm. et c. 19. eod. in 6. c. 11. de pœnit. et remiss.

omnibus, exceptis iis, qui interdicto causam dederunt; nisi hi satisfaciant, aut de satisfaciendo caveant: prohibet ad publicam *divinorum celebrationem* et ingressum ecclesiae, nisi in praecipuis festis nativitatis Domini, Paschae, Pentecostes, Assumptionis B. V, Corporis Christi, et octavae ejusdam, ubi exclusis excommunicatis admittuntur interdicti. His utrisque exclusis et clausis januis *secreto* divina celebrare licet (a): prohibet 3) *sepulturam* ecclesiasticam. II. Porro interdictum *locale*, nisi ob causam *generalem* ex delicto publico, 2) *personale generale* duntaxat ob culpam a maiore communitatis parte admissam; 3) *personale speciale* ob culpam personae etiam unius gravem ferri potest. Denique III. nec populo interdicto clerus, nec hoc interdicto populus interdictus habetur; immo interdicto etiam clero Praelati majores, nisi speciatim exprimantur, censeantur esse interdicti (b).

*) 1) Interdicti localis speciem quamdam jam apud S. Gregorium Touronensem (c) deprehendere quidam sibi visi sunt. Quidquid id sit, 2) usus interdicti generalis maxime circa seculum X. et deinceps invaluit. 3) Forma illius illustrior hodiernam interdicti rationem propius exprimens occurrit in synodo Lemovicensi Anno 1031. celebrata. Quam quidem formam tunc fuisse recens invecam, auctores coevi testantur: et Ivo Car-

(a) C. 11. de poenit. et remiss. c. 43. de sent. excomm. c. 24. eod. in 6.

(b) C. 4 et 16. de sent. excomm. in 6.

(c) L. 8. Histor. Francorum c. 51.

Carnotensis (d) interdictum illud *remedium insolitum* vocat. 4) Id igitur certum, interdicta loca-
lia posterioribus primum seculis *frequentiora* eva-
sisse. Ne vero interdicti occasione populus inno-
cens sacris privaretur, deinceps a Pontificibus
illorum rigor variis modis fuit mitigatus. Cete-
rum 5) ab interdicto probe secernenda est *cessatio*
a divinis, quæ proprie censura non est, sed mera
officiorum divinorum denegatio a Superiore ec-
clesiastico ad significandum de gravi quodam pu-
blicoque scelere luctum decreta.

§. 801.

Suspensio (pœna clericis propria) est censura
ecclesiastica, qua clericus usu, aut functioni-
bus ordinis, officii, vel beneficii interdicitur.
Unde *suspensio* est vel 1) ab *ordine*, quæ ex-
ercitio ordinis, vel 2) ab *officio*, quæ actibus
jurisdictionis, vel 3) a *beneficio*, quæ fructi-
bus beneficii privat; atque si 4) his omnibus
simul excludit, *totalis simpliciter*; sin 5) om-
nibus actibus, vel solius ordinis, vel solius
jurisdictionis privet, *totalis secundum quid* a
quibusdam dicitur, atque vicissim eodem mo-
do *partialis* appellatur. Quare I. suspensus a
beneficio 1) non eo ipso etiam ab officio; aut
suspensus ab uno actu ordinis, non item sem-
per ab aliis erit suspensus: attamen 2) nomine
suspensionis ab officio vulgo suspensio tam ab
actibus jurisdictionis quam ordinis intelli-
gitur. Cetera 3) *in dubio* heic ceu in re odiosa
benignior pars amplectenda. II. *Suspensio*,
ut

(d) Epist. 94. vid. Van Espen Jur. eccl. univ. P.
III. tit. 11. c. 9. n. 19. seq.

514 Sect. III. De iudiciis, delictis, pœnis ecclesiasticis.

ut quævis censura gravis alia, ferri nequit, nisi 1) ob delictum grave, 2) et in communitatem, nisi ob delictum commune. 3) Quodsi suspensus *palam* quoque sit denunciatus, in actibus ipsi prohibitis habere cum eo communionem non licet.

*) Ad pœnas medicinales ecclesiasticas revocari item potest *pœnitentia publica* ad delicta inprimis publica et graviora, expianda post medium seculum III. invecta. Nempe 1) occasione schismatis Novatiani austerior disciplina, quatuorque pœnitentium gradus, seu *stationes* introducti a) *fletitium*, qui in exteriori ecclesiæ atrio positi, ingredientium preces inter varias animi contriti significationes implorabant: b) *audientium*, qui in ecclesiæ vestibulo sacros sermones auscultabant, ceterum S. Liturgia exclusi: c) *substratorum*, qui prostrati crebrisque manuum impositionibus lustrati ante oblationem, seu inceptam fidelium missam abire debebant: d) *consistentium*, qui tempore sacrificii in ecclesia quidem persistebant, neque tamen ad oblationes, aut Eucharistiæ communionem fuere admissi. 2) Hos gradus inter ardua pœnitentiæ opera percurrere vulgo graviorum criminum rei tenebantur, dum ad plenam ecclesiæ communionem admitterentur. Passim tamen Episcoporum prudentiæ erat relictum, ob pœnitentis fervorem, ob ingruens mortis, aut persecutionis periculum; aut ad Martyrum libellos, seu deprecationes, sat longum pœnitentiæ tempus restringere. 3) Is pœnitentiæ rigor paulatim remisit a sec. VII. subin pœnitentiæ publicæ loco peregrinationes; professio religiosa, preces, elemosynæ etc. imponi cœperunt. 4) Sec. XIII. antiquioris disciplinæ vix umbra superreat. Cf. Rupperecht Not. in J. Can. ad Decret. L. V. tit. 38. n. 33. seq. Van Espen J. E. un. P. II. tit. 6. c. 2.

§. 802.

Praeter censuras ceu pœnas medicinales ecclesia utitur pœnis *vindicativis* sibi propriis. Tales sunt I. *Privatio beneficii* vel a jure, vel per sententiam judicis decreta; II. *Depositio simplex*, qua homo clericus salvo manente statu clericali ab exercitio ordinis in perpetuum removetur, et ad omnia beneficia incapax redditur (e): III. *Degradatio*, qua clericus propter atrociora scelera non tantum ordinis exercitio, et beneficio, sed et ipso statu, et dignitate clericali et fori canonisque privilegio exuitur: dicitur *verbalis*, quando per sententiam promulgatur, *realis*, quando reapse inter sat lugubres ceremonias (f) executioni datur. *) III. *Irregularitas* aliquando ex delicto orta pœnæ locum obtinet, de qua supra (§. 409.) diximus. **)

*) Huic pœnæ affine, immo quoad rem ab ea haud diversum quidam arbitrantur illud animadversionis genus, quo clerici ad *communione laicam* quondam detrusi sunt. Ceterum causæ depositionum olim in synodis tractabantur, hodie ab Episcopo, et eidem adstantibus definiuntur. (g)

**) In foro ecclesiastico olim pœnas etiam carceris, fustigationis, immo indulgentibus Principibus, exilii in pertinaces aliquando adhibitas esse monumenta antiquitatis testantur. At earum usum dudum restrictum hodie a foro ecclesiastico, fere abiisse, nemo nescit. Pœnæ pecuniariæ hodieque

Kk 2

in

e) Depositionum Episcoporum Germanorum exempla plura recitat, von Sartori *geistl. und weltl. Staatsrecht*, 2. Th. 2. B. 1. Abt. §. 1298.

(f) C. 2. de pœnis in 6.

(g) C. 13. dist. 55. c. 7. dist. 50. Trid. sess. 13. c. 4.

in foro ecclesiastico retinentur, pecuniæ tamen non judici ecclesiastico, sed piis causis cedunt. Atque si multa quidem pecuniaria Bavarie clericis fuerit imperata, Concordata Bavarie decernunt, » parte ejus aliqua Notariis causæ, et » Pedellis cessura, residuum in ecclesiarum fabricas, vel similes pios usus, intra Bavarie fines collocetur etc. « *Concord. Bav. de A. 1583, c. 3.*

ARTICULUS III.

De Delictis ecclesiasticis aliisque.

§. 803.

Quænam *delicta* præcise sint *ecclesiastica*, quænam *civilia*, nec inter ipsos jureconsultos plane convenit: vulgo tamen hac in re sequentia adoptantur principia. *Delicta* habenda sunt 1) *ecclesiastica*, quæ inprimis et proxime religioni, bono, ac salutis ecclesiæ repugnant, quæque proin pœnis subjacent ecclesiasticis; * 2) *civilia* sunt, quæ bono reipublicæ profanæ per se adversantur, et pro foro saltem externo pœnis ecclesiasticis hodie castigari non solent: 3) *mixta*, quæ salutis reipublicæ tam sacræ, quam profanæ æque nocent; et idcirco utriusque castigationibus sunt obnoxia. **) De ecclesiasticis dicemus primo.

*) Inde *delicta ecclesiastica* habentur, quæ ipsam fidem, et religionem propius lædunt, 1) infidelitas, 2) apostasia, 3) hæresis, 4) schisma, 5) simonia, 6) blasphemia, 7) perjurium, 8) divinatio, sortilegia etc. 9) varii generis sacrilegia. Reliqua vel mixti fori sunt, vel prorsus secularia.

**) Hodie 1) crimina *mixta*, a laicis commissa fere in uno foro civili castigantur: 2) manet tamen judici ecclesiastico integrum; in ea, etsi pœnis
civi-

civilibus affecta, canonicis quoque poenis animadvertere. Nec repugnat etiam, ut delictum ecclesiasticum ab ecclesia punitum, poenis quoque in foro seculari afficiatur. Id quod ex corpore Juris civilis, et poenis in hæresin, aliaque ecclesiastica delicta ibidem statutis liquet. 3) Delicta clericorum fere uni judici ecclesiastico punienda relinquuntur. Quodsi tamen id genus delicta reipublicæ bono insigniter repugnent, inuncta poena canonica civilibus insuper, et pro delicti gravitate criminalibus quoque poenis solent multari. Id quod legibus quoque constitutum est patriis. (S. 443) Cf. Concord. Bav. A. 1583. §. 3. Recess. August. 1684. §. 6.

§. 804.

Inter delicta ecclesiastica recensetur I. *infidelitas*, seu error eorum, qui plane alienam a christiana religionem profitentur; quales sunt 1) Judæi, 2) Saraceni, 3) Pagani; quos omnes, utpote ecclesiam per baptismum haud ingressos, neque ejusdem jurisdictioni, nec proinde legibus poenisve ecclesiasticis obnoxios esse, nemo nescit. Unde 1) directe ad fidem christianam amplectendam cogi nequeunt; nec religionis causa molestia quacunque sunt afficiendi (a): neque 2) eorum liberi, nisi fors in numero sint mancipiorum, invitis eripi, nec per baptismum, nisi ipsi liberi rationis compotes id velint, introduci in ecclesiam possunt; neque 3) causæ eorum matrimoniales, aliæque in foro ecclesiastico disceptantur. Cetera 4) Judæis tolerantia

K k 3

etiam

(a) C. 3. et 5. Dist. 45. c. 9. de Judæis, Saracenis.

etiam jure canonico (b) conceditur; ea tamen lege, ut tolerantia isthæc aut commercium cum iisdem in Religionis christianæ præjudicium non cedat. Quod idem leges etiam germanicæ (c) cavent.

*) Per baptismum liberi, et mancipia infidelium a potestate patria, et respective dominica eximi dicuntur (d). Quid cetera in Bavaria circa Judæos obtineat, vide *Annot. in Cod. civ. P. 5. c. 20. §. 2.*

II *Apostasia* generatim defectionem a priore vitæ instituto denotat: heic triplex ejusdem distinguitur species: nempe 1) *Apostasia a fide*, seu omnimoda fidei christianæ desertio, et ad religionem a christiana alienam, aut aliam falsam transitus, quam apostasiam *perfidicæ* dicunt; 2) apostasia ab *Ordine regulari* seu Ordinis religiosi post professionem absque animo redeundi facta relictio, quam apostasiam *obedientiæ* appellant; 3) apostasia *a statu clericali* seu post susceptos sacros ordines *) a statu clericali ad laicalem transitus, quam apostasiam *irregularitatis* vocant. Jam vero I. *apostatæ a fide* iisdem, quibus hæretici (de quibus mox) pœnis obnoxii sunt. II. *Apostatæ a regulari Ordine*, quem post professionem absque animo redeundi, et Superiorum facultate deserunt, excommunicationi subjacent: et si quidem religiosum habitum dimiserint, ipso facto

(b) C. 3. et 4. de Judæis.

(c) Ordinat. camer. A. 1535. P. II. tit. 2. Recess. Imp. A. 1544. §. 4.

(d) C. 1. 2. de Judæis etc. Cod. I. 1. tit. 10. c. *Christianum mancipium* etc.

facto eam incurrunt, atque ab ordinum in apostasia susceptorum executione suspensi sunt.

(e) **) III. *Apostatæ a statu clericali* post susceptos S. ordines dimisso habitu et tonsura ad habitum clericalem resumendum censuris sunt adigendi, infames redduntur, atque ab Episcopo tertio admoniti, nec emendati privilegio canonicis et fori exuuntur (f).

*) Minoribus solum initiatus a clero recedens nec apostata censetur, nec pœnæ obnoxius est; fori tamen, et canonis privilegio, utpote quod in clericali statu positus proprium est, deinceps frui nequit.

**) Neque vero excusat obtentus vel titulus invalidæ professionis: etenim, 1) qui ante causas suas Superiori aut Ordinario expositas habitum dimittit, nunquam deinceps auditur, et 2) qui ex capite metus professionem impugnat, post elapsam a professione religiosa quinquennium porro audiendus non est. *Trident. sess. 25. c. 29. de Regul.*

§. 806.

Hæresis est error voluntarius, quam homo baptizatus contra dogma in verbo Dei scripto traditove revelatum, et ab ecclesia definitum pertinaciter tenet; 1) *interna*, si mente retinetur, *externa*, si indiciis exterioribus proditur; 3) *formalis*, si error sit voluntarius, et pertinax; sin, *materialis*, neque proprio sensu hæresis. I. *Pœnæ a jure canonico* in hæreticos decretæ, quæ ad solam hæresin *formalem*, *externamque* pertinent, sunt 1) excommunicatio latæ sententiæ Pontifici reser-

K k 4

va-

(e) C. 3. ne Cleric. vel Monach. C. 3. de apostat.

(f) C. 3. et 5. de Apostat.

vata, 2) irregularitas, et inhabilitas ad dignitates, et beneficia ecclesiastica, (g) quæ se ex parte patris ad nepotes, ex parte matris ad filios extendit; 3) privatio beneficiorum, quam hæretici ipso facto, (h) eorum defensores post sententiam incurrunt; 4) privatio jurisdictionis ecclesiasticæ, et exercitii ordinum: (i) demum 5) privatio sepulturæ ecclesiasticæ, ita, ut eorum cadavera sepeliens excommunicationem incurrat, ante, quam tumulto illa eruerit, non absolvendus. (k) His accedunt II. *pœnæ temporales* partim canonico, partim civili jure statutæ, uti 1) infamia, 2) intestabilitas activa et passiva, 3) confiscatio bonorum, 4) pœna capitalis. (l)

*) In Germania tamen 1) toleratæ religionis consortes, aut ad eam transeuntes, in sensu juridico et politico hæretici non censentur, neque 2) in eos pœnæ temporales, immo nec spirituales quoad omnes effectus locum habent. (§. 381. 388. seq.) Item 3) toleratarum in Germania Religionum consortes leges publicas violant, et hæretificii, seu hæresificationis prohibitæ reos se reddunt, qui invidiosis et turpibus nominibus gentiles suos compellant, aut idolatriæ etiam, Antichristianismi crimina iis affingunt. *Cetera Cf. Annot. in Cod. civ. Bav. p. 5. c. 2. §. 4. et in Cod. crim. p. 1. c. 7. §. 5.*

§. 807.

(g) C. 15. de Hæretic. in 6.

(h) C. 9. de Hæretic.

(i) C. 15. eod. tit.

(k) C. 8. 19. 13. 15. de hæret. et c. 2. 8. 18. eod. in 6.

(l) C. 9. 13. 15. de hæret. et l. 4. 5. 8. de hæret. et Manich.

§. 807.

Schisma, seu malitiosus a corpore ecclesiæ secessus, unitatisquæ ecclesiasticæ dissolutio, est vel *purum*, vel cum *hæresi conjunctum*: I. hoc iisdem atque hæresis pœnis perstringitur. II. illud 1) excommunicatione Papæ reservata, 2) privatione tum beneficiorum, tum 3) jurisdictionis ecclesiasticæ multatur: denique 4) a schismaticis ordinari se passi ab ordinum exercitio sunt perpetuo suspensi. (m)

§. 808.

Religioni quoque, et sacrarum rerum venerationi insigniter repugnat *Simonia*, seu permutatio spiritualium cum temporalibus. At generali sensu etiam vetita spiritualium cum spiritualibus permutatio *Simonia* dicitur: unde *Simonia* generali sensu accepta, est profana rerum sacrarum æstimatio, *) aut prohibita de iis pactio, seu actus, quo sive 1) pro spiritualibus temporale, aut vicissim datur, accipiturve; sive 2) quo spiritualia etiam cum spiritualibus contra grave ecclesiæ præceptum in commercium adducuntur: prior illa simonia est *juris divini*, hæc *juris ecclesiastici*. Porro simonia alia dicitur 1) *mentalis*, quæ voluntate tantum concipitur, nec animum extra progreditur: ut, si quis per officii simulationem collatori spe beneficii ab eo impetrandi quidpiam offerat: alia est 2) *conventionalis*, seu in conventionem, et pactum deducta, *pure talis*,

K k 5

(m) C. 1. 2. de schism. et c. unic. eod. in 6.

talis, si ex neutra parte, *mixta*, si ex alterutra parte, *realis*, si ex utraque parte est completa, seu traditio secuta est. 3) *Confidentialis*, quasi fideicommissum super beneficio constitutum, est pactio circa beneficia, qua quis alteri beneficium resignat, procurat, confert ea lege, ut vel citra intervenientem legitimam auctoritatem pensio ex eo sibi alterique detur, vel ut hoc beneficium deinceps sibi, aut alteri designato cedat. Pro eo autem atque quis hoc pacto resignat, aut procurat alteri beneficium vel 1) solum sibi *oblatum*, vel 2) sibi *collatum* nondum tamen possessum, vel denique 3) actu *jam possessum*, simonia vel per *accessum*, vel per *ingressum*, vel per *regressum* (Cf. §. 580.) committi dicitur. (n)

*) *Simoniae malitia* in eo sita est, 1) quod spiritualia non sine Dei ignominia eodem cum profanis, et pecunia parabilibus loco habeat: 2) quod res sacras, quæ inopi æque ac potenti in promptu esse debent, quæstui, et quasi plus offerentibus exponat: 3) quod beneficia non pro meritis, sed pro pretio conferat; sicque 4) officia ecclesiæ non dignioribus, sed ditioribus, non sine ingenti ecclesiæ detrimento pateant; quod 5) sub ea crimen ambitus, sacrilegii, immo et hæresis latere pluribus sit visum: inde *simonia peculiare, execrabile flagitium, lepra spiritualis, capitale crimen, hæresis, et thesaurus criminum* in S. canonibus appellatur. Vid. c. 9 Gauss. I, q. 3. c. 6, 7, 11, 14, 16. Causa I, q. 1.

§. 809.

(n) De Simoniae initio, progressibus vid. Thomasin P. III. L. 1, c. 49. seqq.

§. 809.

In simonia *juris divini* occurrit 1) *res spiritualis*; vel ei adnexa, 2) *merx* temporalis, seu pretium simoniacum, 3) *pactum* dandi alteram pro altera. I. *Rei spiritualis* nomine heic intelliguntur 1) res sacræ, donaque supernaturalia, 2) sacramenta, 3) sacramentalia, 4) jurisdictio sacræ, 5) sacræ functiones, 6) beneficia, 7) professio religiosa etc. II. *Merx*, seu pretium simoniacum dicitur quidvis pretio estimabile; estque triplex 1) *munus a manu*, pecunia, aut quidquam ei æquipollens, 2) *munus a lingua*, commendatio, patrocinium etc.; 3) *munus ab obsequio*, quodvis obsequii genus æstimabile pretio ad consequendum spirituale præstitum. (o) III. *Pactum*, quo nomine heic venit 1) conventio quævis sive expressa, sive tacita, obligationem inducere tentans, 2) aut actus ita comparatus, ut animus alterum obligandi, aut etiam duntaxat movendi, ad dandum pro temporali spirituale, aut vicissim (p) intelligi, aut merito præsumi possit. *)

*) Nec contraria praxis, utpote legi divinæ nunquam prævalitura, minus variæ cavillationes, obtentus, aut involucria e. g. separatio temporalis a spirituali, distinctio inter motivum et pretium, prætextus gratuitæ remunerationis, redemptio vexæ etc. vitium purgant. (q) Immo nec *tituli* in speciem justî,

(o) C. 6. Causs. 8. q. 1. et c. 8. causs. 1. q. 3.

(p) Ex damnat. propos. ab Innoc. XI. A. 1679. num. 45. et 46. c. 34. de Sim.

(q) C. 7. causs. 1. q. 2. proposit. n. 22. ab Alexand. VII. damnata,

justi, nisi ecclesiae consensus, aut timoratorum praxis eodem justos probaverit firmaveritque, ab hoc vitio excusant. Porro *justus titulus* censetur e. g. titulus *sustentationis*, *legitimae* ac probatae *consuetudinis* circa honoraria occasione S. functionum fieri solita, jura stolae, missarum stipendia etc. Titulus autem *redimenda vexa* injustae saepius non justus titulus, sed pallium verae simoniae est. (r) Certe qui vexam redimit ejus, qui prodesse etiam potest, maxime, si de jure quaerendo agitur, a simoniae suspicionem, immo vitio excusari vix quiverit. Ita e. g. electus, aut praesentatus *jus ad rem* habens, qui dato temporali *jus plenum* acquirere, vexamque redimere conatus est, ecclesiam debuit (s) dimittere.

§. 810.

Paenae in simoniacos decretae I. fatentibus omnibus ad simoniam *realem*, et *confidentialem* sive *mixtam*, sive *completam* pertinent: juxta multos etiam ad *conventionalem* pure talem, et magis ad *mixtam* (t) sese exporrigunt: obtenant autem in tribus materiis. 1) in ingressu religionis, 2) collatione ordinum, 3) provisione beneficiorum. Porro simoniam committentes I. *circa ingressum*, aut *professionem religionis* personae singulares excommunicatione latae sententiae Pontifici reservata, Capitulum consentiens suspensione ab officio quoad actus capitulares, et jurisdictionis castigatur. (u)

(r) Cf. Van Espen J. E. un. P. II. tit. 30. c. 3. seq. ubi aliis simoniae palliationibus meminit.

(s) C. 20. et 23. de Simon.

(t) C. 5. caus. 1. q. 3. c. 1. 2. de sim, extr. comm.

(u) II. Propter simoniam in collatione ordinum commissam præter excommunicationem Papæ reservatam ordinans ab exercitio pontificalium, et collatione ordinum, ordinatus suspensione a receptis, et recipiendis ordinibus perstringuntur. (x) III. Ob simoniam in provisione beneficiorum per electionem, præsentationem, nominationem etc., præter excommunicationis pœnam in provisum, providentem, et omnes ad simoniam concurrentes decretam, item nullitatem provisionis insuper provisus ad hoc beneficium ipso jure, ad alia vero post sententiam fit inhabilis. (y) *) IV. confidentialem committentibus eædam, de quibus mox, pœnæ dictantur; Praelati autem ob hoc vitium ingressu in ecclesiam interdicuntur. (z) V. Simonia pure mentalis peccati quidem reatum inducit; at quum intus lateat, non judicem ecclesiasticum, sed solum Deum habet ultorem. C. 34, de Simon.

*) Simonix crimine, circa beneficia frequentiore, tenentur, 1) qui electionem vel collationem ad beneficia venalem faciunt; (a) 2) qui electoribus pecuniam aliudve promittunt, aut dant, ut hunc illumve eligant, 3) qui contradicentes, ut electioni à majori etiam parte factæ consentiant, pecunia de-

(u) C. 1. de Simon Extrav. comm.

(x) C. 2. eod. Extrav. et c. 37. 45. de Simon.

(y) C. 2. de Simon, Extrav. comm. c. 27. eod. tit. et c. 59. de elect.

(z) Constit. Pii IV. Romanum. A. 1564. et Pii V. Intolerabilis. A. 1569.

(a) C. 2. et 3. Caus. I. q. 3. c. 8. Caus. I. q. 1.

demulcent: (b) 4) qui vel in templi fabricam vel in familiæ aut monasterij usus, ut eorum opibus beneficiis potiantur, eleemosynas tribuunt: (c) 3) qui præbendæ cedunt, ut certam pecuniam adipiscantur: (d) 6) Patroni, qui a præsentatis novos vel majores census stipulantur, vel qui patronis eos offerunt. (e) 7) Quodsi tertius etiam ad id haud constitutus simoniacè alteri procurat beneficium, tum a) siquidem ille id faciat in fraudem, ut ita detecto vitio provisos fiat inhabilis provisio erit valida; b) si fraus quidem absit, et providendus malum conatum non ignorans: contra eum protestetur, provisio tamen nulla est, a beneficium sic procuratum Superioribus de hoc non præmonitis acceptet: c) si providendus molitionem simoniacam tertii ignoret, et expresse contra omne vitium fors latens protestetur, provisio erit valida; si non protestetur, verosimiliter est invalida. (f)

**) Quod ad *dispensationem* et *absolutionem* in hac re adinet, simoniam inter et poenas in eam constitutas distinguere necesse est. 1) Simonia jure divino prohibita dispensationem haud admittit, neque unquam licita esse potest. 2) In poenis contra, ut que ex jure duntaxat ecclesiastico descendant, item in simonia juris ecclesiastici dispensationis gratiam vix unquam antehac datam, urgente necessitate largiendam esse, Urbanus II. constituit. (g) Et 3) Episcopus quidem dispensare poterit cum eo, qui beneficium simplex per simoniam tertii adeptus est, criminis plane inscius. (h) Alias 4) dispensationem

(b) C. 27 et 23. de simon.

(c) C. 9. Causs. I. q. 3. c. 27. Causs. I. q. 1.

(d) C. 5. de rer. permutat.

(e) C. 15. de Censib. c. 6. de pactis.

(f) C. 27 33 de simon. c. 2. eod. extrav. comm.

(g) Synod. Rom. A. 1099. apud Grat. c. 2. Causs. I. q. 5.

(h) C. ult. de Elect.

pensatio petenda Romæ est in foro externo a Dataria, ubi ad eam obtinendam fructuum perceptorum facienda est mentio: in foro interno a Pœnitentiaria dispensatio petenda, quam vulgo non nisi fructibus restitutis concedi ferunt. In utraque dimitti beneficium a supplice debet; et in Dataria ordinario, in Pœnitentiaria contra Confessario nova institutio committitur. *Conradus Pyrrhus Prax. Dispensat. L. 5. c. 10.*

§. 811.

Inter crimina Religioni proxime et maxime adversantia, de quibus Jus nostrum agit, imprimis memoranda I. *Blasphemia verbalis vel realis*, dictum vel factum contumeliosum in Deum, seu injuria in Deum, quæ vel *immediate* in eum conjicitur, vel *mediate* indirecte, aut per personam interpositam in Deum redundat. Hujus proin criminis rei censentur, 1) qui per Deum, per Christum, per Sacramenta execrantur, aliaque mysteria ad scurriles jocos applicant; præsertim 2) qui in Deum, in S. mysteria, in B. V. Mariam, in Sanctos injurias eructant, aut factis, picturis, aliisque modis contumelia eos afficiunt. *Pœna in blasphemos* a) clericos depositio ab officio, b) in laicos excommunicatio jure canonico, (i) et jure civili (k) ultima etiam supplicia decernuntur. Ad blasphemiam referri quodammodo potest II. *Perjurium*, seu iniqua violatio juramenti rite præstiti, et *Pejeratio*, sive juratum mendacium, quo Deus in falsitatis cogni-

(i) C. 10. Causs. 23. q. 1.

(k) Novell. 77. c. 1.

cognitæ testem vocatur. III. *Divinatio*, *Necromantia*, *Astrologia judiciaria*, seu divinatoria, *Sortilegia*, queis quis res incognitas vel expressa petitione opis a demone cupit explorare, vel ex astrorum situ, aut per actus et signa, nec a Deo, nec a natura ad hoc instituta aptave, eruere occulta, aut prædicere libere futura conatur: cujus criminis reus clericus a mysterio altaris suspendi, aut deponi jubetur; laicus communione fidelium privari. (l) *)

*) Huc revocari solent superstitiones aliæ, in quibus non nisi a demone expectari auxilium potest; quo refertur inprimis *Magia diabolica*, seu facultas, aut studium efficiendi mirabilia ope demonis, et quidem vi *pacti expressi*; saltem si magia proprio, ac vulgari sensu accepta intelligatur. *Magia* rursus vel *benefica* dicitur, vel *malefica*, prout ad obsequia homini grata præstanda, vel ad nocendum homini pertinet. (m) *Magiæ* criminis jus civile (n) poenam capitis; jus canonicum (o) excommunicationis poenam dictat. At vero *magia possibilitatem* aliqui, plures *existentiam* (p) plerique omnes saltem jactatam olim negant *frequentiam*: id quod iudices aliosque cunctos esse jubet, ne in hac re ad credendum, nedum ad condemn-

nan-

(l) C. 4. et 9. Causs. XXVI. q. 5. c. 1. Causs. ead. q. 3. et 4. et c. 15. Causs. ead. q. 7. c. 1. 2. de Sortileg.

(m) Species ejus quasdam recenset Paul. de Riegger Inst. J. Eccl. Tom. IV. §. 401. seqq.

(n) L. 6. Cod. de Maleficis et Mathematicis.

(o) C. 4. 11. Causs. 26. q. 5.

(p) Cf. Paul de Riegger Inst. Jur. Eccl. Tom. IV. §. 408. seqq.

namque, vel puniendum sint faciles. Quodsi tamen reapse inveniantur homines, qui dæmonis opem ad patranda mira, aut nocendum hominibus implorant; saltem impius hic conatus, licet etiam vanus, pœna utique dignus foret. Sed enim hunc quoque conatum fatentibus non statim certa habenda fides, et videndum probe, ne phantasie corruptio, animique, aut corporis morbus crimini detur.

§. 812.

Cetera delicta, de quibus jus canonicum eminit, quæque ad secundam Decalogi tabulam *) pertinent, hoc ordine quam brevissime recensebimus; nempe I. delicta, quæ proximis quoad *vitam*, et corporis incolumitatem; II. ea, quibus quoad *famam* maxime honorem: III. illa, quæ quoad *bona et fortunas* læditur: demum IV. crimina *carnis* feremus. **)

*) Quidam S. Juris interpretes delicta in Jure canonico relata juxta decalogum distribuunt. Quum ergo hucusque de delictis, primæ decalogi tabulæ adversis, actum sit, nunc de iis, quæ contra secundam tabulam admittuntur, strictim dicendum.

**) Jus ecclesiasticum speciatim etiam meminit de delictis clericorum, e. g. titulis: de *Clerico venatore*, *percussore*, de *Clerico excommunicato*, *deposito*, aut *interdicto ministrante*, de *Clerico non ordinato ministrante*, de *Clerico per saltum promotum*, de eo, qui *furtive ordines suscepit*, de *excessibus Prælatorum*, et *subditorum*. At de his jam per decursum, quantum quidem necesse videbatur, actum a nobis est. Porro

§. 813.

Ad delicta, quæ I. proximus quoad *vitam* corporisque *incolumitatem* læditur, pertinent

I.

I. Homicidium, quod in a) *dolosum*, et b) *culposum* dividitur. 1) Illius rei sunt, qui dolo directo, seu indirecto (q), consilio, ope, mandato, dicto falso testimonio etc. alicui vitam eripiunt: 2) *culposum* homicidium admittunt, qui rem illicitam proximi vitæ periculosam mandant, agunt, aut in re licita periculosa absque debita cautione versantur (r). Pœna in justis imo Comes justis homicidii est irregularitas. (§. 409. et seq.) Homicidii qualificati species sunt: **II. Parricidium**, quod in ascendentes et descendentes committitur, *Infanticidium*, cædes liberorum, quod variis jure nostro pœnis afficitur (s). Eodem refertur **III. Procuratio abortus** et sterilitatis. Porro præter alias pœnas in hoc flagitium constitutas (t), qui foetum *vivum* expulerit, fit irregularis, ac inhabilis ad officia, et beneficia; estque ipso facto excommunicatus: clericus ob id crimen dignitate clericali exui, et seculari curiæ tradi jubetur (u): **IV. Expositio infantum**, quæ, si fit cum periculo vitæ infantis conjuncta, pro homicidio habetur (x). **V. Torneamenta** seu pugnae periculosæ hominum ad ostentationem

(q) C. 18. de homicid.

(r) C. ult. de homicid. in 6. C. 50. 51. Dist. 50.
C. 7. 8. 15. de homicid.

(s) C. 19. dist. I. de poenit. c. 15. Causs. 23. q. 2.
c. 3. Dist. 56.

(t) C. 20. Causs. 2. q. 5. C. 5. 20. de homicid.

(u) Constit Sixti V. *Effrenatum*. et Greg. XIV.
Sedes apostolica.

(x) C. un. de Infant. et lang. exposit.

nem virium susceptæ sub pœna privationis sepulturæ ecclesiasticæ vetantur (y): in his alterum casu occidens homicidii pœnas luit: VI. *Duellum*, seu pugna duorum periculosa ex condito, certoque loco, et tempore designatis suscepta, *solenne*, publicumque, quod adhibitis certis ceremoniis, testibus seu secundantibus etc. fit; secus, *simplex* et privatum. Duellum 1) auctoritate privata susceptum omni jure prohibetur, et 2) ad id quovis modo concurrentes excommunicationis, ipsi duellantes infamiae insuper pœna plectuntur; 3) qui in duello alterum occidit, aut lethali vulnere sauciat, asyli privilegio non gaudet; 4) ex vulnere in eo accepto decedens, sepultura ecclesiastica privatur; 5) clericus in duello decertans fit infamis, et ab officio suspendendus, beneficio privandus, atque etiam deponendus est (z).

*) Huc revocatur item 1) *Autochiria*, seu actus omnis, quo quis mortis suæ causam temere præbet, seu necem sibi infert. *Autochiriæ* pœna est sepulturæ ecclesiasticæ, et precum ecclesiæ post mortem privatio. (a). 2) *Mutilatio* sui, aut alterius, qua quis sibi vel alteri membrum truncat, aut amputat, quæ irregularitatem inducit. (b)

Ll 2

§. 814.

(y) C. 1. 2. de torneament. c. unic. Extrav. Joan. XXII. eod.

(z) Trid. sess. 25. c. 19. de reform. constit Pii VI. *Ea, que etc* Benedicti XIV. *Detestabilem* c. unde cler. pugn.

(a) C. 12. Cause. 23. q. 3.

(b) C. 5. ne Cleric. vel Monach. c. 4. de Raptor. et Incend.

§. 814.

Delicta II. quæ fidem publicam, famamque honorem proximi inprimis lædunt; sunt I. *crimen falsi*, quod vel dicto, e. g. testimonio falso, vel facto circa mensuras, monetas etc.; vel scripto, fingendo, supponendo, corrumpendo scripturas, committitur; et tum infamiae, tum excommunicationis poena afficitur. Ad falsi crimen pertinet II. *perjurium*, et *perjeratio* (§. 811.); III. *calumnia*, qua falsa crimina cuiquam obijciuntur: his criminibus infamiae nota inuritur; IV. *collusio*, seu fraudulenta inter actorem et reum conventio (c); V. *injuria* seu læsio dolosa existimationis bonæ alterius, quæ quum facto vel verbis fieri possit, vel realis, vel verbalis est; et vulgo pro rerum personarumque adjunctis ex arbitrio iudicis punienda erit: huc pertinet VI. *famosus libellus* jure utroque (d) severissime vetitus.

§. 815.

Delicta III. quæ quoad bona et fortunas proximus læditur, sunt I. *furtum*, seu dolosa rerum alienarum contrectatio aut oblatio, lucri faciendi causa invito domino facta: quod delictum jure canonico infamiam, et irregularitatem inducit: clericus gravioris furti reus deponi, et non emendatus excommunicari jubetur; II. *rapina* seu rei alienæ per vim per-

(c) C. 7. de crim. falsi. c. 7. dist. 50 c. 2. de empt. c. 1. de calumn. c. 3. de collus. deteg.

(d) L. 7. Cod. Theod. de famos. libell. c. 1. 2. caus. 5. q. 1.

personæ illatam facta ablatio, III. *sacrilegium*, quo res sacra de loco sacro aufertur; IV. *incendii* crimen, quo dedita opera domibus aut agris subjicitur ignis. Atque haec crimina excommunicatione, et privatione sepulturae ecclesiasticae debent castigari (e). Item huc pertinent V. quaevis injusta proximi damnificatio; demum et VI. *usura* legibus canonicis civilibusque graviter prohibita. Porro usura sensu *vulgaris* intelligitur 1) vel *lucrum* ultra sortem mutuo datam pecuniam) praecise vi mutui perceptum; vel 2) *contractus* mutui, quo lucrum ultra sortem praecise vi mutui tanquam debitum explicite, vel implicite exigitur, imo vel intenditur. Unde usura est vel *formalis*, vel *palliata*, vel *mentalis* prout pacto explicito, aut sub specie solum alterius contractus, *) aut sola animi intentione simile lucrum, id est, quidpiam pretio aestimabile, quaeritur. I. *Pænae* usurariis jure canonico constituuntur: 1) infamia; 2) clerico hujus criminis reo suspensio, et deinceps non emendato depositio; 3) laico, donec satisficiat, excommunicatio; 4) privatio item sepulturae ecclesiasticae, et 5) intestabilitas activa, nisi ante mortem restituat (f) **) II. *Tituli* aliquid ultra sortem exigendi, qui proin ab usurae vitio excusant, assignantur: 1) lu-

Ll 3

crum

(e) C. 9. causa. 3. q. 5. c. 13. et c. 17. caus. 6. q. 1. c. 12. dist. 81. c. 10. de jud. c. 1. 2. 3. 5. de raptor. c. ult. de furt. c. 22. de sent. excomm.

(f) C. 2. caus. 3. q. 2. c. 1. caus. 14. q. 4. c. 37. de usur. c. 2. eod. in 6.

534 Sect. III. De judiciis, delictis, penis ecclesiasticis.
 crum cessans. 2) damnum emergens, 3) periculum sortis, addunt aliqui 4) statutum Principis. Atvero ut illi tituli vere ab usurae vitio excusent, a) damnum vere ex mutuo emergat, b) auctarium damno vel periculo majus non exigatur, nec c) mutuans statim post datum mutuum lucrum cessans sibi compensari petat.

*) Alio sensu *usura*, vel *foenus* dicitur res illa, quam creditor a debitore pro fortis (seu pecuniae alteri creditae) concessio usu exigit. Quo sensu accepta *usura moderata* non videtur absolute damnanda. Nam licet proximo in gravi necessitate constituto cui alio modo subveniri nequit, lege charitatis per *mutuum gratuitum* subvenire teneamur; extra hunc tamen casum mutuum usurarium, seu *contractus faenebris*, quo pro concessio pecuniae usu a debitore moderatum pretium exigitur, nec a) cum *naturali* aequitate, aut *charitate*, nec b) cum *S. scriptura*, nec c) cum *ecclesiae legibus*, nec d) cum *rei publicae* bono videtur pugnare. Et vero nec repugnat 1) ex *jure naturae*, aut ex natura rei; quid enim mali sit, pro concessio rei frugiferae usu moderatum sibi pretium pacisci? fertilem autem esse pecuniae usum, quis negare ausit? Neque ex *re aliena* creditor commodum capit; sed pro concessu *rei suae* usu pretium exigit; nam rei suae fructiferae et dominium et usum ea conditione alteri permittit, ut moderatum pretium eousque solvat, dum fortem reddit. 2) Nec repugnat *legi-charitatis*; cur etenim rei meae frugiferae usum alteri, nulla necessitate presso, teneam gratis permittere? 3) Non repugnat *scripturae*. Nam in L. V. per *judicialis* quidem praecipit, quod cum *synagoga* cessavit, foenerari fratri suo erat Hebraeis vetitum; at licebat foenerari alieno. (g) Novi testamenti (h) autem

(g) Deutr. XXIII. 19. 20.

(h) Luc. VI. 35.

tem textus; quos adversus hanc sententiam proferunt, ad officia charitatis, data occasione præstanda, pertinere, cuius eos pensiculatus consideranti patebit. 4) Reipublicæ autem bono adeo contractus scenebris non repugnat, ut commercia potius foveat, atque etiam, si solum legibus definitum auctarium, seu quinque pro centum floreni exigi pro moderata usura poterunt, multo efficacius utique erit populi rebus prospectum, quam si cuiusvis iudicio permittatur, ex titulo damni emergentis, lucri cessantis, periculi fortis, quæ cupidi homines semper exaggere solent, quidpiam ultra sortem exigere: idquod Auctores vulgo permissum asserere. Dein 5) Contractus scenebris eodem modo a mutuo gratuito differt, ut locatio a commodato: quemadmodum ergo non semper commodare gratis, sed usum rei pro pretio locare licet; ita et pro concessio usu pecuniæ, sane quam maxime fructiferæ, moderatum exigere pretium licebit. Unde 6) *Usurarum vetitarum* nomine intelliguntur a) *usura* exactio a pauperibus, quibus gratis mutuum dare gravis proxima necessitas, et charitatis lex jubet: aut b) *usura* exactæ, dum reapse gratuitum mutuum celebratum est. Item c) *usura* immoderatæ, mordentes, taxatam legibus summam excedentes, aut d) quoad *modum* exigendi iustitiæ charitatique repugnantes. e) *Usuræ illicitæ palliata*, que variis committuntur modis, e. g. 1) *pacto legis commissorio*, quo convenit, ut non soluto intra certum diem debito pigus creditori cedat. 2) *pacto retrovenditionis*, 3) *fictione sortis majoris*, 4) *determinatione* ejus, quod *interest* in casu moræ *antecedenter* ultra legitimas usuras facta, 5) *contractu Mohatra*, quo quis cuidam præsentem pecuniam quaerenti rem credito sed carius vendit, ea lege, ut a venditore vel per interpositam personam vilius præsentem tamen pecunia ematur, 6) *ductione in solutum* ab initio in stipulationem de-

ducta (i) etc. Vid. *Paul de Riegger Inst. J. Eccl. Part. IV. §. 482 — 510.*

- ***) Pœnæ isthæ nec omnes, nec ubique receptæ: in Germania potius hæc obtinent: 1) nullitas contractus usurarii, quoad partem excedentem tantum in Bâvaria, 2) amissio quartæ partis summæ capitalis, 3) pœnæ aliæ arbitrariæ. Reform. polit. Germ. A. 1548. tit. 17. §. 7. Ordin. politic. Bav. L. 2, tit. 1, et Cod. civ. p. 2. c. 3. §. 21. §. 816.

Postremo jus canonicum meminit etiam de *delictis carnis*, qualia sunt, 1) *adulteria*, 2) *incestus*, 3) *stuprum*, 4) *sodomia*, 5) *fornicatio*, 6) *concubinatus*: quorum castigatio foro seculari hodie pene uni reservata est. Aliqua tamen eorum, veluti adulteria, quandoque in ecclesia coram populo pœnam subire coguntur. Item jure can. (k) in adulterium, et incestum excommunicatio ferendæ, in raptum excommunicatio latae sententiæ decernitur. At de his vel meminisse plusquam satis.

U. I. O. G. D.

INDEX.

-
- (i) C. 7 de pignorib. c. 5. de emtion. L. 15. Cod. de usur. Ordin. polit. de Anno 1577.
 (k) C. 9. caus. 35. q. 2. Trid. sess. 24. de matrim. c. 6.

INDEX

NOMINUM ET VERBORUM.

Numerus sive n. subjectum notam indicat.

A bbates. Eorum prærogativæ et insignia . . .	320
Jura eorum et privilegia. 321. Cf. 413. n. et 677. n. 1.	
Insignia Pontificalia eis data.	320. n. 2
Ordines minores conferunt	321. et 413 n. 1.
Abbatum et Prælatorum S. R. I. jura præcipua, votum in comitiis imperii, et prædria ante S. R. I. comites. 322.	
Abbatum electio.	466. n.
in Bavaria	471. n. 3.
Abbatum Benedictio	496. n. 2.
Abbatum officia.	323.
et mores.	323. n.
Abbatissarum S. R. I. prærogativæ	322. n.
Abbatissarum electio.	476.
Abortus procurati poenæ	813.
Absolutio a censuris	796.
Academici gradus ex jure ecclesiastico tributi. 95. 112.	
Accessus in electione.	476. n. 2.
Acclamatio electionis modus	473. n. 1.
Accusatio. Accusantes civiliter furem clerici non fiunt irregulares	410.
Accusatio matrimonii a quo fieri possit	658.
Accusare quis generatim possit: modus accusationis, effectus	790.
Acolythorum constitutio et munus	44.
Acquisitio bonorum ecclesiasticorum per actus tum inter vivos tum mortis causa.	708. seq.
Actionis cessio alienationis prohibita species.	726.
Actor	734.

<i>Agere quis possit.</i>	743.
<i>Administratio bonorum ecclesiasticorum penes ecclesiae Rectores, Principes, Advocatos</i>	366. seqq.
<i>penes Curatores inferiores</i>	715.
<i>Administrationis modus</i>	366. n. 2 et 716. seq.
<i>Adoptio nuptiarum impedimentum.</i>	636. n. 2.
<i>Adulterium matrimonium impedit:</i>	635.
<i>vinculum matrimonii non solvit:</i>	661.
<i>divortii tamen perpetui causam præbet.</i>	663.
<i>Adulterii poenæ</i>	816.
<i>Advocatia ecclesiae suprema generatim:</i>	336.
<i>ratione Religionis:</i>	342.
<i>ratione personarum ecclesiasticarum</i>	348.
<i>ratione bonorum ecclesiasticorum</i>	368. n. 1.
<i>Advocatia suprema an sit fundamentum juris primarum precum.</i>	543.
<i>Advocatiæ ecclesiasticæ variæ species</i>	368.
<i>Advocatus supremus catholicæ ecclesiæ, imo et Protestanticæ est Caesar</i>	368. et 381.
<i>Advocatorum ecclesiasticorum genus multiplex, varia potestas et utilitas</i>	368.
<i>Advocati caussarum quales sint, qui advocati munere fungi possint.</i>	744.
<i>Aedificiorum ecclesiasticorum reparatio a quo, quorum sumtibus fiat?</i>	675.
<i>Aetas requisita ad parochiale beneficium.</i>	309.
<i>ad professionem religiosam.</i>	316. n. 2.
<i>ad ordines.</i>	410. n. 1. Cf 419. n. 1.
<i>ad Prælaturam eccles.</i>	469.
<i>ad Episcopatum.</i>	484. n. 2.
<i>ad sponsalia faciendas.</i>	641.
<i>Affinitas matrimonii impedimentum</i>	637.
<i>Agendi pro aliis jus in P. W. haut fundatum.</i>	404. n. 1.
<i>Alienatio bonorum ecclesiasticorum vulgo prohibita.</i>	718. seq.
<i>causæ et solennitates ad eam requisitæ.</i>	721. seq.
<i>Alienationis prohibitæ species</i>	723. seq.
<i>Alienationis prohibitæ poenæ, et reparatio</i>	728. seq.
<i>Altare quando execratur.</i>	679. n. 1.
<i>Altare</i>	

Altare inter et ecclesiam discrimen.	449. n. 3. 591. n. 1
Alternativa mensium	538.
Amicabilis compositio in causis inter potestatem sacram ac profanam dubiis	376.
Amicabilis compositio singularis causas Catholicos inter et Protestantes disceptatas definiendi modus.	401.
Amnestia quid	397.
terminus restituendorum ex capite Amnestiæ.	397.
Amortizationis Lex an aliquando justa	356.
in Bavaria qualis?	709. n.
Annatarum origo	173. n. 2.
genus quadruplex.	528.
non sunt simoniæ	ibid.
Annatas Pontifici solvendi modus	529.
Annus claustralis, seu strictæ residentiæ, carentiæ, fabricæ etc.	300.
Anni carentiæ, anni deserviti, anni gratiæ quid, quæ eorum indoles?	574
Annus decretorius normalis in P. W. constitutus.	185. n.
Anni normalis possessio non vim Regulæ, sed vim exceptionis habet.	386.
probanda est a subditis	390.
Annus normalis non ubivis receptus	391.
Annus luctus non ubique idem, nec receptus jure canonico.	667.
Apostolici canones	78.
Apostolicæ constitutiones apocryphæ	79.
Apostolorum requisitio pro appellatione.	775 n.
Apoczisiarii qui? an jurisdictione præditi?	227 n. 1.
Apostasia triplex. Pœnæ ejusdem.	805.
Apostata regularis num in bona paterna succedat.	395. n.
Appellatio quid, et quotuplex.	210. n. 2.
Appellatio ad Pontificem	ibid. et 774. n. 2.
Appellatio a quo, in quibus causis, ad quem, quomodo fieri debeat, qui ejus effectus	775. seq.
Arbitri voluntarii, et necessarii, qui et a quibus illi eligi possint: quæ eorum potestas, quid illa opere- tur, et qua Ratione cesset?	785.

- Archicancellariatus Archiepiscoporum Germaniæ ætas.* 263. n. 2.
Archidiaconorum origo: ampla eorum potestas subin restricta aut abolita. 282. seq.
Archidiaconissarum S. R. I. in causis ecclesiasticis Protestantium, et hos inter et Catholicos disceptatis jurisdictio. 385 et 400.
Archiepiscopi titulus quibus tributus. 242.
Archiepiscopi Germaniæ: eorum prærogativæ singulares. 263. seqq. Vid. Moguntinus, Trevirensis etc.
Archiepiscoporum jura: Vid. Metropolita.
Archipresbyteri cathedrales, et rurales: eorum origo, dignitas et officium. 280.
Arrestum seu arrestatio num sit citationis species. 748. n.
Arrestatio clerici in Bavaria quando obtineat. 443. n.
Arrha sponsalitia quid: et cui pereat. 623.
Arrogatio adoptiõ perfecta. 636. n. 4.
Ars critica. Ejus in jure eccl. necessitas. 74.
Regulæ ejus quædam. 74. n. 2.
Articuli, seu positiones probatoriales. 761. n. 2.
Astrologia judiciaria vetita. 811.
Asylum quid, et quotuplex. 687.
juris asyli origo. ibid. et seq.
ad quæ loca, ad quas personas se exporrigit. 690. seq.
moderatus ejus usus. 692.
causæ circa Asylum: et judex. 693.
Attentatum quando committat judex inferior. 776. n. 1.
Attestationes 762. Vid. Testes.
Avaritia clericos imprimis maculat. 429. seq.
Auditores Rotæ Romanæ quot, et qui. 733. n. 2.
Avisamenta Constantiensia. 174. n. 1.
Moguntina et Basileensia. ibid.
Augustana confessio. 181. n. 5.
Austregarum jus Capitulis competens. 302. n. 2.
Autochiria. 813. n. 1.
Autochirian sepultura ecclesiastica donandi. 683. n. 1.
Autodikia in causis Religionis non permissa in Imperio. 403.
Autonomia in S. R. Imperio haud permissa. 381. n. 2.

B.

- Baculum** pastorem cur non gerat Papa . 215. n. 1.
Banna nuptialia, seu Proclamationes nuptiarum. 647.
Baptismalis fons Parocho competit; . 310.
Parochialis laud certum indicium" . 684. n. 2.
Baptismales libri. . . 310. Cf. §. 653.
Baptismi abusus irregularitatem inducit. 409. n. 1.
Bajuvariorum Lex . . . 192. n. 2.
Basileensis concilii in Germania acceptatio. 174. n. 2. seq.
Bavarici juris principia, adinacula . 190. seq.
Bavarica Concordata . . . 194. seq.
Benedictio Abbatum . . . 496. n. 3.
benedictio ecclesie differt a consecratione. 676. n.
benedictio nuptiarum. 650.
Benedictiones ab Episcopo, et a Parocho peragendæ. 252. et 310.
Benedictus Monachorum Occidentis Pater. Benedictina
Regula Monachis præscripta. . 314. n. 1. 2.
Beneficii ecclesiastici notio, nomen, origo, requisita. 446. seq.
Beneficiorum species variz. . . 450. seq.
Beneficia regularia . . . 450. n. 1.
compatibilia, incompatibilia. . . 451.
Beneficiorum pluritas vetita . . . 451. n. 2.
Beneficiorum erectio; quæ ejus requisita. 452.
Beneficia vario modo vacant . . . 455.
vacantia solum dignioribus, canonice conferenda. 456 — 460.
Beneficia majora consequendi modus . 461. seq.
Beneficiorum minorum varia provisio . 497. seq.
Beneficiorum collatio libera vel necessaria. 498. seq.
institutio et installatio in beneficia, modus ejus. 499. et 514. seq.
Beneficiorum permutatio. . . 512.
Beneficiorum provisio papalis . . . 524. seq.
Beneficiorum reservationes: origo earum et progressus. 173. n.
Beneficia Pontifici vi Concordatorum reservata. 530. seq.
Regulæ Beneficiorum circa reservationes tenendæ. 531.

Bene-

Beneficiorum provisiones per primas preces. 540. seq.
Vid. preces prim.

Beneficiorum provisio ex jure devolutionis. 551. seq.

Beneficiorum per triennalem possessionem praescriptio. 557.

Beneficiis adnexae obligationes, officia, residentia laboriosa etc. 558. seq.

Beneficiorum fructus varii 572.

horum dominium et rectus usus 575. seq.

Beneficiorum renuntiatio et resignatio 580.

ejus requisita, regulae, effectus 581. seq.

Beneficiorum innovatio 586.

diminutio, dismembratio, unio. 587. seq.

unionis species. adjuncta, regulae, effectus. 592. seq.

Beneficiorum divisio, suppressio, extinctio. 598. seq.

Biennium a Canonicis servandum 300.

Bigamia vera, interpretativa, similitudinaria. 410. n.

Bigami non ordinandi ibid.

Blasphemiae verbalis, et realis poena. 811.

Blutzehe 700. 703. n. 2.

Bona ecclesiae necessaria. 353.

a Principe suppeditanda liberaliter 355.

bona ecclesiastica varii sunt generis 357.

in dominio societatis ecclesiasticae. 358.

subsunt alto rei publicae dominio. 362.

secularisatio eorum 363. seq.

bona ecclesiae feudalialia. 364.

bona ecclesiae num tributis obnoxia? 362 n. 2 et 365.

bonorum ecclesiasticorum administratio. 366. seq.

Vid. acquisitio, administratio, alienatio, immunitas,

bonorum eccl. divisio in quatuor partes. 448. 578.

Bona clericorum varia 572. seq.

bonorum horum dominium, superflua ad pias causas

impedenda ex justitia 575. seq.

Brevia apostolica 139. n.

Brevia eligibilitatis. 484. n. 4.

Breviatio Canonum Fulgentii, et breviarium Canonum Cresconii 87.

Brocardica unde dicta 94. n. 1.

<i>Bulle Pontificiae</i>	139. n. 142. n. 1.
<i>Bullarium</i>	105.
<i>Ejus auctoritas</i>	135.
<i>Burchardi Wormat. Decretorum collectio.</i>	94.

C.

<i>Caducitas</i> feudii ecclesiastici ob feloniam Praelati non obtinet.	364.
<i>caducitas</i> Emphyteuseos celeri solutione impeditur.	725. n. 2.
<i>Calibatus</i> clericorum unde? nulli juri repugnat.	432. n. 1. 2.
<i>Calendarii</i> ecclesiastici emendatio, Gregoriani receptio.	604. n. 2.
<i>Cancellaria</i> Apostolicae regulae	135.
quae receptae in Germania?	ibid. n. 2.
<i>Canones</i> Alemanicae ecclesiae veteris.	163. n. 2.
<i>Canones apostolici</i> : aetas eorum, numerus auctoritas.	78.
<i>Canonum</i> codices et collectiones	81 seq.
<i>Canonici</i> origo et nomen:	287. seq.
Canonici capitulares, domicellares, canonici in herbis, in floribus	291 n. 2.
<i>Canonicorum</i> vita communis, collegia, varium genus:	289. seq.
<i>Canonicorum</i> cathedralium jura sede vacante et plena.	293. seq.
munia, obligationes	298. seq.
dotes	301.
<i>Canonicorum</i> in Germania praerogativae.	302.
<i>Canonici</i> Protestantes in Germania.	303.
<i>Canoniam</i> inter et Praebendam distinctio.	291 n. 2.
<i>Canonista</i> celebriores. 114. n. 2. 116. n. 2. 117. n. 1.	119. n. 2.
<i>Canonizatio</i> Sanctorum Papae reservata.	213.
<i>Cantores</i> olim ordinati	44 n. 2.
cantoris canonici officium	298.
<i>Capella</i> unde dictae: varium eorum genus.	670. n. 2.
<i>Capellani</i> nomen, et officium.	670. n. 2.
Capel-	

<i>Cognatio naturalis, spiritualis, legalis impedit ma-</i> <i>trimonium</i>	636.
<i>Cohabitatio clericorum et mulierum</i>	431.
<i>Collatio beneficiorum libera, necessaria etc.</i>	497 seq.
<i>Collator beneficiorum ordinarius non papa.</i>	524.
<i>sed Episcopus</i>	500.
<i>Collectiones canonum ecclesiæ Orientis</i>	82 seq.
<i>Occidentis</i>	84.
<i>Germaniæ</i>	163. 167 seq.
<i>Coloniensis ecclesiæ prærogativæ</i>	267.
<i>Comitiolum S. R. I. jus in causis ecclesiasticis.</i>	401.
<i>Comitia Regum Francorum</i>	164.
<i>Commodatum in rebus ecclesiasticis.</i>	724.
<i>Competentiæ privilegium clericis datum</i>	440.
<i>Competentiæ judicis ex titulo generali</i>	787.
<i>ex speciali</i>	738.
<i>Compositio amicabile in causis dubiis</i>	376.
<i>in comitiis S. R. I.</i>	401.
<i>Compromissum in electione quid: quæ ejus requisita,</i> <i>et effectus</i>	477 seq.
<i>Compromissum in arbitros</i>	785.
<i>Concilium quoduplex, auctoritas eorum</i>	51. n. 1.
<i>usus in jure can.</i>	70.
<i>Concilia Germaniæ olim plura: ea habendi ratio.</i>	163 seq.
<i>Concilii Oecumenici convocatio cujus sit: jus præsi-</i> <i>dendi iis, et ea confirmandi</i>	205.
<i>Conclusio in causa</i>	768.
<i>Concordatum Calixtinum.</i>	171.
<i>Concordata Principum Francofordiensia et Aschaffen-</i> <i>burgensia</i>	174. n. 5 et 6.
<i>Concordata Germaniæ</i>	175.
<i>valida</i>	176.
<i>Concordatorum interpretatio</i>	177. 179. 531.
<i>præscriptio contra illa.</i>	178.
<i>Concubinas alentium clericorum poenæ</i>	431.
<i>Conditionis servilis impedimentum</i>	629.
<i>Conditio sponsalibus adjecta</i>	643 n. 1.
<i>Conditio matrimonio adposita.</i>	629. 643. n.
<i>Confessio Augustana.</i>	181. n. 1.
<i>Con-</i>	

Confessio judicialis, et extrajudicialis, ejus effectus.

761.

Confessio sacramentalis reipublicæ utilis . 334 n. 1.**Confirmatio electionis: ejus modus, .** 481 n. 2.

qua Pontifici competit per concordata. 527.

Congregationes Curiae Romanæ . 220 n. 2.**Congregationum Cardinalium declarationes.** 136.**Consanguinitatis impedimentum: ejus computatio.** 636.

n. 1 et 2.

Consensio thori 608.**Conscientia libertas et imperium** 17 n. 1.**Consecratio ecclesiarum: ejus minister, modus, effectus.**

676 seq.

Consecratio Episcopi quid, cui competat. 495.

tempus, adjuncta, ritus 495 n. 1.

effectus ejus. 496.

Consistorium Romanum publicum, privatum. 220 n. 1.**Constitutiones apostolicæ.** 79.**Constitutiones Imperiales.** 166 n. 1.

editæ a Goldasto. 167 n. 2.

Constitutiones Pontificum, usus earum in jure can. 71.**Consuetudo ecclesiastica; ejus requisita, et vis.** 152 seq.**Contractus generatim** 723.

et speciatim de rebus ecclesiæ 174 seq.

Contractus fanebris haud vetitus 815 n. 1.**Contractus Mobatræ prohibitus** 815 n. 1.**Contumacia quotuplex: ejus purgatio, vel poenæ.** 749.**Coronatio Imperatoris cui competat.** 263 n. 3.**Corpus Evangelicorum quid?** 402 n. 2.**Corpus juris canonici: ejus libri, et modus allegandi.**

103 n. 1. 2.

contenta 120.

auctoritas 121 seq.

Cresconii Breviarium 87.**Criminis impedimentum** 635.**Cruz Archiepiscopalis, et Patriarchalis** 248.**Cultus disparitas matrimonii, impedimentum.** 634.**Cumulatio actionum** 731. n. 2. 782.**Curia Romana congregationes.** 220 n. 2.

Curia Romana quid denotet . . . 533 n. 2.

D.

Dataria . . . 220 n. 1.

in quibus impedimentis possit dispensare. 625 n. 1.

Decanorum. Archipresbyterorum ruralium officium.

280. 285.

Decimæ. Species earum. . . 699 seq.

origo . . . 700 n. 3 et 701.

a quibus, cui solvendæ . . . 702 seq.

Immunitas a decimis . . . 705.

modus eas solvendi . . . 706.

causæ decimarum . . . 707.

Decimæ majores. . . 700 n. 2.

Decimæ novales . . . 704 n. 1 et 2.

Decimæ pontificiæ . . . 707 n. 3.

Decretales: cur multæ . . . 98.

Decretalium collectiones antegregorianæ . . . 99.

Decretalium collectio Gregorii IX. Bonifacii VIII.

Clementinæ, Extravagantes. . . 100 seq.

eas allegandi modus . . . 103 n. 3.

earum auctoritas . . . 124 et 129 seq.

Decretalista, Decretistæ maximi habiti . . . 115.

Decretum Gratiani. . . 95

eius allegandi modus . . . 95 n. 2.

nævi ejus . . . 96.

correctio . . . 97.

eius auctoritas . . . 123 128.

in prælectionibus publicis adhibitum . . . 112 n. 1.

Dedicatio ecclesiarum: ejus anniversarius. 678. n. 1. 2

Degradatio clerici . . . 802.

Delegatio. . . 735.

Delegati potestas . . . 741.

quomodo expiret. . . 742.

Delicta ecclesiastica, civilis, mixta. . . 803 seq.

Denuntiatio evangelica, judicialia . . . 791.

Denuntiationes matrimonii futuri . . . 647.

finis earum et modus . . . 647 n. 1 et 2.

De-

<i>Deposito clerici</i>	802
<i>Depositum: quantum ex eo obligetur ecclesia</i>	724 n. 2
<i>Deportus jus</i>	172 n. 1
<i>Devolutionis jus generatim</i>	209.
quoad beneficia	551.
ejus causa	552 seq.
quomodo exercendum	554
ejus ratio in Protestantium ecclesiis	556
<i>Diaconi</i>	44 n. 1
<i>Dictatus Gregorii VII</i>	94 n. 2
<i>Digniores necessario beneficiis, et dignitatibus eccl. præficiendi</i>	459 469 n. 1
<i>Dignitas ecclesiastica: quis in ea constitutus.</i>	297
<i>Dilatio legalis, judicialis, conventionalis.</i>	758 n. 1
<i>Diminutio beneficii per impositas pensiones, census etc.</i>	588
<i>Dimissoriales literæ quotuplices: a quo dari queant.</i>	415 n. 1 2
<i>Diæcesis quid olim, quid hodie denotet.</i>	238 239 n. 1
<i>Dionysii exigui collectio</i>	85
auctoritas ejus	86
quando recepta in Gallia	86 n. 1
<i>Disciplina ecclesiastica a quo determinanda.</i>	341 n. 1
<i>Dismembratio beneficii</i>	587 seq.
<i>Disparagia</i>	608 n. 3
<i>Dispensatio legis</i>	138 n. 4
<i>Dispensandi potestas Pontificis.</i>	208
Episcoporum	254 n. 2
<i>Dispensandi potestas in impedimentis cui competat.</i>	624
Dispensationes matrimoniales petendi causæ, modus.	625
<i>Distributiones quotidianæ</i>	299 n. 3. 573 n. 1
<i>Divisio beneficii,</i>	598
Episcopatum, Parochiarum	599 n. 1 2
<i>Divortium quoad thorum, et vinculum</i>	659
causæ divortii: Catholicorum de hoc, et Protes- tantium sententia	662
<i>Divortium infidelium conjugum uno ad fidem converso</i>	662.

<i>Divortii effectus varii</i>	664
<i>Domicellares Canonici</i>	291 n. 2
eorum admissio num licita	456 n. 1
<i>Dominium</i> bonorum ecclesiæ. Vid. <i>Bona ecclesiæ</i> .	
<i>Dominium</i> altum, eminens jus necessitatis.	362 n. 1
<i>Donatio</i> conventionalis; realis	711 n. 1
<i>Donatio</i> ecclesiæ fieri potest	358 n. 1
<i>Donatio</i> ecclesiæ facta est privilegiata	712
<i>Donatio</i> a Prælato facta an valeat.	724
<i>Dos</i> ecclesiæ constituenda	674
<i>Dotatio</i> ecclesiæ juris patronatus acquirendi modus.	506
<i>Duellum</i> vetitum : poenæ ejus	813

E.

<i>Ecclesia</i> pro cœtu fidelium accepta.	15
ecclesia a Christo fundata	22 seq.
completa ejus notio	47 et 324
ecclesia Christi imperio prædita, sacro.	24 40
Ecclesiæ systemata Protestantium.	46 n. 2
Ecclesia jus sacrorum quandoque denotat.	449 n. 2
	591 n. 1
Ecclesiastici imperii forma	48 seq.
<i>Ecclesiæ</i> , sive templa Christianorum : origo earum.	357 n. 1. 670 n. 1 2
<i>Ecclesiarum</i> exstructio, dotatio, reparatio.	668 seq.
<i>Ecclesiæ</i> consecratio, benedictio, execratio, pollutio.	676 seq.
Ecclesiæ exstructio juris simultanei pars.	673 n. 3
<i>Edictum</i> restitutorium	184 n. 2 n. 3
<i>Editio</i> instrumentorum	763
<i>Electio</i> Prælatorum : modus antiquus :	169 n. 1. 462
	seq.
<i>Electio</i> quid	466
<i>Eligere</i> quî possint, qui nequeant	467. 468
<i>Eligi</i> qui possint, nequeantve.	469
<i>Electio</i> nis præparatio	471
tempus, locus	472
	forma

forma triplex	472
<i>Electio</i> per scrutinium	475
per compromissum	477
<i>Electiōnis</i> effectus	480
<i>Electionis</i> confirmatio	481
Vide confirmatio.	
<i>Electiōnis</i> pontificiæ	169 n. 1
singularis modus	476 n. 3
<i>Eligibilitatis</i> Breve, seu Indultum	484 n. 4
<i>Emigratio</i> ob Religionem voluntaria et necessaria.	388
<i>Emigrantium</i> beneficia	389
<i>Emphyteusis</i> ecclesiasticæ concessio	725
<i>Emtio</i> , Venditio rerum ecclesiasticarum	725
<i>Encania</i>	678 n. 1. 2
<i>Episcopatus</i> ordo num valide conferatur nondum Presbytero.	420 n.
<i>Episcopi</i> Apostolorum successores	36 seq.
Potestatem habent proxime a Deo	37 n. 1
Protestantium de Episcopis sententia	37 n. 2
<i>Episcoporum</i> jura	249
ordinis.	252
status	253
jurisdictionis.	254
legis diocesanæ	255
<i>Episcopi</i> Papæ subordinati	37 236
<i>Episcoporum</i> confirmatio et consecratio	527 495 seq.
<i>Episcopi</i> dotes et obligationes	257
tituli Episcoporum	253 n. 1
<i>Episcopi</i> Germaniæ S. R. I. Principes	258 seq.
eorum Episcopalis potestatis exercitium suspensum in Protestantes	259 seq.
<i>Episcopi</i> Protestantici in Germania	262
<i>Episcopatus</i> Germaniæ	263 seq.
<i>Episcopi</i> titulares in partibus	374 seq.
<i>Episcopi</i> Germaniæ in territorio suo jurisdictionem in Protestantes exercent	384
<i>Erectio</i> beneficii: ejus requisita:	459
<i>Erroris</i> impedimentum	628
<i>Examen</i> ordinandorum triplex.	416

quomodo instituendum.	416 n. 1
<i>Examen testium</i>	769
<i>Exarcha</i>	239 249
<i>Exceptiones</i> dilatoriae, peremptoriae etc. quando proponendae	750
<i>Exclusiva</i> jus in electione Pontificis, Episcoporum etc.	349 n. 1
<i>Excommunicandi</i> potestas ecclesiae Praelatis competens.	28
<i>Excommunicatio</i> major, minor.	797 seq.
Vid. censura.	
<i>Excommunicatio</i> canonis	438 n. 1
<i>Excommunicatio</i> in Protestantes ob denegatos census, decimas	260
<i>Executio</i> principalis, subsidiaria etc.	771 seq.
<i>Exemptio</i> Regularium: ejus gradus varii	318
progressus	318 n. 1
restrictio et moderatus usus	319
<i>Exempti</i> quibus in casibus Episcopo subjecti.	319 n. 1
<i>Exercitium</i> Religionis in Germania vi P. W.	185 n. 1
	381 390
<i>Expectativa</i> beneficiorum vetitae,	456
<i>Expositio</i> infantum	813
<i>Extinctio</i> beneficiorum	598
<i>Exstructio</i> ecclesiarum	672 seq.
juris patronatus acquirendi modus	506
<i>Extravagantes</i> Joannis XXII. et communes.	103
auctoritas earum	126
<i>Extravagantes</i> : ad Regimen, et Execrabiles.	175 n. 5
Vid. Reservationes.	

F.

<i>Falsi</i> crimen	814
<i>Fama</i> quantum probet	759
<i>Fatalia</i> introducendae appellationis	775 n. 2
<i>Felonia</i> Praelati non nocet ecclesiae.	364 n. 3
<i>Ferias</i> et festos dies indicendi jus	604
<i>Fœda</i> ecclesiastica, an omnia sint oblata: obligationes ex feudo	364
	<i>Fœdi</i>

<i>Faudi</i> secularis capaces clerici.	364 n. 3
<i>Fidei</i> doctrinas definiendi jus penes solos ecclesiarum prepositos.	26 29 341
<i>Fideicommissa</i> quatenus detractio <i>n</i> i Trebellanicæ obnoxia.	711 n. 2 et 713
<i>Fides</i> bona vel mala præsertim in Præscriptione.	752 n. 2
<i>Fideijussio</i> a Prælato suscepta.	724
<i>Fines</i> utriusque potestatis circa Religionem.	340
personas.	346
bona.	355
causas ecclesiasticas.	370 seq.
<i>Fœdus</i> Schmalkaldicum.	181 n. 6
<i>Forma</i> Regiminis vide R.	
<i>Franciscani</i> a quarta pauperum exempti.	713 n. 3
<i>Fructus</i> varii beneficiorum.	572
<i>Fulgentii</i> Ferrandi collectio.	87
<i>Fundatio</i> beneficiorum juris patronatus acquirendi ratio.	506
<i>Furtum</i> : ejus poenæ ecclesiasticæ.	815

G.

<i>Generales</i> ordinum suffragio conciliari gaudent.	51
<i>Germanici</i> juris Principia.	159 seq.
Adminicula.	161
<i>Germania</i> concilia.	163 seq.
<i>Germania</i> canonum collectiones.	167 seq.
<i>Glosse</i> quid: auctoritas earum.	114 n. 1
<i>Glossatores</i> meliores.	114 n. 2
<i>Gradus</i> academici ex jure eccles.	95
<i>Gradus</i> affinitatis, consanguinitatis: eorum computatio.	636 n. 2. 673
<i>Gratiani</i> decretum vid. <i>Decretum</i> .	
Apologia.	96 n. 2
<i>Gregorii</i> VII. Dictatus.	94 n. 2
<i>Gregorii</i> IX. collectio <i>Decretalium</i> .	100

<i>Habitus clericorum qualis sit</i>	433
<i>Hadriani collectio ad Carolum M. missa.</i>	86 n. 1
<i>Hadriano oblata collectio.</i>	88
<i>Hæresis, ejus poenæ.</i>	806
<i>Hæresificatio vetita</i>	806 n. 1
<i>Hierarchia S. quotuplex.</i>	49
<i>membra ejus. m.</i>	50
<i>Hierologia in nuptiis</i>	650
<i>Historia in jure eccl. necessaria</i>	74 n. 1
<i>Historia legum eccles.</i>	77 seq.
<i>Historia litteraria juris eccl.</i>	106 seq.
<i>Homicidium</i>	813
<i>Honestas publicæ impedimentum</i>	667
<i>non agit retro</i>	637 n. 2
<i>Honestas clericorum in- et exterior.</i>	426 seq.
<i>Horas canonicas recitandi obligatio. 229 n. 1 et 560 n. 2</i>	
<i>Hypothecæ constitutio</i>	725 n. 4

I.

<i>Immissio in bona</i>	749
<i>Immunitas bonorum ecclesiasticorum</i>	365 445
<i>Immunitas personalis clericorum. 351 n. 1 2 441 seq.</i>	
<i>Immunitas a decimis solvendis, qui obtineatur.</i>	703
<i>Impedimenta matrimonii</i>	613
<i>statuere potest ecclesia.</i>	616 seq.
<i>et Princeps</i>	620
<i>an eis ligentur Protestantes</i>	622 n. 1
<i>dispensatio in iis</i>	622 seq.
<i>Impedimenta in specie impediencia.</i>	625
<i>et dirimentia</i>	627
<i>speciatim erroris</i>	628
<i>conditionis servilis, conditionis appositæ.</i>	629
<i>vis, metus, raptus.</i>	630 seq.
<i>voti, ordinis, ligaminis.</i>	632
<i>Impotentia, ætatis, cultus disparia.</i>	633 seq.
<i>Criminis.</i>	635
<i>Cognitionis naturalis, Spiritualis, legalis.</i>	636
<i>Affinitatis et honestatis publicæ</i>	637

clan-

idestinitatis	633
ans politicus non jus in sacra tenet.	20 seq.
circa sacra	338 seq.
ans quid possit	
a Religionem.	340 seq.
a personas ecclesiasticas.	346 seq.
a bona ecclesiastica	353
ium quid quoduplex. Vide Regimen.	6. 10
ium ecclesia penes quem sit J. N. 18.	19 seq.
	26 seq.
ecclesiae necessarium	17. 24
mum in suo ordine, mere sacrum.	40 326
ium politicum independens a sacro.	326
ium in conscientiam an repugnet	17 n. 1
entia impedimentum	633
lii crimen	815
um Pontificum eligibilitatis	484 n. 4
primas preces.	544
inquennale	544 n. 1. 624 n. 3
litas	804
atio beneficiorum ecclesiasticorum - ejus requisita.	586
arii modi	587
atio generalis, specialis	792 793
atio, electionis ratio	473 et 474
iere in beneficia, et institui quis possit.	518 seq.
itutionis requisita	517
atio authorisabilis	518
atio, verbalis, realis	519
lus ejus in Bavaria.	520
edendi jus	404 n. 3
icta possessoria	782 n. 3
ictum ecclesiasticum	800
n dicta constitutio.	181 n. 12
retatio concordatorum authentica judicialis.	177
ones ad ea rite interpretanda.	179 et 531
retatio Pacis Westph.	188
titia ordinationum	419
itura	169 n. 2

Episcoporum per annulum et baculum.	169 n.
	et 171 n. 1
decreta et pacta de eadem	170 et 171
verbalis, et realis beneficiatorum.	519 n.
<i>Irregularitas</i> varia	4
ex delicto	4
ex defectu	4
cessatio ejus, et dispensatio.	4
<i>Isidori Hispalensis</i> collectio canonum genuina.	
ei falso afficta	89 n.
<i>Isidori Mercatoris</i> collectio	
spuria	
in suspicionem adducta	
fraudis convicta	
<i>Itio in partes</i> : quando adsit	4
non sit per votum commune	403 n.
<i>Judæi</i> cur tolerantur	343 n.
<i>Judex</i> quis	7
ejus qualitates	7
— competentia	737 n.
— officium	739
ordinarii potestas.	7
<i>Judicis delegati</i> potestas	7
<i>Judicium eccl.</i> ejus species	
forma antiqua simplex.	731 n. 3.
ejus partes, tribunalia.	432
<i>Judicium eccl. criminale</i>	786
<i>Ivo Carnotensis.</i> Collectiones ejus	
<i>Juramentum.</i> ejus variæ species	
Requisita ejus, et effectus	
<i>Juramentum litis decisorium</i>	
<i>Juramentum calumniæ</i>	
<i>Juramentum</i> Episcoporum Papæ aut Metrop.	
præstandum.	256
<i>Jura collegialia</i> , et majestatica in systematis Pr.	
tantium	46
<i>Jura stola</i> Parochorum	
unde id nomen	
<i>Jurisdictio</i> quid	37 n. 1
	<i>Juri</i>

<i>tio Diocesana</i>	38	254
<i>naa est in Protestantes.</i>	259	seq.
<i>tio ecclesiastica Principum vi P. W.</i>	46	n. 1
		et 383
<i>ex jure territorii</i>		383
<i>ordinatur S. R. I. Archidicasteriis.</i>		385
<i>tio eccl. criminalis</i>	28	n. 2 et 786
<i>identia ecclesiastica</i>		57 seq.
<i>aria clericis, et laicis</i>		60 61
<i>da</i>		62
<i>identie ecclesiasticæ</i>		
<i>a. jus naturæ, Scriptura, traditionis.</i>	65	seq.
<i>nicula. Historia, Theologia.</i>		
<i>endi</i>		336
<i>le.</i>		73 seq.
<i>acri principum</i>		72
<i>niculum</i>		76 n. 2
<i>us juris civilis ad jus Eccl.</i>	133	seq.
<i>et circa sacra</i>		339
<i>identia historia literaria usque ad seculum XII.</i>		
		106 seq.
<i>usque ad sec. XVI</i>		111 seq.
<i>nc usque ad nos</i>		116
<i>endi in caussis Religionis.</i>	404	n. 2
<i>lesiasticum</i>		52
<i>o varia.</i>		53 seq.
<i>hæ.</i>		
<i>ui, novi, novissimi</i>		56
<i>ipia ejus</i>		63 seq.
<i>inacula</i>		73 seq.
<i>lesiasticum Germania. Principia ejus.</i>	159	seq.
<i>inacula</i>		162
<i>sesiasticum Bavaria. Principia ejus</i>	190	seq.
<i>inacula</i>		191
<i>idi in partes quando obtineat</i>	401	seq.
<i>recte exercetur per votum commune.</i>	402	
<i>lesiasticum naturale</i>	53	n. 1
<i>ercedendi</i>	404	n. 3
<i>justaticum circa sacra</i>	332	338
		circa

circa Religionem.	340
circa personas eccl.	346
circa bona eccl.	
circa caussas eccl.	
<i>Jus naturæ.</i> Principium juris Eccl.	
et Adminiculum	
<i>Jus reformandi</i> antiquum.	381
novum vi P. W. Statibus Imp.	
juri territorij nectitur.	
Principibus omnibus, et Episcopis saluum m	
habet vim Regulæ generalis.	
<i>Jus Regulæ</i>	172
<i>Jus spoli.</i>	172

L.

<i>Laici a clericis distincti</i>	49
quando admittuntur ad clericum accusandum.	
<i>Lancelloti</i> institutiones	103
<i>Laudum arbitrorum</i> , homologatum.	
<i>Legatos mittendi</i> jus pontificum	
<i>Legatorum pontificiorum</i> origo.	
— — varium olim genus.	227
— — hodiernorum genus triplex	
<i>Legatorum pontif.</i> jura, potestas antiqua.	
— — hodie restricta	234
— — jura intelligenda salvis Principum	
Episcoporum juribus	236
<i>Legata pia</i>	
<i>Legitima</i> juris nat. et civilis	608
<i>Legitimi filii</i> qui	654
<i>Legitimitas</i> natorum varia	654
<i>Lex.</i> Ejus materia, Requisita, Effectus, et Cess	
<i>Legum species</i> Rescripta, Privilegia, Consuet	139
<i>Lex amortizationis</i> vid. Amortizatio.	
<i>Lex diacesana.</i> Ejus jura Episcopalia	251

<i>Libellus</i> , quotuplex ejus contenta . . .	747
<i>Libertas conscientia</i>	17 n. 1
<i>Libertas Ecclesiae</i> Germ.	159 n. 1
<i>Librorum censura</i> ad quem pertineat . . .	342 n. 1
<i>Liga sacra</i>	184 2
<i>Linea consanguinitatis</i> recta, transversa . .	636 n. 1
<i>Litera dimissoria</i> . vid. D.	
<i>Litis contestatio</i> , species, requisita . . .	755 seq.
<i>Liturgia</i> S. ordinatio penes quem . . .	603
<i>Loca sacra</i> , Religiosa	668 seq.
<i>Locorum sacrorum immunitas</i> , jus Asyli.	686 seq.
<i>Locatio</i> , confluctio rerum eccl.	725
<i>Lubecensis</i> Episcopatus	262
<i>Lutherus</i> corpus jur. can. concremat. . .	116 n. 1

M.

<i>Magdeburgensis</i> Metropolis	263 n. 1
<i>Magia diabolica</i>	811 n. 1
<i>Mandatum Procuratoris</i> cum libera vi . .	745
<i>Martini Braccarensis</i> collectio	87 n. 1
<i>Matrimonium</i> quid sit	606
in quem finem ordinatum	607 610
<i>Matrimonium</i> ad <i>Morgengabam</i> , inæquale.	608 n. 2 3
<i>Matrimonii</i> Impedimenta. vide I.	
<i>Denuntiationes</i>	647
<i>Requisita</i> , ut valeat	649
— — ut liceat	659
<i>Conditiones</i> adjunctæ, e. g. de mutanda Religione.	
<i>Defectus</i>	656
<i>Indissolubilitas</i>	661
<i>Dissolutio</i>	662 seq.
<i>Matrimoniales</i> caussa	655 seq.
<i>Mendicantium</i> ordines	315
<i>Menses papales</i>	536
nec se exporrigunt ad omnia beneficia.	ib. n. 1
nec ubique sunt recepti	538
<i>Mensium</i> , papalium jus aliis etiam competit.	538 n. 2
in Bavaria	538 n. 3
	in

in ecclesiis Protestantium	538
<i>Methodus</i> , qua jus sacrum traditur.	62
hodie melior.	128
<i>Metropolitica</i> potestatis origo	
<i>Metropolita</i> Germaniæ	
<i>Metropolitaram</i> Jura antiqua	
jura hodierna	
jura honorifica, Crucis sibi præferendæ, et	
<i>Militia</i> clericos haud decet	
ea assumpta beneficium nondum vacat	429
<i>Moguntina</i> Ecclesiæ prærogativæ singulares.	264
<i>Monachi</i> , Vid. Regulares.	
<i>Monastici</i> status Origo	
— — Progressus	
— — Natura	
<i>Mortuarium</i>	255 n. 3 684
<i>Mutatio Religionis</i> in Germania	381
<i>Mutua</i> petitiones	
<i>Mutuum</i> a Prælato datur	
<i>Mutuum</i> an gratis semper dandum	

N.

<i>Natalium</i> defectum tollendi modi	654
<i>Negotiatio</i> clericis prohibita	430
<i>Nobilitas immediata</i> habet jus reformandi.	382
<i>Nobilitas mediata</i> non excludenda a Capitulis cat	302
<i>Nomocanones</i> quid	
<i>Nominandi</i> jus ad Beneficium	
<i>Nominatio</i> utilis	
<i>Novalia</i>	704
<i>Novi operis</i> Nuntiatio	748
<i>Novitii</i> renunciatio honorum quando valeat.	714
<i>Novitio</i> quis succedat	
<i>Nuntiatura</i> apostolica	230
lites de iisdem	230 n.
<i>Nunti</i>	

vide Legati.

secunda

O.

ones. Species earum	695
— Necessariæ, voluntariæ	697
ulæ de iis	697
io rescripta infirmat	144
antia ecclesiastica	157
is inspectio	759
societatis	15
les societatis	13 n. 1
beneficiis non imponenda	588
probandi cui incumbat	758
oratio	726 n. 4
ad Beneficium.	523
ia, varium eorum genus.	670 n. 1. 2
itio per saltum est valida	420 n. 1
itio, quid	412
tionis minister	414 seq.
copus proprius	415
— prævia.	416
— Tempus	417 seq.
— Interstitia	419
— Locus.	421
— Requisita	422 seq.
— Effectus	424 seq.
indorum qualitates.	422 seq.
es majores, minores.	44 et 412 n. 1
es Regulares	315 n. 1. 3
Equestres	315 n. 2
rugensis Episcopus.	262
ministratores ejus	267

<i>ax Westphalica. Historiæ ejus summa.</i>	184 n.
Capita ejus præcipua	155 n. 1
Instrumentum duplex	185
Validitas.	186
ensio ex acquisito beneficio	584 n. 3
ensionis genus triplex	588 n. 3 seq.
impositio ejus	589
imponi nequit beneficiis Germaniæ	537 n. 1
<i>remptoria exceptiones. Vide E.</i>	
rhorescentia judicis suspecti	736 n. 2
riurium, Pejeratio	811
rmutatio Beneficiorum.	522
rerum ecclesiæ	725
rsonatus ecclesiasticus	797
itorii cum possessorio cumulatio.	731 n. 2. 782
rus ecclesiæ caput	32. 33
rtii collectiones	83
cetum Regium	344 n. 2
- ecclesiasticum.	345 n. 1
ralitas votorum in solis Religionis causis resecta.	401 n. 1
a quotuplex	794
. latæ, vel ferendæ sententiæ	794 n. 2
clesiasticæ regulæ de iis	794 n. 3
itentia publica	801 n. 1
itentiaria	220 n. 2
spensat in impedimentis	625 n. 1. 4
utio templi	679 n. 2
ifex petri successor in primatu ordinis, et ju- dictionis	35
ifex Primas, Patriarcha, Metropolita etc.	216
ificis romani ceu Primatis electio	476 n. 3
Jura primigenia	198 seq. 202
Jura accidentaria	213 seq.
quantum hæc sint firma	214
Jura honorifica	215
Jura ex concordatis. Vide Annatæ, Confir- matio, Menses papales etc.	

<i>in ecclesiis Protestantium</i>	538 n. 2
<i>Methodus, qua jus sacrum traditur.</i>	62 n. 1
<i>hodie melior.</i>	118 n. 1
<i>Metropolitica potestatis origo</i>	247
<i>Metropolitæ Germaniæ</i>	263
<i>Metropolitæ Jura antiqua</i>	247
<i>jura hodierna</i>	247
<i>jura honorifica, Crucis sibi præferendæ, et pallii</i>	247
<i>Militia clericos haud decet</i>	429
<i>ea assumpta beneficium nondum vacat</i>	429 n. 1
<i>Moguntinæ Ecclesiæ prærogativæ singulares.</i>	263 et 264 seq.
<i>Monachi, Vid. Regulares.</i>	
<i>Monastici status Origo</i>	314
<i>— — Progressus</i>	315
<i>— — Natura</i>	316
<i>Mortuarium</i>	255 n. 3 684 n. 3
<i>Mutatio Religionis in Germania</i>	381 395
<i>Mutua petitiones</i>	779
<i>Mutuum a Prælato datur</i>	714
<i>Mutuum an gratis semper dandum</i>	818

N.

<i>Natalium defectum tollendi modi</i>	654 n. 1
<i>Negotiatio clericis prohibita</i>	430 n. 1
<i>Nobilitas immediata habet jus reformandi.</i>	382 n. 2
<i>Nobilitas mediata non excludenda a Capitulis cathed.</i>	302 n. 1
<i>Nomocanones quid</i>	210
<i>Nominandi jus ad Beneficium</i>	491
<i>Nominatio utilis</i>	523
<i>Novalia</i>	704 n. 1
<i>Novi operis Nuntiatio</i>	748 n. 3
<i>Noviti renuntiatio honorum quando valeat.</i>	714 n. 1
<i>Novitio quis succedat</i>	714
<i>Nuntiaturæ apostolicæ</i>	230 n. 1
<i>lites de iisdem</i>	230 n. 2. 3
<i>Nuntii</i>	

ii vide Legati.

ia secunda

Q.

tiones. Species earum	695
— Necessariæ, voluntariæ	697
regulæ de iis	697
ptio rescripta infirmat	144
rvantia ecclesiastica	157
aris inspectio	759
ia societatis	15
iales societatis	13 n. 1
a beneficiis non imponenda	588
probandi cui incumbat	758
gnoratio	726 n. 4
ad Beneficium.	523
oria, varium eorum genus.	670 n. 1. 2
natio per saltum est valida	420 n. 1
natio, quid	412
nationis minister	414 seq.
niscopus proprius	415
— — prævia.	416
— — Tempus	417 seq.
— — Interstitia	419
— — Locus	421
— — Requisita	422 seq.
— — Effectus	424 seq.
nandorum qualitates.	422 seq.
nes majores, minores.	44 et 412 n. 1
nes Regulares	315 n. 1. 3
Equestres	315 n. 2
brugensis Episcopus.	262
ministratores ejus	267



<i>instaurandi</i>	548 n. 1
<i>Effectus precum</i>	549
<i>Diploma precum primum</i>	643 n. 2
<i>Cessatio</i>	550
<i>Presbyteri</i>	45
<i>sunt Episcopi inferiores</i>	43 n. 3
<i>Jurisdictio eorum unde</i>	305 n. 2
<i>Presbyterium antiquum</i>	287
<i>Primas quis dicatur</i>	241
<i>Primatus quotuplex</i>	35 n. 1
<i>finis ejus</i>	32. 33
<i>a Rom. Pontificibus est exercitus.</i>	35 n. 3
<i>Primatus jura essentialia.</i>	203 seq.
<i>Primatus honoris</i>	215
<i>Primitiæ.</i>	698
<i>Princeps Vide Imperans.</i>	
<i>Privatio Beneficii</i>	802
<i>Privilegium quid, quotuplex</i>	147
<i>Privilegiarum effectus</i>	148
<i>Interpretatio.</i>	149
— <i>usus justus</i>	150
— <i>Exspiratio</i>	151
<i>Privilegia clericorum</i>	350 seq. 437 seq.
<i>canonis.</i>	438
<i>servitiorum</i>	439
<i>competentiæ.</i>	440
<i>fori</i>	441 seq.
<i>Probatio quid, quotuplex</i>	757
<i>Probationis tempus, locus</i>	758
<i>onus, cui incumbat</i>	758
<i>species variz per præsumptiones, confessionem,</i> <i>testes, instrumenta etc.</i>	759 seq.
<i>Processus quid</i>	730
— <i>Summarius</i>	780. 782
<i>Proclamationes nuptiarum</i>	647
<i>Procurator constitutio ejus, munus et doles.</i>	745
<i>Procuratio canonica</i>	255 n. 4

